

呈繳

萬病自療

醫藥顧問大全

陸清潔編輯 陸士壽校訂

第五冊

小兒科

總目

痘	喘	痰	驚	驚	初生諸病	初生諸病	痘
疹	病	嗽	風	驚	下	上	疹
頭	發	痛	黃	疳	疳	疳	頭
瀉	熱	疾	疳	疳	疳	疳	瀉
積	水	失	疳	疳	疳	疳	積
驚	風	血	疳	疳	疳	疳	驚
疳	疳	疳	疳	疳	疳	疳	疳
疳	疳	疳	疳	疳	疳	疳	疳

世界書局

萬病自療

醫藥顧問大全

陸清潔編輯 陸士諤校訂

第 一 冊	第 二 冊	第 三 冊	第 四 冊	第 五 冊	第 六 冊	第 七 冊	第 八 冊	第 九 冊	第 十 冊	第 十 一 冊	第 十 二 冊	第 十 三 冊	第 十 四 冊	第 十 五 冊	第 十 六 冊
內科內傷病	內科外感病	婦人科	小兒科	小兒痧痘科	性病科	花柳科	皮膚科	急救科	戒煙科	產科	耳鼻喉科	眼科	齒科	齒科	齒科

世界書局印行



3 0472 8447 0

夏序

醫藥之有關係。便於居家之問津也。夫人無貴賤智愚賢不肖。孰能避免六淫之外侵七情之內傷。以及飲食起居。金刃蟲獸房室之被害。則災疢不能遠。而民衆醫藥。實處於重要之地位焉。嗚呼。昔之醫者。特奇守秘。不經示人。其於著述。亦驚高立異。但求逞己。人民之疾苦。必叩戶搶援。預防之方法。非習俗所知。故擇僅傳於子孫。次僅傳於同輩。再次而及於呻吟之病夫。亦限於一時一地而已。夫病而治之。醫之事也。未病而圖之。上工之所為也。然則醫於臨診之外。倘亦益知指示社會以健康之徑乎。陸君精樹。秉承家學。早醫聲華。有鑒於此。輯成醫藥顧問大全一書。多二百萬言。折內外各科為十六門。每病分病源症狀變症療法諸證五項。方後復列方解一篇。意在貢獻於一般民衆。使不知醫者。無病時得圖覽。以充常識。有病時得參考。以供應急。不守秘。不立異。於是而其利溥。其惠厚。豈限於一時一地所可比擬哉。僕矜矜老矣。摩孺久荒。處此國粹淪亡之際。人心惶惑之時。意欲有為。力斷未逮。所願青年英秀之士。昌明提倡。豈徒然賜紙貴。春蠶人間。行看絕學重光。萬世攸賴。因樂而為之序。

中華民國二十三年十月應登夏短庭序於九步山館

丁序

吾國醫籍。自古迄今。可謂博且廣。多且繁矣。汗牛充棟。五車不能載也。金匱玉函。靈樞素問。其最著者。東垣子書。丹溪心法。最為佼佼者。其中或以辭意深蘊。而未得真解。或以論理淵博。而未切實用。然皆未足病也。往往選一日之

序

能誣他人之短。爾一得之長。爲獨有之說。應備萬言。說來頭頭是道。洋洋大觀。諸多端緒動聽。以爲可以駭俗子並未世者矣。而實不然。就其所言。猶非大言以惑人。飽詞以奉迎者也。願聽容深息之士。從覺其爲虛言而已。而固執驚鈍之人。則難免爲其所囿矣。然後以其所學而問世。所得而治病。莫不債事者幾希。又進論其下焉而不讀書不釋起者哉。夫醫雖小道。職掌司命。所關係者。至重且大。豈容一毫成見。徧於其間。雖然。論理周詳。立法精確。而可以爲後世模範。幸爲圭臬者。亦不爲少也。此固未可一極抹殺之耳。又在乎讀者之心領神會矣。吾友陸子清。好學士也。承家學之淵源。能實踐以克繩。所得者自廣。而所用者自異。早歲書聲。已博得聲滿表申。其年碩學。尤企望冀於將來。診餘閒暇。好握管爲文。會集數年之經驗。抒一己之偉論。俾有益於實用。將徵信於交茲。日積日進。彙爲成帙。名曰醫學顧問大全。眉目精明。層次井然。使人一覽瞭然。既無拮据聱牙之處。又絕辭煩意瑣之弊。將付剞劂。其尊翁士諱先生。徵序於余。囑語數言。用以爲介。將以俟後世之人讀是書者。得其所法。儻若所謂駭俗子並未世者。則予豈敢信。而陸子又未敢望焉。是爲序。

歲甲戌季秋中甸海上丁濟萬國於述魯山房之西廂

戴序

夫編纂醫籍。要以便利後學。深切實用爲大宗。近數年來。我國醫書之出版。如雨後春筍。不可勝計。究其內容。大都毫無精彩。不堪卒讀。更見夫近時醫刊。其標名。有所謂性病研究。花柳指南者。是尤失國醫之價值。貶醫籍之劣浪。吾深憾之。陸子清。秉家學之淵源。得長珍之真髓。所著醫書。皆切實用。不尚虛飾。庚午春。編輯萬病醫方大全。搜

羅之膏。蔚然大觀。予亦適被流狗咬傷。檢閱驗方與歷。特見奇效。予甚感之。且喜其有裨於民間疾病與醫藥自療。會傾其於國醫界有偉大之功。今復以所編醫藥顧問大全問世。內外各科咸備。每病必詳述病源。病狀。變症。療法。調養。各端。精心纂輯。約凡二百萬言。誠醫藥全書也。嗚呼。近世醫籍衆矣。然其中能有如斯書之切於實用。並便於後學者乎。雖曰有之。恐不若是之備也。然則此醫藥顧問大全一書。固宜人手一編。以資應用。吾謂醫家閱是書。不啻獲一良好之導師。民衆閱是書。不啻得一家庭之顧問。實醫界後學之津梁。社會人士之寶筏也。老子云。得其衷中。應運無窮。吾於是書亦云。是為序。

民國二十三年秋蕭達夫序于上海市國醫學會

贊序

我國醫學之發顯。於世界為最早。溯自堯黃以來。代有專家。而所著書籍。亦汗牛充棟。不能備述。顧醫理至深。立論者每多高瞻。神而明之。蓋亦難言。若求淺顯之書。而搜集各病之方。每借醫學之顧問者。實未多見。陸子清。醫學界之有心人也。特著醫藥顧問一書。舉凡內外各科診治之法。無不詳加闡述。用之為十六門。而每一病之病源。病狀。變症。療法。調養。五項。一一備舉。條清縷晰。且各附以方解一篇。其便於研討。實有獨到之處。昔人有言。為君子者。不可不知醫。因此可見。蓋人皆須具醫學常識。而是書一出。必將萬人爭購。即不知醫者。亦得有檢徑可尋。豈特有功醫界而已哉。余與陸丈士誼。為忘年交。同為上海市國醫公會。上海市國醫學會服務有年。備極君臣其哲嗣。家學傳。其來有自。今懸壺杭垣。願者令譽。行知本其所學。為國醫界爭光。是書特其發矇利試耳。是為序。

中華民國二十二年國慶後十日古曲阿贊芸生書於耕硯齋

俞序

陸君清源。性謹厚。工屬文。其尊翁士諱先生。爲青浦珠尚國名醫。精岐黃術。爲人治病。常切中病情。十全八九。又擅長文學。所著醫學南針。傳諸醫林。實天士靈胎後第一人。也。清源幼承庭訓。學有淵源。而於醫學造詣尤深。處方論病。廣博精進。深得其尊翁醫學之神髓。茲所編醫藥顧問大全一書。計二百萬言。分類一十六門。搜羅既富。選擇又精。而每方後。又有方解一篇。使學者從德溯流。一目了然。誠方書之最善者也。雖餘方之經驗可憑。病之變化不一。書之所及有限。心之所逮無窮。吾願清源。刻不一刻以廣惠醫林。且望讀是編者。心知其意。神而明之。變而通之。毋所謂小用則小效。大用則大效。無所不用則無所不效。其有功於世。豈有涯哉。

中華民國二十二年十月澄江俞同芳謹序

蔡序

謹云。君子集思廣益。蓋所以用智慮以達用也。醫藥爲生命所寄託。安能不求智慮之周。以達功用之宏大哉。然竊富室貴家。卒染法法。必廣集醫徒。會診於一堂。宜乎可收集思廣益之效。而可治之病無不治矣。庸知結果。適得其反。多有本不死之病症。竟談越醫藥而死者。此其故又安在。豈集思廣益。反足以爲害乎。夫披沙可以得金。爲沙中之有金也。未有求寶珠於魚目中者。然則聚眾醫於一堂。而可治之病症竟不治者。非集思廣益之害。蓋魚目中央

殊之遺也。欲以愈病。不亦難哉。余嘗論會診之弊有三。(一)醫與醫學。識不齊。意見難融洽也。(二)互相推諉。各不任咎也。(三)兼說紛沓。無人爲定採擇也。夫如是。宜乎難收廣益之效。而不免以性命探試醫藥矣。衆名醫以會診。其害尙如此。况貧病無力延醫。雖延醫而無從知醫之優劣哉。是以欲求集衆醫之精思。而廣醫藥之宏益。是尤難乎其難。吾友陸子清。爲海上名醫。士諱先生哲嗣。穎慧深思。殫精醫學。識者莫不傾其家學淵源。其來有自。而清儉。殊不以其學自備。於診務之暇。乃復勤搜古籍。博覽衆書。能融洽古今學術於一爐。而獨參以經驗巧思。於其間較其短長。定其去取。積久而成醫藥顧問一書。其書羅列內外各科。總則爲十六類。每病又列「病源」、「病狀」、「變症」、「療法」、「調養」五項。綱舉目張。秩序井然。所謂集醫藥之大成。無論知醫與不知醫者。苟一覽是書。靡不見病知源。因症識病。因病知方。無絲毫眩迷舛錯之弊。讀是書者。較之無力求醫。無識知醫。與夫衆名醫會診於一室者。乃爲之定去取。發擇焉。乃爲之負指導之責任焉。則其集思廣益之功用。詎不宏且偉耶。則其活人壽世之心。又詎不深且切耶。余喜其集思廣益而成是書。因推闡其旨趣如此。清儉與余有通家之好。余知其書將付剞劂。爰贅述數語於簡端。

民國二十三年十月廿一日雲陽蔡陸仙序於海上醫廬

汪序

清儉同志。英敏多才。國醫先進。陸士諱先生哲嗣也。幼承庭訓。家學淵源。宜乎頭角峥嵘。矯然特異。其編纂是書。都二百萬言。闢十寒暑。始成。屢讀功深。始能製也。伏而讀之。內外兼備。婦幼不遺。其於病理之敘述。推闡靡遺。而於診

斷治。則多發人所未發。屢屢乎摩仲聖之遺。務諸家而上之。用方分解。以明方藥效能。絕非摸棱。舛釘者所可比。特闢調養一門。俾病者於新愈時。知所避忌。其努力以發揮國醫功效。繼微備至。是開醫學之新紀元。尤足為本書生色。國醫當此存亡絕續之交。得是書而振起之。同道可藉作他山石。後進得奉為指南針。豈僅社會羣衆之顧問而已哉。

民國二十三年十月新安汪寄殿序於滬江醫寓

413.081
393

目次

總論	一
服藥須知	一
用藥須知	二
壽夭相須知	三
哺乳斷乳須知	四
醫理須知	六
要訣	七
望色要訣	八
聞聲要訣	一四
問證要訣	一五
切脈要訣	一五
總訣	一七
初生諸病證(上)	一九
一 總綱	一九
二 不啼類	二一
三 不乳類	二三

目次

四 眼不開類	二四
五 吐不止類	二五
六 不小便類	二六
七 不大便類	二七
八 大小便不通類	二七
九 肛門內合類	二八
一〇 噤口類	二九
一一 撮口類	三〇
一二 臍濕臍瘡類	三一
一三 臍突類	三一
一四 臍風類	三二
一五 天鈞類	三四
一六 內鈞類	三四
一七 盤腸氣痛類	三五
一八 結論	三六
一九 初生諸病證(上)	三九
各方淺解類	三九
初生諸病證(下)	五二

一 總綱	五二
二 目爛類	五三
三 懸癰類	五四
四 重顰類	五四
五 鵝口類	五五
六 吐舌類	五六
七 弄舌類	五六
八 重舌類	五七
九 木舌類	五八
一〇 喎乳類	五九
一一 夜啼類	六〇
一二 胎黃類	六〇
一三 胎赤類	六一
一四 赤遊風類	六二
一五 初生無皮類	六二
一六 結論	六三
一七 初生諸病證(下)	六四
各方淺解類	六四

驚風證……………七六

- 一 總綱……………七六
 - 二 急驚風類……………七七
 - 三 慢驚風類……………七八
 - 四 夾熱夾痰慢驚類……………七九
 - 五 慢脾風類……………八〇
 - 六 結論……………八一
 - 七 驚風證各方淺解類……………八二
- 咳嗽證……………九一
- 一 總綱……………九一
 - 二 肺寒咳嗽類……………九一
 - 三 肺熱咳嗽類……………九二
 - 四 食積咳嗽類……………九四
 - 五 風寒咳嗽類……………九五
 - 六 百日咳嗽(即頓咳)類……………九五
 - 七 肺風痰嗽(即肺炎)

類……………九八

- 八 結論……………九九
 - 九 咳嗽證各方淺解類……………九九
- 痰病證……………一〇〇
- 一 總綱……………一〇六
 - 二 燥痰類……………一〇六
 - 三 濕痰類……………一〇七
 - 四 結論……………一〇八
 - 五 痰病證各方淺解類……………一〇八
- 喘病證……………一一〇
- 一 總綱……………一一〇
 - 二 火熱喘急類……………一一〇
 - 三 風寒喘急類……………一一一
 - 四 痰飲喘急類……………一一二
 - 五 肺虛作喘類……………一一三
 - 六 馬脾風類……………一一三

七 結論……………一一四

- 八 喘病證各方淺解類……………一一五
- 感冒證……………一一九
- 一 總綱……………一一九
 - 二 傷風類……………一一九
 - 三 傷寒類……………一二一
 - 四 感冒夾食類……………一二一
 - 五 感冒夾熱類……………一二二
 - 六 感冒夾驚類……………一二三
 - 七 結論……………一二四
 - 八 感冒證各方淺解類……………一二五
- 瘟疫證……………一二五
- 一 總綱……………一二三
 - 二 瘟病類……………一二四
 - 三 風溫類……………一二四
 - 四 熱病類……………一二五

五	瘟疫類	一三六
六	痘癩疹痧類	一三七
七	結論	一三八
八	瘟疫證各方淺解類	一三九
暑病證		
一	總綱	一四七
二	中暑類	一四七
三	傷暑類	一四八
四	暑風類	一四八
五	暑厥類	一四九
六	結論	一五〇
七	暑病證各方淺解類	一五〇
霍亂證		
一	總綱	一五五
二	濕霍亂類	一五五
三	乾霍亂類	一五六

四	結論	一五八
五	霍亂證各方淺解類	一五八
痢疾證		
一	總綱	一六一
二	寒痢類	一六一
三	熱痢類	一六二
四	時痢類	一六三
五	噤口痢類	一六三
六	結論	一六四
七	痢疾證各方淺解類	一六六
黃疸證		
一	總綱	一七二
二	陽黃類	一七二
三	陰黃類	一七三
四	結論	一七三
五	黃疸證各方淺解類	一七三

瘧疾證		
一	總綱	一七六
二	寒瘧風瘧類	一七七
三	溫瘧類	一七八
四	食瘧類	一七九
五	瘧疾瘧飲類	一八〇
六	結論	一八〇
七	瘧疾證各方淺解類	一八一
發熱證		
一	總綱	一八九
二	表熱類	一八九
三	裏熱類	一九〇
四	虛熱類	一九〇
五	實熱類	一九一
六	結論	一九二
七	發熱證各方淺解類	一九二

頭痛證	一九二
一 總綱	一九六
二 風寒頭痛類	一九六
三 內熱頭痛類	一九六
四 結論	一九七
五 頭痛證各方淺解類	一九七
吐病證	一九九
一 總綱	一九九
二 傷乳吐類	一九九
三 傷食吐類	二〇〇
四 夾驚吐類	二〇一
五 痰飲吐類	二〇二
六 蟲吐類	二〇二
七 虛吐類	二〇三
八 實吐類	二〇四
九 寒吐類	二〇五

熱吐類	二〇六
一 總綱	二〇六
二 吐病證各方淺解類	二〇七
瀉病證	二一四
一 總綱	二一四
二 傷乳食瀉類	二一四
三 中寒瀉類	二一五
四 火瀉類	二一六
五 驚瀉類	二一七
六 脾寒瀉類	二一七
七 脾虛瀉類	二一八
八 殮瀉類	二一九
九 水瀉類	二二〇
一〇 結論	二二〇
一一 瀉病證各方淺解類	二二一
痢病證	二二七

總綱	二二七
一 陰痢類	二二七
二 陽痢類	二二八
三 驚痢類	二二八
四 痰痢類	二二九
五 食痢類	二三〇
六 風痢類	二三〇
七 結論	二三一
八 痢病證各方淺解類	二三一
汗病證	二三七
一 總綱	二三七
二 自汗類	二三七
三 盜汗類	二三八
四 結論	二三九
五 汗病證各方淺解類	二三九
失血證	二四一

一	總綱	二四一
二	衄血類	二四一
三	吐血類	二四二
四	便血類	二四三
五	溺血類	二四四
六	結論	二四四
七	失血證各方淺解類	二四五
水腫證		
一	總綱	二四九
二	風水腫類	二四九
三	濕水腫類	二五〇
四	風濕腫類	二五一
五	陽水類	二五一
六	陰水類	二五二
七	結論	二五三
八	水腫證各方淺解類	二五四

積滯證		
一	總綱	二六〇
二	乳滯類	二六〇
三	食滯類	二六一
四	結論	二六一
五	積滯證各方淺解類	二六一
癖疾證		
一	總綱	二六三
二	癖疾類	二六三
三	結論	二六四
四	癖疾證各方淺解類	二六四
腹脹證		
一	總綱	二六六
二	虛脹類	二六六
三	實脹類	二六七
四	結論	二六七

五 腹脹證各方淺解類		
..... 二六七		
腹痛證		
一	總綱	二七〇
二	食痛類	二七〇
三	寒痛類	二七一
四	蟲痛類	二七二
五	內食外寒腹痛類	二七三
六	結論	二七三
七	腹痛證各方淺解類	二七三
疝病證		
一	總綱	二七八
二	寒疝類	二七八
三	濕熱成寒疝類	二七九
四	胎疝類	二八〇
五	陰腫類	二八一
六	小腸氣類	二八二

七	結論	二八三
八	疳病證各方淺解類	二八三
淋病證		
一	總綱	二九〇
二	寒淋類	二九〇
三	熱淋類	二九一
四	石淋類	二九二
五	血淋類	二九三
六	結論	二九三
七	淋病證各方淺解類	二九三
疳病證		
一	總綱	二九八
二	脾疳類	二九九
三	肝疳類	三〇〇
四	心疳類	三〇一
五	肺疳類	三〇二

六	腎疳類	三〇三
七	疳瀉類	三〇四
八	疳腫脹類	三〇五
九	疳痢類	三〇五
一〇	疳湯類	三〇六
一一	疳熱類	三〇七
一二	腦疳類	三〇七
一三	眼疳類	三〇八
一四	鼻疳類	三一〇
一五	牙疳類	三一〇
一六	脊疳類	三一二
一七	蛔疳類	三一三
一八	無辜疳類	三一四
一九	丁奚疳類	三一四
二〇	疳露疳類	三一五
二一	結論	三一六
二二	疳病證各方淺解類	三一七

雜病證		
一	總綱	三四一
二	便秘結類	三四二
三	氣虛脫肛類	三四二
四	肛腫翻肛類	三四三
五	龜胸類	三四三
六	龜背類	三四四
七	五軟類	三四四
八	五鞭類	三四五
九	五遲類	三四六
一〇	鶴膝風類	三四六
一一	解顛類	三四七
一二	顛陷類	三四八
一三	顛填類	三四八
一四	中惡類	三四九
一五	結論	三四九
一六	雜病證各方淺解類	三四九

總論

服藥須知

一、勿輕服藥。初生之兒。未可輕藥。蓋無情草木。氣味不純。非嬌嫩者所宜也。凡有微疾。不用倉忙。但令乳母嚴戒油膩葷酒。能得乳汁清和。二三日間不藥自愈。

每見愚人。兒稍不伏。即忙延醫。練達者。或不致誤。疏略者。惟以通套驚風藥治之。此無事之中。生出有事。伐及無辜。病反致重。父母見其無效。是必更醫。卒無善手。相與任意猜度。曰風曰痰。曰驚。曰熱。前藥初服。後藥繼至。甚至日易數醫。各為臆說。陽九塵進。刻不容緩。嗟夫。藥性不同。見識各

異。嬌嫩腸胃。豈堪此無情惡味之擾。不必病能傷人。而藥亦可以死之矣。予每見不聽勸戒。雜藥妄投者。百無一救。哀哉。

二、藥餌之誤。小兒血氣未充。一生盛衰之基。全在幼時。此飲食之宜調。而藥餌尤當慎也。今舉世幼科。既不知此大本。又無的確明見。而惟苟完目前。故凡遇一病。無論寒熱虛實。但用海底兒法。而悉以散風消食清痰降火行滯利水之劑。總不出二十餘味。一套混用。謬稱穩當。何其誕也。夫有是病。而用是藥。則病受之。無是病。而用是藥。則元氣受之。小兒元氣幾何。能無陰受其損。而變生不測。此當今幼科之大病。而醫之不可輕

任者。正以此也。

又見有愛子

慮。而詢之庸流。

積。動以肥兒丸。

服。不知肥兒丸以苦寒之品。最敗元

陽。保和丸以消導之物。極傷胃氣。謂

其肥兒也。適足以瘦兒。謂其保和也。

適足以遠和耳。

即如抱龍丸之類。亦不可輕易展

用。予嘗見一富家之兒。每多痰氣。或

時驚叫。凡遇疾作。輒用此丸。一投而


愈。彼時以為神丹。如此者。不啻十餘

次。及其長也。則一無所知。呆然一癡

物而已。豈非暗損元神所致耶。

凡此尪伐之劑。最當慎用。故必有

真正火證疳熱。乃宜肥兒丸及寒涼



等劑。真正食積脹滿。乃宜保和丸及消導等劑。真正痰火喘急。乃宜抱龍丸及化痰等劑。即用此者。亦不過中劑。不可過分。倘不知此而徒以肥兒保和等名。乃欲藉為保障。不知小兒之元氣無多。病已傷之。而醫復伐之。其有不萎敗者鮮矣。

三、服藥時宜緩。小兒在五歲以內。服藥時至多一虛已足。不可太多。服時宜緩緩的。不可勿急。以小兒脾胃薄小。飲湯過多。一時不易消化。更兼哭叫。則氣往上逆。藥盡吐出。猶如未服。若緩緩而服。令其自願。則無傾吐之弊矣。

用藥須知

一、分量宜輕。小兒用藥。分量宜

輕。以其腸胃薄弱。消化不良。若攻病之藥太重。則傷及正氣。令兒不支。補正之藥太急。則氣機壅滯。變症百出。反不得力。但輕輕而投。則病去而正不傷。或正氣復而氣機不壅滯也。

二、用藥次序。藥之治病。各有所主。主治者君也。輔治者臣也。與君相反而助之者佐也。引經及治病之藥。至於病所者使也。如治寒用熱藥。則熱藥君也。凡溫熱之藥。皆輔君者臣也。然或熱藥之過甚而有害也。須少用寒涼之藥以監制之。使熱藥不至為害。此則所謂佐也。至於五臟六腑及病之所在。各須有引導之藥。使藥與病相遇。此則所謂使也。餘病推此。

三、相反諸藥

(1) 甘草反 大戟。芫花。甘遂。海藻。

(2) 烏頭反 半夏。栝蒌。貝母。白芨。白礞。

(3) 藜蘆反 人參。沙參。苦參。丹參。細辛。芍藥。

(4) 烏藥反 茴香。

四、諸藥畏忌歌。硫黃原是大中精。朴硝一見便相爭。水銀莫與磁霜見。狼毒最怕密陀僧。巴豆性烈最為上。偏與牽牛不順情。丁香莫與鬱金見。牙硝難合京三稜。川烏草烏不順厚。人參最怕五靈脂。官桂善能調氣。若逢石脂便相欺。大凡修合看順逆。炮燻或爆莫相依。

五、五味所禁。心病之兒。毋多食

苦。

肝病之兒。毋多食酸。

脾病之兒。毋多食甘。

肺病之兒。毋多食辛。

腎病之兒。毋多食鹹。

六、五臭所入 燥氣入肝。

腥氣入肺。

香氣入脾。

焦氣入心。

腐氣入腎。

七、五臟所欲 肝欲散。急食辛以

散之。以辛補之。以酸瀉之。

心欲軟。急食鹹以軟之。以鹹補之。

以甘瀉之。

脾欲緩。急食甘以緩之。以甘補之。

以苦瀉之。

肺欲收。急食酸以收之。以酸補之。

以辛瀉之。

腎欲堅。急食苦以堅之。以苦補之。

以鹹瀉之。

八、五臟所苦 肝苦急。急食甘以

緩之。

脾苦濕。急食苦以燥之。

心苦緩。急食酸以收之。

肺苦氣上。急食苦以泄之。

腎苦燥。急食辛以潤之。

九、五色所屬 青色屬肝。赤色

屬心。白色屬肺。黃色屬脾。黑

色屬腎。

一〇、五味所屬 酸味屬肝。苦

味屬心。辛味屬肺。甘味屬脾。

鹹味屬腎。

壽夭相須知

一、壽相 頭者諸陽之會。髓之海

也。凡兒頭角豐隆。氣海足也。背者五

臟六腑俞穴皆附於背脊。背下滿。臟

腑實也。

腹者水穀之海。腹皮寬厚。水穀盈

也。

目為肝竅。耳為腎竅。鼻為肺竅。口

為脾竅。七竅無缺。形象全矣。

故知肉實者脾足。筋強者肝足。骨

堅者腎足。不忘言笑者心足。不多啼

哭者肺足。哭聲聲連續者肺實。不久

眠睡者脾實。兼之腳健而壯。項長而

肥。囊小而黑。根極固也。

肌肉溫潤。營衛和也。腮妍如桃。髮

黑如漆。表氣實也。小便清長。大便滋

潤。裏氣薰也。

右皆壽相。其兒無病易養。

二、天相 諸陽皆起於頭。顛破項

軟者。陽衰於上。

諸陰皆起於足。踣小脚踳者。陰衰

於下。

鼻孔乾燥者。肺枯。

脣縮流津。脾冷髮稀者。血衰。

項軟者。天柱折。

青紫之筋。散見於面者。多病。

形枯色灰者。表虛。

瀉痢無時者。裏虛。

瘡疥啼哭。及多笑語者。皆陽火妄

動之候。

右皆天相。其兒多病難養。

三、聲相 凡聲音清亮者。壽。有回

音者。壽。哭聲澀者。病。散而無聲者。夭。

哺乳斷乳須知

一、哺乳法 小兒在胎之時。衝脈

運血以養之。及其產下。衝脈載血以

乳之。蓋乳爲血化。所以兒之脾胃。獨

與相合。其他皆非所宜。然乳能養兒。

亦能害兒。乳失其法。則最易致疾。哺

法亦然。詳列於左。

(1) 初產之婦。宜將兩乳放溫熱

淘米水內。揉洗良久。將乳擠出。乳

孔內有白絲數條。用手扯去。則小

兒易於吸食。大人亦可免乳疾。

(2) 兒生三日。宜養其穀神。用碎

米作湯。濃如乳酪。與兒三五許。數

令嘔之。三五日後。方可哺乳。

(3) 兒不肯吮乳。此有心熱。宜用

大蔥頭一個。切四片。用乳汁半盞

同蒸。分作四服。或用黃連二分煎

湯。灌兒數匙。

(4) 產母乳汁不足。或身體孱弱。

不可強使乳兒。須另僱乳婦乳之。

(5) 僱用乳婦。須擇其血氣旺盛。

骨肉停勻。肌膚細膩。性情溫和者。

若遇頭瘡髮少。緊唇耳聾。音啞。鼻

鼻。狐臭。癯瘦。身體疥癬。花柳梅毒。

及痢病氣嗽病者。概不宜用。

(6) 七情中動。六淫外感。乳汁應

之。兒飲此乳。立能致疾。

喜後之乳——令兒上氣癲狂。

涎喘生驚。

怒後之乳——令兒疝氣腹脹。

虛寒之乳——令兒便青欬嗽。

乳片不化。

積熱之乳——損兒肺氣。或嘔吐龜胸。面黃不食。

動氣之乳——令兒吐瀉腹脹。面色黃白。乳哺減少。夜啼嘔乳。

病後之乳——令兒骨蒸盜汗。嗔煎夜哭。虛羸諸疾。

痰壅之乳——令兒涎壅生驚。或成爛癩。

交合之乳——令兒身熱驚癇。嘔吐泄瀉。啼叫如鴉。

魘病之乳——令兒腹急泄瀉。胸背皆熱。夜啼肌瘦。如有積聚。

醉後之乳——令兒恍惚多驚。腹熱急痛。

浴後之乳——令兒成胃毒。赤

哺乳斷乳須知

白痢疾等證。

故七情中動者。須俟氣平後。擠去宿乳。然後乳之。六淫外感者。須調治平復。然後乳之。

(7)小兒怒啼未止。氣息未調。不可乳之。恐乳不得下。停滯胸膈。而成嘔吐。或作驚風。

(8)乳兒不宜太飽。轉致吐出。若乳來太猛。須先接去少許。然後乳之。若食後兒仍吐者。用米七粒燒黑。水半酒杯。乳半酒杯。煎至五分服。

(9)早起乳兒。須捏去宿乳。夜間乳兒。須起身坐定。抱兒餵之。

(10)乳母臥時。當以臂枕兒。令頭與乳平。恐乳填兒口鼻。氣不得出。

欲睡着時。即奪其乳。

二、斷乳法

(1)小兒當斷乳而不肯斷者。宜以畫眉膏。(藥舖中均有)候兒熟睡。濃抹兩眉上。醒來便不食乳。斷後漸與穀食。則無疳癯之患。

(2)小兒半歲以後。即當用陳米稀粥。時時與之。十月以後。漸與稠粥。以助中氣。自然易養少病。若哺之太早。則不勝穀氣。令兒頭面生瘡。愈而復發。身體羸弱。哺之太遲。則脾胃虛弱。平生多病。皆非所宜。
(3)小兒生後。產母無乳。而又無力僱乳母者。可用離核棗於飯上蒸熟。與兒食之。食至斤餘。便思飲食。再徐以米粉米粥之類餵哺。雖

無乳亦可生活。

(4)小兒腸胃脆薄。食物難化。凡一切稠黏乾硬。酸鹹甜辣。及一切魚肉水果。濕麪燒炙煨炒等。俱是發熱難化之物。皆宜禁絕。祇宜青菜白粥。非惟無病。且可養德。若惟務姑息。畏其啼哭。無所不與。積成痼疾。悔無及矣。

醫理須知

一、五臟所主 心主脈。肝主筋。脾主肌肉。肺主氣。腎主骨。

二、六淫主治 風淫於內。治以辛涼。佐以苦甘。以甘緩之。以辛散之。

熱淫於內。治以鹹寒。佐以甘苦。以酸收之。以苦發之。

濕淫於內。治以苦熱。佐以酸淡。以

苦燥之。以淡泄之。

火淫於內。治以鹹冷。佐以苦辛。以酸收之。以苦發之。

燥淫於內。治以苦溫。佐以甘辛。以苦瀉之。

寒淫於內。治以甘熱。佐以苦辛。以鹹瀉之。以辛潤之。以苦堅之。

三、十二經表裏 手少陰心與手太陽小腸為表裏。

手厥陰心包絡與手少陽三焦為表裏。

手太陰肺與手陽明大腸為表裏。

足太陰脾與足陽明胃為表裏。

足厥陰肝與足少陽膽為表裏。

足少陰腎與足太陽膀胱為表裏。

四、五行生尅 金生水。水生木。木

生火。火生土。土生金。

金尅木。木尅土。土尅水。水尅火。火尅金。

五、五臟生理 心—南方生熱。熱生火。火生苦。苦生心。心者君主之官。神明出焉。諸血皆屬於心。心藏神。心開竅於耳。心之合脈也。其榮色也。其主腎也。心合小腸。小腸者。受盛之府。

心在體為脈。在色為赤。在音為徵。在聲為笑。在變動為憂。在竅為舌。在味為苦。在志為喜。其液為汗。其榮為色。

其臭為焦。心惡熱。憂愁思慮則傷心。

肝—東方生風。風生木。木生酸。酸生肝。肝者將軍之官。謀慮出焉。諸筋皆屬於肝。肝藏魂。肝開竅於目。肝之

合筋也。其榮爪也。其主肺也。肝合膽。

膽者。中精之府。肝在體爲筋。在色爲蒼。在音爲角。在聲爲呼。在變動爲握。在竅爲目。在味爲酸。其液爲淚。其華在爪。其臭爲燥。肝惡風。悲怒氣逆則傷肝。

脾——中央生濕。濕生土。土生甘。甘生脾。脾者諫議之官。知周出焉。肌肉皆屬於脾。脾藏意。脾開竅於口。脾之合肉也。其榮唇也。其主肝也。脾合胃。胃者五穀之府。脾在體爲肉。在色爲黃。在音爲宮。在聲爲歌。在竅爲口。在味爲甘。在志爲思。在液爲涎。其榮爲唇。其臭香。脾惡濕。飲食勞倦則傷脾。脾——西方生燥。燥生金。金生辛。辛生肺。肺者相傳之官。治節出焉。諸氣皆屬於肺。肺藏魄。肺開竅於鼻。肺之

合皮也。其榮毛也。其主心也。肺合大腸。大腸者。傳導之府。肺在體爲皮毛。在色爲白。在音爲商。在聲爲哭。在變動爲欬。其竅爲鼻。在味爲辛。在志爲憂。在液爲涕。其榮爲毛。其臭爲腥。肺惡寒。形寒飲冷則傷肺。

腎——北方生寒。寒生水。水生鹹。鹹生腎。腎者作強之官。伎巧出焉。諸骨皆屬於腎。腎藏志。腎開竅於耳。又開竅於二陰。腎之合骨也。其榮髮也。其主脾也。腎合膀胱。膀胱者。津液之府。腎在體爲骨。在色爲黑。在音爲羽。在聲爲呻。在變動爲慄。在竅爲耳。在味爲鹹。在志爲恐。在液爲唾。其榮爲髮。其臭爲腐。腎惡燥。久坐濕地。強力入房則傷腎。

六天之六氣 風 寒 暑 濕
燥 火

七人之七情 喜 怒 哀 樂
悲 恐 驚

要訣

兒科一道。自古爲難。蓋以小兒形質柔脆。詞治少乖。則毫釐之失。遂致千里之謬。氣血尙未充盈。脈無定準。不可祇以脈爲主也。神識未發。茫然無知。口不知言。不能道其疾苦。故診小兒之病。惟憑察面部形色。識其因而生也。兼察三關。三關者。手虎口處。風氣命。三關也。當視脈紋形色。以診其屬寒屬熱。兼聽其聲。聽聲者。聽其五聲所主之病也。審其病情。審其安煩。苦欲飲食二便也。切其脈象。切脈

者。切脈之浮沉遲數。滑澀大小有力無力也。醫者誠能以四診參合表裏虛實寒熱之病。則可保萬全也。


望色要訣

一、察面要訣 小兒之病。先從面部氣色觀之。詳察五部之色。則五臟之病。自昭然可見矣。五部者。額屬心。頰屬腎。鼻屬脾。左腮屬肝。右腮屬肺也。五色者。青為肝色。赤為心色。黃為脾色。白為肺色。黑為腎色也。如面青主是驚風之證。面赤主大熱。面黃主傷脾傷食。面白主虛寒。面黑主痛。多是惡候。總之。五色明顯為新病。其證輕。濁晦為久病。其證重。

部色相生為順者。如脾病色黃。此正色也。若見紅色。乃火能生土。故為

順也。若見青色。乃木來尅土。故為逆也。餘病倣此。

第一圖 (面部部圖) (面部部圖)



若氣血充實。又遇部色相生。縱有外邪助病。亦易為治療。若久病氣血

虛弱。又遇部色相尅。則正氣不支。每難治療。如天庭青暗主驚風。紅主內熱。黑則不治。太陽青主驚風。青色入耳者死。印堂青主驚瀉。風池在眉下。氣池在眼下。二處青主驚風。紫多吐逆。兩眉青主吉。紅色主多煩熱。鼻赤主脾熱。鼻黑則死。唇赤主脾熱。白主脾寒。左腮發赤。主肝經有熱。右腮發赤。主肺熱痰盛。承漿青主驚。黃主吐。黑主抽搐。此皆察色之大要。再以脈證參之。庶治得其要矣。

二、察舌要訣 舌苔兩字。須要分看。舌是舌。苔是苔。舌以察原氣之衰盛。苔以察病狀之淺深。舌苔須分作三部看。舌尖屬上焦。舌心屬中焦。舌根屬下焦。此分看法也。薄苔為上焦。

稍厚爲中焦。最厚爲下焦。此合看法也。病之現於舌者。外感居多。學者苟能善悟。通一畢萬。應用自無窮也。

(1) 白苔 微白——風寒表邪也。

白潤——邪猶在表也。

白燥——表邪漸欲入裏。勢將化熱也。

滑白——表邪挾濕挾痰也。

白膩而垢——雖邪猶在表。胃濁上僭也。

(2) 黃苔 微黃——表邪入裏化熱也。

黃糙——邪熱漸有劫陰之象。

老黃無液——熱勢漸重。津液被劫。

黃潤——濕熱重也。

黃黑——熱勢大重。化原欲竭。

(3) 灰苔 微灰——表邪挾有濕熱之象。

老灰——濕熱較重。

凡見此苔。須問曾否啖過橄欖。

甘草瓜子。陳皮梅等。蓋舌有薄白

苔。往往經過此等食物。變爲深灰。

甚至變黑。如啖枇杷。舌苔作老黃

色。同一例也。倘泥於苔色。認爲病

象。率然處方。毫釐千里矣。

(4) 黑苔 黑潤——濕熱內蒸。

黑燥——傷寒陽明病。熱從火

化。津液燥乾。或有積糞。下後自瘥。

舌黑——此舌久病後得之。水

來尅火必死。

(5) 絳苔 微絳——熱邪漸逼傷營。

絳潤——熱雖逼營。津液尙充也。

絳燥——熱勢傷營。液回得生。液不回必死。

絳刺——營陰已竭。九死一生。

若起雪花苔。不出旬日即死。

(6) 紫苔 微紫——血熱。

深紫——熱勢深入。或挾溫毒

時邪。

(7) 舌刺 紅刺——諸苔中若

見紅刺。必內有伏熱。

紫刺——較紅刺爲甚。

黑刺——熱勢化火。或胃有熱

毒。

三、察眼要訣 目乃肝之竅。勇視而睛轉者風也。直視而睛不轉者肝氣將絕也。(夏禹鑄)

目之竅。五臟所屬。黑珠屬肝。純見黃色。凶證也。白珠屬肺。現青色。肝風侮肺也。淡黃色。脾有積滯也。老黃色。濕熱內蘊也。瞳人屬腎。無光彩。又兼發黃。腎氣虛也。大角屬大腸。破爛。肺有風也。小角屬小腸。破爛。心有熱也。上胞屬脾。腫則脾傷也。下胞屬胃。色青者。胃有風也。上下眼胞皆腫者。脾經風熱也。睡則露睛者。脾胃虛寒所致也。(夏禹鑄)

小兒目連劄者。肝有風也。(夏禹鑄)
小兒目無精光。及白睛多而黑睛

少者。肝腎不足也。(大全)

心主赤。目赤甚者。心實熱也。赤微者。心虛熱也。肝主青。目青甚者。肝熱也。淡青者。肝虛也。脾主黃。目黃甚者。脾熱也。淡黃者。脾虛也。(集成)

眼眶黑。主內有痰飲。眼眶青。主生驚厥。(大全)

目神短促而無光。瞻視無力而昏暗者。主病天。(大全)

目瞪者。膀胱絕也。或有痰涎內擾致之。若目睛稍定。暫時轉動者。亦屬痰。(大全)

目屬肝。肝氣實則眇乾硬。肝氣虛則眇膠黏。寒傷肝則淚冷。熱傷肝則淚熱。(楊厲子)

赤脈貫瞳。火乘木位。治宜瀉心補

腎。(指南)

凡病者兩目皆有黃色起者。其病易愈。(集成)

目色赤者。心實熱。淡紅者。心虛熱。青者。肝實熱。淡青者。肝虛熱。黃者。脾實熱。微黃者。脾虛熱。白而混者。肺實熱。目無精光者。腎虛也。(錢仲揚)

驚癇發搐。男則目左視無聲。右視有聲。女則目右視無聲。左視有聲。相勝故也。(錢仲揚)

凡病者。至危時。必察兩目。故經曰。視其目色。以知病之存亡也。(世補齋)

仲聖云。目中不了了。睛不和。睛不和者。神昏如醉也。無表裏證。大便秘。身微熱者。此為實也。宜急下之。(世

補齋)

小兒眼睛珠黑光滿輪者。主壽。雖有疾病。亦易痊愈。若白珠多而黑珠昏朦。睛珠或黃或小者。主災患。(集成)

小兒目直視者熱甚。(集成)

白膜遮睛者成疳。(集成)

其病時。或目開不合。或目合不開。或突而無淚。或不哭而淚出者。俱為肝絕。死不治。(集成)

閉目見人者。屬陽閉。目不欲見人者。為陰。(大全)

目忽不明者。脫陰脫血也。目睛定而不轉者。危候也。(周子蕃)

按五臟六腑之精氣。皆上注於目。而為之精。精聚則神全。所以能視萬

望 色 要 訣

物別白黑。審短長。故命之壽夭。病之衰盛。其眸之俱莫能掩。故察眼法。為審病之至要訣竅也。

四、察耳要訣 兩耳時紅時熱者。主外感風熱。(集成)

兩耳尖發冷者。主發痘疹。(集成)

風門在耳前。少陽經所主。色黑則為寒為疔。色青則為風為燥。(集成)

凡發熱。耳筋出現紫黑白赤皆凶。

耳上涼者吉。耳下涼者凶。耳後青筋起。主癰瘰。(大全)

耳色枯焦。主腎酒證危。(集成)

兩耳後黑筋橫過髮際。主臍下疹。

腎氣痛。(集成)

凡看小兒潮熱之際。以兩耳辨其五色為驗。便知生死輕重之分。(大

全)

耳上起青筋者。主肝風。耳聾發狂者。主陽虛病。(周子蕃)

耳痛耳腫耳聾者。皆主臍病。(周子蕃)

五、察唇口要訣 經曰。中央黃色。入通於脾。開竅於口。脾敗而見魚口。則啼不出聲。(集成)

肺主氣。發於聲。出於口為言。絕肺。故聲如鴉聲也。(集成)

唇屬脾。紅紫熱也。又主蟲疳積痛。淡白虛也。又主吐涎嘔逆諸失血症。

(顧練江)

環唇紫黑。主脾絕。死不治。(顧練

江)

唇紅而吐。胃熱也。唇白而吐。胃虛

一

一

也。唇色如常而吐。作傷胃論。(指南)

人中青。主不食大便難通。(大全)

唇塞而縮。不能蓋齒者。脾絕也。口

角流涎者。脾冷也。(大全)

凡病兒人中平滿。爲唇反。唇反者

肉先死。(顧練江)

凡唇口腫赤而齒焦者。是熱極。唇

燥裂者。亦熱。(顧練江)

凡唇口青黑者。是寒極。唇黃者。主

脾受積熱。(顧練江)

小兒唇紅如丹。卽發渴候。紅甚焦

黑則危。(折衷)

上唇生瘡。蟲食其臟。下唇生瘡。蟲

食其肛。(張仲景)

口甜。是肝熱脾濕。胃有痰滯也。口

鹹。是腎水上泛。腎熱也。口淡。胃熱也。

口辛。肺熱也。口臭。胃熱也。口苦。是心

熱或膽熱也。口酸。肝熱也。或脾胃虛

弱。木乘土位所致。(顧練江)

口乾。脾熱也。口燥。胃家熱極也。

(顧練江)

唇口生瘡聲啞者。蟲積。唇紫者。亦

屬蟲積。(楊厲子)

小兒口如魚嘴尖起者。死。口中氣

出不返者死。環口驚黑者死。(周于

蕃)

口張脚腫。脈絕者。危在頃刻。口燥

齒乾。形脫者。不治。(周于蕃)

六、察齒要訣 齒爲腎之表。舌爲

心之苗。心氣散則舌出不收。腎氣絕

則齒忽嗜人。心腎俱絕。則陰陽相離。

死不活。(集成)

凡小兒生而有齒者。大凶。必自傷。

(陳飛霞)

凡病者齒燥無津。主陽明熱病。若

舌上焦黑無垢。主十三日死。(顧練

澄)

齒爲骨之餘。齧爲胃之絡。小兒病

看舌後。必須驗齒。(葉天士)

熱邪耗腎液者。齒色必黃。口如膏

攤。宜救腎。(葉天士)

熱邪耗胃津者。齒色必紫。紫如乾

漆。宜安胃。(葉天士)

齒光燥如石者。胃熱也。枯骨色者。

腎液枯也。若上半截潤者。是水不上

承。爲心火上炎也。(葉天士)

齧牙齧齒者。濕熱化風爲癩病。但

齧不齧者。熱甚而牙關緊急也。(周

子蕃)

齒垢由腎熱蒸胃。濁氣所結。其色如灰。齧則枯敗。而津氣俱亡。腎胃兩竭。爲不治。(葉天士)

齒縫流血。如胃火衝激。則痛。如不痛。則出於牙根。腎火上炎也。(葉天士)

齒焦者。腎水枯。無垢則胃液竭。有垢者。火雖盛。而液尙未竭也。(葉天士)

齧齒者。睡眠後齒相磨切也。血氣既虛。而風邪又客於牙車筋脈之間。故睡後邪動。引其筋脈。遂令上下齒磨切有聲也。(蘭臺軌範)

女子七歲。腎氣盛。齒更。三七。腎氣平均。故真牙生而長短。(素問)

男子八歲。腎氣實。齒更。三八。真牙生。五八。齒槁。八八。則齒髮去。(素問)

按齒爲腎之餘。齧爲胃之絡。熱邪不燥胃津。必耗腎液。故診熱病。最要注重齒部診法。以知其病之輕重。可治與不可治也。

七、察鼻要訣 年壽在鼻梁。爲氣之門戶。赤光外侵。肺已受傷。則氣不流行。血必凝滯。有膿血之論。(集成)

山根爲足陽明之胃絡脈。小兒乳食過度。胃氣抑鬱。則青黑之紋。橫截於山根。主疾病。(集成)

鼻孔爲肺竅。乾燥。熱也。流清涕。寒也。流濁涕。熱也。鼻準屬脾。紅燥。脾熱也。慘黃。脾敗也。(夏禹鑄)

鼻色青。主吐乳。又主腹中痛。若四

肢逆冷者死。(集成)

鼻色微黑者。痰飲水氣。鮮紅者。留飲。紫暗者。時病。鼻色黃者。主痰飲濕熱。胸中塞。白者。氣虛。又主亡血。(集成)

鼻色燥黑如烟煤者。陽毒熱極也。若鼻孔黑潤出冷氣者。爲陰毒寒極。鼻上汗出如雨者。心胃病。(周子蕃)

鼻孔煽張。以及出氣多入氣少者。皆不治。(大全)

無病小兒。忽現黑色於耳目口鼻邊者。主凶。(周子蕃)

噴嚏者。感於風也。若欲嚏而不能者。爲寒。(周子蕃)

鼻色赤者。主肺熱。又主風熱。設微赤非時者死。(金匱)

鼻色青爲痛。色赤爲風。色黃者便難。(金匱)

病兒山根明亮。目眦黃者。病欲愈也。(周于蕃)

明堂者鼻也。明堂廣大者壽。小者殆。若明堂雖小。與面部相稱者亦壽。

(靈樞)

鼻痛者風火。鼻色黃黑而亮者。小腹兩脇痛及蓄血。鼻現青黃色者。爲淋。(周于蕃)

鼻煽有虛實新久之分。不可概言

肺絕。若初病即鼻煽。多由邪熱風火壅塞肺氣使然。若久病鼻煽喘汗爲肺絕。(林慎庵)

聞聲要訣

小兒之病。既觀其色。又當細聽其聲。蓋呼、笑、歌、悲、呻、五聲。內應心、肝、脾、肺、腎、五臟也。

五聲不和。則知五臟有病之情矣。如心屬火。病則聲急喜笑。肺屬金。病則聲悲音濁。肝屬木。病則聲狂叫多呼。脾屬土。病則聲顫輕如歌。腎屬水。病則其聲長細如呻吟。

有聲有淚。聲長曰哭。有聲無淚。聲短曰啼。如啼而不哭。則氣不伸暢。主腹痛。哭而不啼。則氣急心煩。將成驚也。

病則其聲長細如呻吟。

有聲有淚。聲長曰哭。有聲無淚。聲短曰啼。如啼而不哭。則氣不伸暢。主腹痛。哭而不啼。則氣急心煩。將成驚也。

吸煎不安者。乃心經內熱。故煩躁不寧也。

啞。聲音啞。聲重。聲濁也。此爲外感

風寒也。

有餘之證。其氣實。故聲雄大而壯厲。不足之證。其氣虛。故聲怯弱而輕短。

多言與身熱。皆陽也。陽主腑。故多陽腑證也。

懶言與身涼。皆陰也。陰主臟。故多陰臟證也。

狂言焦躁者。邪熱盛也。

神昏譫語者。熱乘於心。故病勢凶也。

鴨聲者。聲在喉中。而啞氣將絕也。直聲者。聲無回轉。而急氣將散也。二者俱爲不治之證。

醫者果能以此察之。則知表裏臟腑寒熱虛實。諸病之情態。無所遁矣。

問證要訣

小兒有病。貴乎詳審。先問起居安煩。苦欲何如。次問飲食。能食不食。渴與不渴。又次問二便或通或秘。而後病源可識矣。

如發熱無汗。此邪在表也。內熱便硬。此邪在裏也。

晝若煩熱。而夜安靜。是陽旺於陽分。其病在陽。

若夜煩熱。而晝安靜。是陽陷於陰分。其病在陰。

苦欲者。喜冷惡熱。皆屬陽病。此為熱也。喜熱惡冷。皆屬陰病。此為寒也。

胃壯者能食。胃弱者不能食。胃乾燥者。口渴。胃濕盛者。口不渴。

至於大便稠黏。穢氣難聞者。是內

問證要訣 切脈要訣

有滯熱。從熱化也。

小便清白不赤。為虛寒。從寒化也。若耳梢冷。尻骨冷。四肢發冷者。此痘疹欲發之候。

如單指梢發冷者。此驚癇將作之徵。

肚腹間熱。主內熱。手足厥冷。主中寒。

小兒無故皺眉曲腰啼叫者。主內因腹痛也。


兩耳常常發熱者。主外因風熱也。凡腹痛。又當按其或軟或硬。若喜按者為虛。不喜按者為實。

凡此皆問證之要訣。保赤者須誠心勘問。對證施治。庶隨手奏效矣。

切脈要訣

凡小兒滿一週歲後。如有病則當切脈。但部位甚小。不能以三指診之。須用一指。以定三關。三關者寸關尺也。

圖二第 圖三脈切



一、浮脈。浮脈者。輕取皮膚之上。即得。故曰浮也。浮脈主外感風寒。病在表也。

二、沉脈。沉脈者。重按筋骨之間。則見。故曰沉也。沉脈主內傷飲食。病

在裏也。

三、數脈 人之一呼一吸。謂之一息。一息之間。脈來六至。為和平無病之脈。若七至八至。謂之數脈。數主熱。病在六腑。屬陽也。

四、遲脈 一息之間。脈來四至五至。謂之遲脈。遲主寒。病在五臟。屬陰也。

五、滑脈 滑脈者。脈象如珠。往來流利。毫無牽掛。主痰氣壅盛也。

六、澀脈 澀脈者。脈象滯澀。往來艱難。主氣機壅滯也。

七、虛脈 脈之浮中沉三部俱無力。為虛脈。主諸虛病。

八、實脈 脈之浮中沉三部俱有力。為實脈。主諸實病。

九、芤脈 芤脈者。脈如葱。中空。按之中部無力者是也。主失血。

十、微脈 微脈者。按之微細。若有若無。主怯弱之證。

十一、洪脈 洪脈者。來時雖盛。去時無力。主火熱也。

十二、促脈 促脈者。數而時止。主驚瀾也。

十三、結脈 結脈者。緩而時止。主積聚也。

十四、緊脈 緊脈者。左右如轉索之象。沉緊主腹痛。浮緊主感寒。

十五、弦脈 弦脈者。端直如張弓弦。主停飲也。

脈洪緊者。痘疹欲發也。大小不勻者。中惡之證也。一息三至是虛寒之

極。九至十至乃火熱太甚。若一息只一至二至。或十一十二至者。皆死脈也。浮散無根。又沉浮取之不應指者。皆難治之脈也。

凡病之陰陽表裏虛實。雖可以診脈而得。惟臨證時。合望聞問三者。細為參考焉。


十六、虎口三關部位脈紋形色要訣 凡初生小兒。未滿一週歲。有疾病時。不宜診脈。須視虎口叉手處脈紋之形色。以決病之生死輕重。

男先看左手次指內側。女先看右手次指內側。指之三節。初節曰風關。次節曰氣關。三節曰命關。紋在風關主病輕。氣關主病重。若過命關。主命危難治。

其紋色紅黃相兼。隱隱不見則爲平安無病。

若紋色紫屬內熱。紅屬傷寒。黃屬傷脾。黑屬中惡。青主驚風。白主疳證。習幼科者。必以此形色合參。留神診察。始不誤矣。

第三圖 虎口三圖四



風關次指第一節。氣關次指第二節。命關。

切脈要訣 總訣

總訣

次指第三節。虎口。又手處也。男先看左手。次指內側。女先看右手。次指內側。

- 一、小兒氣血未充。形神怯弱。臟腑柔脆。用藥切戒分量太重。
- 二、小兒病多風。痰。驚。食。諸邪。
- 三、小兒脾胃薄。多吐瀉。疳病。
- 四、小兒斷乳哺乳。俱有一定規則。依之而行。兒自康健。
- 五、小兒熱證有七。面腮紅。大便秘。小便黃。渴不止。上氣急。足心熱。眼紅。此皆實熱證。忌用溫補之劑。
- 六、小兒寒證有七。面皸白。糞青白。肚虛脹。眼珠青。吐瀉無熱。足脛冷。睡露睛。此皆虛寒證。忌用寒涼之劑。
- 七、小兒初生。欲知其有病無病。以

手捻其頭。摸其顛顛。不作聲者爲病。以手指探其口。雖發聲而從容啞指者。有病亦輕。若即發聲。而不啞指。面色青紅帶紫。或牙關緊急。不納乳汁。此落地受寒之甚。風邪入足太陰。及足陽明使然也。須急治之。庶可平復。

八、初生之兒。肥胖色嫩。日覺好看者。此其根本不堅。甚非佳兆。且最易感冒風寒。邪入腑者。近在第二三日見之。其證吐乳夜啼。腹鳴。此皆胎風之類。然證猶淺而易治。用燈火法。(詳初生諸病證臍風類內)百不失一。

九、小兒百日咳。肺風痰嗽(俱詳咳嗽證)等病。在他醫看來。俱屬絕症。而本書將此二病之特效治法。實

獻無遺。依此而治。百無一死。

十、凡兒生下時身破裂者死。陰囊白者死。陰不起者死。無糞門者死。股間無肉者死。開口如弱聲者死。粉白花者死。皮肉不光者死。泣不出聲者死。舌如豬肝色者死。面如彩色者死。臍帶短大紫色者死。生下渾身銀白色者死。生下有齒者大凶。

凡此十條。俱屬小兒科之總訣。切宜注意。

初生諸病證(上)

總綱

一 初生諸病證(上)共分幾類。

類一 共分六

- 一、不啼。
- 二、不乳。
- 三、眼不開。
- 四、吐不止。
- 五、不小便。
- 六、不大便。
- 七、大小便不通。
- 八、肛門內合。
- 九、噤口。
- 一〇、撮口。
- 一一、臍濕臍瘡。
- 一二、臍突。

初生諸病證(上)

二 初生諸病何由而成。

成初生諸病之主要原因如左。

- 一、拭口不淨。污穢之物。留在內臟。
- 二、斷臍不得其法。風冷入臟。
- 三、浴兒不慎。冬日受寒。夏日受熱。
- 四、其他原因。各詳本條。

結論。

三 初生諸病證之主要治法如何。

- 一、不啼 氣不通——擦背法。
為寒所逼——熏臍帶法。

一三、臍風。

一四、天鈞。

一五、內鈞。

一六、盤腸氣痛。

二、不乳 臍囊未下——一捻金。
兒母過食寒涼胎受其

氣——勻氣散。

三、眼不開 孕婦恣情厚味——

生地黃湯。

腹中穢惡不淨——一

捻金。

觸冒寒邪——香蘇飲。

四、吐不止

胎前受熱——二陳湯
加黃連。

胎前受寒——理中湯。

五、不小便 胎熱流於下——導

赤散。

六、不大便 胎中受辛熱之毒氣

滯不通——硃蜜法。

七、大小便不通 胎中熱毒太盛

一九

一、口噤五心法。木通散。

八、肛門熱毒太甚——黑白散。
內合脂膜遮滿——玉簪刺法。

九、噤口胎熱——龍膽湯。
胎熱復挾風邪——擦牙散。

氣高痰盛——辰砂殭蠶散。

一〇、撮口二便秘結——紫霜丸。
身熱多驚——龍膽湯。

手足抽搐——撮風散。

一、臍濕臍瘡——滲臍散。
臍瘡——金黃散。

一二、臍突胎熱所致——犀角消毒飲。

臍風將作——驅風散。

風兼實——黑白散。

風兼虛——理中湯。

風兼痰——辰砂殭蠶散。

一三、臍風

風兼熱——龍膽湯。

風兼寒——益脾散。

風兼驚——撮風散。

痰盛兼搐——九龍控涎散。

一四、天鈞

驚盛兼風——牛黃散。

搐盛多熱——鈞藤飲。

爪甲皆青——蘇合香丸。

一五、內鈞

癰癧甚者——鈞藤飲。

急啼腹痛——木香丸。

肢冷甲青——養臟散。


一六、盤腸氣痛 寒邪所搏——

白豆蔻散。熨臍法。

四 初生諸病證中臍風病之急救法如何。

初生諸病。以臍風病患者最多。其勢最險。治不如法。每無生望。編者目擊心傷。將此病之急救法。盡情宣佈。如法救之。莫不脫險。

第四圖 臍風燈火圖



臍風燈火。計額門（即頂心）一

燄。眉心一燄。人中一燄。承漿一燄。少商（在兩手大指背挨甲處）各一燄。繞臍六燄。當臍一燄。共計十三燄。

臍風兒生七日內患者最多。初起吸乳必較前稍鬆。兩眼角挨眉心處。忽有黃色。宜急治之。治之最易。黃色

到鼻。治之仍易。到人中。承漿治之稍難。口不撮而微有吹噓。猶可治也。至唇口收束鎖緊。舌頭強直。不必治矣。

一見眼角鼻及人中。有黃色。而唇不撮緊者。即用燈火於顛門、眉心、人中、承漿、兩手大指少商、各穴各一燄。

繞臍六燄。未落帶。於帶口火燃。既落當臍一燄。共十三燄。風便止而黃即退矣。此火攻之法。何異呂祖壺中藥。

盧公再生方哉。願普天下爲父母者。

初生諸病 證(上)

依法治療。即十百千萬億中。斷無一孩死於臍風者。

【燈火法】以燈草一二莖蘸香油。乾濕得中。點燃一燄者。一火也。如無燈草。以艾絨團如小麥頭大十三枚。每穴一枚。亦有神效。

五 初生諸病失治。有無危險。小兒初生。臟腑脆弱。正氣衰微。一有病痛。正不敵邪。危險立生。故此證各病失治。俱有生命危險也。

不啼類

【病源】氣閉、寒逼、兒生落地。啼聲即發。形生命立矣。有不啼者。俗云草迷。其病源有二：(1)臨產時生育艱難。以致兒生氣閉不通。(2)產時值天寒之際。

兒氣爲寒所逼。凡此二因。俱令兒成不啼病。

【病狀】生而無啼聲。不啼病兒生而無啼聲。呼吸微弱。面青甲黑。是形愈益阻滯。氣絕無聲。面青甲黑。是形雖存。而命已不立。安望其生哉。

【變症】面青甲黑。不啼病失治。兒氣機愈益阻滯。氣絕無聲。面青甲黑。是形雖存。而命已不立。安望其生哉。

【療法】生而無啼聲之療法。不啼病兒生而無啼聲。呼吸微弱。由氣閉者。速以葱一束。鞭其背。使氣通則啼。如無葱。以手輕擊之亦可。近用人工呼吸法。亦有神效。由爲寒所逼者。急用棉絮包裹。抱於懷中。且勿斷臍。用紙擦

生而無啼聲之療法。不啼病兒生而無啼聲。呼吸微弱。由氣閉者。速以葱一束。鞭其背。使氣通則啼。如無葱。以手輕擊之亦可。近用人工呼吸法。亦有神效。由爲寒所逼者。急用棉絮包裹。抱於懷中。且勿斷臍。用紙擦

生而無啼聲之療法。不啼病兒生而無啼聲。呼吸微弱。由氣閉者。速以葱一束。鞭其背。使氣通則啼。如無葱。以手輕擊之亦可。近用人工呼吸法。亦有神效。由爲寒所逼者。急用棉絮包裹。抱於懷中。且勿斷臍。用紙擦

生而無啼聲之療法。不啼病兒生而無啼聲。呼吸微弱。由氣閉者。速以葱一束。鞭其背。使氣通則啼。如無葱。以手輕擊之亦可。近用人工呼吸法。亦有神效。由爲寒所逼者。急用棉絮包裹。抱於懷中。且勿斷臍。用紙擦

生而無啼聲之療法。不啼病兒生而無啼聲。呼吸微弱。由氣閉者。速以葱一束。鞭其背。使氣通則啼。如無葱。以手輕擊之亦可。近用人工呼吸法。亦有神效。由爲寒所逼者。急用棉絮包裹。抱於懷中。且勿斷臍。用紙擦

生而無啼聲之療法。不啼病兒生而無啼聲。呼吸微弱。由氣閉者。速以葱一束。鞭其背。使氣通則啼。如無葱。以手輕擊之亦可。近用人工呼吸法。亦有神效。由爲寒所逼者。急用棉絮包裹。抱於懷中。且勿斷臍。用紙擦

煎油點火於臍帶下往來熏之。令火氣由臍入腹。寒得溫散。氣得暖通。啼聲自出矣。

〔人工呼吸法〕 人工呼吸法。不必須產婆或醫師之手。即尋常人亦可為之。其方法以左右兩手之拇指。置於小兒胸廓兩側。而以左右兩手之食指。從小兒肩胛之後面。勾入於兩腋窩。而以其餘三指置於小兒背部。使小兒之頭。支持於兩手之腕關節間。然後舉起小兒。高過頂上。將兒頭向下。腰部屈曲。骨盤與腹部相近。如是則小兒吸入喉頭內之黏液。可由是以除去。蓋用作小兒呼吸也。然後再用強力擲下小兒。而以兩食指支持小兒之腋窩。以兩拇指匝其肩

胛。並將餘指放鬆。蓋用作小兒呼吸也。如是一反一覆。以代呼吸。約至五十次後。則浸之於四十八度。至五十五度之溫水。約經一分鐘。再行前法。至小兒能自行呼吸為止。但於此有須注意者。其一。在施行人工呼吸時。產室宜較溫暖。其二。將小兒舉起後。再擲下時。宜急速而有強力。否則決不

第五圖 人工呼吸法



能見效。其三。兩腔關節支持兒頭。不可過用力壓迫。否則妨害其頸管。其四。用人工呼吸法時。在小兒尚未自能呼吸時。苟其心搏未完全停止。總可見效。決不可中止。

【調養】

一、切戒受寒 不啼病愈後。時宜謹慎。切戒受寒。然亦不宜過熱。恐生驚也。

二、哺乳不可太多 不啼病愈後。哺乳時不可太急。亦不可太多。以病後氣機遲滯。過急過多。俱令壅滯而生他變。

三、宜使多啼 不啼病愈後。宜常使之啼。啼則肺氣宣張。永無閉塞之病。若過分疼愛。一啼即乳。或一啼即

抱。肺氣壅滯。病痛叢集。然亦不可過分。以過啼則肺氣受傷。每令管腔也。所謂不偏不倚。適可而止。保嬰之法。全在此矣。

不乳乳類

【病源】

糞未下。腹寒涼。不乳謂初出胞胎不吮乳也。其故有二。(1)腹中臍糞未下。(2)兒母過食寒涼。胎受其氣。腹中寒冷。凡此二因。俱令成不乳病也。

【病狀】

一、腹滿氣短。不乳病由兒生後腹中臍糞未下者。其症腹脹胸滿。氣短促。嘔吐不乳。

二、面色青白。不乳病由兒母過食寒涼。胎受其氣者。其症兒必腹滿。

面色青白。多啼不乳。

【變症】

一、常作呻吟。不乳病失治。由臍糞不下者。腹脹胸滿益劇。氣分益短。呼吸頻促。肚腹高硬。面赤呻吟不乳。此時正虛邪實。補正則留邪。攻邪則傷正。殊為難治。

二、四肢厥逆。不乳病失治。由兒腹寒冷者。其寒益甚。面色青白不乳。腹痛劇。常啼。四肢厥逆。

【療法】

一、腹滿氣短之療法。不乳病由兒生後。腹中臍糞未下者。其症腹脹胸滿。氣短促。嘔吐不乳。一捻金主之。外用口啞五心臍下法。

二、面色青白之療法。不乳病由

兒母過食寒涼。胎受其氣者。其症兒必腹滿。面色青白。多啼不乳。勻氣散主之。

三、常作呻吟之療法。不乳病失治。由臍糞不下者。腹脹胸滿益劇。氣分益短。呼吸頻促。肚腹高硬。面赤呻吟不乳。此時正虛邪實。補正則留邪。攻邪則傷正。殊為難治。姑以一捻金散。參蜜湯調服。補正攻邪。雙方並進。外用口啞五心臍下法。亦不治之治也。

四、四肢厥逆之療法。不乳病失治。由兒腹寒冷者。其寒益甚。面色青白不乳。腹痛劇。常啼。四肢厥逆。理中湯主之。

【調養】

一、哺乳不可太多 不乳病愈後。

小兒驟欲吮乳。此時最宜謹慎。不可多與乳。適中而止。以病後之胃。組織未全。驟進大宗乳汁。一時不易消化。積而成患。為害不小。

二、寒煖宜慎 不乳病愈後。寒煖宜慎。受寒則病復發。受熱則生驚。

三、不宜多服藥 不乳病愈後。即勿服藥。以藥性多偏。易戕兒沖和之氣。而令脆弱。

眼不開類

【病源】

熱毒熏蒸 小兒初生。眼不開者。因孕婦飲食不節。恣情厚味。熱毒熏蒸。以致熱蘊兒脾。眼胞屬脾。其脈絡繫束。故不能開也。

【病狀】

目多眵 眼不開病小兒初生。眼不開。目多眵。目胞紅腫。

【變症】

狀如潰爛 眼不開病失治。熱毒壅盛。目眵益多。痛痒交作。眼皮出水。狀如潰爛。甚者眼毛盡脫。累月不愈。變為爛眼簷也。

【療法】

一、目多眵之療法 眼不開病小兒初生。眼不開。目多眵。目胞紅腫。內服生地黃湯。外用熊膽湯洗之。自愈。
二、狀如潰爛之療法 眼不開病失治。熱毒壅盛。目眵益多。痛痒交作。眼皮出水。狀如潰爛。甚者眼毛盡脫。累月不愈。變為爛眼簷也。宜以熊膽

湯時時洗之。自能痊可。

【調養】

一、乳母忌食炙爆 眼不開病乳母忌食辛辣香燥。煎炒炙爆。膏粱厚味。雞鵝羊肉等物。以食此種物後。乳汁有熱毒。兒吮之。病益劇也。

二、銀花連翹泡飲代茶 眼不開病乳母宜每日以銀花三錢。連翹二錢。百沸水泡飲代茶。以二味清營解毒。使乳汁清涼。兒吮之。病易痊可。

三、羊膽汁點目內 眼不開病以羊膽汁點目內。亦有神效。考肝開竅於目。膽汁減。則目黯。目者肝之外候。膽之精華也。故諸膽皆治目病。此以青羯羊者良。

熊膽湯洗方。如一時無熊膽。以羊

膽代之。亦有神效。

吐不止類

【病源】

穢惡、胃寒、受熱。小兒初生吐不止者。其原因有四。(1)便秘腹中穢惡不淨。(2)生育時觸胃寒邪。入裏犯胃。(3)胎前受熱。(4)胎前受寒。凡此四種原由。俱令小兒生吐不止病也。

【病狀】

一、腹中脹滿。吐不止病由便秘腹中穢惡不淨者。其症腹中脹滿。吐不止。口氣重濁。
二、吐沫不止。吐不止病由生育時觸胃寒邪。入裏犯胃者。其症曲腰而啼。吐白沫不止。
三、口吐黃涎。吐不止病由胎前

受熱者。其症面黃赤。手足溫。口吐黃涎不止。酸黏異常。喜冷飲。睡不露睛。
四、面色青白。吐不止病由胎前受寒者。其症面色青白。四肢冷。口吐清稀白沫。喜飲熱湯。睡時露睛。

【變症】

一、四肢厥冷。吐不止病失治。由於虛寒者。必四肢厥冷。額汗昏睡。閉目搖頭。面唇青黯。此因脾陽虛微。肝風鳴張而成慢脾風。所謂肝犯胃。木侮土者是也。

二、角弓反張。吐不止病失治。由於實熱者。則熱勢壅盛。嘔吐不已。角弓反張。啼聲強直。手足抽搐而成急驚風。此熱邪猖獗。肝風鳴張也。

【療法】

一、腹中脹滿之療法。吐不止病由便秘腹中穢惡不淨者。其症腹中脹滿。吐不止。口氣重濁。一捻金主之。以生薑汁湯調服。

二、吐沫不止之療法。吐不止病由生育時觸胃寒邪。入裏犯胃者。其症曲腰而啼。吐白沫不止。香蘇飲溫散之。

三、口吐黃涎之療法。吐不止病由胎前受熱者。其症面黃赤。手足溫。口吐黃涎不止。酸臭異常。喜冷飲。睡不露睛。二陳湯加黃連主之。

四、面色青白之療法。吐不止病由胎前受寒者。其症面色青白。四肢冷。口吐清稀白沫。喜飲熱湯。睡時露睛。理中湯主之。

五、四肢厥冷之療法 吐不止病

失治。由於虛寒者。必四肢厥冷。額汗昏睡。閉目搖頭。面唇青黯。此因脾陽虛微。肝風騰張而成慢脾風。所謂肝犯胃。木侮土者是也。此證逐風則無風可逐。治驚則無驚可治。惟宜大補脾土。生胃回陽為主。理中湯加附子主之。

六、角弓反張之療法 吐不止病

失治。由於實熱者。則熱勢壅盛。嘔吐不已。角弓反張。啼聲強直。手足抽搐而成急驚風。此熱邪猖獗。肝風騰張也。涼驚湯主之。兼服涼驚丸。

【調養】

一、以生薑汁塗兒舌 吐不止病初起。宜以生薑汁少許塗兒舌上。吐

即止。不致釀成大患。

二、哺乳宜慎 吐不止病愈後。哺

乳宜慎。切戒太多。以病後脾胃虛弱。不易消化也。

三、切戒沐浴 吐不止病切戒沐浴

以其易受風寒。且浴時兒啼哭掙扎。肝陽上逆。病益劇也。

不小便類

【病源】

胎熱流於下 小兒初生。胎熱流於下。致令小便不通。而成不小便病。

【病狀】

小便不通 不小便病小兒初生。小便不通。

【變症】

腹脹而喘 不小便病失治。小便

不通。腹中脹急。胸滿而喘。此須速治。否則有生命危險也。

【療法】

一、小便不通之療法 不小便病

小兒初生。小便不通。宜導赤散。熱盛者。八正散主之。外用豆豉膏貼臍上。則小便自通矣。

二、腹脹而喘之療法 不小便病

失治。小便不通。腹中脹急。胸滿而喘。此須速治。否則有生命危險也。急服八正散。外以豆豉膏貼之。

【調養】

一、乳母忌食雞鴨 不小便病乳母須忌口。則病易痊可。忌食辛辣香燥。煎炒炙爆。鷄鴨羊肉。蚌蛤河豚等物。

二、不可多服藥。不小便病小便

通後。即當停藥。以藥性多偏。易戕兒

沖和之氣。而令脆弱。或變生他證。

三、不可延擱。不小便病至為危

重。須速治。不可延擱。否則每致水氣

上沖而死。最宜注意。

不大便類

【病源】

受辛熱之毒。小兒初生之日或

次日即大便者。俗云下膈屎。此腸胃

通和。幽門潤澤也。若至二三日不大

便。乃胎中受辛熱之毒。氣滯不通也。

是謂不大便病。一名鎖肚。

【病狀】

面赤腹脹。不大便病大便不通。

面赤腹脹。不乳多啼。唇燥口乾。小便

赤澀。

【變症】

作呻吟聲。不大便病失治。肚腹

膨脹。不能乳食。作呻吟聲。便閉至七

日者。死。不治。

【療法】

面赤腹脹之療法。不大便病大

便不通。面赤腹脹。不乳多啼。唇燥口

乾。小便赤澀。宜先用硃蜜法治之。設

若不應。用一捻金量兒與之。繼令婦

人以溫水漱口。囑兒前後心。手足心。

並臍下共七處。以皮見紅赤色為度。

須與大便自通矣。

【調養】

一、宜飲麻子汁。不大便病宜兼

以麻子一匙。冷沸水研汁飲之。使腸

中潤澤。大便自通。此法穩妥。可佐前

諸法之不及。

二、忌食香燥。不大便病乳母忌

食辛辣香燥。煎炒炙爆。膏粱厚味。鷄

鴨羊肉。蚌蛤河豚等物。使乳汁清淨。

兒毒自輕。

三、脂膜遮滿之治法。不大便病

如因脂膜遮滿肛門。無隙可通者。用

右諸法俱無功效。宜以金簪透而通

之。玉簪亦可刺破脂膜。再以蘇合香

丸。作棗核狀。納入孔中。取其香能開

竅。又能潤澤。大便一下。庶可望生。

大小便不通類

【病源】

熱毒太甚。小兒初生。大小便不

通者。最為急候。乃胎中熱毒太甚而

成也。

【病狀】

腹脹欲絕 大小便不通病大便
小便俱不通利。腹脹欲絕。面赤。口氣
重濁。

【變症】

肚腹硬脹 大小便不通病失治。
延至七日。謂之一臘。肚腹硬脹。常作
呻吟。則難治矣。

【療法】

腹脹欲絕之療法 大小便不通
病大便小便俱不通利。腹脹欲絕。面
赤。口氣重濁。急令婦人以溫水漱口。
嘔兒前後心。手足心。並臍下共七處。
以皮見紅赤色爲度。再以木通散行
其熱。紫霜丸開其結。庶可望生。

【調養】

一、忌食厚味 大小便不通病乳
母忌食膏粱厚味。辛辣香燥。煎炒炙
爆。鷄鴨羊肉。蚌蛤河豚等物。使乳汁
清淨。兒毒自輕。

二、燈心竹葉泡飲 大小便不通
病愈後。兒餘熱未清。多啼面赤。調養
之法。宜以燈心草二尺。鮮竹葉二錢。
泡飲代茶。清其餘熱。自有神效。藥性
和平。並不傷正。

三、宜服水果汁 大小便不通病
愈後。平時宜常服水果汁。(如橘子
香蕉。檸檬。等均)可使腸中潤澤。熱
毒消解。病不復發也。

肛門內合類

【病源】

熱毒脂膜 小兒初生。肛門內合。

其故有二。(1)熱毒太甚。壅結肛門。(2)
脂膜遮滿。無隙可通。凡此二因。俱令
肛門內合也。

【病狀】

大便不通 肛門內合病肛門內
合。大便不通。由熱毒壅盛者。必兼見
面赤腹脹。不乳。唇口乾燥等症。由脂
膜遮滿者。必兼見肛門內盡是脂膜
遮滿。無隙可通等症。

【變症】

腹中脹急 肛門內合病失治。肛
門不通。大便不下。腹中脹急。不能乳
食。時作呻吟聲。氣急。死。不治。

【療法】

大便不通之療法 肛門內合病

肛門內合。大便不通。由熱毒壅盛者。必兼見面赤腹脹。不乳。唇口乾燥等症。急服黑白散。外用蘇合香丸作棗核狀入孔中。取其香能開竅。又能潤澤。大便一下。庶可望生。

由脂膜遮滿者。必兼見肛門內盡是脂膜遮滿。無隙可通等症。先以金簪或玉簪透之。刺破脂膜。再以蘇合香丸照右法導之。庶可挽回於萬一耳。

【調養】

一、忌食河豚 肛門內合病乳母忌食膏粱厚味。辛辣香燥。煎炒炙爆。鷄鴨羊肉。蚌蛤河豚等物。使乳汁清淨。兒毒自輕。

二、宜速治 肛門內合病病勢最

凶。切勿延擱。宜速治。否則每不可救。

三、宜服水果汁 肛門內合病愈後。熱毒未清。大便艱難。調養之法。宜時服水果汁。(如橘子、香蕉、檸檬等)使腸中潤澤。熱毒消解。兒自康健也。

噤口類

【病源】

胎熱風襲 兒生三日。忽然噤口。乳食大進。其病源有二。(1)胎熱。(2)胎熱內結。復爲風邪外襲。凡此二因。俱令小兒成噤口病也。

【病狀】

一、舌上生瘡 噤口病由胎熱者。其症舌上生瘡。如黍米狀。吮乳不得。啼聲漸小。

二、口吐白沫 噤口病由胎熱內

結。復爲風邪外襲者。其症口吐白沫。牙關緊結。

【變症】

餓倒胃氣 噤口病係小兒重病之一。失治多至不救。因兒腸胃薄弱。不能餓也。今噤口病。腹中覺飢。欲食而不得食。必餓倒胃氣而死。

【療法】

一、舌上生瘡之療法 噤口病由胎熱者。其症舌上生瘡。如黍米狀。吮乳不得。啼聲漸小。法當清熱疎利。以龍膽湯主之。若肚腹脹硬。二便不通者。紫霜丸主之。

二、口吐白沫之療法 噤口病由胎熱內結。復爲風邪外襲者。其症口吐白沫。牙關緊結。當以祕方擦牙散。

先擦其牙關。次服辰砂全蠟散。中病即止。不可過服。病退當調和脾胃。以勻氣散主之。

【調養】

一、切須避風。噤口病切須避風。否則風邪襲之。病益劇也。

二、中病即止。噤口病如服藥後。口已開。能吮乳。即當停藥。切勿多服。

恐伐兒沖和之氣。變生他證。

三、忌食煎炒。噤口病愈後。乳母宜戒口數日。忌食辛辣香燥。煎炒炙爆。蚌蛤河豚。蒼梁厚味。鷄鴨羊肉等物。使乳汁清淨。病不復發也。

撮口類

【病源】

胎中受熱。小兒初生。病撮口者。

乃胎中受熱。遺於心脾使然。

【病狀】

口撮如囊。撮口病口撮如囊。口吮乳不得。舌強唇青。面色黃赤。氣高痰盛。二便秘結。身熱多驚。手足抽搐。

【變症】

口吐白沫。撮口病失治。最為危險。口撮益緊。乳食不進。餓倒胃氣。口吐白沫。四肢厥冷。雖有神丹。終屬無濟。

【療法】

口撮如囊之療法。撮口病口撮如囊。口吮乳不得。舌強唇青。面色黃赤。急當隨症治之。如氣高痰盛者。辰砂礞石散主之。二便秘結者。紫霜丸主之。身熱多驚者。龍膽湯主之。手足

抽搐者。撮風散主之。

【調養】

一、生香附餅貼兩足心。撮口病宜兼用外治法。可佐湯藥之不及。一為芙蓉餅敷方。即用芙蓉花五錢。（或葉或皮或根均可）搥極融爛。用鷄蛋兩個和勻。煎熱候冷。敷心口肚臍。用布紮緊。屢試如神。二為生香附餅敷方。即用生香附二錢。生半夏二錢。研末。生鷄蛋白調作餅。貼兩足心。一週時即愈。

二、以活鯽魚尾入口中搖擺。撮口病宜兼以活鯽魚。用尾入口中頻頻搖擺。隨擺隨換。此方能泄風拔毒。初用時。兒尚啼哭。用一二次後。口內生涼。兒自不啼。尾雖有刺。但甚輕。並

不傷人。治後即能食乳。不過三日全愈。

三、忌食鷄鴨 撮口病愈後。乳母忌食辛辣香燥。鷄鴨羊肉。蝦蟹海腥等物。以此皆生熱動風。兒吮其乳。病必復發。

臍濕臍瘡瘡類

【病源】

水入臍中 小兒初生。生臍濕臍瘡之原因有二。(1)嬰兒沐浴水入臍中。(2)尿濕綳袍致臍中受濕。腫爛成瘡。凡此二因。俱合成臍濕臍瘡病也。

【病狀】

一、臍中腫濕 臍濕病臍中常濕。臍眼腫突。

二、臍赤成瘡 臍瘡病臍中臍赤。

初生諸病證(上)

腫爛。

【變症】

四肢抽搐 臍濕臍瘡病失治。其臍常濕。腫突赤爛。至百日引動內風。四肢抽搐。即屬危候。

【療法】

一、臍中腫濕之療法 臍濕病臍中常濕。臍眼腫突。滲臍散敷之。

二、臍赤成瘡之療法 臍瘡病臍中臍赤腫爛。速以金黃散敷之。便見功效。

【調養】

一、不可任意洗濯 臍濕臍瘡病預防法。小兒初生。不可久在水中。任意洗濯。既包裹畢。宜時常留意。勿令尿濕浸瘡。

二、宜敷腥養粉 臍濕臍瘡病久

久不愈。有重大危險。如百藥不效。臍仍出水者。速以腥養粉(西藥房中買)乾撒之。不數次。便可全愈。收效如神。非他藥可及也。

三、臍布常換 臍濕臍瘡病臍布

宜常換。以脂水漬之。其布發硬。傷處經硬物磨擦。其傷益甚。最宜注意。至好以淨白棉花(西藥房中有)裹之。則柔軟舒適。對於此病。最為合宜。惟濕硬時宜即換之。

臍突人類

【病源】

努脹其氣 生臍突病之原因有二。(1)嬰兒熱在腹中。無以發瀉。故頻頻呻吟。睡臥不寧。努脹其氣。衝入臍

三

間所致。(2)嬰兒多啼。努脹其氣。亦令
脾突。凡此二病。俱令成脾突病也。

【病狀】

脾忽腫赤。脾突病。脾忽腫赤。虛
大光浮。捻動微響。驚悸作啼。此乃胎
熱努脹所致。非斷臍不利之故也。

【變症】

寒凝毒熱。脾突病最忌寒涼之
藥。敷於臍上。誤敷寒凝毒熱。變生他
害也。

【療法】

脾忽腫赤之療法。脾突病。脾忽
腫赤。虛大光浮。捻動微響。驚悸作啼。
此乃胎熱努脹所致。非斷臍不利之
故也。內服犀角消毒飲。外敷二豆散。
自有神效。

【調養】

一、乳母宜以銀花連翹泡飲。脾
突病乳母宜以銀花連翹各三錢。泡
飲代茶。使乳汁清涼。兒毒自輕。

二、忌食厚味。脾突病乳母忌食
膏粱厚味。辛辣香燥。煎炒炙爆。鷄鵝
羊肉。蚌蛤河豚。蝦蟹海腥等物。

三、不可多啼。脾突病不可使兒
多啼。以多啼必努脹氣衝入臍。臍益
突也。

臍風類

【病源】

水濕風冷。臍者。小兒之根蒂也。
名曰神闕穴。近三陰。喜溫惡涼。喜乾
惡濕。如斷臍悉遵斷臍法。(法詳本
證結論)臍風何由而起。惟不知慎

重。以致水濕風冷之氣。入於臍中。遂
成臍風病。

【病狀】

一、吮乳口鬆。臍風病小兒一七
日內多患之。初起吮乳必較前稍鬆。
不時噴嚏。啼哭不已。兩眼角捺眉心
處。忽有黃色。宜急治之。治之最易。黃
色到鼻。治之仍易。到人中。承漿。治之
稍難。口不撮而微有吹噓。猶可治也。
至唇口收束。鎖緊。舌頭強直。必死不
治矣。

二、腹脹臍腫。臍風病或見腹脹
臍腫。身體重着。四肢不利。日夜多啼。
甚則發為風搐。或肚腹脹硬。大便不
通者。風兼實也。面青肢冷。二便不實
者。風兼虛也。痰涎壅盛。氣高喘急者。

風兼痰也。身體壯熱。面赤口乾者。風兼熱也。面青嘔吐。曲腰多啼者。風兼寒也。撮口唇青。抽搐不止者。風兼驚也。

【變症】

一、啼聲如鴉。臍風病失治。其邪益深。若唇口收束。鎖緊。舌強頭直。啼聲如鴉。死不治。

二、臍邊青黑。臍風病失治。若臍邊青黑。口噤不開者。是為內搐。死不治。爪甲黑者亦死。

【療法】

一、吮乳口鬆之療法。臍風病小兒一七日內多患之。初起吮乳必較前稍鬆。不時噴嚏。啼哭不已。兩眼角挨眉心處。忽有黃色。宜急治之。治之

最易。黃色到鼻。治之仍易。到人中。承漿治之稍難。口不撮。而微有吹噓。猶可治也。治宜一見眼角鼻及人中有黃色。而唇不撮緊者。即用燈火於頤門。眉心。人中。承漿。兩手大指少商各穴。各一燻。繞臍六燻。未落帶。於帶口火燃。既落當臍一燻。共十三燻。風便止。而黃即退矣。此火攻之法。至為神效。如法治療。莫不可救。

又有燈火法。以燈草一二莖。蘸香油。乾濕得中。點燃。一燻者。一火也。如無燈草。以艾絨團如小麥頭大十三枚。每穴一枚。亦有同等效力。(燈火圖見本證提綱內)

二、腹脹臍腫之療法。臍風病或見腹脹臍腫。身體重着。四肢不利。日

夜多啼。甚則發為風搐。初起急用驅風散治之。若已成臍風。又當視其所兼之形證治之。如肚腹脹硬。大便不通者。風兼實也。黑白散主之。面青肢冷。二便不實者。風兼虛也。理中湯主之。痰涎壅盛。氣高喘急者。風兼痰也。辰砂殭蠶散主之。身體壯熱。面赤口乾者。風兼熱也。龍膽湯主之。面青嘔吐。曲腰多啼者。風兼寒也。益脾散主之。撮口唇青。抽搐不止者。風兼驚也。撮風散主之。

【調養】

一、擠出白漿。臍風病初起。視其乳中。有無小核。有則輕輕擠出白漿。去其毒氣。自效。

二、擦破齒齦小泡。臍風病視兒

齒齦必有小泡子如粟米狀宜用溫水蘸熱帛裹指輕輕擦破即愈。

三、蘸塗背心 臍風病宜以鷄蛋

白手指蘸塗背心良久有毛出刺手

長分許即止若長至寸許用綢包裹

棄去再塗兩太陽及口角則口自開

右三法俱屬外治至為平穩去病

而不傷正可佐湯藥燈火之不及

天鈞鈞類

【病源】

痰涎壅塞 小兒天鈞病由邪熱

痰涎壅塞胸間不得宣通而成

【病狀】

眼目上翻 天鈞病驚悸壯熱眼

目上翻手足癱瘓爪甲青色證似驚

風但目多仰視較驚風稍異

【變症】

手足抽搐 天鈞病失治其鈞不

瘥目翻不下手足抽搐爪青紫必痰

涎壅塞而死

【療法】

眼目上翻之療法 天鈞病驚悸

壯熱眼目上翻手足癱瘓爪甲青色

證似驚風但目多仰視較驚風稍異

痰盛兼搐者九龍控涎散主之驚盛

兼風者牛黃散主之搐盛多熱者鈞

藤飲主之爪甲皆青者蘇合香丸主

之

【調養】

一、以鷄蛋搗敷 天鈞病外治法

宜以鷄蛋大者三枚煮熟去壳搗爛

和以燒酒飛麪作成三餅一枚敷當

臍二枚各敷左右足底心一周時放

下時蛋變黑色甚者有刺此病拔入

蛋中其勢即輕

二、宜用鹽湯探吐 天鈞病痰涎

壅塞危在頃刻速用鹽湯探吐法吐

之若吐出大宗痰涎便可得生

三、乳母忌食鷄鵝 天鈞病乳母

忌食鷄鵝羊肉蝦蟹海腥蚌蛤河豚

等動風發物

內鈞鈞類

【病源】

肝臟素病 內鈞病多因肝臟素

病復外受寒冷而成

【病狀】

囊青潮搐 內鈞病囊青潮搐作

止有時偃僵腹痛口吐涎沫證雖與

驚癩相類。但目有紅絲血點。癩瘡爲異。

【變症】

肢冷甲青 內鈞病失治。四肢厥冷。指甲色青。唇口黑。內鈞至此。乃中寒陰盛不治之症。

【療法】

一、養青潮搐之療法 內鈞病養青潮搐。作止有時。僵僕腹痛。口吐涎沫。證雖與驚癩相類。但目有紅絲血點。癩瘡爲異。鈞藤飲主之。若急喘腹痛者。木香丸主之。

二、肢冷甲青之療法 內鈞病失治。四肢厥冷。指甲色青。唇口黑。內鈞至此。乃中寒陰盛不治之症。姑以養臟散主之。或可保全。

【調養】

一切戒鬱怒 內鈞病乳母宜性情和悅。切戒鬱怒。否則兒吮其乳。肝益上逆。病益劇也。

二、忌食發物 內鈞病乳母忌食動風發物。如鷄鶩羊肉。蝦蟹海腥。蚌蛤河豚等。

三、用鷄蛋外治法 內鈞病宜兼用鷄蛋外治法。以助湯藥之不及。法詳本證天鈞類調養條內。

盤腸氣痛類

【病源】

沐浴受寒 小兒初生沐浴。感受風冷。搏於肝腎。肝腎居下。故痛則曲腰。是謂盤腸氣痛病。

【病狀】

腹痛曲腰 盤腸氣痛病腹痛曲腰。乾哭無淚。面色青白。

【變症】

下利青糞 盤腸氣痛病失治。寒邪益深。腹痛曲腰益劇。唇黑肢冷。下利青糞。哭聲如鴉。危在頃刻。

【療法】

一、腹痛曲腰之療法 盤腸氣痛病腹痛曲腰。乾哭無淚。面色青白。宜白豆蔻散主之。外用熨臍法。其效甚速。

二、下利青糞之療法 盤腸氣痛病失治。寒邪益深。腹痛曲腰益劇。唇黑肢冷。下利青糞。哭聲如鴉。危在頃刻。姑以養臟散主之。外用熨臍法。或可有救。

【調養】

一、神疲力乏之調養法 盤腸氣痛病愈後。兒身體虛弱。神疲力乏。面色萎黃。睡則露睛。此時也。宜每日以人參鬚一錢煎湯服之。庶可漸漸復元。

二、宜避風寒 盤腸氣痛病宜避風寒。

三、切戒氣鬱 盤腸氣痛病乳母切戒氣鬱。怒動肝火。以此皆使氣機鬱滯。兒吮其乳。感受其氣。病益劇也。

結論

小兒初生諸病。俱由拭口不淨。斷臍不得其法。浴兒不慎所致。茲將其法。一一宣佈於左。依法遵行。兒自康健無病。

一、初生拭口法 小兒初生。口中必有白沫。速於其未啼時取去。此乃穢物。嚙下令兒多病。取去後。須用軟棉裹指拭淨口中不潔。繼以胭脂蘸茶清擦口舌齒頰之間。則一切口病自不生矣。拭口時。看舌下若連舌有膜如石榴子。啼不出聲者。速以指爪摘斷。或用葦刀割之。微有血出即活。

若齒根有黃筋兩條者。先以葦刀割斷。再點豬乳。若兒口不開者。宜先點豬乳佳。若兒上下唇與齒齦連處。皆有一筋牽引者。上唇筋緊。即生上煉。下唇筋緊。即生下煉。宜每日早晨拭口為佳。

兒初生拭口後。宜以真牛黃一錢。研為末。沸水調之。待冷時。時服之。解

兒熱毒。藥性平和。並不傷正。貧者以黃連一錢。生甘草一錢。水煮湯。時時服之。亦效。

俗法。小兒拭口後。服硃砂輕粉等藥。此非良法。能下涎損神。令兒呆笨。遺成終身。不宜用也。

二、初生斷臍法 小兒初生。先用剪刀。向火烘熱。剪斷臍帶。次用火器燒臍帶烙之。當以六寸為度。不可過為短長。短則傷臟。長則損筋。斷訖。又用烙臍餅子。安灸臍上。以防風邪外入。隨用胡粉散敷臍帶間。用軟絹新棉封裹之。以避尿濕風邪。如藥不備。即以細熟艾一塊。依照前法封裹。

〔胡粉散〕 胡粉一錢。甌帶灰一錢。乾薑一錢。白石脂一錢。棉灰一錢。

麝香二分。

右共爲細末。每用一錢。敷臍上封之。

〔烙臍餅子〕 豆豉一錢。黃蠟一錢。麝香二分。

右以豆豉、麝香研勻。鎔蠟。量臍大小。捻爲餅灸用。

三、初生浴兒法 兒生三日。例須沐浴。宜擇無風密室。用桑槐榆桃柳之嫩枝。長約三寸者。各二三十節。煎湯候溫。入豬膽汁二三枚浴之。加益母草。則令兒不生瘡疥。加金銀花。虎骨頭。麝香。丹砂。能解惡氣。免客忤驚。

痲諸疾。加梅李諸根葉。則能解溫熱諸疾。浴湯須溫煖適中。不可先斷臍帶。亦不可使水浸濕。浴後以光粉或

蚌粉撲身。免致風邪侵入。如兒體脆弱者。雖遲至十日半月。亦無妨礙。不必拘定三日。又凡小兒浴時。須將穢汁洗淨。穢汁不可侵入目中。致目赤爛。終身不瘥。

四、藏胎衣法 凡藏胎衣。盛在新瓶內。以青帛裹瓶口。擇向陽高燥之地。掘地三尺埋之。兒自長壽無疾。藏衣不謹。於兒不利。

五、彌月剃頭法 小兒滿月剃頭。須向密室溫煖處剃之。爲其氣血未盈。寒氣易入。剃後須用杏仁三枚。研細入薄荷三葉。再同研。將麻油滴三四點。合膩粉拌勻。擦頭上。能避風邪。免生瘡癩熱毒等症。

六、將護法 小兒著衣。不宜太暖。

致筋骨緩弱。若在多月。祇宜著夾衣及衲衣之類。極寒則加以舊絮。又當消息。勿令出汗。汗出則真氣發洩。最易致疾。

小兒陰常不足。成童以前。下體不宜著綿。蓋下體主陰。得寒涼則陰易長。得溫煖則陰暗消。

天氣和暖之時。宜抱置日中嬉戲。令兒數見風日。則血凝氣剛。肌肉密緻。能耐風寒。不生疾病。

嬰兒半歲後。尻骨成。當教兒學坐。二百日外。掌骨成。當教兒地上匍匐。三百日臍骨成。當教兒獨坐。周歲後。膝骨成。當教兒行步。不宜時時提抱。致兒筋骨軟弱。

七、哺乳法 小兒初生。藉乳爲命。

哺不得法。百病叢集。其重要可知。茲將哺乳之禁忌法。立表於左。遵此勿犯。令兒康壽。

乳

- 一、熱乳——乳母夏不宜熱。熱則令兒吐逆。
- 二、寒乳——乳母冬不宜寒。寒則令兒咳嗽。
- 三、怒乳——令兒上氣顛狂。
- 四、醉乳——令兒身熱腹痛。
- 五、交媾乳——令兒瘦脊交脛不能行。
- 六、新浴乳——令兒發吐傷神。飲食不調。停積胸膈。結為痰飲。乃成壯熱。壯熱不已。遂成風痲。
- 七、啼乳——兒啼未定。卽令

哺乳。氣逆不消。因成乳癖。八、孕乳——有孕而乳。令兒黃瘦。肚大腳小。名曰魘病。

總之乳母能懷暑毒怒。厚味炙爆。使乳汁清和。令兒無病。否則陰陽偏勝。氣血沸騰。乳汁敗壞。必生諸病。八、勿輕服藥。初生之兒。未可輕藥。蓋無情草木。氣味不純。非嬌嫩者所宜。且間切無因。惟憑望色。粗疏之輩。寒熱二字。且不能辨。而欲其識證無差。不易得也。凡有微疾。不用惶惶。但令乳母嚴戒油膩葷酒。使乳汁清和。二三日間。不藥自愈。所謂不藥為中醫。至哉言也。每見愚人。兒稍不快。卽忙延醫。通達者或不致誤。疏略者。惟以通套驚風藥治之。此無事之中。

生出有事。伐及無辜。病反致重。父母見其無效。是必更醫。卒無善手。相與任意猜度。曰風。曰痰。曰驚。曰熱。前藥未已。後藥繼至。甚至日易數醫。各為臆說。陽九疊進。刻不容緩。嗟夫。藥性不同。見識各異。嬌嫩腸胃。豈堪此無情惡味之擾攘。不必病能傷人。而藥亦可以死之矣。予每見不聽勸戒。雜藥妄投者。百無一救。哀哉。

九、不乳吐不止。噤口撮口外治法。小兒初生。見不乳。吐不止。噤口。撮口等症。俱宜兼用外治法。可佐湯藥之不及。病易痊愈也。茲述之如左。
 (芙蓉餅) 芙蓉花五錢。(或葉或皮或根均可) 搗極爛。用雞蛋二枚和勻。煎熟候冷。敷心口肚膈。用布

緊。病自拔出。屢試如神。

〔香附餅〕 生香附二錢。生半夏二錢。共研末。生雞蛋調作餅。貼兩足心。一周時。病即拔出而愈。

〔吳萸敷方〕 吳萸黃四錢。以好醋調敷兩足心亦效。

〔鯽魚尾方〕 口舌破爛者。用活

鯽魚以尾入口中。頻搖擺。隨擺隨換。此方能去口中熱毒。兼能泄風。初用時。兒尚啼哭。用二次後。口內生涼。兒自不啼。尾雖有刺。甚軟。並不傷人。治後即能吮乳。不過三日即愈。

右四方。俱極靈驗。小兒初生。見右各症。俱宜用之。無不可救。

初生諸病證上各十方
淺解類

初生雜病證上

【不啼類各方】

〔一〕鞭背法（金鑑方）

葱一束。右以葱一束。鞭兒背也。

〔淺解〕 葱辛通氣。擊動醒神。用葱鞭背者。取開通擊醒之義也。如無葱。以手輕擊之亦可。

〔二〕熏臍帶法（金鑑方）

兒初生。方離母腹。若值天寒。氣為寒閉。使兒聲不出。須急用棉絮包裹。抱於懷中。且勿斷臍。用紙燃蘸油。點火於臍帶上。往來熏之。

〔淺解〕 此法令火氣由臍入腹。寒得溫散。氣得煖通。啼聲自出矣。

【不乳類各方】

〔一〕一捻金（金鑑方）

生大黃一錢。黑丑一錢。白丑一錢。人參一錢。檳榔一錢。

右研細末。每服五分。弱者二分。蜜水調服。

〔淺解〕 本方大黃、檳榔、二丑、通腸消積。人參和中補正。不乳病由臍糞不下者。速服此方。臍糞一下。即能吮乳也。

〔二〕口啞五心臍下法（金鑑方）

令婦人以溫水嗽口。啞兒前後心。手足心並臍下。共七處。以皮見紅赤色為度。須與大便自通。

〔淺解〕 此法能呼毒外出。亦拔毒法之一種也。

(三)勻氣散(御苑方)

陳皮一錢。桔梗一錢。炮薑五分。砂仁五分。炙甘草五分。木香三分。

右研細末。每服五分。以紅棗煎湯調服。

〔淺解〕本方陳皮、木香、砂仁、桔梗、利氣勻氣。炮薑溫寒。甘草和氣。以紅棗湯調服。則去病而不傷正。不乳病由乳母過食寒涼。胎受其氣者。速服此方。散寒和氣。病即瘥也。

(四)參蜜湯(金鑑方)

人參一錢。

右一味以水半碗煮。至五分。去渣。和入白蜜一小匙。更上火微煮。調服一捻金五分。

〔淺解〕本方以人參和中補氣。

加白蜜以和陰潤腸。調一捻金以攻積下糞。不乳病失治。正虛邪實。臍囊不下。速服此方。或可有救。

(五)理中湯(傷寒論方)

人參一錢。甘草一錢。白朮一錢。乾薑一錢。紅棗肉二枚。

右以水一碗半煮。取五分。去渣。時服之。

〔淺解〕本方參、甘、朮、棗、和中補

脾。乾薑溫陽散寒。不乳病失治。兒腹寒冷。四肢厥逆。此脾氣不足。脾陽衰微。速服此方。或可無憂。

〔眼不開類各方〕

(一)生地黃湯(湯氏方)

生地黃一錢。赤芍藥一錢。當歸一錢。川芎一錢。生甘草一錢。天花粉一錢。

右以水一碗半煮。取五分。去渣。時服之。

〔淺解〕本方芎、歸、地、芍、涼血和

血。甘草、花粉、和氣清氣。眼不開乃氣血俱熱所致。宜服此方清解之。

(二)熊膽洗法(金鑑方)

熊膽一錢。川黃連一錢。

右以滾湯淨洗。其目自開。

〔淺解〕本方熊膽、黃連、俱屬清

熱涼目之品。眼不開由熱毒壅盛。用此洗之。自有神效。

(三)羊膽點方(金鑑方)

以羊膽汁點於目內也。

【淺解】 肝開竅於目。膽汁減則目黯。目者肝之外候。膽之精華也。故諸膽皆治目病。此以青羯羊者良。

【吐不止類各方】

(一) 一捻金(金鑑方)

見本證不乳類各方淺解。

(二) 香蘇飲(證治準繩方)

藿香一錢。蘇葉一錢。厚朴

一錢。(薑炒) 陳皮一錢。

枳壳一錢。(麩炒) 白茯苓一

錢。木香一錢。(煨) 炙甘

草一錢。生薑三片。

右以水一碗半煮。取五分。去渣。時

時服之。

【淺解】 本方以蘇葉、生薑、宣散

寒邪。止嘔除吐。藿香、厚朴、陳皮、枳壳、

木香、和氣行滯。運中化痰。茯苓、甘草、和中補脾。以順正氣。吐不止病由生育時。觸冒寒邪。入裏犯胃者。速服此方。散寒止吐。自有神效。

(三) 黃連二陳湯(局方)

黃連一錢。薑製半夏一錢。

陳皮一錢。白茯苓一錢。生

甘草一錢。生薑三片。

右以水一碗半煮。取五分。去渣。時

時服之。

【淺解】 本方黃連味苦性寒。苦

能降逆止嘔。寒能清熱解毒。生薑味

辛性溫。宣胸膈逆氣。爲治嘔聖藥。半

夏、陳皮運中化飲。茯苓、甘草和中利

氣。吐不止病。由胎前受熱者。其症面

黃赤。手足溫。口吐黃涎不止。酸臭異

常。喜冷飲。睡不露睛。此內有熱。而兼挾痰飲也。宜服此方。自能收功。

(四) 理中湯(傷寒論方)

見本證不乳類各方淺解。

(五) 理中湯加附子方(驗方)

卽於理中湯原方內加附子一

錢。煎服各法。概依原方。

【淺解】 本方以理中湯原方補

中回陽。加附子則補陽之力愈銳。吐

不止病失治。四肢厥冷。額汗昏睡。閉

目搖頭。面脣青黯。此因脾陽虛微。肝

風鳴張而成慢脾風。所謂肝犯胃。木

侮土者是也。此證逐風則無風可逐。

治驚則無驚可治。惟宜大補脾土。生

胃回陽爲主。當服此方。

(六) 涼驚湯(金鑑方)

防風一錢。青黛一錢。鈎藤

鈎一錢。黃連一錢。牛黃一錢。生薑三片。

右以水一碗半煮。取五分。去渣。時服之。

〔淺解〕 本方黃連味苦性寒。苦

能降逆止嘔。寒能清熱解毒。生薑味辛性溫。宣胸膈逆氣。為治嘔聖藥。防

風。鈎藤泄風定驚。青黛。牛黃。清肝涼

驚。吐不止病失治。嘔吐不已。熱勢壅

盛。角弓反張。啼聲強直。手足抽搐而成急驚風。此熱邪猖獗。肝風鸛張也。速服此方。藥服涼驚丸。便能轉危為安。

〔七〕涼驚丸〔錢乙方〕

龍膽草三錢。防風三錢。青

黛三錢。鈎藤鈎二錢。黃連

五錢。牛黃一錢。右研細末。麪糊為丸。如粟米大。量

兒大小與之。涼驚湯化下。或以金器煎湯化下亦可。

〔淺解〕 本方與上方意義略同。

如龍膽草。則清肝之力愈銳。驚涼之功益著。惟味極苦。性極寒。善敗胃。對於久吐。似不相宜。故用於丸劑。而不用於湯劑也。

〔不小便類各方〕

〔一〕導赤散〔錢乙方〕

生地黃一錢。木通一錢。生甘草一錢。燈心草一錢。鮮

竹葉一錢。〔如無鮮的乾的亦可〕

右以水一碗半煮。取五分。去渣。時服之。

〔加法〕 如加入黃連五分。滑石一錢。赤苓一錢。則更妙。

〔淺解〕 本方生地。竹葉。清營分之熱。木通。生甘。清氣分之熱。兼利小便。小兒初生。小便不通。氣營俱熱者。此方甚佳。

〔二〕八正散〔衛生寶鑑方〕

扁蓄一錢。瞿麥一錢。飛滑石一錢。木通一錢。赤苓一

錢。車前子一錢。生大黃一

錢。生梔子一錢。燈心草一

錢。右以水一碗半煮。取五分。去渣。時服之。

〔淺解〕 本方係一派清熱利水之品。小兒初生。小便秘不通。熱勢壅盛。服上方必無效。宜服此方。自有神效。

(三) 豆豉膏 (證治準繩方)

淡豆豉一勺。田螺十九個。

葱一大束。

右搗爛。用芭蕉汁調貼臍上。

〔淺解〕 本方以田螺、芭蕉汁、清

解熱毒。然但用清解藥。而無宣通之

藥佐之。則氣機壅滯。膀胱傳化失職。

小便仍無通望。故必以葱之辛通。鼓

之香開佐之。使膀胱之氣化。決瀆之

官行。小便如泉湧矣。

【不大便類各方】

(一) 硃蜜法 (金鑑方)

硃砂一大豆許。

右一味研細。水飛過。煉蜜調勻。乳汁化服。最佳。

〔淺解〕 本方硃砂鎮心定驚。兼

能除邪。蜂蜜解毒潤腸。更能清熱。一

鎮一潤。功效殊常。惟胎氣太弱者。不

宜用也。

(二) 一捻金 (金鑑方)

見本證不乳類各方淺解。

(三) 口啞五心臍下法 (金鑑方)

見本證不乳類各方淺解。

(四) 麻子汁方 (驗方)

以麻子一匙。冷沸水研汁飲之。

〔淺解〕 本方麻子即脂麻。味甘

性平。和血潤燥。澤腸通便。

(五) 金簪刺法 (驗方)

金簪一枚。在肛門脂膜遮滿處。

刺而通之。如無金簪。以玉簪亦可。

〔淺解〕 此係外治法。以肛門為

脂膜遮滿。非內服湯藥所能取效。且

徒傷正氣。變生他症。不若此法之穩

而且便也。惟刺時不可太深。恐傷內

臟。

(六) 蘇合香丸 (局方)

蘇合香油五錢。(入安息香內)

安息香一兩。(另為末。用無

灰酒半觔。熬膏) 丁香一兩。

青木香一兩。白檀香一兩。

沉香一兩。藁麥一兩。香

附子一兩。訶子一兩。(煨取

肉) 鎊烏犀一兩。硃砂一

兩。(水飛) 薰陸香五錢。

片腦五錢。(研) 麝香七錢半。

右共爲細末。入安息香膏。煉蜜和劑。圓如芡實大。空心用沸湯化下。酒下亦可。

此處作棗核狀。納入孔中。

〔淺解〕 此爲辟邪驅穢之聖方。今用以納入肛門孔中者。取其香能開竅。又能潤澤。使大便一下。庶可望生。

【大小便不通類各方】

(一)口噤五心臍下法(金鑑方)

見本證不乳類各方淺解。

(二)木通散(證治準繩方)

車前子一錢。扁蓄一錢。瞿麥一錢。木通一錢。赤茯苓

一錢。山梔一錢。飛滑石一錢。黃芩一錢。生甘草一錢。大黃一錢。燈心草一錢。

右以水一碗半煮。取五分。去渣。時時服之。或加入薄荷五分同煮亦可。

〔淺解〕 本方車前、扁蓄、瞿麥、木通、赤苓、山梔、滑石、清熱利小便。大黃、黃芩、清熱通大便。小兒大小便俱閉。熱極腹脹欲死。非服此方行散其熱。無生望也。

(三)紫霜丸(證治準繩方)

代赭石一兩。(火煨醋浸三五

次研) 赤石脂一兩。杏仁

六十粒。(炒去皮尖) 巴豆

三十粒。(去油膜)

右爲細末。飯糊丸。如麻子大。日服

三丸。白水下。

〔淺解〕 本方以巴豆爲君。開其

結滯。味辛性熱。銳利難當。蕩滌陰凝之物。攻消堅積之邪。臣以杏仁。潤大腸燥結。寬胸膈逆氣。則巴豆之功效愈著。腸間之結塞盡通。然究屬峻烈之品。有傷腸胃。苟無黏澀之品監制之。恐直下無阻。正氣傷殘而起劇變。故以赤石脂之黏澀甘酸者監制之。方能有利無弊。然兒病一重。肝風鶴張。苟不以重鎮之品鎮之。則病雖去而驚風隨起。亦非萬全之策。故以代赭之重鎮心肝之火者爲佐。則面面俱顧。可無憂矣。製以爲丸。藥性較緩。乃峻藥緩投法。使其萬無一失也。

【肛門內含類各方】

(一)黑白散(證治準繩方)

黑牽牛五錢。(半生半炒)

白牽牛五錢。(半生半炒)

生大黃五錢。 檳榔五錢。 陳

皮五錢。 生甘草三錢。 元明

粉一兩。

右除檳榔不過火。餘五味。或曬或

焙。仍合檳榔爲末。同元明粉入乳鉢

內研細。每服五分至六七分。溫蜜湯

(卽以白蜜沖湯)調化。

〔淺解〕 本方黑白牽牛攻消腸

中結滯之脂膜。大黃元明清熱攻積

以通大便。檳榔陳皮利氣行滯。生甘

清熱解毒。兼以和正。小兒肛門內合

大便不通。由熱毒壅盛者。必見面赤

腹脹。不乳。唇口乾燥等症。急服此方。

初生諸病證上

大便一下。庶可望生。遲則正氣傷殘。

此方不可投也。必有生命危險。

(二)蘇合香丸(局方)

見本證不大便類各方淺解。

(三)金玉簪刺法(驗方)

見本證不大便類各方淺解。

【噤口類各方】

(一)龍膽湯(千金方)

柴胡一錢。 黃芩一錢。 生甘

草一錢。 鈎藤鈎一錢。 赤芍

一錢。 大黃一錢。(紙裹煨)

龍膽草一錢。 蜈蚣一錢。(去

翅足) 桔梗一錢。 赤茯苓

一錢。 紅棗肉三枚。

右以水一碗半煮。取五分。去渣。時

時服之。

〔淺解〕 本方柴胡、桔梗、鈎藤、泄

風。大黃、蜈蚣、攻積滯。龍膽、黃芩、清火

泄熱。赤芍和血。赤苓、生甘、和氣。噤口

病由胎熱者。其症舌上生疳。如黍米

狀。吮乳不得。啼聲漸小。法當清熱疎

利。宜服此方。

(二)紫霜丸(證治準繩方)

見本證大小便不通類各方淺

解。

(三)祕方擦牙散(驗方)

生南星二錢。(去皮臍) 龍

腦四分。

右研爲極細末。用指蘸合生薑汁。

放大牙根擦之。立效。如不開者。將應

用之藥。調和稀糊。含在不病人口內。

以筆管插入病人之鼻孔。用氣將藥

四五

極力吹入。其關立開。此法有通仙之妙不可不知。

〔淺解〕 本方龍腦味辛苦。性微寒。稟火金之氣。以生陽中之陽。氣味芳烈。為諸藥之冠。性升善竄。能直透骨髓。入肺心脾三經。為散火通竅之良品。以瑩白如玉。作梅花片者為佳。今用以為君者。藉其辛香之力。用以開竅。佐以南星。以化風痰。噤口病由胎熱內結。復為風邪外襲者。其症口吐白沫。牙關緊結。速以此方開其閉塞。否則無生望也。

〔四〕辰砂全蠍散〔證治準繩方〕
辰砂五分。(水飛) 全蠍三枚。(去毒) 硼砂五分。龍腦一分。麝香一分。

右研為極細末。用乳母唾調抹口唇裏及齒上。

〔淺解〕 本方以辰砂鎮心定驚。全蠍泄風。硼砂清熱。龍腦。麝香。辟穢開竅。噤口病牙關開後。宜服此方。便可痊愈。惟中病即止。不可過服。

〔五〕勻氣散〔御苑方〕
見本證不乳類各方淺解。

〔撮口類各方〕

〔一〕辰砂殭蠶散〔證治準繩方〕
辰砂五分。(水飛) 殭蠶一錢。(直的去系嘴炒) 蛇蛻皮一錢。(炒) 麝香五分。
右為末。用蜜調敷唇口。
〔淺解〕 本方以辰砂鎮驚。殭蠶。蛇蛻。泄風。麝香辟穢。撮口病氣高痰。

盛。用此調敷唇口。病即瘥也。

〔二〕紫霜丸〔證治準繩方〕
見本證噤口類各方淺解。

〔三〕龍膽湯〔千金方〕

見本證噤口類各方淺解。

〔四〕撮風散〔證治準繩方〕

赤腳蜈蚣半條。(炙) 鈎藤

鈎一錢五分。硃砂一錢。(水

飛) 直殭蠶一錢。(焙)

全蠍尾一錢。麝香一分。

右共為末。每服一分。竹瀝調下。

〔淺解〕 本方蜈蚣。鈎藤。殭蠶。全蠍。泄風。硃砂鎮驚。麝香辟穢。撮口病

手足抽搐者。風勢盛也。宜服此方。

〔五〕芙蓉餅敷方〔驗方〕

芙蓉花五錢。(或葉或皮或根

...

均可)

右一味搗極融爛。用鷄蛋兩個和勻。煎熟候冷。敷心口肚臍。用布紮緊。屢試如神。

〔淺解〕 本方芙蓉花味酸性溫。收風定驚。和以鷄蛋。善拔邪氣。撮口病用此外治。收效如神。

〔六〕生香附餅敷方(驗方)
生香附二錢。生半夏二錢。
右研爲末。生鷄蛋白調作餅。貼兩足心。一週時即愈。

〔淺解〕 本方生香附行氣消滯。生半夏化痰泄風。和以鷄蛋白。拔邪外出。則撮口自瘥。

〔七〕活鱒魚方(驗方)
活鱒魚用尾入口中頻頻搖擺。

和生諸病證(七)

隨擺隨換。初用時。兒尙啼哭。用一二次後。口內生涼。兒自不啼。

尾雖有刺。但甚軟。並不傷人。治後即能食乳。不過三日全愈。

〔淺解〕 本方能泄風拔毒。故有神效。

【臍濕臍瘡類各方】

〔一〕滲臍散(金鑑方)
枯礬二錢。龍骨二錢。麝香二分。

右共研細末。乾撒臍中。

〔淺解〕 本方枯礬。龍骨。收水斂濕。麝香辟穢化濕。

〔二〕金黃散(張漢方)
川黃連二錢半。胡粉一錢。龍骨一錢。(煨)

右共爲末。敷患處。

〔淺解〕 本方以黃連清熱解毒。胡粉。龍骨。收水收濕。臍瘡病臍中凝赤腫爛。此濕熱壅盛也。速用此方清熱收濕。治之神效。

【臍突類各方】

〔一〕犀角消毒飲(證治準繩方)
牛蒡子一錢。(炒研) 生甘草一錢。荆芥一錢。防風一錢。金銀花二錢。

右以水一碗半煮。取五分。去渣。入犀角細末五分調勻。時時服之。

〔淺解〕 本方牛蒡。荆芥。防風。泄風透邪。犀角。銀花。生甘。清熱解毒。臍突病臍忽腫赤。虛大光浮。捻動微響。驚悸作啼。此外挾風熱。內有胎熱。非

以此方兩解之。決無功效。

(二) 二豆散 (金鑑方)

赤小豆一錢。(不去皮) 豆

豉一錢。天南星一錢。(去皮

臍) 白欬一錢。

右爲細末。用五分芭蕉汁調敷臍

四旁。日二次。

〔淺解〕 本方赤豆、芭蕉、清熱解

毒。豆豉、南星、宣滯消痞。白欬斂臍收

臍。使不突出。臍突用此外治。臍卽收

斂。靈效異常。

【臍風類各方】

(一) 燈火法 (幼科鐵鏡方)

以燈草一二莖。蘸香油。乾濕得

中。點燃。一燵者一火也。如無燈

草。以艾絨團如小麥頭大。十三

枚。每穴一枚。亦有同等效力。

〔淺解〕 此火攻法也。使邪隨火

散。

(二) 驅風散 (金鑑方)

蘇葉一錢。防風一錢。陳皮

一錢。厚朴一錢。枳壳一錢。

(麩炒) 木香六分。(煨)

僵蠶一錢。(炒) 鈎藤鈎

一錢。生薑三片。

右以水一碗半煮。取五分。去渣。時

時服之。

〔淺解〕 本方蘇葉、防風、僵蠶、鈎

藤、泄風驅邪。陳皮、厚朴、枳壳、木香、利

氣行滯。兼化痰濕。臍風病初起。速服

此方。使風解痰消。氣機通達。各症自

瘥。

(三) 黑白散 (證治準繩方)

見本證肛門內合類各方淺解。

(四) 理中湯 (傷寒論方)

見本證不乳類各方淺解。

(五) 辰砂殭蠶散 (證治準繩方)

見本證撮口類各方淺解。

(六) 龍膽湯 (千金方)

見本證噤口類各方淺解。

(七) 益脾散 (證治準繩方)

白茯苓三錢。人參三錢。草

果三錢。(煨) 木香三錢。(煨)

炙甘草三錢。陳皮三錢。

厚朴三錢。(薑炒) 紫蘇子

三錢。(炒)

右研爲細末。每服一錢。以生薑三

片。紅棗肉三枚。煎湯調服。

【淺解】 本方人參、茯苓、甘草和中益脾。木香、陳皮、厚朴、利氣行滯。草果溫脾。紫蘇散風。膈風病。兼見面青嘔吐。曲腰多啼者。風兼寒也。當服此方。

(八)撮風散(證治準繩方)

見本證撮口類各方淺解。

【天鈞類各方】

(一)九龍控涎散(六科準繩方)

赤腳蜈蚣一條。(酒塗炙乾)

滴乳香一錢。天竺黃一錢。

(二)味研勻) 臘茶二錢。

雄黃二錢。炙甘草二錢。荆

芥穗一錢。(炒) 枯白礬一

錢。菴豆一百粒。(半生半熟)

右爲細末。每服五分。以人參一錢。

初生諸病(正)

薄荷五分。煎湯調下。

【淺解】 本方蜈蚣、荆芥、泄風疏

邪。白礬、竺黃、雄黃、化痰去涎。乳香舒

筋活絡。菴豆、臘茶、清熱解毒。天鈞病

痰盛兼搐。當化痰爲主。祛風爲佐。宜

服此方。

(二)牛黃散(金鑑方)

牛黃一錢。(細研) 硃砂一

錢。(水飛細研) 麝香五分。

天竺黃二錢。蠟梢一錢。

鈞藤鈞二錢。

右共研勻。每服一分。新汲水調下。

【淺解】 本方牛黃、硃砂、鎮心定

驚。蠟梢、鈞藤、泄風定驚。竺黃化痰定

驚。麝香辟穢定驚。天鈞病驚盛兼風。

當定驚爲主。祛風爲佐。宜服此方。

(三)鈞藤飲(證治準繩方)

人參五分。全蠍一錢。(去毒)

羚羊角一錢。天麻一錢。

炙甘草一錢。鈞藤鈞一錢。

右以水一碗半煮。取五分。去渣。時

時服之。

【淺解】 本方全蠍、天麻、鈞藤、搜

風定搐。羚羊平肝息風。兼以清熱。人

參、甘草、和中補正。天鈞病搐盛多熱。

宜清熱定搐治之。當服本方。神效。

(四)蘇合香丸(局方)

見本證不大便類各方淺解。

(五)雞蛋搜驚法(驗方)

雞蛋大者三枚。(鴨蛋無效)

右以清水煮熟。去殼搗爛。和以燒

酒、飛麪。一枚敷當臍。(即神闕穴)二

枚各敷左右足底心（即湧泉穴）

一周時放下時蛋變黑色。甚者有刺

此驚收入蛋中。病勢即輕。

〔附註〕 此方須臨臥用之。則蛋

不易脫棄。否則常常脫落。必無功效。

法殊平穩。功效神速。平時無病。每逢

月之一日。十五日。各施用一次。則令

兒無驚。少病痛也。

〔淺解〕 雞爲巽禽。最善搜驚。今

用其蛋。亦此意也。

〔六〕鹽湯探吐法（驗方）

以鹽四錢。調成極鹹之湯一杯。

熱飲之。以指探令吐。不吐再服

一杯。吐出膠痰尺許。始可望生。

〔淺解〕 此係探吐法。病在上者。

因而越之之義也。

【內釣類各方】

（一）鈎藤飲（證治準繩方）

見本證天鈎類各方淺解。

（二）木香丸（證治準繩方）

沒藥二錢。木香二錢。（煨）

茴香二錢。（炒） 鈎藤鈎

二錢。全蠍二錢。乳香二錢。

右先將乳香、沒藥、研勻後。入諸藥

末和畢。取大蒜少許。研細和丸。如桐

子大。曬乾。每次二丸。鈎藤飲送下。

〔淺解〕 本方鈎藤、全蠍、搜風定

搐。木香、茴香、利氣行滯。乳香、沒藥、活

血定痛。內釣病急喘腹痛。此氣血不

和。兼挾風邪也。速服此方。自有神效。

（三）養臟散（金鑑方）

當歸五錢。沉香五錢。木香

五錢。（煨） 肉桂五錢。川

芎五錢。丁香二錢。

右爲末。每服一錢。淡薑湯調服。

〔淺解〕 本方當歸、川芎、和血活

血。沉香、木香、丁香、利氣行滯。肉桂溫

陽散寒。

內釣病失治。四肢厥冷。指甲色青。

脣口黑。內釣至此。乃中寒陰盛。氣血

凝滯。速服此方。活血行氣。散寒行滯

治之。或可獲效。

（四）雞蛋搜驚法（驗方）

見本證天鈎類各方淺解。

【盤腸氣痛類各方】

（一）白豆蔻散（金鑑方）

白豆蔻二錢。春砂仁二錢。

青皮二錢。（醋炒） 陳皮二

錢。炙甘草二錢。香附二錢。

(米製) 蓬莪朮二錢。

右共爲細末。每服一錢。以紫蘇一

錢。煎湯調下。

〔淺解〕 本方係一派利氣行滯

之品。以痛由於不通。通則不痛。故散

其滯結。通其阻鬱。使氣機流暢。則痛

自瘳也。盤腸氣痛病。腹痛曲腰。乾哭

無淚。面色青白。速服此方。其痛卽通。

神效。

(二) 聖濟法(驗方)

淡豆豉二錢。生薑二錢。(切

碎) 葱白五莖。食鹽一兩。

右同炒熱。置臍上熨之。

〔淺解〕 本方豆豉、生薑、葱白、食

鹽。俱屬行滯解結之品。乘熱熨之。可

藉其煖力。解散鬱結也。

(三) 養臟散(金鑑方)

見本證內鈞類各方淺解。

(四) 參鬚湯(冰玉堂驗方)

人參鬚一錢。

右一味以水一碗半煮。取五分。去

渣。時時服之。

〔淺解〕 本方人參鬚味甘性平。

善行脈絡。補而不滯。以人參補力太

猛。有壅滯之患。不若參鬚之穩妥。古

人有句云。「參鬚勝似六君子。」極

言其補中有行。補而不滯。如六君子

湯一般也。

初生諸病證(下)

總綱

一 初生諸病證(下)共分幾類。

類一 共分四

- 一、目爛。
- 二、懸癰。
- 三、重齕。
- 四、鵝口。
- 五、吐舌。
- 六、弄舌。
- 七、重舌。
- 八、木舌。
- 九、呢乳。
- 一〇、夜啼。
- 一一、胎黃。
- 一二、胎赤。

- 一三、赤遊風。
- 一四、初生無皮。

二 初生諸病何由而成。

初生諸病之原因有五。

- 一、胎熱。
- 二、傷寒。
- 三、傷食。
- 四、停痰。
- 五、楊梅遺毒。

三 初生諸病證(下)之主要治法如何。

- 一、目爛 毒熱上攻——地黃湯。
- 二、懸癰 胎毒上攻——如聖散。
- 一五、胎赤 胎毒上攻——如聖散。

三、重齕 有熱蓄於胃中——一字散、清胃散。

四、鵝口 熱毒蘊於心脾——清熱瀉脾散、保命散。

五、吐舌 心經有熱——瀉心導赤散。

六、弄舌 心脾有熱——瀉黃散。

七、重舌 心脾之熱——清熱飲。

八、木舌 心脾積熱——川硝散。

九、呢乳 寒呢——和中清熱飲。

一〇、夜啼 傷乳呢——平胃散。

一一、胎黃 停痰呢——枳桔二陳湯。

一二、胎赤 枳桔二陳湯。

一三、赤遊風 枳桔二陳湯。

一四、初生無皮 枳桔二陳湯。

一五、胎赤 枳桔二陳湯。

一〇、夜啼
脾寒——鈎藤飲。
心熱——導赤散。

通治——蟬花散。

一、胎黃
微黃——生地黃湯。
深黃——犀角散。

一二、胎赤
毒熱凝結——清熱解毒湯。

一三、赤遊風
胎中毒熱——犀角解毒飲。

角解毒飲。

一四、初生無皮
楊梅遺毒——內服換肌消毒散。外敷清涼膏。

胎元不足——內服當歸飲。外撲稻米粉。

四 初生諸病證(下)中懸癰重靨之急救法如何。

初生諸病證(下)

初生諸病證(下)中以懸癰、重靨為最險。失治後。每每腫脹滿口。不能吮乳而死。急救法。須以綿纏長鍼留鋒刺之。瀉去青黃赤汁。未消者來日再刺。刺後以鹽湯洗口。庶可獲救。

五 初生諸病失治。有無危險。

初生諸病。如懸癰、重靨、鵝口、重舌、木舌、失治。俱令不能吮乳而死。赤遊風失治。令毒歸心腹而死。初生無皮失治。即令兒死。

目爛類

【病源】

毒熱上攻 胎中蘊熱。生後毒熱上攻於目。遂令目爛。

【病狀】

胞邊赤爛 目爛病胞邊赤爛。痛

痒難睜。

【變症】

眼毛盡脫 目爛病失治。赤爛益甚。紅腫疼痛。眼毛盡脫。狀如潰爛。累月不治。至為困苦。

【療法】

胞邊赤爛之療法 目爛病胞邊赤爛。痛痒難睜。宜內服生地黃湯以清熱。外用真金散以點目。其病自愈。

【調養】

一、忌食辛辣 目爛病乳母忌食辛辣香燥。煎炒炙爆。膏粱厚味。雞鵝羊肉。蝦蟹海腥等物。

二、宜用熊膽洗法 目爛病宜兼用熊膽洗法洗之。洗後再以真金散點目。則功效愈著。

三、銀花泡飲 目爛病乳母宜每日以銀花三錢。連翹三錢。百沸水泡飲代茶。使乳汁清涼。兒吮之。毒自輕也。

懸癰癰類

【病源】

胎毒上攻 胎毒上攻。喉裏上腭。腫起如蘆籬盛水狀。是謂懸癰病。俗名鶴頂疽。

【病狀】

上腭腫起 懸癰病喉裏上腭腫起。如蘆籬盛水狀。舌難伸縮。口難開合。不能吮乳。

【變症】

餓倒胃氣 懸癰病失治。不能吮乳。數日必餓倒胃氣而死。

【療法】

上腭腫起之療法 懸癰病喉裏上腭。腫起如蘆籬盛水狀。舌難伸縮。口難開合。不能吮乳。速以綿線長鍼留鋒刺之。瀉去青黃赤汁。未消者來日再刺。刺後以鹽湯拭口。用如聖散或一字散搽之。

【調養】

一、忌食煎炒 懸癰病乳母忌食辛辣香燥。煎炒炙爆。膏粱厚味。雞鵝羊肉。蝦蟹海腥等物。
二、銀花連翹泡飲 懸癰病乳母宜每日以金銀花三錢。連翹三錢。百沸水泡飲代茶。使乳汁清涼。兒吮之。毒自輕也。
三、預防法 懸癰病預防法。初生

時。拭口後。宜以真牛黃一錢。開水沖開。時時服之。使胎毒清解。不能上攻。此病自不生矣。

重齦齦類

【病源】

熱蓄於胃 小兒在胎。有熱蓄於胃中。生後遂令牙根腫如水泡。是謂重齦病。

【病狀】

腫如水泡 重齦病牙根腫如水泡。口難開合。不能吮乳。

【變症】

餓倒胃氣 重齦病失治。牙根腫脹益劇。不能吮乳。數日。啼聲如鴉。欲哭無淚。必致餓倒胃氣而死。

【療法】

腫如水泡之療法 重齲病牙根

腫如水泡。口難開合。不能吮乳。速以

綿繯長鍼留鋒刺之。瀉去青黃赤汁。

未消者來日再刺。刺後以鹽湯拭淨。

外敷一字散。內服清胃散。其腫自消。

【調養】

一、忌食雞鵝 重齲病乳母忌食

雞鵝羊肉。蝦蟹海腥。膏粱厚味。辛辣

香燥等物。

二、不可多服藥 重齲病腫勢一

退。即當停藥。不可多服。以此種清涼

敗毒之品。剋伐兒沖和之氣。令變生

他證。

三、不可延擱 重齲病宜速治。千

萬不可延擱。若待餓倒胃氣。而後求

治。雖有仙丹。無能為力矣。

鵝口類

【病原】

飲食熱毒之氣 在胎中受母飲

食熱毒之氣。蘊於心脾二經。生後遂

發於口舌之間。滿口生白屑。如鵝之

口。是謂鵝口病。

【病狀】

白屑生滿口舌 鵝口病白屑生

滿口舌之間。如鵝之口。難於乳哺。哺

時亦多啼叫。

【變症】

口舌糜爛 鵝口病失治。熱毒壅

盛。白屑益多。層層疊起。口舌糜爛。吮

乳不得。危險立至。

【療法】

白屑生滿口舌之療法 鵝口病

白屑生滿口舌之間。如鵝之口。難於

乳哺。哺時亦多啼叫。清熱瀉脾散主

之。外用髮蘸井水拭口。搽以保命散。

日敷二三次。白退自安。

【調養】

一、宜服犀角汁 鵝口病宜時以

犀角汁服之。清熱解毒。有特殊功效。

可助湯方之不及。若貧窮之家。無力

購辦。則不必服此。但服湯方可也。

二、或以青紗措之 鵝口病或以

青紗一條。裹筋頭上。蘸新汲水措去

白胎。以淨為度。重手出血不妨。隨以

冰硼散搽之。亦有神效。

三、忌食辛香 鵝口病乳母忌食

辛辣香燥。煎炒炙爆。膏粱厚味。雞鵝

羊肉。蚌蛤河豚。蝦蟹海腥等物。並宜

以金銀花三錢。連翹三錢。泡飲代茶。使乳汁清涼。兒毒自輕。

吐舌類

【病源】

心脾積熱。心脾積熱。令吐舌良久而不收。是謂吐舌病。

【病狀】

吐舌良久。吐舌病吐舌良久而不收。面紅煩躁。口渴尿赤。

【變症】

目上視。角弓反張。吐舌病失治。吐舌益劇。煩躁益甚。引動內風。令兒目上視。角弓反張。而成天鈞。

【療法】

一、吐舌良久之療法。吐舌病吐舌良久而不收。面紅煩躁。口渴尿赤。

瀉心導赤湯主之。外以人中白冰片和勻。鵝翎掃舌上。立效。

二、目上視角弓反張之療法。吐

舌病失治。吐舌益劇。煩躁益甚。引動內風。令兒目上視。角弓反張。而成天鈞。涼驚湯主之。兼服涼驚丸。

【調養】

一、以鮮竹葉泡飲。吐舌病乳母宜以鮮竹葉三錢。泡飲代茶。令兒亦飲之。使心熱浮熱清解。病自輕可。

二、口渴甚之調養法。吐舌病兒熱劇。口渴甚。調養之法。宜以天花粉三錢。煎湯代茶飲之。以其味甘苦性寒。能生津止渴也。

三、忌食雞鵝。吐舌病乳母忌食

雞鵝羊肉。蝦蟹海腥。辛辣香燥。煎炒

疥癩等物。

弄舌類

【病源】

心脾有熱。心脾有熱。令兒時時舒舌搖動。是謂弄舌病。

【病狀】

舌如蛇哧。弄舌病舌如蛇哧。左右上下。伸縮動搖。唇焦舌乾。煩熱便秘。

【變症】

目上視。角弓反張。弄舌病失治。弄舌益劇。煩躁益甚。引動內風。令兒目上視。角弓反張。而成天鈞。

【療法】

一、舌如蛇哧之療法。弄舌病舌如蛇哧。左右上下。伸縮動搖。唇焦舌

乾。煩熱便秘。先以瀉黃散主之。次用
海心導赤湯。外以西牛黃一釐塗舌
上。即效。

二、目上視角弓反張之療法 弄

舌病失治。弄舌益劇。煩躁益甚。引動
內風。令兒目上視。角弓反張。而成天
釣。涼驚湯主之。兼服涼驚丸。

【調養】

一、以燈心泡飲 弄舌病乳母宜
以燈心草三尺。或以鮮竹葉三錢。泡
飲代茶。令兒亦飲之。使心熱浮熱清
解。病自痊可。

二、以人中白塗舌上 弄舌病如
係貧困之家。不能得西黃。則以人中
白一分。硼砂一分。（如能加入冰片
一釐尤效）和勻。以鵝翎掃舌上。弄

舌即瘥。有同等功效也。

三、忌食海腥 弄舌病乳母忌食
雞鴨羊肉。蝦蟹海腥。辛辣香燥。煎炒
炙爆等物。

一重舌舌類

【病源】

心脾之熱攻舌 心脾之熱。上攻
舌部。令舌下近舌根處。血脈脹起。形
如小舌。是謂重舌病。

【病狀】

血脈脹起 重舌病舌下近舌根
處。血脈脹起。形如小舌。或連貫而生。
如蓮花之狀。甚至頭痛項強。身發潮
熱。

【變症】

潰爛腐穢 重舌病失治。熱毒壅

結。舌脹益劇。不能吮乳。餓倒胃氣。或
潰爛腐穢。不可收拾。俱有生命危險
也。

【療法】

血脈脹起之療法 重舌病舌下
近舌根處。血脈脹起。形如小舌。或連
貫而生。如蓮花之狀。甚至頭痛項強。
身發潮熱。宜服清熱飲。外吹涼心散。

【調養】

一、宜用刺法 重舌病如服藥敷
藥。俱無功效。此熱毒壅盛也。宜以綿
裹長鍼。露尖少許刺之。泄去血汁。用
鹽湯洗拭。再吹涼心散。必有功效。

【附註】

刺時宜慎。不可太深。深
則傷脈。令血出如泉而死。切宜注意。
二、銀花連翹泡飲 重舌病乳母

宜每日以金銀花三錢。連翹三錢。百沸水泡飲代茶。使乳汁清涼。兒吮之。毒自輕也。

三、不可延擱。重舌病病勢最凶。宜一起即治。千萬不可延擱。否則潰爛腐穢。每不可救。慎之慎之。

木舌類

【病源】

心脾積熱。心脾積熱上衝。令兒舌腫滿。木硬不能轉動。是謂木舌病。蓋脾之脈絡在舌下。又舌為心苗。遇火上衝。遂令病木舌。

【病狀】

腫滿木硬。木舌病兒舌腫滿。木硬不能轉動。憎寒壯熱。語言塞澀。不能吮乳。啼聲強直。

【變症】

啼叫無聲。木舌病不可用手去按。致糜爛無血出。或舌上無涎。或如乾橘核。或啼叫無聲。面色頓變而驚。疹者。均不可治。

【療法】

一、腫滿木硬之療法。木舌病兒舌腫滿。木硬不能轉動。憎寒壯熱。語言塞澀。不能吮乳。啼聲強直。速宜內服瀉心導赤湯。外以川硝散敷舌上。或可獲救。

二、死馬作活馬醫。木舌病本係極重極險之症。失治每不可救。然能死生置度外。死馬作活馬醫。或可有救。法以綿裹長鍼露尖少許刺之。泄去血汁。用鹽湯洗拭。再以川硝散搽

之。以刺舌血出。使毒隨血去。其勢即輕。惟刺時切宜注意。不可太深。深則傷脈。令血出如泉而死。

【調養】

一、飛鹽加冰片。以飛鹽一錢半。加冰片三分。共研細。頻塗之。涎出自愈。

二、紫雪竹瀝抹口中。木舌病宜以紫雪二錢五分。竹瀝五勺。時時抹入口中。自消。

以上二方。俱有功效。可佐前數方之不及。

三、忌食煎炒。木舌病乳母忌食辛辣香燥。煎炒炙爆。膏粱厚味。雞鴨羊肉。蚌蛤河豚。蝦蟹海腥等物。並宜以金銀花三錢。連翹三錢。泡飲代茶。

使乳汁清涼。兒毒自輕。

嘔乳乳類

【病源】

一、病源有四。嘔乳病者。不嘔而吐乳也。其病源有四。(1)胃寒。(2)胃熱。(3)停痰。(4)宿乳。凡此四種原因。俱令胃氣逆上。而病嘔乳。

二、乳多而嘔。又有一種嘔乳。因嘔乳過多。滿而自溢。並無其他病狀。此非病。不須服藥。惟節乳。則嘔自止也。

【病狀】

一、面黃多赤。嘔乳病屬胃熱者。其症時時吐乳。面色多赤。二便微秘。手足指熱。

二、面色青白。嘔乳病屬胃寒者。

其症時時吐乳。面色青白。糞青多沫。手足指冷。

三、口熱唇乾。嘔乳病屬傷乳者。其症時時吐乳。大便酸臭。口熱唇乾。夜臥不寧。手足心熱。

四、嘔吐痰涎。嘔乳病屬停痰者。其症時時吐乳。兼嘔吐痰涎。胸膈膨滿。

【變症】

正虛邪實。嘔乳病失治。正氣益虛。邪勢益深。險症環生。喘聲如鴉。兩目直視。手足抽搐。每不可救。

【療法】

一、面黃多赤之療法。嘔乳病屬胃熱者。其症時時吐乳。面色多赤。二便微秘。手足指熱。和中清熱飲主之。

二、面色青白之療法。嘔乳病屬胃寒者。其症時時吐乳。面色青白。糞青多沫。手足指冷。溫中止吐湯主之。

三、口熱唇乾之療法。嘔乳病屬傷乳者。其症時時吐乳。大便酸臭。口熱唇乾。夜臥不寧。手足心熱。平胃散主之。

四、嘔吐痰涎之療法。嘔乳病屬停痰者。其症時時吐乳。兼嘔吐痰涎。胸膈膨滿。枳桔二陳湯主之。

【調養】

一、宜節乳。嘔乳病宜節乳。乳食有節。病易痊也。

二、慎寒暖。嘔乳病宜慎寒暖。不可過寒。亦不可太暖。適中而止。令兒康健。

三、忌食水果 嘔乳病忌食一切水果生冷。

夜啼類

【病源】

脾寒心熱 小兒初生。夜啼。其因有二。①脾寒。②心熱。凡此二因。皆受自胎中。俱令病夜啼也。

【病狀】

一、面色青白 夜啼病由脾寒者。其症入夜則啼。面色青白。手腹俱冷。不欲吮乳。曲腰不伸。

二、面赤脣紅 夜啼病由心熱者。其症入夜則啼。面赤脣紅。手腹俱熱。小便不利。煩躁多啼。

【變症】

變為驚風 夜啼病失治。啼哭不

已。由脾寒者。變為慢驚風。由心熱者。變為急驚風。俱合成重病也。

【療法】

一、面色青白之療法 夜啼病由脾寒者。其症入夜則啼。面色青白。手腹俱冷。不欲吮乳。曲腰不伸。鈎藤飲主之。

二、面赤脣紅之療法 夜啼病由心熱者。其症入夜則啼。面赤脣紅。手腹俱熱。小便不利。煩躁多啼。導赤散主之。

【調養】

一、宜服蟬花散 夜啼病若無右各症。此乃浮熱。毋須服藥。如欲服藥。當服蟬花散。輕清透熱。自有神效。

二、以燈心泡飲 夜啼病由心中

煩熱而無小便不利之症。調養法。當以燈心草三尺。開水泡飲代茶。其熱即解。啼即瘥。有神效也。不必服導赤散。

三、硃砂塗五心 夜啼病失治。將成驚風。啼叫不已。速以硃砂磨新汲水塗心窩及兩手足心五處。便能鎮驚而止啼。

胎黃類

【病源】

濕熱太盛 孕婦濕熱太盛。小兒在胎。受母熱毒。生後遍體面目皆黃。是謂胎黃病。

【病狀】

狀如金色 胎黃病小兒生下。遍體面目皆黃。狀如金色。身上壯熱。大

便不通。小便如糖汁。乳食不思。啼哭不止。

【變症】

黃變黑色 胎黃病失治。濕熱壅盛。乳食不思。爲日既久。黃色變黑。此乃正氣虛衰。邪勢壅盛。攻邪礙正。補正留邪。萬分棘手。

【療法】

狀如金色之療法 胎黃病小兒生下。遍體面目皆黃。狀如金色。身上壯熱。大便不通。小便如糖汁。乳食不思。啼哭不止。法當溼濕清熱。色微黃。生地黄湯主之。深黃犀角散主之。乳母亦可服。

【調養】

一 茵蘆花粉泡飲 胎黃病乳母

初生雜病(下)

宜每日以茵蘆蒿三錢。天花粉三錢。泡飲代茶。令兒亦服之。使化濕生津。去病而不傷正。功效至神。可助湯方之不及。

二、忌食生冷 胎黃病忌食生冷水果。乳母並須戒食煎炒炙爆。辛辣香燥。雞鵝羊肉。蝦蟹海腥等物。

三、宜服白朮散 胎黃病愈後。脾氣虛弱。精神疲憊。睡則露睛。調養之法。宜服白朮散。

胎赤赤類

【病源】

過食辛熱之物 孕婦過食辛熱之物。以致毒熱凝結。蘊於胞中。遂令小兒生下。頭面肢體。赤若丹塗。是謂胎赤病。

【病狀】

赤若丹塗 胎赤病小兒生下。頭面肢體。赤若丹塗。

【變症】

熱毒歸心 胎赤病失治。熱毒壅結。毒氣由四肢頭面歸來入腹。胸腹高脹。心神昏憤。喘而鼻煽。兩目直視。死不治。

【療法】

赤若丹塗之療法 胎赤病小兒生下。頭面肢體。赤若丹塗。當以清熱解毒湯主之。熱盛便秘者。蔣氏化毒丹主之。外以浮萍。水苔搗爛絞汁。調朴硝。礞石塗之。其毒即解。

【調養】

一 銀花連翹泡飲 胎赤病乳母

六一

宜每日以金銀花三錢。連翹三錢。泡飲代茶。使乳汁清涼。兒毒自輕。

二、忌食雞鵝。胎赤病乳母忌食雞鵝羊肉。蝦蟹海腥。辛辣香燥。煎炒炙爆等物。

三、不可過敷寒涼之藥。胎赤病不可過敷寒涼之藥。恐毒為涼遏。攻其心胸。無藥可救。

赤遊風類

【病源】

胎中毒熱。生赤遊風病之原因有二。(1)胎中毒熱。(2)生後過於溫暖。毒熱蒸發於外。凡此二因。俱令生赤遊風病也。

【病狀】

皮膚赤熱。赤遊風病。皮膚赤熱

而腫。色若丹塗。遊走不定。行於遍身。多發於頭面四肢之間。

【變症】

毒氣內歸心腹。赤遊風病失治。熱毒壅結。毒氣由四肢頭面歸來入腹。胸腹高脹。心神昏憤。喘而鼻煽。兩目直視。死不治。

【療法】

皮膚赤熱之療法。赤遊風病皮膚赤熱而腫。色若丹塗。遊走不定。行於遍身。多發於頭面四肢之間。當服犀角解毒飲。如不愈。繼以藍葉散。外用砒法。刺出毒血。毒甚者敷以神功散。毒輕者不用敷藥。

在百日內。小兒忌砒血。以其肌肉難任也。須用豬肉貼法。或以赤小豆

末雞子清調敷之。甚效。

【調養】

一、衣服不宜過熱。赤遊風病小兒衣服。不可過暖。恐增其毒熱也。

二、不可過敷寒涼之藥。赤遊風病不可過敷寒涼之藥。恐毒為涼遏。攻及心胸。無藥可救。

三、忌食辛辣。赤遊風病乳母忌食辛辣香燥。煎炒炙爆。雞鵝羊肉。蝦蟹海腥等物。

初生無皮類

【病源】

病源有二。嬰兒生下無皮。其原因有二。(1)因父母素有楊梅結毒。傳染胞胎。(2)因月分未足。生育太早。凡此二因。俱令成初生無皮病。

【病狀】

一、半身赤爛 初生無皮病因楊梅遺毒者。其症上半身赤爛。或下半身赤爛。甚至色帶紫黑。

二、紅嫩而光 初生無皮病因月分未足者。其症遍體浸漬。紅嫩而光。

【變症】

赤爛戰慄 初生無皮病乃惡候。失治令兒赤爛而死。或戰慄而死。

【療法】

一、半身赤爛之療法 初生無皮病因楊梅遺毒者。其症上半身赤爛。或下半身赤爛。甚至色帶紫黑。宜內服換肌消毒散。外用清涼膏。或鵝黃散敷之。使解去毒氣。其皮自漸漸生完而堅實矣。

二、紅嫩而光之療法 初生無皮病因月分未足者。其症遍體浸漬。紅嫩而光。宜內服當歸飲。外用糯米粉撲之。

【調養】

一、銀花連翹泡飲 初生無皮病由楊梅遺毒者。令乳母每日以銀花

三錢。連翹三錢。泡飲代茶。使乳汁清涼。兒毒自輕。

二、參歸代茶 初生無皮病由月分未足者。乳母宜以人參、黃耆、當歸、首烏、各三錢。煎湯代茶飲之。使乳力充足。兒體自健。

三、忌沐浴 初生無皮病不可沐浴。恐水濕漬之。令底爛出水。莫可救藥。

結論

小兒初生諸病。多由胎熱胎毒。其故因孕婦不遵胎教。過食辛辣香燥。煎炒炙爆等物。或動乎房慾。或怒鬱動火。凡此俱令胞胎積熱生毒。生產後百病叢集。毒重每有生命危險。故孕婦至重胎教。茲將胎教法例後。

胎教 婦人有娠。當遵胎教。不特無難產之虞。且生子鮮胎毒。傷天之患。凡經後四十餘日不行。即當護房室。慎起居。薄滋味。養性情。刻刻存心。與執持寶玉無異。舉趾必徐。行立必仰。臥不久偏一側。不得耽坐嗜臥。使氣血凝滯。雖不可負重作勞。然須時時小役肢體。則經絡流動。胎息易於轉運。至於腰腹漸粗。則飲食不宜過

飽。茶湯更須節省。不獨犬羊蟹蟹等一切有毒之物。不宜食。即椒薑常用之品。亦宜少嘗。其豕肉醇酒濕麪之類。亦不可恣噉。致歸精於胎。過於蕃長。而有難產之患。且令子在胞中。稟質肥脆。襁褓必多羸困。至一切宰殺凶惡之事。以及修造動工。奇形怪狀。皆不宜見。甫交三月。即當滿蓆其腹。若胎氣漸長。僅可微鬆其束。不可因其氣急滿悶而頓放之。夏日溽浴。須避熱湯。冬時瘡癢。勿迫爐炭。其最傷胎者。尤在不節交合。使淫火盡歸其子。以釀痘疹疥癩之毒。然須妊婦稟性安靜。不假強為。若強制以違其性。譬火內熾。則所害亦同。是又在曲體母情。適其自然之性。至如懷子受驚。

則子多胎驚。懷子抱穩。則子多結核流注。懷子恐懼。則子多癩癩。懷子常起貪妄之念。則子多鄙吝。懷子常多忿怒之心。則子多暴狠。懷子常造綺語詭行。則子多詐偽。凡此俱為胎教之要法。依之而行。令兒少疾病。多壽康也。

小兒之變蒸 天地生化萬物。必以春溫夏熱。兒之初生。變化形神。亦同此理。自生之日。至三十二日曰一變。至六十四日曰一蒸。變則長其百骸。生其臟腑。蒸則增其智慧。發其聰明也。兒凡十變五蒸。除此之外。又有三大蒸。合計共十八次。五百七十六日也。變蒸既畢。形神俱足。此後不復變蒸矣。然每變蒸之時。其狀惟身微

熱耳冷。尻骨冷。而無他病情狀。蓋以陰陽和變。生化形神。故無他病情狀也。身微熱者。以陰陽氣蒸蒸之氣而然也。耳尻冷者。耳尻屬陰。以陽不傷陰。而與陰和之象。故不熱也。

初生諸病證(上)各方淺解類

【目爛類各方】

(一)生地黃湯(湯氏方)

見初生諸病證(上)各方淺解類。

(二)真金散(證治準繩方)

生黃連一錢。生黃蘗一錢。

當歸一錢。赤芍藥一錢。杏

仁五分。(炒去皮尖)

右到散。乳汁浸一宿。曬乾。為極細

未。用生地黄汁調一盞。頻頻點眼即愈。

〔淺解〕 本方黃連、黃柏、清氣分之熱。生地、赤芍、當歸、清血分之熱。杏仁解毒殺蟲。目爛病胞邊赤爛。痛痒難睜。熱毒壅盛也。宜以此方點之。便可痊愈。

〔三〕熊膽洗法（金鑑方）

見初生諸病證（上）各方淺解類。

【懸癰類各方】

（一）刺法（鍼灸大成）

以綿繡長鍼留鋒少許刺之。瀉去青黃赤汁。未消者來日再刺。刺後以鹽湯拭口。

〔淺解〕 此泄毒法也。

初生諸病證（下）

（二）鹽湯拭口法（驗方）

食鹽四錢。

以百沸水泡湯一碗。待冷。用以洗口。

〔淺解〕 本方食鹽味鹹性寒。能清熱解毒。

（三）如聖散（證治準繩方）

鉛霜一錢。真牛黃一錢。太陰元精石二錢五分。硃砂二錢五分。（水飛）龍腦五分。

右研為細末。每用一分。搽患處。

〔淺解〕 本方鉛霜、牛黃、元精石、硃砂、清解熱毒以辟穢。龍腦達發而宣毒。懸癰用此搽之。收效如神。

（四）一字散（六科準繩方）

硃砂五分。（水飛）硼砂五

分。龍腦一分。朴硝一分。

右為極細末。用蜜調少許。鵝翎蘸擦口內。

〔淺解〕 本方硃砂、硼砂、朴硝、清解熱毒以辟穢。龍腦達發而宣毒。與如聖散有同等功效。

【重膿類各方】

（一）刺法（鍼灸大成）

見本證懸癰類各方淺解。

（二）鹽湯拭口法（驗方）

見本證懸癰類各方淺解。

（三）一字散（六科準繩方）

見本證懸癰類各方淺解。

（四）清胃散（李東垣方）

生地二錢。丹皮一錢。黃連五分。當歸二錢。升麻五分。

石膏三錢。燈心草一尺。

右以水一碗半煮。取五分。去渣。時時服之。

【淺解】本方生地、丹皮、清血熱。黃連、石膏、清氣熱。升麻疏風解毒。當歸和血補血。凡胃中有鬱毒。非服此方。不能清解。重齲病牙根腫如水泡。口難開合。不能吮乳。此胃熱壅盛也。當服此方。

【鵝口類各方】

(一)清熱瀉脾散(金鑑方)

山梔二錢。(炒) 石膏三錢。

黃連五分。(薑炒) 生地

二錢。黃芩二錢。赤苓二錢。

燈心草一尺。

右以水一碗半煮。取五分。去渣。時

時服之。

【淺解】本方山梔、黃連、黃芩、赤苓、石膏、清解氣分之熱。生地清解血分之熱。鵝口病白屑生滿口舌之間。如鵝之口。難於吮乳。哺時亦多啼叫。此氣血俱熱也。當服此方。

(二)髮拭口法(驗方)

以髮一團。蘸井水拭口。

【淺解】本方井水清熱解毒。以髮拭之。則和潤而不傷皮肉。

(三)保命散(張漢方)

白礬二錢五分。(煨灰) 硃

砂二錢五分。(水飛) 馬牙

硝五錢。

右研末以白鵝糞水攪取汁。塗舌

與口角上。

【淺解】本方白礬收濕解毒。硃砂、牙硝清熱解毒。熱毒清解。白屑自瘥。生命自保。故曰保命也。

(四)冰硼散(外科正宗方)

冰片五分。硼砂五錢。玄明

粉五錢。硃砂六分。

右研極細末。每用少許。搽於患處。日五六次。立效。

【淺解】本方硼砂、玄明粉、硃砂、

清熱而解毒。冰片達竅而宣毒。鵝口

病由熱毒壅結而成。用此搽之。神效。

【吐舌類各方】

(一)瀉心導赤湯(錢乙方)

木通一錢。生地三錢。黃連

五分。生甘草一錢。燈心草

二尺。

右以水一碗半煮。取五分。去渣。時服之。

〔淺解〕 本方黃連、燈心、清解心中氣分之熱。生地清解心中血分之熱。木通清小腸之火而利水。生甘解毒而和中。吐舌病心中有積熱也。速服此方清解之。使不釀大患。

〔二〕人中白冰片掃舌方〔驗方〕

人中白二錢。冰片五分。

右研勻。每用少許。以鵝翎掃舌上。立效。

〔淺解〕 本方以人中白清熱解毒。冰片宜滯解毒。

〔三〕涼驚湯〔金鑑方〕

見初生諸病證〔上〕各方淺解類。

〔四〕涼驚丸〔錢乙方〕

見初生諸病證〔上〕各方淺解類。

類。

〔弄舌類各方〕

〔一〕瀉黃散〔錢乙方〕

藿香葉一錢。山梔子一錢。

〔炒〕石膏三錢。防風一錢。

生甘草一錢。燈心草二尺。

右以水一碗半煮。取五分。去渣。時服之。

〔淺解〕 本方藿香化濕。山梔石

膏。清熱解毒。燈心清心解毒。生甘和中解毒。防風泄風透邪。弄舌病舌如

蛇啄。左右上下。伸縮動搖。唇焦舌乾。

煩熱便穢。此內有鬱熱。兼挾風邪也。

若但清其熱。不去其風。必無功效。但

去其風。不清其熱。亦無效也。必清熱去風。雙方並顧。然後效如桴鼓。

〔二〕瀉心導赤湯〔錢乙方〕

見本證吐舌類各方淺解。

〔三〕牛黃塗方〔驗方〕

西牛黃一釐。塗舌上即效。〔重

者須一分。〕

〔淺解〕 本方牛黃味甘苦。性微

涼。清心肝之煩熱。達竅搜邪。假靈氣

以生成。疏風解毒。

〔四〕涼驚湯〔金鑑方〕

見初生諸病證〔上〕各方淺解類。

類。

〔五〕涼驚丸〔錢乙方〕

見初生諸病證〔上〕各方淺解類。

(六)人中白礮砂掃舌方(驗方)

人中白一分。礮砂一分。(如能加入冰片一釐尤效) 病重者須人中白一錢。礮砂一錢。冰片一分。

右研勻。以鵝翎掃舌上。弄舌即瘥。與西黃有同等功效。如係貧困之家。不能得西黃。則以此方代之。神效。

【淺解】 本方人中白、礮砂、俱係清熱解毒之品。加入冰片尤效者。藉其辛香之力。以散毒而宣毒也。

【重舌類各方】

(一)清熱飲(金鑑方)

生黃連一錢。生地三錢。木通一錢。生甘草一錢。連翹一錢。(去心) 蓮子一錢。

淡竹葉二錢。

右以水一碗半煮。取五分。去渣。時灌入口中。

【淺解】 本方黃連、木通、清心中氣分之熱。生地、竹葉、連翹清心中營血之熱。蓮子補心。生甘和中。重舌病。心中有積熱也。速服此方。大清其熱。便見功效。此病雖由心脾積熱。而但清其心。不清其脾者。以火生土。心為脾母。清其母即所以清其子。故但清其心已足。不必再清其脾也。

(二)涼心散(金鑑方)

青黛二錢。礮砂二錢。黃柏二錢。黃連二錢。(人乳拌曬) 人中白二錢。(煨過) 風化硝一錢。冰片二分。

右為極細末吹之。甚效。

【淺解】 本方係一派涼心解毒之品。佐以冰片。收效愈速。重舌病火毒壅盛。以此吹之。甚效。

(三)刺法(鍼灸大成)

見本證懸壘類各方淺解。

(四)鹽湯拭口法(驗方)

見本證懸壘類各方淺解。

【木舌類各方】

(一)瀉心導赤湯(錢乙方)

見本證吐舌類各方淺解。

(二)川硝散(金鑑方)

朴硝五分。紫雪二分。鹽一分。

右為細末。以竹瀝調敷舌上。

【淺解】 右三味俱係清熱解毒

之品。

(三)刺法(鍼灸大成)

見本證懸癰類各方淺解。

(四)鹽湯拭口法(驗方)

見本證懸癰類各方淺解。

(五)飛鹽冰片方(金鑑方)

飛鹽一錢半。冰片三分。

右研極細。類塗之。涎出自愈。

〔淺解〕 本方飛鹽消毒。冰片宜

毒。涎出者。毒氣拔出也。故能痊愈。

(六)紫雪竹瀝方(金鑑方)

紫雪二錢五分。竹瀝五勺。

右和勻。時時抹入口中自消。

〔淺解〕 本方以紫雪清熱解毒。

竹瀝清熱豁痰。

【觀乳類各方】

初生雜病證(下)

(一)和中清熱飲(金鑑方)

黃連一錢半(薑炒) 半夏二

錢(薑製) 陳皮一錢 白茯

苓二錢 藿香一錢 砂仁五

分。生薑三片。

右以水一碗半煮。取五分。去渣。時

時服之。

〔淺解〕 本方黃連苦以止吐。半

夏。生薑。辛以止吐。陳皮。藿香。砂仁。運

中化痰。痰降則氣亦降。現自瘥也。茯

苓利水和中。本方清熱之藥殊少。祇

黃連一味。而方名清熱者何也。不知

黃連味極苦而性極寒。治熱吐有特

殊功效。今用至一錢半。分量已重。其

力愈專。以此爲君。則熱自清而吐自

止。餘藥不過佐助。非主要也。以君藥

名方。故曰清熱。然云和中者何也。以

嘔吐一止。現乳即瘥。胃氣因和。脾氣

因健。中氣有不和不安者乎。

(二)溫中止吐湯(金鑑方)

白豆蔻一錢(研) 白茯苓

二錢 半夏二錢(薑製)

生薑三片。

右以水一碗半煮。取五分。去渣。沖

磨沉香汁服。

〔淺解〕 本方白豆蔻味辛性熱。

氣香散中上焦一切寒凝氣滯。溫中

止吐。故以爲君。半夏。生薑。辛降止吐。

用以爲臣。茯苓和中利水。兼降逆氣。

用以爲佐。使以沉香。味辛性溫。降逆

止吐。散寒行滯。君臣佐使。搭配平均。

發號施令。以建全功。

〔三〕平胃散（局方）

蒼朮一錢。（炒） 陳皮一錢。

厚朴一錢。（薑炒） 炙甘

草一錢。麥芽一錢。（炒）

砂仁一錢。（研） 生薑三片。

右以水一碗半煮。取五分。去渣。時
時服之。

〔淺解〕 本方蒼朮、甘草、健脾化

濕。陳皮、厚朴、麥芽、砂仁、運化乳積。引

用生薑。以止嘔吐。現乳病由傷乳者。

此方甚效。

〔四〕枳桔二陳湯（局方）

枳壳一錢。（麸炒） 桔梗一錢。

陳皮一錢。半夏二錢。（薑

製） 白茯苓二錢。甘草一

錢。（炙） 生薑三片。

右以水一碗半煮。取五分。去渣。時

時服之。

〔淺解〕 本方以枳壳、桔梗、半夏、

茯苓、陳皮、消飲化痰。甘草和中。生薑

止吐。現乳病由停痰者。宜先化其痰。

痰消現乳自痊。

【夜啼類各方】

〔一〕鈎藤飲（證治準繩方）

川芎一錢。白當歸一錢。白

茯苓一錢。白芍一錢。（炒）

白茯苓一錢。炙甘草一錢。

木香一錢。（煨） 鈎藤鈎

一錢。紅棗三枚。

右以水一碗半煮。取五分。去渣。時

時服之。

〔淺解〕 本方芎、歸、白芍、和血茯

神、茯苓、甘草、紅棗、補氣鈎藤泄風。木

香利氣。夜啼病由氣血俱虛。脾氣不

足。兼挾風邪。氣機不利者。當服此方。

〔二〕導赤散（錢乙方）

見初生諸病證（上）各方淺解

類。

〔三〕蟬花散（錢乙方）

蟬蛻四錢。（用下半截）

右研爲細末。每服一錢。薄荷五分。

煎湯調下。

〔淺解〕 本方蟬蛻、薄荷、俱輕清

浮熱。夜啼病既不心熱。又不脾寒。亦

無其他病狀。此乃浮熱。毋須服藥。如

欲服藥。此方甚佳。

【胎黃類各方】

〔一〕生地黃湯（湯氏方）

生地黃一錢。赤芍藥一錢。
川芎一錢。當歸一錢。天花
粉三錢。赤茯苓二錢。澤瀉
一錢。豬苓一錢。生甘草一
尺。茵陳蒿三錢。燈心草二

右以水一碗半煮。取五分。去渣。時
時服之。

〔淺解〕 本方生地、赤芍、清血分
中之熱。川芎、當歸、和血。赤苓、澤瀉、豬
苓、茵陳蒿、利濕退黃。花粉生津解渴。
生甘解毒和中。胎黃病色微黃者。是
正虛邪輕。當去濕退黃品中加入和
血之品。則病去而正氣不傷。

(一)犀角散(證治準繩方)
鎊犀角一錢。茵陳蒿三錢。

初生諸病證(下)

桔萸根三錢。升麻一錢。生
甘草一錢。龍膽草一錢。生
地二錢。寒水石二錢(煨)
右以水一碗半煮。取五分。去渣。不
拘時服之。

〔淺解〕 本方犀角、生地、清解血
分之熱。龍膽、寒水、清解氣分之熱。茵
陳利濕退黃。升麻泄邪解毒。桔萸生
津潤燥。生甘和中解毒。胎黃病色深
黃者。此毒熱壅盛。當服此方。非上方
所能治也。

(二)白朮散(冰玉室驗方)
白朮一錢。人參二錢。黃耆
二錢。紅棗二錢(去核) 甘
草一錢(炙)
右以水一碗半煮。取五分。去渣。時

時服之。

〔淺解〕 本方白朮、人參、黃耆、補
脾之陽。紅棗、甘草、補脾之陰。胎黃病
愈後。脾氣虛弱。精神疲憊。睡則露睛。
調養之法。宜服此方。

【胎赤類各方】

(一)清熱解毒湯(金鑑方)

生地二錢。川連五分。金銀
花三錢。薄荷葉五分。連翹
二錢(去心) 赤芍一錢。
木通一錢。生甘草一錢。燈
心草二尺。

右以水一碗半煮。取五分。去渣。時
時服之。

〔淺解〕 本方生地、赤芍、清血熱。
銀花、連翹、清營熱。黃連、木通、清氣熱。

七一

薄荷泄風。生甘解毒。胎赤病小兒生。下頭面肢體。赤若丹塗。此熱毒盛也。當清熱解毒為主。宜服此方。

(二) 蔣氏化毒丹 (蔣氏方)

犀角一兩。黃連一兩。桔梗一兩。元參一兩。薄荷葉一兩。生甘草一兩。生大黃一兩。青黛五錢。

右爲細末。煉白蜜爲丸。重六分。每服一丸。燈心湯化服。

(淺解) 本方犀角、大黃、元參、青黛、清血熱。黃連清氣熱。桔梗、薄荷、泄風解毒。生甘和中解毒。胎赤病熱盛便數。當服此方。大劑清熱解毒之品。清解之。始可收功。

(三) 朴硝豬石塗方 (驗方)

浮萍一兩。水苔一兩。右二味。搗爛。絞汁。調朴硝三錢。豬石粉三錢。塗之。

(淺解) 本方水苔、朴硝、豬石、俱屬清熱解毒之品。用浮萍者。以其味辛性寒。有麻黃發汗之功。藉其升發之力。使毒熱盡行排洩於外。無內攻之憂矣。

【赤遊風類各方】

(一) 犀角解毒飲 (沈氏尊生書方)

牛蒡子一錢。(炒) 犀角一錢。荆芥穗一錢。防風一錢。連翹三錢。(去心) 金銀花三錢。赤芍藥一錢。生甘草一錢。川黃連一錢。生地

黃一錢。燈心草二尺。右以水一碗半煮。取五分。去渣。時時服之。

(淺解) 本方犀角、赤芍、生地、清血熱。連翹、銀花、清營熱。川連、生甘、清氣熱。牛蒡、荆芥、防風、疏風泄毒。赤遊風病皮膚赤熱而腫。色若丹塗。遊走不定。行於遍身。宜服此方泄風解毒治之。便可痊愈。

(二) 藍葉散 (證治準繩方)

藍葉五錢。黃芩二錢。犀角屑二錢。川大黃二錢。(剉微炒) 柴胡二錢。生山梔二錢。川升麻一錢。石膏一錢。生甘草一錢。右爲粗末。每服一錢。水一小碗煮。

至五分。去渣。洗竹瀝一酒杯。煎兩三沸。放溫。量兒大小用之。氣性弱者。可去大黃。

〔淺解〕 本方藍葉、犀角、大黃、清解血分之熱毒。黃芩、山梔、石膏、清氣分之熱毒。柴胡、升麻、疏泄毒邪。生甘和中解毒。竹瀝清熱化痰。赤遊風病服上方不愈者。此毒熱壅盛也。宜服本方。大隊清熱解毒之品。庶可收功。

(三) 砭血法 (古方)

口吮毒血。各聚一處。用細磁器擊碎。取鋒芒者。將筋頭劈開。夾住。用線縛定。兩指輕撮筋梢。令磁芒對聚血處。再用筋一根頻擊刺出毒血。砭後毒甚者。以神

初生諸病証(下)

功散敷之。毒輕者。砭後不可用。恐皮膚既破。草烏能作痛也。如患在頭者。不用砭法。祇宜臥鍼倒挑患處。出毒血則愈。

〔淺解〕 此拔毒法也。殊有神效。惟百日內小兒忌砭血。以其肌肉難任也。須用豬肉貼法等治之。

(四) 神功散 (證治準繩方)
黃蘗七錢。(炒) 生草烏七錢。(二味如毒處大。不足敷者。可倍之)

右爲末。用漱口水調敷患處。頻以漱口水潤之。

〔淺解〕 本方以黃柏清熱解毒。草烏泄風拔毒。赤遊風病。毒重者。砭後宜敷此方。若毒勢輕者不可敷。以

皮膚既破。草烏之性。能直達於內。疼痛異常。令兒多啼不眠也。

(五) 豬肉貼法 (驗方)
用生豬肉切片。貼於赤腫處。數數更換。

〔淺解〕 此拔毒法也。使毒氣盡入豬肉中。其勢即輕。

(六) 塗法 (驗方)
生赤小豆七錢。(如毒處大。不足敷者。可倍之)

右研爲細末。用雞子清調塗患處。乾則再塗。

〔淺解〕 本方赤小豆。清解熱毒。和以雞子清。則善拔毒。

【初生無皮類各方】

(一) 換肌消毒散 (證治準繩方)

當歸一錢。生地黃一錢。赤芍藥一錢。川芎一錢。皂刺

一錢。土茯苓一錢。金銀花二錢。連翹二錢。(去心)

生甘草一錢。白芷一錢。苦參一錢。白蘚皮一錢。防風

一錢。燈心二尺。

右以水二碗煮。取三分。去渣。時時服之。

(淺解) 本方芎、歸、地、芍、和血活血。銀花、連翹、苦參、生甘、清熱解毒。白芷、防風、皂刺、疏風泄毒。白蘚皮、土茯苓、導毒氣下行。由小便而泄。初生無

皮病由楊梅遺毒者。必先解其毒邪。毒清皮肉自生。若不清其毒。但用生皮藥。希勉強生皮。結果皮非特不生。

毒勢益甚。每每潰爛赤腫。無可救藥而死。最宜注意。

(二) 清涼膏 (金鑑方)

石灰末四兩。(經水濕成塊者)

用水泡之後。指半許。露一宿。面上有浮起如雲片者。輕輕取之。微帶清水。視其多寡。對小磨香油亦如之。以順攪成膏為度。用雞翎搽之自愈。

(淺解) 本方石灰味甘性溫。以油和之。則燥性全無。能長肉生肌。散血定痛。

(三) 鵝黃散 (外科正宗方)

生黃藥四兩。石膏四兩。(煨)

右共研為細末。撲之。濕則乾撲。乾則用豬苦膽調搽。

(淺解) 本方黃柏、石膏、俱屬清

熱解毒之品。且能收濕生肌。

(四) 當歸飲 (金鑑方)

何首烏一錢。(製) 白蘚皮一錢。白蒺藜一錢。甘草一錢。當歸一錢。生地黃一錢。白芍藥一錢。人參一錢。黃耆一錢。川芎一錢。

右以水二碗煮。取三分。去渣。時時服之。

(淺解) 本方首烏、當歸、生地、白芍、川芎、和血補血。人參、黃耆、甘草、補氣和氣。白蒺藜泄風。白蘚皮利濕。初

生無皮病。因月分未足者。氣血必虧。必須大補氣血。待氣血充足。皮肉自

生。

(五) 撲粉法 (驗方)

早稻白米。

右作粉時時撲之。其皮漸生。神效。

〔淺解〕 本方稻米粉味甘性平。補脾生肌。有特殊功效。初生無皮。由月分不足者。屬虛。宜用此種補品。肌肉自生。切不可誤用一分清涼敗毒之品。犯之。令兒戰慄而死。慎之慎之。

驚風證

總綱

一 何謂驚風。

心藏神。心病故主風也。肝屬木。肝病故主風也。心肝二臟俱病。是謂驚風。

二 驚風證共分幾類。

- 一、急驚風。
- 二、慢驚風。
- 三、夾熱夾痰慢驚。
- 四、慢脾風。

三 驚風證各病何由而生。

生驚風證各病之原因有四。


一、小兒心熱肝盛。一觸驚受風。則風火相搏。必作急驚之病也。

二、小兒素稟不足。或因急驚用藥過峻。暴傷元氣。每成慢驚風之病。

三、脾氣虛弱。虛熱內生。痰涎上泛。遂成夾熱夾痰慢驚病。

四、吐瀉既久。中氣大虛。脾土衰弱。肝木乘虛而內生驚風。是謂慢脾風。凡此四種原因。成此四種驚風病也。

四 驚風證各病之主要治法如何。



輕病 痰兼熱——清熱化痰湯。

心經熱——導赤散。涼驚丸。

二、慢驚風 虛而夾痰——醒脾湯。脾虛肝旺——緩肝理脾湯。

三、夾熱夾痰慢驚 痰熱相兼——清心滌痰湯。脾虛肝旺痰盛——青州白丸子。柴芍六君湯。

四、慢脾風 濟亡陽——溫中補脾湯。大病後成者——固真湯。四肢厥冷——理中加附子湯。

五、驚風失治。有無危險。

驚風無論急慢。俱為小兒病之險

候。失治則手足抽搐。角弓反張。目窠

神昏。或痰壅氣塞。壅結胸中而死。

急驚風類

【病源】

一、神散氣亂。目觸異物。耳聞異聲。神散氣亂。遂使生急驚風。

二、心肝火盛。心肝火盛。外為風

寒鬱閉。不得宣通。亦令生急驚風。

三、痰盛熱極。痰盛熱極。而動內

風。亦發為急驚風。

【病狀】

痰壅氣促。急驚風病多由暴發

身體壯熱。心中煩急。面紅唇赤。痰涎

壅結。呼吸促迫。牙關緊急不開。二便

秘澇。脈象洪數。涕淚俱無。

【變症】

手足抽搐。急驚風病失治。兒熱

益甚。肝風鳴張。手足抽搐。角弓反張。

目窠神昏。痰壅氣塞。結滯胸中。啼聲

強直。多不可救。

【療法】

一、痰壅氣促之療法。急驚風病

多由暴發。身體壯熱。心中煩急。面紅

唇赤。痰涎壅結。呼吸促迫。牙關緊急

不開。二便秘澇。脈象洪數。涕淚俱無。

宜分別治之。觸異致驚者。清熱鎮驚

湯主之。安神鎮驚丸亦主之。火鬱生

風者。至寶丹主之。痰盛生驚者。牛黃

丸攻下之。熱極生風者。涼膈散清解

之。

病不甚者。則用平治之法。風熱者。

羌活散主之。肝熱者。瀉清丸主之。痰

兼熱者。清熱化痰湯主之。心經熱者。

導赤散。涼驚丸主之。

二、手足抽搐之療法。急驚風病

失治。兒熱益盛。肝風鳴張。手足抽搐。

角弓反張。目窠神昏。痰壅氣塞。結滯

胸中。多不可救。速以通關散吹入鼻

內。無嚏者不治。有嚏者可治。當服加

減清熱鎮驚湯。

【調養】

一、調補氣血。急驚風病多用寒

涼之藥。亦急則治標之法。但得痰火

稍退。即當調補氣血。若過用寒涼。必

致轉成慢驚等證。故驚邪一退。餘熱

尚在者。當用琥珀抱龍丸主之。若脾

虛多痰者。宜清心滌痰湯主之。

二、宜以鼠腎煎湯。急驚風病失治危甚。速以雄鼠外腎一對。辰砂拌以水一小盅。緩火煎湯服。雖至危無不可救。

雄鼠外腎一對。(相對時。有朱文九遍如符篆者佳)

〔附註〕 此方之效。不可言喻。治小兒驚風。誠有百治百活之效。其腎有篆文壽字。其奇尤不可思議。考腎子係至陰之部。乃厥陰之位。諸子皆降。小兒驚風。多因厥陰風木肆張。故目窺四肢抽搐。投以鼠腎。同氣相求。同經相應。降肝逆氣。於是肝風熄而驚搖定矣。且係血肉有情之品。去病而不傷正。不論急慢驚風。皆可用也。

惟殺命養命。究非仁者所為。故非病至危險。萬不得已時。不可輕用。若動輒用之。則殺鼠過多。於良心上總有些不可過也。

三、以雞子搜驚。急驚風病預防法。每逢月之初一、十五兩日。以雞子三四枚。煮熟透。剝去壳。趁熱向兒渾身滾之。(須自上至下。不可逆滾)待冷再換一枚。如此三四枚畢。剝去白。視黃上滿是刺。如木荔枝狀。此即驚也。

搜後。兒自覺愉快。病時搜之。亦可減輕。不釀大患。此法至妙。靈效異常。不知救活多少嬰孩。至宜注意。

慢驚風類

【病源】

稟賦虛弱。過用酸藥。生慢驚風。其原因有二。(1)稟賦虛弱。土虛木盛。(2)急驚風時。過用峻利之藥。以傷其正。而成此證。凡此二因。俱令成慢驚風病也。

【病狀】

緩緩搐搦。慢驚風病發時。緩緩搐搦。時作時止。欲哭無淚。啼聲強直。面色淡黃。或青白相兼。身必溫和。四肢常冷。昏沉喜睡。或睡臥露睛。脈來緩軟無力。神氣慘慘。大便青色。此乃脾胃虛弱。故現一派虛弱之象。

【變症】

手若開弓。慢驚風病失治。脾胃益虛。肝風鷓張。身向後仰。手若開弓。上下動舞。目合不欲張。或睛露而不

活。此時也。危險殊甚。

【療法】

一、緩緩拮据之療法。慢驚風病發時緩緩拮据。時作時止。欲哭無淚。啼聲強直。面色淡黃。或青白相兼。身必溫和。四肢常冷。昏沉喜睡。或睡臥露睛。脈來緩軟無力。神氣慘慘。大便青色。此乃脾胃虛弱。故現一派虛弱之象。治宜培補元氣為主。虛而夾痰者。醒脾湯主之。脾虛肝旺者。緩肝理脾湯主之。

二、手若開弓之療法。慢驚風病失治。脾胃益虛。肝風鷓張。身向後仰。手若開弓。上下動舞。目合不欲張。或睛露而不活。此時也。危險殊甚。速以參茸飲灌之。必可獲救。

【調養】

一、宜服四君子湯。慢驚風病愈後。兒脾氣虛弱。面色萎黃。久不復元。調養之法。宜服四君子湯。

二、不可用利水之品。慢驚風病小便不利。大便不通。不可用利水通便之品。如大黃、芒硝、枳實、軍前、木通、滑石、澤瀉、豬苓等藥。以此皆剋伐脾氣。誤服每令脾陽困頓。病勢加劇。最宜注意。

三、忌食生冷。慢驚風病忌食生冷水果。膏粱厚味。雞鵝蝦蟹海腥等物。

夾熱夾痰慢驚風類

【病源】

虛熱內生。慢驚之證。本無熱可

言。但脾虛虛熱內生。故痰涎上泛。咽喉氣粗。是謂夾熱夾痰慢驚風病。

【病狀】

氣粗身熱。夾熱夾痰慢驚風病痰涎上泛。咽喉氣粗。身熱心煩。

【變症】

痰壅氣塞。夾熱夾痰慢驚風病失治。脾氣益虛。痰熱益甚。手足抽搐。神氣昏憤。痰壅氣塞。呼吸迫急。至為危殆。

【療法】

一、氣粗身熱之療法。夾熱夾痰慢驚風病。痰涎上泛。咽喉氣粗。身熱心煩。痰熱相兼者。清心滌痰湯主之。脾虛肝旺痰盛者。青州白丸子柴芍六君湯合主之。

二、痰壅氣塞之療法 夾熱夾痰慢驚風病失治脾氣益虛痰熱益甚手足抽搐神氣昏憤痰壅氣塞呼吸

迫急至為危殆速以通關散吹入鼻內無嚏者不治有嚏者接服參風飲或可有救

【調養】

一、忌食肥膩 夾熱夾痰慢驚風病忌食肥膩香甘雞鴨羊肉蝦蟹海腥等物

二、宜服四君子 夾熱夾痰慢驚風病愈後兒脾氣虛弱面色萎黃久不復元調養之法宜服四君子湯

三、切不可服辛香走竄之品 夾熱夾痰慢驚風病切忌誤作急驚風治而服辛香走竄之品如細辛薄荷

羌活防風麻黃等藥否則正氣耗散每不可救

慢脾風類

【病源】

脾氣大傷 吐瀉既久脾氣大傷以致土虛不能生金（金即肺）金弱不能制木（木即肝）肝木強盛

惟脾是尅遂成慢脾風病

【病狀】

閉目搖頭 慢脾風病閉目搖頭昏昏嗜睡面唇青黯額汗昏睡四肢厥冷舌短聲啞頻吐清水

【變症】

手若開弓 慢脾風病失治脾氣益虛肝風鳴張四肢厥冷身向後仰手若開弓上下動舞目合不欲張此

時也至為危殆

【療法】

一、閉目搖頭之療法

慢脾風病閉目搖頭昏昏嗜睡面唇青黯額汗昏睡四肢厥冷舌短聲啞頻吐清水此乃純陰無陽之證逐風則無風可逐治驚則無驚可治惟宜大補脾土

生胃回陽為主吐瀉亡陽者溫中補脾湯主之大病後成者固真湯主之四肢厥冷者理中加附子湯主之

二、手若開弓之療法

慢脾風病失治脾氣益虛肝風鳴張四肢厥冷身向後仰手若開弓上下動舞目合不欲張此時也至為危殆速以理中加附子鼠腎湯主之或可有救

【調養】

一、宜服白朮散。慢脾風病愈後。兒脾氣虛弱。面色萎黃。精神困倦。久不復元。調養之法。宜常服白朮散。自能漸漸復元。

二、忌食雞鵝。慢脾風病忌食雞鵝羊肉。蝦蟹海腥。膏粱厚味等物。如未斷乳。乳母須戒食以上各物。

三、不可服羚羊石決。慢脾風病肝風鳴張。宜服和中補脾之品。使中氣健旺。肝風自熄。若妄用羚羊石決。等鎮肝伐脾之品。則肝風非特不息。且肆虐益甚。捨本而逐末。不知治病之法也。

結論

驚風多生於小兒。以小兒初生。陰氣未足。性稟純陽。身內易致生熱。熱

盛則生風生痰。遂成驚風。故治驚風以清熱祛風化痰為主。然須審兒形體之虛實。病勢之輕重而授之。不可過用寒涼。過服峻利。傷及脾元。而成慢驚慢脾。難於救治。

驚風初起。以涕淚俱有者輕。涕淚無。小渡閉者重。

驚風初起。宜以前各條治法治之。切不可浪用金石。腦麝。開關鎮墜之藥。引邪深入臟腑。每不可救。

驚風與傷寒之辨別。大抵傷寒燒熱。每日到晚不減一分。不增一分。始終毫無間斷。只是平平而燒。不抽不驚。此乃傷寒之燒熱也。驚風燒熱。似乎傷寒。而多一抽搐。蓋由筋屬於肝。肝風動故抽筋。肝風入脾。脾動痰。故

驚。此乃驚風之燒熱也。

又有所謂驚風八候者。搐、搦、掣、顫、反、引、竄、視。是也。今立表以詳之。

- 一、搐——即肘臂伸縮。
- 二、搦——即十指開合。
- 三、掣——即肩頭相撲。
- 四、顫——即手足動搖。
- 五、反——即身仰向後。
- 六、引——即手若開弓。
- 七、竄——即目直而似怒。
- 八、視——即睛露而不活。

凡此八候。急驚慢驚。同皆見之。虛實無所異焉。宜切記之。

驚風搐搦時。以男左手。女右手。男大指在外。女大指在內為順。反此為逆。驚風搐搦。必神氣昏愴。皆由痰壅

氣塞。痰結胸中而致。急用通關散吹入鼻內。無嚏者不治。有嚏者再隨症治之。

凡驚風重極。危在目前。速以雄鼠外腎一對。辰砂拌。以水一小盞。緩火煎湯服。雖至危。無不可救。如虛極。可加入人參。如陽虛四肢厥冷。可加入附子。惟殺命養命。究非仁者所為。故非病至危險。萬不得已時。不可輕用。若動輒用之。則殺鼠過多。於良心上總有些不可過也。

凡預防驚風。每逢月之初一。十五兩日。以雞子三四枚。煮熟透。剝去壳。趁熱向兒渾身滾之。(須自上至下。不可逆滾)待冷再換一枚。如此三四枚畢。剝去白。視黃上滿是刺。如木

荔枝狀。此即驚也。搜後兒自覺愉快。病時搜之。亦可減輕。不釀大患。此法至妙。靈效異常。不知救活多少嬰孩。至宜注意。

驚風證各方淺解類

【急驚風類各方】

(一)清熱鎮驚湯(驗方)

柴胡一錢。薄荷一錢。麥冬

二錢。(去心) 梔子一錢。

川黃連一錢。龍膽草一錢。

白茯苓一錢。鈎藤鈎一錢。

生甘草一錢。木通燈心二尺。

竹葉一錢。

右以水二碗煮。取五分。去渣。調硃

砂末五釐服之。

〔淺解〕 本方柴胡、薄荷、鈎藤、泄

風透邪。山梔、木通、清熱解毒。兼以利水。龍膽清肝熱。平肝火。川連、燈心、竹葉、硃砂、清心熱。安心神。麥冬、茯神、甘草、和胃養正。急驚風病內有鬱熱。外挾風邪。兼觸異致驚者。此方最佳。面面俱顧。靈效異常。

(二)安神鎮驚丸(證治準繩方)

天竺黃五錢。白茯苓五錢。

膽星三錢。棗仁三錢。(炒)

麥冬三錢。(去心) 赤芍

三錢。歸當三錢。薄荷葉三

錢。黃連三錢。辰砂三錢。

牛黃三錢。梔子三錢。木通

三錢。龍骨三錢。(煨) 青

黛一錢。

右為細末。煉蜜丸。如菉豆大。赤金

宿爲衣。量兒大小與之。淡薑湯化下。

〔淺解〕 本方天竺黃、膽星、化痰。

薄荷泄風。黃連、梔子、牛黃、木通、青黛、

清熱安神。辰砂、龍骨、鎮驚安神。茯神、

棗仁、補心安神。赤芍、當歸、補血和血。

麥冬和陰生津。急驚風病內有鬱熱。

外挾風邪。兼觸異致驚者。宜兼服此

丸。以助上方之不及。

(三)至寶丹(局方)

麻黃三錢。防風三錢。荆芥

三錢。薄荷三錢。當歸三錢。

赤芍三錢。大黃三錢。芒

硝三錢。川芎三錢。黃芩三

錢。桔梗三錢。連翹三錢。

(去心) 白朮三錢(土炒)

梔子三錢。石膏三錢(根)

生甘草三錢。滑石三錢。

全蠍三錢(去毒) 細辛三錢。

天麻三錢。白附子三錢。

羌活三錢。僵蠶三錢(炒)

川連三錢。獨活三錢。黃柏

三錢。

右共爲細末。煉蜜爲丸。每丸重五

分。量兒大小與之。薑湯化下。

〔淺解〕 本方麻黃、防風、荆芥、薄

荷、桔梗、全蠍、細辛、天麻、白附、羌活、僵

蠶、獨活、泄風、定驚、大黃、芒硝、黃芩、連

翹、梔子、石膏、滑石、川連、黃柏、清熱解

毒、芍、當歸、和血。白朮、甘草、和氣。綜

觀此方。以清熱祛風爲主。急驚風病

由火鬱生風者。非服此方不可。

(四)牛黃丸(金鑑方)

黑牽牛七錢半。白牽牛七錢

半。膽星五錢。枳實五錢。

(熬炒) 半夏五錢(薑製)

牙皂二錢(去皮弦) 大

黃一兩半。

右研極細末。煉白蜜爲丸。重五分。

量兒大小與之。薑湯化下。

〔淺解〕 本方係一派逐痰化痰

之品。急驚風病。由痰盛生驚者。當逐

痰爲主。痰消其驚自瘥。宜服本方。

(五)涼膈散(局方)

黃芩一錢。大黃一錢。連翹

一錢(去心) 芒硝一錢。

生甘草一錢。梔子一錢。薄

荷一錢。竹葉一錢。

右以水一碗半煮。取五分。去渣。加

入白蜜半匙。再煮一二沸。即可取服。

〔加法〕 無汗者加防風一錢。羌活一錢。

〔淺解〕 本方黃芩、山梔、連翹、涼膈泄火。大黃、芒硝、白蜜、清熱潤腸。薄荷清熱泄風。生甘和中解毒。急驚風病由熱極生風者。宜服此清泄之。

〔六〕羌活散（證治準繩方）

羌活一錢。防風一錢。川芎一錢。薄荷一錢。天麻一錢。

僵蠶一錢（炒）。生甘草一錢。川黃連一錢。柴胡一錢。

前胡一錢。枳殼一錢（麸炒）。桔梗一錢。生薑三片。

右以水一碗半煮。取五分。去渣。時時服之。

〔淺解〕 本方羌活、防風、薄荷、天麻、僵蠶、柴胡、桔梗、泄風疏邪。黃連、生甘、清熱解毒。枳殼、前胡、利氣行滯。川芎活血行血。急驚風病由風熱鬱滯。其勢輕平者。當服此方。

〔七〕瀉青丸（錢乙方）

龍膽草一錢（焙）。梔子一錢。大黃一錢（煨）。羌活一錢。防風一錢。川芎一錢半。

右研末。煉蜜爲丸。如梧桐子大。竹葉薄荷湯調下。

〔淺解〕 本方以龍膽爲君。清肝熱。平肝火。佐以大黃、梔子。瀉火之功愈著。羌活、防風、川芎、泄風疏邪。急驚風病由肝熱者。宜服此方。

〔淺解〕 本方以川連、黃芩、清解熱毒。橘紅、半夏、竹茹、枳殼、膽星、化痰利氣。桔梗泄風。赤苓利水。麥冬、甘草、和胃。急驚風病。由痰兼熱者。當服此方。

〔九〕導赤散（錢乙方）

〔八〕清熱化痰湯（冰玉堂驗方）

橘紅一錢。麥冬一錢（去心）半夏一錢（薑製）。赤苓一錢。黃芩一錢。竹茹一錢。生甘草一錢。川連一錢。

枳殼一錢（麸炒）。桔梗一錢。膽星一錢。生薑三片。燈心二尺。

右以水一碗半煮。取五分。去渣。時時服之。

〔淺解〕 本方以川連、黃芩、清解熱毒。橘紅、半夏、竹茹、枳殼、膽星、化痰利氣。桔梗泄風。赤苓利水。麥冬、甘草、和胃。急驚風病。由痰兼熱者。當服此方。

〔淺解〕 本方以川連、黃芩、清解熱毒。橘紅、半夏、竹茹、枳殼、膽星、化痰利氣。桔梗泄風。赤苓利水。麥冬、甘草、和胃。急驚風病。由痰兼熱者。當服此方。

〔淺解〕 本方以川連、黃芩、清解熱毒。橘紅、半夏、竹茹、枳殼、膽星、化痰利氣。桔梗泄風。赤苓利水。麥冬、甘草、和胃。急驚風病。由痰兼熱者。當服此方。

見初生諸病證(上)各方淺解類。

(一〇)涼驚丸(錢乙方)

見初生諸病證(上)各方淺解類。

(一一)通關散(證治準繩方)

生半夏五分。皂角五分。細辛五分。薄荷五分。

右爲細末。用筆管吹入鼻內少許。

〔淺解〕本方係一派通氣開關

之品。吹入鼻內。有嚏則生者。氣機通利也。無嚏則死者。氣機仍不通也。驚風病勢危急。痰壅氣塞。壅結胸中。速以此方。吹入鼻中。以定可救與否。

(一二)加減清熱鎮驚湯(冰玉

堂驗方)

梔子一錢。川黃連一錢。龍

膽草一錢。辰砂末一分。(另

調) 琥珀末三分。(另調)

金器二錢。膽星一錢。石

菖蒲一錢。天竺黃二錢。枳

壳一錢。(麸炒) 枳實一錢。

檀香五分。人參二錢。甘

草一錢半。山藥五錢。

右以水二碗半煮。取五分。去渣。調

辰砂末。琥珀末。時時服之。

〔淺解〕本方梔子、川連、龍膽、清

熱平火。辰砂、琥珀、金器、鎮心定驚。膽星、菖蒲、枳實、枳壳、檀香、竺黃、豁痰開胸。以通壅結。人參、甘草、山藥、和中補正。急驚風病失治。兒熱益甚。肝風騷張。手足抽搐。角弓反張。目窺神昏。痰

壅氣塞。結滯胞中。多不可救。速服此方。清熱化痰。鎮驚和中治之。或可得救。

(一三)琥珀抱龍丸(萬氏育嬰

家祕方)

人參五錢。琥珀五錢。白茯

神五錢。山藥一兩。(炒)

甘草四錢。(炙) 檀香三錢。

天竺黃五錢。枳壳五錢。(麸

炒) 枳實五錢。(麸炒)

辰砂三錢。膽星五錢。赤金

箔二十片。

右爲細末。煉蜜爲丸。重一錢。大兒

一丸。小兒半丸。淡薑湯化下。

〔淺解〕本方琥珀、茯神、辰砂、金

箔、鎮心安神。膽星、竺黃、枳壳、枳實、檀

香、化痰利氣。人參、山藥、甘草、和中補正。急驚風病服清熱鎮驚之品。病勢較瘥。然不可過用峻利寒涼。恐傷及正氣。變為慢驚。而不服藥則餘病不去。若內有餘痰。心神不安者。當接服此方。自可漸漸收功。

方) (一四)清心滌痰湯(冰玉堂驗

竹茹一錢。橘紅一錢。半夏一錢。(薑製) 白茯苓一錢。枳實一錢。(麸炒) 生甘草一錢。麥冬二錢。棗仁一錢。(炒) 人參一錢。菖蒲一錢。南星一錢。川黃連一錢。生薑三片。
右以水二碗煮。取五分。去渣。時時

服之。

〔淺解〕 本方以川連清心安心。棗仁補心定志。竹茹、橘紅、半夏、枳實、菖蒲、南星、滌痰化飲。甘、苓、麥、參、和中補正。急驚風病服清熱鎮驚藥後。病勢大減。而痰多形體虛者。當接服此方。化痰和中治之。自能收功。切不可再服峻烈之品。恐成慢驚也。

方) (一五)鼠腎湯(冰玉堂驗方)

雄鼠外腎(即辜丸)一對。(辰砂拌)
右以水一小盅。緩火煮滾。香味出。即可取服。驚風至危。服此無不可救。〔淺解〕 此方之效。不可言喻。治小兒驚風。誠有百治百活之效。其腎上有篆文壽字。尤屬不可思議。考腎

子係至陰之部。乃厥陰之位。諸子皆降。故其性降。小兒驚風。多因厥陰風木肆張。肝氣上逆。故自竄四肢抽搐。投以鼠腎。同氣相求。同經相應。降肝逆氣。於是肝風熄而驚搐定矣。且係血肉有情之品。去病而不傷正。不論急慢驚風。皆可用也。

方) (一六)雞子搜驚法(冰玉堂驗

每逢月之初一、十五兩日。以雞子三四枚。煮熟透。剝去壳。趁熱向兒渾身滾之。(須自上至下。不可逆滾)待冷。再換一枚。如此三四枚畢。剝去其白。視蛋黃上滿是刺。如木荔枝狀。此即驚也。搜後。兒自覺愈快。病時搜之。

亦可減輕。不釀大患。此法至妙。靈效異常。不知救活多少嬰孩。至宜注意。

〔淺解〕 此係拔法。引邪外出。去病而不傷正。至為穩妥。

【慢驚風類各方】

(一) 醒脾湯 (湯氏方)

人參一錢。白朮一錢。(土炒)
白茯苓一錢。天麻一錢。
半夏一錢。(薑製) 橘紅一錢。
全蝎一錢。(去毒) 殭蠶一錢。(炒) 甘草一錢。(炙)
木香一錢。倉米一錢。麝香一錢。生薑三片。
右以水二碗煮。取五分。去渣。時時服之。

〔淺解〕 本方參、朮、苓、草、米、和、中補脾。天麻、全蝎、殭蠶、泄風定搐。橘紅、南星、半夏、化痰消飲。木香利氣行滯。慢驚風病脾胃虛弱而夾風痰者。當服此方。

(二) 緩肝理脾湯 (金鑑方)

廣桂枝八分。人參一錢。白茯苓一錢。白芍藥一錢。(炒)
白朮一錢。(土炒) 陳皮一錢。山藥二錢。(炒) 扁豆二錢。(炒研) 甘草一錢。(炙) 煨薑五分。大棗二枚。
右以水二碗煮。取五分。去渣。時時服之。

〔淺解〕 本方以白芍和肝。人參

茯苓、白朮、山藥、扁豆、甘草、大棗、緩肝理脾。桂枝、生薑、散寒行滯。陳皮利氣開鬱。慢驚風病脾氣虛弱肝火旺者。宜服和中理脾之品。使中氣強健。肝旺自瘥。若但以重鎮之品鎮肝。則肝風非特不息。且使脾陽益困。病益劇也。

(三) 參鼠飲 (冰玉堂驗方)

人參一錢半。鼠外腎一對。
右以水一碗煮。取五分。去渣。時時服之。

〔淺解〕 本方以人參和中補正。鼠腎定肝息風。

(四) 四君子湯 (局方)

人參一錢。白茯苓一錢。白朮一錢。炙甘草一錢。

右以水一碗半煮。取五分。去渣。時時服之。

【淺解】 本方以參、朮、苓、草、大補脾氣。慢驚風病愈後。兒脾氣虛弱。面色萎黃。久不復元。調養之法。宜常服此方。自有神效。

【夾熱夾痰慢驚風類各方】

(一) 清心滌痰湯(冰玉堂驗方)

見本證急驚風類各方淺解。

(二) 青州白丸子(局方)

生川烏五錢。(去皮臍) 生

半夏七兩。生南星三兩。白

附子二兩。(生)

右爲末。盛生絹袋內。用井花水搗出粉。未盡再搗。以粉盡爲度。置磁盆內。日曬夜露。每早撤去舊水。別用新

水攪。春五日。夏五三。秋七日。冬十日。去水曬乾。研爲細末。用糯米粉煎粥清丸。菘豆大。每服三五丸。薄荷湯送下。

【淺解】 本方以川烏、白附、泄風祛邪。南星、半夏、化痰消飲。

(三) 柴芍六君子湯(局方)

人參一錢。白朮一錢。(土炒)

白茯苓一錢。陳皮一錢。

半夏一錢。(薑製) 炙甘草

一錢。柴胡五分。白芍一錢。

(炒) 鈎藤鈎一錢。生薑

二片。紅棗二枚。

右以水二碗煮。取五分。去渣。時時服之。

【淺解】 本方參、朮、苓、草和中補

脾。柴胡、鈎藤、疏肝泄風。白芍和肝和陰。半夏、陳皮、化痰運中。夾熱夾痰慢驚風病。脾虛肝旺。痰盛。當化痰和肝補虛爲主。宜服本方。兼服右方。湯丸並進。效自速也。

(四) 通關散(證治準繩方)

見本證急驚風類各方淺解。

(五) 參風飲(冰玉堂驗方)

見本證慢驚風類各方淺解。

(六) 四君子湯(局方)

見本證慢驚風類各方淺解。

【慢脾風類各方】

(一) 溫中補脾湯(金鑑方)

人參一錢。黃耆一錢。(蜜炙)

白朮一錢。(土炒) 乾薑

一錢。附子一錢。(製) 半

夏一錢（葶製） 陳皮一錢。

白茯苓一錢。 砂仁五分。

肉桂五分。（去粗皮研） 白

芍一錢。（炒焦） 炙甘草一

錢。 丁香五分。

右以水二碗煮取五分。去渣。時時

服之。

〔淺解〕 本方人參、黃耆、白朮、茯苓、甘草和中補脾。乾薑、附子、肉桂、溫陽散寒。半夏、陳皮、砂仁、丁香、利氣行滯。使補而不壅。流而不滯。毫無弊端。慢脾風病閉目搖頭。昏昏嗜睡。面唇青黯。額汗昏睡。四肢厥冷。舌短聲啞。頻吐清水。此乃純陰無陽之證。逐風則無風可逐。治驚則無驚可治。惟宜大補脾土。生胃回陽為主。當服此

驚風證

方。

（二）固真湯（證治準繩方）

人參一錢。 白朮一錢。（土炒）

肉桂八分。（去粗皮） 白

茯苓一錢。 山藥一錢。（炒）

黃耆一錢。（蜜炙） 甘草一

錢。（濕紙裹煨透） 附子一

二片。 紅棗二枚。

右以水二碗煮取五分。去渣。時時

服之。

〔淺解〕 本方參、朮、苓、草、山藥、黃耆、和中補脾。肉桂、附子、散寒和陽。慢驚風病由大病後成者。當服此方大

補之。不可加入辛香走竄之品。如丁

香、砂仁等。否則走竄傷正。補力反弱。

功效淺鮮也。

（三）理中加附子湯（金匱方）

即於理中湯原方內加附子一

錢。煎服各法。概依原方。（方見

初生諸病證（上）各方淺解

類）

〔淺解〕 本方以理中湯原方理

中氣。補脾陽。加附子以回陽。慢脾風病四肢厥冷者。此脾陽衰微也。當服此方。

（四）理中加附子鼠腎湯（冰玉

堂驗方）

即於理中湯原方內加附子一

錢。鼠腎一對。煎服各法。概依原

方。

〔淺解〕 本方以理中湯原方理

中氣。補脾陽。加附子以回陽。慢脾風

病四肢厥冷者。此脾陽衰微也。當服

此方。

（四）理中加附子鼠腎湯（冰玉

堂驗方）

即於理中湯原方內加附子一

錢。鼠腎一對。煎服各法。概依原

方。

〔淺解〕 本方以理中湯原方理

中氣。補脾陽。加附子以回陽。慢脾風

病四肢厥冷者。此脾陽衰微也。當服

此方。

中氣補脾陽。加附子以回陽。鼠腎以鎮肝。

(五)白朮散(冰玉堂驗方)

見初生諸病證(下)各方淺解類。

咳嗽證

總綱

一 何謂咳嗽。

凡有聲無痰謂之咳。肺氣傷也。有痰無聲謂之嗽。脾濕動也。有聲有痰謂之咳嗽。初傷於肺。繼動脾濕也。

二 咳嗽證共分幾類。

共分類

三 咳嗽證各病之主要治法。

肺寒 初宜聖惠橘皮散。
咳嗽 日久不愈。補肺阿膠散。

咳 嗽 證

二、肺熱 咳嗽 便軟——加味瀉白散。
便硬——加味涼膈散。

三、食積 咳嗽 便溏——麩麥二陳湯。
便秘——蘇葶滾痰丸。

四、寒風 咳嗽 疏解表邪——參蘇飲。
清其痰嗽——金沸草散。
寒邪壅蔽——加味華蓋散。

五、百日咳嗽——人參五味子湯。

六、肺風 痰嗽 無汗——麻黃葶蘆湯。
有汗——桂枝葶蘆湯。

四 咳嗽證中有所謂百日咳者。究係何病。

百日咳者。係小兒極普遍之病。病勢極重。失治形體虛弱。大肉盡脫。咳至百日而死。故曰百日咳。此病病名

極多。如百日咳、小兒癆咳、頓咳等皆是。

一、病源 肺脾兩虛。

二、病狀 咳嗽作時。其聲連續不斷。須俟腹底之氣提出。方得氣舒而暫止。咳罷則額汗淋漓。面色慘白。

三、治法 初起宜桑葉湯宣之。咳久不愈。人參五味子湯主之。人參龍眼湯亦主之。

五 咳嗽證各病失治。有無危險。

咳嗽證各病失治。見痰涎壅塞。逆氣沖井而作搐者多難治。若頭搖目上視。及閉目呻吟。手足擺舞。眉息胸突。喉中痰鳴。口噤不乳。喘而手足冷。俱甚危險。有生命之憂也。

肺寒咳嗽類

【病源】

喜嘆生冷。平素肺虛。喜嘆生冷。以致寒邪傷肺。發為咳嗽。是謂肺寒咳嗽病。

【病狀】

面色皓白。肺寒咳嗽病面色皓白。痰多清稀。鼻流清涕。

【變症】

形體消瘦。肺寒咳嗽病失治。其咳久久不愈。痰多清稀。飯食不思。形體日漸消瘦。面色皓白。精神疲困。行動乏力。此須速治。否則必成疳病。

【療法】

一、面色皓白之療法。肺寒咳嗽病面色皓白。痰多清稀。鼻流清涕。初宜聖惠橘皮散主之。若日久不愈者。

須以補肺阿膠散主之。則氣順痰清。而嗽自止矣。

二、形體消瘦之療法。肺寒咳嗽

病失治。其咳久久不愈。痰多清稀。飯食不思。形體日漸消瘦。面色皓白。精神疲困。行動乏力。此須速治。否則必成疳病。宜常服補肺阿膠散。自有神效。

【調養】

一、忌食生冷。肺寒咳嗽病忌食生冷水果。黏滑肉麪。雞鵝蝦蟹海腥等物。

二、宜服人參補肺湯。肺寒咳嗽

病愈後。兒肺氣虛弱。久不復元。時易感冒。調養之法。宜服人參補肺湯。

三、宜避風寒。肺寒咳嗽病宜避

風寒。

肺熱咳嗽類

【病源】

火熱熏擾。火熱熏擾肺金。遂致頻頻咳嗽。面赤咽乾。痰黃。是謂肺熱咳嗽病。

【病狀】

面赤咽乾。肺熱咳嗽病頻頻咳嗽。面赤咽乾。痰黃氣穢。多帶稠黏。

【變症】

胸高氣促。肺熱咳嗽病失治。肺中熱盛。肺氣閉塞。胸高氣促。肺脹喘滿。兩脇煽動。陷下作坑。鼻孔煽張。神氣悶亂。二便秘澀。變為馬脾風也。

〔附註〕肺熱肺閉。與肺寒肺閉。

其外候雖相似。然有不同處甚多。切

宜辨別。不可誤治。否則毫釐千里。殺人生命於俄頃也。

一、肺熱肺閉。二便必秘澀。即不秘結。必熱亦異常。

二、肺寒肺閉。二便通利。小水清長。大便如舊。

三、肺熱肺閉。舌苔必薄或紅。

四、肺寒肺閉。舌苔必膩潤。

五、肺熱肺閉。口中必乾欲飲水。

六、肺寒肺閉。口中不渴。不欲飲水。

七、肺熱肺閉。喉間無痰聲。即有痰聲。其聲甚乾。

八、肺寒肺閉。喉間有痰如水雞聲。其聲多水而潤澤。

九、肺熱肺閉。其脈浮洪。

一〇、肺寒肺閉。其脈浮緩。

如此辨別。則是寒是熱。明如照犀。無遁形矣。

【療法】

一、面赤咽乾之療法 肺熱咳嗽病頻頻咳嗽。面赤咽乾。痰黃氣穢。多帶稠黏。便軟者。加味瀉白散主之。便硬者。涼膈散加桔梗桑皮煎服。則熱退氣清。而嗽自止矣。

二、胸高氣促之療法 肺熱咳嗽病失治。胸中熱盛。肺氣閉塞。胸高氣促。肺脹喘滿。兩脇煽動。陷下作坑。鼻孔煽張。神氣悶亂。二便秘澀。變爲馬脾風也。急服五虎湯。繼用一捻金下之。倘得氣開。其喘自止。如兒生百日內。見此病者多不救。

〔附註〕 一農家孩兒。約二足月。

忽患馬脾風。胸高氣促。肺脹喘滿。鼻孔大煽。醫皆束手。坐待其斃。情狀至慘。及余往診。見其唇焦舌紅。口氣奔騰。口中大渴。知係熱喘。若投麻黃。恐益其燥。而傷其陰。雖以石膏佐之。必無效也。然不投此方。病焉得愈。輾轉思維。姑以臘雪水投之。兒見雪水。如大旱之望甘霖。狂飲無厭。不一碗。喘即定。氣即平。後與調理而癒。觀此。一證。知天下無不可治之病。其所以不治者。俱是藥不對證。馬脾風是熱喘。與肺寒喘大不相同。以右辨症法辨別之。決無差誤。而臘雪水確爲治熱喘之良方。其功效在五虎湯。一捻金之上。因此二方大傷正氣。兒病雖愈。體虛者。亦必不支也。考雪得天地陰

凝之氣。較霜為盛。其色白。其質輕。故能入肺。其大寒之性。可清臟腑一切毒火。丹石諸瘡。然須臘雪則有效。冬至後。第三戌為臘。最能消菌殺蟲。故凡臘中有雪。則明年菜麥田禾皆無蟲蝗之患。

【調養】

一、忌食辛辣。肺熱咳嗽病忌食辛辣香燥。煎炒炙爆。蝦蟹海腥。雞鵝羊肉等物。

二、宜服養肺湯。肺熱咳嗽病愈後。宜服養肺湯數劑。補其虛。清其肺。易復元也。

三、口渴之調養法。肺熱咳嗽病口中渴。喜飲。調養之法。宜以天花粉煎湯代茶。自有神效。以其既能生津。

復化熱痰也。

食積咳嗽類

【病源】

小兒食食。小兒食多食。為父母者疼愛之。不忍其哭。見兒欲食。盡量與之。必致食傷。故小兒之病。大都由於積食。古語云。『若要小兒安。須帶三分飢與寒。』可知食食過度。為小兒康健之一大障礙也。本病亦由飲食過多。積結生痰。熱氣薰蒸。因以致咳。是謂食積咳嗽病。

【病狀】

痰壅惡食。食積咳嗽病氣促痰壅。頻頻咳嗽。不思飲食。大便酸臭。

【變症】

氣促鼻煽。食積咳嗽病失治。其

食積結不消。上薰肺氣。呼吸促迫。痰涎壅盛。鼻孔煽動。至為危殆。

【療法】

一、痰壅惡食之療法。食積咳嗽病氣促痰壅。頻頻咳嗽。不思飲食。大便酸臭。以麵麥二陳湯消導之。便秘者。以蘇葶滾痰丸攻下之。

二、氣促鼻煽之療法。食積咳嗽病失治。其食積結不消。上薰肺氣。呼吸促迫。痰涎壅盛。鼻孔煽動。至為危殆。蘇葶滾痰丸主之。虛者宜以人參湯下蘇葶滾痰丸。

【調養】

一、飲食宜有節制。食積咳嗽病至要之調養法。飲食宜節制。否則永無痊望。並戒食雞鵝羊肉。蝦蟹海腥。

等物。

二、宜飲麥芽茶。食積咳嗽病口中渴時。宜以麥芽煎湯代茶。能消食積。可佐湯藥之不及。

三、忌服酸澀之品。食積咳嗽病忌服酸澀之品。如五味、五倍、酸醋等。

風寒咳嗽類

【病源】

風冷乘之。小兒脫衣。偶為風冷所乘。肺先受邪。使氣上逆。衝塞咽膈。發為咳嗽。是謂風寒咳嗽病。

【病狀】

嚏噴流涕。風寒咳嗽病氣上逆。衝塞咽膈。時時咳嗽。嚏噴流涕。鼻塞聲重。頻睡痰涎。

【兼症】

咳 嗽 症

肺氣閉塞。風寒咳嗽病失治。風寒不解。與痰膠結。肺中滿貯風痰。外候身熱。咳聲不揚。鼻煽。呼吸促迫。喉中痰如水雞聲。舌苔黃膩。或白潤。此時也。防其肺氣閉塞。當速治之。

【療法】

一、嚏噴流涕之療法。風寒咳嗽病氣上逆。衝塞咽膈。時時咳嗽。嚏噴流涕。鼻塞聲重。頻睡痰涎。先以參蘇飲疏解表邪。再以金沸草散。清其痰嗽。若寒邪壅蔽。當以加味華蓋散治之。則邪解而氣道通。氣道通而咳嗽止矣。

二、肺氣閉塞之療法。風寒咳嗽病失治。風寒不解。與痰膠結。肺中滿貯風痰。外候身熱。咳聲不揚。鼻煽。呼

吸促迫。喉中痰如水雞聲。舌苔黃膩。或白潤。此時也。防其肺氣閉塞。當速治之。有汗者桂枝芍藥湯主之。無汗者麻黃葶藶湯主之。外以白礬導痰法導之。雖至危必能獲救。

【調養】

一、宜避風冷。風寒咳嗽病宜避風寒。

二、忌食雞鵝。風寒咳嗽病忌食生冷水果。雞鵝羊肉。蝦蟹海腥等物。

三、宜服玉屏風散。風寒咳嗽病時愈時發者。此表不固也。調養之法。宜服玉屏風散。使表氣堅固。病不復發。

百日咳嗽(即頓咳)

類

【病原】

病源有五 百日咳嗽病之名稱。言此病以咳至一百日為期。身體強健之小孩。咳過一百日。即可不藥而愈。身體衰弱之小孩。每每咳至百日。筋疲力盡而死。俗所謂小癆病者是也。其發生之原因有五。(1)出胎暴受風寒。(2)浴兒為風所襲。(3)解換襪裳。或出懷餵乳。而風寒得以乘之。(4)乳汁過多。吞嚥不及而噎。(5)啼哭未定。以乳哺之。氣逆而嗽。凡此五因。俱令生百日咳嗽也。雖然。此五因。固能成百日咳。而至重要之原由。乃肺脾兩虛。他種原由。不過因其虛而乘之。故咳嗽作時。其聲連續不斷。須俟腹底之氣提出。方得氣舒而暫止。咳罷額

汗淋漓。面色慘白。此乃虛弱之鐵證。

【病狀】

咳聲連續不斷 百日咳嗽病咳嗽作時。其聲連續不斷。須俟腹底之氣提出。方得氣舒而暫止。咳時面色盡赤。胃中嘔泛。少停又作。劇者每數分鐘一次。較差者一時許一次。

【變症】

肌肉消瘦額汗淋漓 百日咳嗽病失治。其咳久久不愈。每隔一時許一次。咳時其聲連續不斷。其勢如沖不能按住。須俟腹底之氣提出。方得氣舒而暫止。咳罷額汗淋漓。若不勝辛苦。肌肉消瘦。大肉盡脫。病象至此。去死不遠。

【療法】

一、咳聲連續不斷之療法 百日咳嗽病咳嗽作時。其聲連續不斷。須俟腹底之氣提出。方得氣舒而暫止。咳時面色盡赤。胃中嘔泛。少停又作。劇者每數分鐘一次。較差者一時許一次。初起宜先用荆防敗毒散二小劑。母子同服。服完正藥。宜以摸魚公(水鳥名。形如烏鴉。漁人用以捕魚。喜食豆腐。食魚類而復能吐出)吐出之痰涎。不可洗。愈污愈妙。用以炙灰。和入食物中。令兒食之。服完四兩。其病全愈。至多六兩。無不全愈。神效之至。乃小兒頓咳嗽之聖方也。

二、肌肉消瘦額汗淋漓之療法 百日咳嗽病失治。其咳久久不愈。每漏一時許一次。咳時其聲連續不斷。

其勢如冲。不能按住。須俟腹底之氣提出。方得氣舒而暫止。咳罷額汗淋漓。若不勝辛苦。肌肉消削。大肉盡脫。病象至此。去死不遠。雖然。急與人參五味子湯。或人參龍眼湯。無不可救。茲舉例以明之如下。

高君作梅翁。與令弟雲軒翁。同於甲寅五月舉子。然皆齊梁之稟。胎元怯弱。於七月間。兩兒同患百日咳。予謂雲翁曰。公郎面白唇淡。白眼帶青。嗽聲連續。痰不相應。此肝風有餘。肺脾不足。雖有喘嗽。未可以常法治之。設投疎風清肺。適足益燥傷陰。不特嗽不能愈。而證必加重。雲翁深以為是。乃投人參五味子湯。其應如響。四劑全瘳。計用人參二錢八分。

咳 嗽 症

作翁者。其體更弱。外候面白眼青。自汗多嗽。滿頭青筋。顛門寬大。因謂之曰。令姪正同此證。已服補脾保肺之劑愈矣。公郎中氣更虛。速宜用參。始不費手。適有老嫗。專挑馬牙者。從內阻之。復有醫者。從外阻之。力言不可用參。服參則不可治。且云。未見百日之兒。敢用參者。老嫗更囑其母曰。道翁丸藥。切不可服。其中多人參。服之為害不淺。其母聞之。以為誠然。於是視予藥如砒毒矣。作翁因素艱嗣息。莫能主張。於予言似有陰否陽是之意。予見其遲疑不決。亦不敢強。姑聽之。此醫日一診視。自七月下旬治起。直至十月初旬。作翁往府考責。其病愈治愈危。竟至奄奄一息。而逆

證叢生。無可救藥。醫者束手之策。老嫗減口無言。皆絕迹不至矣。夫人輩無所倚仗。復懇於予。予嘆曰。早聽予言。何有今日。乃入診視。見其面目如藍。形體消削。惟皮束骨。聲啞無音。咳嗽氣促。兩汗淋漓。四肢搐掣。逆證全具。毫無生機。因不忍釋手。詳為審視。惟兩目神光尙存。予曰。生機或在是乎。遂以大參一枝。桂圓五粒。蒸湯與服。初服小半。予為抱之。環步室中。審及呼吸之息氣。雖未減。而亦不見壅。即與服完。良久。覺氣稍順。予喜曰。得之矣。遂用大參二錢。桂圓肉七粒。蒸湯服之。竟獲大效。是夜汗搐俱止。喘嗽亦輕減。第苦於人瘦體弱。即二錢之參湯。亦須一夜方能服完。幸予此

九七

時行功習靜數載。未嘗設榻。終夕無眠。竟與抱之。晝夜不釋手。醒即予服。服後仍睡。數日之後。則鼾聲如雷。睡眠極穩。呼吸極長。予知為氣服神歸之效。如此十晝夜。諸證已愈八九。惟形色未復。音聲未亮。予曰。功程雖半。未敢暫停。參須倍之。於是每日大參四錢。桂圓十四粒。如前調理。計前後二十晝夜。共用官揀六兩有零。始奏全績。於是聲音清亮。面色紅潤。肌肉復生。精神勝舊。今已長成。儼然美丈夫矣。如此之證。如此之治。不特世人未見。醫家未聞。即諸書亦未載。半週乳子。而用六兩之參。起沉痾於萬難之日。苟無定識。希能收效也。

【調養】

一、忌食雞鵝。百日咳嗽病忌食雞鵝羊肉。蠔蟹海腥。酸醋麪食等物。
二、傷風藥不宜多服。百日咳嗽病與傷風咳嗽不同。傷風藥至多服三劑。不可多服。否則肺脾之氣愈傷。每令病益劇也。

三、額汗淋漓。即當補之。百日咳嗽病若見咳罷額汗淋漓。面色慘白。即當補之。宜服人參桂圓湯。此時也。誤服尅伐藥。每不可救。

肺風痰嗽（即肺炎）類

【病源】

感冒風寒。感冒風寒。風邪久留不去。與痰膠結。肺中滿貯風痰。遂成肺風痰嗽病。

【病狀】

喉中有痰如水雞聲。肺風痰嗽病肺中滿貯風痰。身熱。咳聲不揚。鼻煽。呼吸促迫。喉中有痰。如水雞聲。（水雞即田雞。一名青蛙。鳴時其聲呼呼。今喉間之痰聲呼呼作響。與田雞聲相似。故曰如水雞聲也。）舌苔黃膩。或白潤。

【變症】

頭搖目上視。肺風痰嗽病其症最險。失治則風痰膠結益甚。引動內風。肺氣閉塞。見頭搖目上視。及閉目呻吟。手足擺舞。呼吸促迫。胸中高突。喉中痰鳴。口噤不乳。喘而手足冷者。皆死證也。

【療法】

一、喉中有痰如水雞聲之療法

肺風痰嗽病肺中滿貯風痰。身熱。咳嗽不揚。鼻煽。呼吸促迫。喉中有痰。如水雞聲。舌苔黃膩。或白潤。此時也。防其肺氣閉塞。當速治之。有汗者桂枝葶藶湯主之。無汗者麻黃葶藶湯主之。外以白礬導痰法導之。雖至危。必能獲救。

〔加減法〕 服藥後。睡臥露睛。喉中如水雞聲。變爲鼾聲而乾者。此虛也。去麻黃。桂枝。葶藶。加入人參鬚。如虛甚。則不必再服他藥。但服人參鬚可也。

服藥後。汗大出。四肢逆冷。脈微者。此表陽虛也。去麻黃。葶藶。加入人參附子。

咳 嗽 證

其餘加減法。概同感冒證傷寒類變症條內。

舌光紅者。屬熱。宜服涼藥清之。二方俱不可服。肺熱肺閉。與肺寒肺閉。其見症截然不同。不可誤治。否則毫釐千里。殺人生命於俄頃。其辨別法。詳本證肺熱咳嗽類變症條內。茲不復贅。

二、頭搖目上視之療法 肺風痰

嗽病其症最險。失治則風痰膠結益甚。引動內風。肺氣閉塞。見頭搖目上視。及閉目呻吟。手足擺舞。呼吸促迫。胸中高突。喉中痰鳴。口噤不乳等症者。鼠腎湯主之。虛者。可加入人參。喘而手足冷者。可加入人參附子。此等症雖屬死候。然坐待其斃。於心何忍。

姑投此種方藥。或可挽救也。

【調養】

一、忌食雞鵝 肺風痰嗽病忌食雞鵝羊肉。蝦蟹海腥。生冷黏滑等物。
二、宜避風寒 肺風痰嗽病宜避風寒。

三、愈而復發 肺風痰嗽病愈而復發。或時愈時發者。變爲哮喘也。宜服小青龍葶。以杜其根。

結 論

咳嗽證各病中。以百日咳嗽。肺風咳嗽。二病最爲危重。小兒患此者。亦最多。治不得法。卽能致命。故編者對此二病之治法。述之特別詳密。如鼠腎湯。摸漁公公（鳥名）吐出之痰涎。俱屬單方。靈驗無比。救活孩兒。不

知幾許。編者心仁。向不守祕。普渡衆生。同登壽域。我心安矣。其他非所計也。望讀者宜三注意。

肺熱肺閉。與肺寒肺閉。截然不同。切勿誤治。毫釐千里。殺兒生命於俄頃。故編者將此中緊要關子。盡情宣佈。使人人能辨別是寒是熱。不致誤治。

肺熱肺閉。在他種醫書。大都以五虎湯。一捻金爲主。殊不知此種藥品。極傷正氣。極耗津液。兒體強者。或可獲救。兒體弱者。必死無救。編者目擊心傷。將此病之特效藥。(即雪水。考雪水色白入肺。專清肺熱)完全宣佈。從此兒患此絕症者。無不得生。雖不足重絕千古。聊可昭示於後來耳。

咳嗽證各方淺解類

【肺寒咳嗽類各方】

(一) 聖惠橘皮散(聖惠方)

人參一錢。貝母一錢。蘇葉

一錢。陳皮一錢。桔梗一錢。

杏仁三錢。(去皮尖炒)

紅棗三枚。

右以水二碗煮。取一碗。去渣。分數

次溫服。

〔淺解〕 本方蘇葉。桔梗。泄風疏

邪。貝母化痰。陳皮利氣。杏仁順氣。人

參。紅棗。和中補正。肺寒咳嗽病面色

晄白。痰多清稀。鼻流清涕。宜服本方

疏散之。便可痊愈。

(二) 補肺阿膠散(證治準繩方)

人參一錢。阿膠一錢(熬炒)

牛蒡子一錢。(炒) 杏仁

一錢。(去皮尖炒) 糯米一

錢。炙甘草五分。馬兜鈴一

錢。

右以水三碗煮。取一碗。去渣。分數

次溫服。

〔淺解〕 本方人參。糯米。甘草。和

中補脾。阿膠補陰。牛蒡疏風。杏仁順

氣。兜鈴止嗽。肺寒咳嗽病日久不愈

者。屬虛。當服本方補之。使正氣健旺。

肺氣肅降。則嗽自止也。

(三) 人參補肺湯(驗方)

人參一錢。黃耆二錢。白朮

一錢。糯米一錢。炙甘草五

分。杏仁二錢。(去皮尖炒)

阿膠二錢。

右以水三碗煮。取一碗。去渣。分數次服之。

〔淺解〕 本方人參、黃耆、白朮、糯米、甘草、和中補脾。兼以固表。阿膠和陰。杏仁順氣。肺寒咳嗽病愈後。兒肺氣虛弱。久不復元。時易感冒。調養之法。宜服本方。

【肺熱咳嗽類各方】

(一) 加味瀉白散 (錢乙方)

桑皮一錢 (蜜炙) 地骨皮一錢。生甘草五分。川貝母一錢 (去心礮) 麥冬二錢 (去心) 生知母二錢。桔梗六分。黃芩一錢半。薄荷八分。右以水三碗煮。取一碗。去渣。分數次服之。

咳 嗽 證

〔淺解〕 本方以桑皮爲君。清肅肺氣。佐以地骨、知母、黃芩、清解熱邪。

薄荷、桔梗、疏泄風邪。甘草、麥冬、和胃和中。川貝化痰。肺熱咳嗽病頻頻咳嗽。面赤咽乾。痰黃氣穢。多帶稠黏。此肺中有風熱也。宜服此方疏解之。自有神效。

(二) 涼膈散加桔梗桑皮方 (局方)

卽於涼膈散原方內加桔梗六分。桑皮一錢 (蜜炙) 煎服各法。概依原方。(方見驚風證各方淺解類)

〔淺解〕 本方以涼膈散原方清解積熱。加桔梗以宣肺。桑皮以肅肺。肺熱咳嗽病。大便硬者。宜服本方。使

大便通利。則熱退氣清。而嗽自止矣。

(三) 五虎湯 (金鑑方)

麻黃八分 (蜜炙) 杏仁三錢 (炒去皮尖) 生甘草五分。生石膏八錢。細茶一錢。右以水三碗煮。取一碗。去渣。分數次服之。

〔淺解〕 本方以麻黃開肺氣。通其閉塞。石膏清火解熱。其性重鎮。兼能監制麻黃之暴。杏仁降逆定喘。甘草和中和胃。用細茶者。清熱利咽。且下逆氣也。

肺熱咳嗽病失治。肺中熱盛。肺氣閉塞。胸高氣促。肺脹喘滿。兩脇煽動。陷下作坑。鼻孔煽張。神氣悶亂。二便祕澀。變爲馬脾風也。急服本方。使肺

氣一開其喘自止。

(四)一捻金(金鑑方)

見初生諸病證(上)各方淺解類。

(五)雪水方(驗方)

臘雪水令兒盡量服之。

〔淺解〕 考雪得天地陰凝之氣較霜為盛。其色白。其質輕。故能入肺。其大寒之性。可清臟腑一切毒火。丹石諸瘡。然須臘雪則有效。冬至後第三戌為臘。最能消菌殺蟲。故凡臘中。有雪。則明年菜麥田禾皆無蟲蝗之患。

(六)養肺湯(張漢方)

西洋參二錢。金石斛三錢。

麥冬三錢。天花粉三錢。阿

膠一錢。

右以水三碗煮。取一碗。去渣。分數

次服之。

〔淺解〕 本方係一派生津補陰。

大養肺氣之品。所以補肺虛也。肺熱咳嗽。陰液必傷。愈後宜接服此方。補其虛。清其肺。易復元也。

【食積咳嗽類各方】

(一)麩麥二陳湯(金鑑方)

陳皮一錢。半夏一錢。(薑製)

白茯苓二錢。生甘草五分。

黃連六分。(薑製) 山查一

錢。麥芽一錢。(炒) 神麩

一錢。(炒) 栝藹仁一錢。

枳實一錢。(麸炒) 生薑三

片。紅棗二枚。

右以水二碗煮。取一碗。去渣。分數

次服之。

〔淺解〕 本方陳皮。半夏。山查。麥

芽。神麩。枳實。利氣行滯。兼消食積。栝藹仁。潤燥。黃連。清熱。茯苓。利水。甘草。和中。食積咳嗽。病治其咳。嗽。必無功效。當消其食。化其積。則嗽自止也。

(二)蘇葶藶痰丸(金鑑方)

蘇子一兩。(炒) 苦葶藶一

兩。(微炒) 大黃四兩。(酒

蒸一次) 沉香五錢。黃芩

四兩。青礞石五錢。(火煨如

金為度)

右為末。水為丸。如粟米大。兒體虛

者。服十九至十五丸。人參湯送下。實

者。服二十九。薑湯送下。

〔淺解〕 本方以蘇子、葶藶、沉香、降氣定喘。大黃、黃芩、清熱通便。礞石化痰消積。食積咳嗽病氣促痰壅。頻頻咳嗽。大便祕者。當服本方。使大便一通。積食一消。則氣自平而咳自止也。

【風寒咳嗽類各方】

(一) 參蘇飲 (易簡方)

蘇葉一錢。乾葛一錢。前胡

一錢。陳皮一錢。半夏一錢。

(薑製) 生甘草五分。枳

壳一錢。(麸炒) 桔梗八分。

赤茯苓二錢。

右以水二碗半煮。取一碗。去渣。分數次服之。

〔淺解〕 本方蘇葉、乾葛、桔梗、前

胡、泄風疏邪。陳皮、半夏、枳壳、利氣化痰。赤苓利水。甘草和中。風寒咳嗽病初起。先以本方疏解表邪。再以金沸草散。清其痰嗽。自可全愈。

(二) 金沸草散 (局方)

見感冒證各方淺解類。

(三) 加味華蓋散 (局方)

麻黃六分。杏仁三錢。(去皮

尖炒) 蘇子一錢。(炒)

前胡一錢半。橘紅一錢。生

甘草五分。桑皮一錢。(炒)

桔梗六分。赤茯苓二錢。

右以水三碗煮。取一碗。去渣。分數次食後服之。

〔淺解〕 本方以麻黃、桔梗、泄風

疏邪。杏仁、蘇子、桑皮、肅肺順氣。赤苓

利水。橘紅化痰。甘草和正。風寒咳嗽病者。寒邪壅蔽。當以本方治之。則邪解而氣道通。氣道通而咳嗽止矣。

(四) 桂枝葶藶湯 (冰玉堂驗方)

見感冒證各方淺解類。

(五) 麻黃葶藶湯 (冰玉堂驗方)

見感冒證各方淺解類。

(六) 白礬導痰法 (驗方)

見感冒證各方淺解類。

(七) 玉屏風散 (世醫得效方)

見癩病證各方淺解類。

【百日咳嗽類各方】

(一) 荆防敗毒散 (證治準繩方)

荆芥穗一錢。防風一錢五分。

羌活一錢。獨活一錢。前

胡一錢。柴胡一錢。枳壳一

錢。(麩炒) 桔梗八分。赤

茯苓一錢。川芎一錢。人參

五分。甘草五分。薄荷五葉。

右以水二碗煮。取一碗。去渣。分數

次服之。

〔淺解〕 本方荆芥、防風、羌活、獨

活、前胡、柴胡、薄荷、桔梗、疏風泄邪。枳

殼利氣。川芎和血。赤苓利水。凡此一

派疏風去病之品。所以驅逐留滯之

風邪也。然不用扶正之品佐之。恐病

去而正氣受傷。變生他證。反不得力。

故必當以人參、甘草之和中補氣者

佐之。始無流弊。百日咳嗽病初起。必

挾風邪。宜服此方二小劑。(不可多

服)使風邪疏解。咳自瘥也。

(二)摸魚公公痰涎方(驗方)

摸魚公公(水鳥名。形如烏鴉。

漁人用以捕魚。喜食豆腐。食魚

類而復能吐出)吐出之痰涎。

不可洗。愈汚愈妙。用以炙灰。和

入食物中。令兒食之。服完四兩。

其病全愈。至多六兩。無不全愈。

神效之至。乃小兒頓咳嗽之聖

方也。

〔淺解〕 本方摸魚公公之痰涎。

煨灰服。善化痰。解結氣。百日咳嗽。乃

肺中有結氣。不得舒暢。故咳聲連續

不繼。今通其結。消其痰。則咳自止也。

(三)人參五味子湯(幼幼集成

方)

人參一錢。五味子五分。

右以水二碗煮。取半碗。去渣。分數

次服之。

〔淺解〕 本方以人參爲君。補肺

脾之氣。臣以五味。收斂肺氣。止汗止

咳。百日咳嗽病日久不愈。有生命危

險。速服本方止澀之。自有神效。初起

有風邪者勿服。

(四)人參龍眼湯(冰玉堂驗方)

人參一錢。龍眼肉五枚。(卽

桂圓)

右以水二碗煮。取半碗。去渣。分數

次服之。

〔淺解〕 本方人參、龍眼、大補肺

脾之氣。使肺脾氣足。則氣自平而咳

自止也。百日咳嗽病日久不愈。屬虛。

宜服本方。

【肺風痰嗽類各方】

(一) 桂枝葶藶湯(冰玉堂驗方)

見感冒證各方淺解類。

(二) 麻黃葶藶湯(冰玉堂驗方)

見感冒證各方淺解類。

(三) 白礬導痰法(驗方)

見感冒證各方淺解類。

(四) 鼠腎湯(冰玉堂驗方)

見驚風證各方淺解類。

(五) 參鼠飲(冰玉堂驗方)

見驚風證各方淺解類。

(六) 鼠腎湯加入參附子方(冰

玉堂驗方)

即以人參一錢。烏附塊三錢。以

水二碗煮。取半碗。去渣。和入鼠

腎湯內服。

〔淺解〕 本方以鼠腎定驚。人參

補氣。附子回陽。

(七) 小青龍膏(仲景方)

見感冒證各方淺解類。

痰病證

總綱

一 何謂痰病。

痰者水穀所化之津液。不能四布。留於胸中而成。多因飲食無節。或乳食過度。過食厚味。脾胃不能運化而生。若陰氣素盛。則化而為飲。陽氣素盛。則化而為痰。稠黏黃色。澀滯難出。謂之燥痰。清稀色白。滑而易出。謂之濕痰。

二 痰病證共分幾類。

共分二類
一 燥痰類。
二 濕痰類。

三 痰病證各病之主要治法如何。

一、燥痰

輕者——清氣化痰丸。
重者——蘇葶滾痰丸。

二、濕痰

痰多——加味枳桔二陳湯。
飲盛——桂苓甘朮湯。

四 痰病之主要調養法如何。

痰病之主要調養法。忌食肥甘厚味。如豬肉龜蟹。鯪鱧海參等。以此種食物。極易生痰。有礙消化。多食後。每令病益劇也。

五 痰病失治。有何變症。

痰病失治。其痰益盛。或成喘病。或變腫脹。至為困苦。

燥痰類

【病源】

過食辛辣 過食辛辣香燥。膏粱

厚味。遂生火生痰。痰多燥黏。是謂燥痰病。

【病狀】

面赤口乾 燥痰病痰多燥黏。氣逆喘咳。夜臥不寧。面赤口乾。小便黃赤。

【變症】

喘不得眠 燥痰病失治。其痰益多。氣益逆上。喘不得眠。大便祕結。

【療法】

一、面赤口乾之療法 燥痰病痰多燥黏。氣逆喘咳。夜臥不寧。面赤口乾。小便黃赤。輕者用清氣化痰丸清之。重者用蘇葶滾痰丸下之。

二、喘不得眠之療法 燥痰病失治。其痰益多。氣益逆上。喘不得眠。大

澁秘結。宜服蘇葶滾痰丸。

【調養】

一、忌食煎炒 燥痰病忌食煎炒

炙爆。辛辣香燥。及肥甘厚味。如豬肉、龜、鱉、鱔、海參等。

二、宜以天花粉代茶 燥痰病口中乾時。宜以天花粉煎湯代茶。以其

能生津止渴。兼化熱痰也。

三、猶未盡化 燥痰病服清氣化

痰丸。或蘇葶滾痰丸後。病勢已減。而痰猶未盡化。此時也。不可再服峻藥。

調養之法。宜接服南星栝萎丸。自能緩緩收功。不致傷正。

濕熱痰類

【病源】

過食生冷 小兒過食生冷油膩

之物。有傷脾胃。遂致脾虛生濕。不能運化。而成濕痰。滑而易出。是謂濕痰病。

【病狀】

倦怠嗜臥 濕痰病痰多。滑而易出。懶於飲食。四肢倦怠。嗜臥。面色多

黃。

【變症】

形體消瘦 濕痰病失治。濕痰益

多。脾土益虛。形體消瘦。面色萎黃。飲食不思。四肢無力。嗜臥。防入損途。俗

所謂懶黃病者是也。有生命危險。宜速治之。

【療法】

一、倦怠嗜臥之療法 濕痰病痰多。滑而易出。懶於飲食。四肢倦怠。嗜

臥。面色多黃。痰多者。宜用枳桔二陳湯。加蒼朮。白朮除濕化痰。飲盛者。須用桂苓甘朮湯。扶陽散飲。

二、形體消瘦之療法

濕痰病失治。濕痰益多。脾土益虛。形體消瘦。面色萎黃。飲食不思。四肢無力。嗜臥。防

入損途。俗所謂懶黃病者是也。有生命危險。宜速治之。當服六君子湯。補

其虛弱。化其痰濕。自有神效。

【調養】

一、忌食水果 濕痰病忌食生冷

水果。油膩厚味等物。

二、中氣虛弱 濕痰病愈後。兒中

氣虛弱。時時泛噎。面色萎黃。久不復元。調養之法。宜服四君子湯。痰未盡者。宜服六君子湯。

三、口中渴小溲不利之調養法

濕痰病口中渴。飲不解渴。小溲不利。舌苔厚膩者。此飲盛液不上潮使然。不可以尋常止渴藥治之。調養之法。宜以五苓散泡飲代茶。化其濕痰。利其小便。扶其陽氣。各恙自瘥。神效。

結論

痰者水穀所化之津液。不能四布。留於胸中而成者也。多因飲食無節。或乳食過度。過食厚味。脾胃不能運化而生。若陰氣素盛。則化而為飲。陽氣素盛。則化而為痰。稠黏黃色。澀滯難出。謂之燥痰。清稀色白。滑而易出。謂之濕痰。二者或宜清潤。或宜通利。治各不同也。

濕痰病失治。形體消瘦。飯食不思。

每有生命危險。此屬虛。不可專以去

濕化痰之藥治之。否則愈治愈危。每不可救。速以六君子湯治之。補其虛弱。運其中氣。則中氣自健。痰濕自化。飯量漸增。每能弋獲。

痰病諸證各方淺解類

【燥痰類各方】

(一) 清氣化痰丸 (驗方)

膽南星一兩五錢 (九轉) 半

夏一兩五錢 (薑製) 橘紅一

兩 枳實一兩 (麸炒) 杏

仁一兩 (炒去皮尖) 栝萋

仁一兩 (去油) 黃芩一兩

(酒炒) 白茯苓一兩

右共為細末。薑汁為丸。如粟米大。

每服十五丸。至二十九。薑湯化服。

【淺解】 本方以黃芩清解氣分

之熱。南星、半夏、橘紅、枳實、化痰。杏仁、栝萋仁、順氣止喘。茯苓利水化痰。燥痰病痰多燥黏。氣逆喘咳。夜臥不寧。面赤口乾。小便黃赤。輕者宜用本方清之。重者用蘇葶滾痰丸下之。

(二) 蘇葶滾痰丸 (驗方)

見咳嗽證各方淺解類。

(三) 南星栝萋丸 (證治準繩方)

膽南星一兩五錢 (九轉) 栝

萋仁一兩 (去油)

右共為細末。薑汁為丸。如粟米大。

每服十五丸至二十九。薑湯化服。

【淺解】 本方以南星化痰。栝萋

仁順氣。燥痰病服清氣化痰丸。或蘇

葶滾痰丸後。病勢已減。而痰猶未盡

化。此時也。不可再服峻藥。調養之法。宜接服本方。自能緩緩收功。不致傷正。

【濕痰類各方】

(一) 加味枳桔二陳湯(局方)

即於枳桔二陳湯內加蒼朮一

錢。白朮一錢。煎服各法。概依原

方。(方見初生諸病證(下)

各方淺解類)

【淺解】 本方以枳桔二陳湯原

方化痰利氣。加蒼朮以燥濕化痰。白

朮以健中化痰。濕痰病痰多者。宜服

本方。

(二) 桂苓甘朮湯(仲景方)

桂枝六錢。白茯苓三錢。生

甘草五錢。白朮一錢。(土炒)

右以水二碗煮。取一碗。去渣。分數次服之。

【淺解】 本方以桂枝扶陽散飲。

白朮。甘草。健中化飲。茯苓利水導飲。

濕痰病飲盛者。宜服本方。

(三) 六君子湯(局方)

見癩病證各方淺解類。

(四) 四君子湯(局方)

見驚風證各方淺解類。

(五) 五苓散泡飲方(傷寒論方)

澤瀉三錢。豬苓一錢半。白

朮一錢半。白茯苓一錢半。

桂枝一錢。

右以百沸水泡飲代茶。毋煎。

【淺解】 本方以桂枝扶陽散飲。

白朮健中消飲。豬苓。澤瀉。茯苓。利水

導飲。泡而不煎者。取其氣不取其味也。取其氣則輕。取其味則重。病輕藥重。則藥過病所。反不得力。此所以泡而不煎也。濕痰病口中渴。飲不解渴。小便不利。舌苔厚膩者。此飲盛液不上潮使然。不可以尋常止渴藥治之。調養之法。宜服本方。化其濕痰。利其小便。扶其陽氣。各恙自瘥。神效。

喘病證

總綱

一 何謂喘病。

呼吸氣出急促者謂之喘急。外候擡肩欠肚。若更喉中有聲響者謂之哮喘。

二 喘病證共分幾類。

- 一、火熱喘急。
- 二、風寒喘急。
- 三、痰飲喘急。
- 四、肺虛作喘。
- 五、馬脾風。

三 喘病證各病之主要治法如何。

肺熱——涼膈散。
胃熱——涼膈白虎湯。

一、火熱喘急

心火刑金——導赤散。
腎虛火來燉金——知

柏地黃湯。

二、風寒喘急

汗而散之——華蓋散。
補而散之——紫蘇飲子。
但氣逆喘急——加減

蘇子降氣湯。

三、痰飲喘急

急攻痰壅——蘇葶滾痰丸。
瀉飲降逆——蘇葶丸。

聲音短澀——潔古黃耆湯。
喘促夾痰——百合固

四、肺虛作喘

喘促夾熱——本事黃耆湯。

五、馬脾風——急服——五虎湯。
繼用——一捻金。

四 喘病用藥有何禁忌。

凡喘病慎不可用升麻。用之則愈喘。即內傷勞役氣虛發喘。當用補中益氣者。苟非清陽下陷。亦須以煨葛根代之。

喘病忌食雞鵝羊肉。蝦蟹海腥等物。

五 喘病失治。有無危險。

喘病失治。每令氣促益甚。肺氣閉塞而死。虛者令汗出如油。髮潤而喘。或張口大喘而死。

火熱喘急類

【病源】

感受火熱 感受火熱。刑金作喘。

是謂火熱喘病。

【病狀】

面赤唇紅。火熱喘病口乾舌燥。作渴。面赤唇紅。因於肺熱者。必兼見鼻孔煽張之症。因胃熱者。必兼見大便不通之症。因心火刑金者。必兼見夜眠不安。小溲短赤之症。因腎虛火來燔金者。必兼見小溲清長之症。

【變症】

直視譫語。火熱喘病失治。其喘益盛。邪火鴟張。鼻孔煽甚。呼吸促迫。如不及接。直視譫語。死不治。

【療法】

面赤唇紅之療法。火熱喘病口乾舌燥作渴。面赤唇紅。因於肺熱者。必兼見鼻孔煽張之症。涼膈散主之。

喘病

因胃熱者。必兼見大便不通之症。涼膈白虎湯主之。因心火刑金者。必兼見夜眠不安。小溲短赤之症。導赤散主之。因腎虛火來燔金者。必兼見小溲清長之症。知藥地黃湯主之。

【調養】

一、忌食辛辣。火熱喘病忌食辛辣香燥。煎炒炙爆。雞鵝羊肉蝦蟹海腥等物。
二、衣被宜輕。火熱喘病患者衣被宜輕。否則衣被一重。每令喘益劇。熱益甚。無可救藥。

三、宜以天花粉煎湯代茶。火熱喘病口中渴甚。宜以天花粉煎湯代茶。清熱生津。止渴如神。

風寒喘急類

【病源】

肺受風寒。肺主皮毛。一受風寒。內閉肺氣。則肺逆不降。呼吸氣急。故作喘。是謂風寒喘病。

【病狀】

呼吸促迫。風寒喘病喘急鼻煽。呼吸促迫。發熱無汗。

【變症】

痰涎壅塞。風寒喘病失治。風寒閉塞。痰涎壅盛。呼吸促迫。若不接續。鼻煽益甚。此時也。防其肺氣閉塞。

【療法】

一、呼吸促迫之療法。風寒喘病喘急鼻煽。呼吸促迫。發熱無汗。宜以華蓋散汗而散之。若肺氣本虛。外復被風寒所傷者。宜以紫蘇飲子補而

散之。若肺虛外無風寒所傷。內無痰涎壅塞。惟氣逆喘急者。以加減蘇子降氣湯。降其逆氣。其喘自愈。

二、痰涎壅塞之療法 風寒喘病失治。風寒閉塞。痰涎壅塞。呼吸促迫。若不接續。鼻煽益甚。此時也。防其肺氣閉塞。有汗者桂枝葶藶湯主之。無汗者麻黃葶藶湯主之。外以白礬導痰法導之。或能獲救。

【調養】

一、宜避風寒 風寒喘病宜避風寒。

二、忌食雞鵝 風寒喘病忌食生冷黏滑。雞鵝羊肉。蝦蟹海腥等物。

三、時愈時發之調養法 風寒喘病時愈時發者。此寒邪深伏於內也。

宜服小青龍膏。以杜其根。

痰飲喘急類

【病源】

氣管積痰 氣管積痰。呼吸不暢。以致喘息不順。是謂痰飲喘急病。

【病狀】

響聲如拽鋸 痰飲喘病呼吸促迫。擡肩欠肚。喉中有痰。其音如潮。響聲如拽鋸。

【變症】

肺氣閉塞 痰飲喘病失治。其痰益甚。呼吸促迫。若不接續。鼻孔煽甚。此時也。防其肺氣閉塞。

【療法】

一、響聲如拽鋸之療法 痰飲喘病呼吸促迫。擡肩欠肚。喉中有痰。其

音如潮。響聲如拽鋸。須急攻痰壅。蘇葶痰丸主之。若停飲喘急。不得臥者。又當瀉飲降逆。蘇葶丸主之。

二、肺氣閉塞之療法 痰飲喘病失治。其痰益甚。呼吸促迫。若不接續。鼻孔煽甚。此時也。防其肺氣閉塞。無汗者麻黃葶藶湯主之。有汗者桂枝葶藶湯主之。外以白礬導痰法導之。或能獲救。

【調養】

一、忌食肥甘 痰飲喘病忌食生冷水果。及肥甘厚膩之品。如豬肉。龜。鱉。鰻。鱺。海參等。

二、中氣虛弱之調養法 痰飲喘病愈後。兒中氣虛弱。面黃肌瘦。四肢無力。調養之法。宜服六君子湯。

三、以人參湯送藥。痰飲喘病如兒體虛弱。不堪服蘇葶痰丸。然不眠病必不救。兩全之策。當以人參湯送服丸藥。則病自去而正不傷。

肺虛作喘類

【病源】

肺氣虛弱。肺氣虛弱。因而作喘。是謂肺虛喘病。

【病狀】

形容枯瘦。肺虛喘病形容枯瘦。聲音短澀。似喘非喘。氣息短促。

【變症】

汗出如油。肺虛喘病失治。氣分益短。喘益劇。汗出如油。髮根盡濕。此肺氣將絕。危險萬分。

【療法】

一、形容枯瘦之療法。肺虛喘病形容枯瘦。聲音短澀。似喘非喘。氣息短促。潔古黃耆湯主之。若喘促夾痰者。以加減百合固金湯主之。夾熱者。加味本事黃耆湯主之。

二、汗出如油之療法。肺虛喘病失治。氣分益短。喘益劇。汗出如油。髮根盡濕。此肺氣將絕。危險萬分。姑與人參五味子湯。或可有救。

【調養】

一、宜多服人參。肺虛喘病愈後。宜多服人參。使肺氣健旺。病不復發。

二、忌食雞鵝。肺虛喘病忌食雞鵝羊肉。蝦蟹海腥等物。

三、忌服尅伐之品。肺虛喘病忌服尅伐之品。如葶藶。大黃。礞石等。並

不可服升提之品。如桔梗。麻黃。升麻等。犯之每不可救。

馬脾風類

【病源】

寒邪化火。寒邪客於肺俞。寒化為熱。閉於肺經。故令胸高氣促作喘。是謂暴喘病。一名馬脾風。

【病狀】

二便秘澀。馬脾風病胸高氣促。肺脹喘滿。兩脇煽動。陷下作坑。鼻竅煽張。神氣悶亂。二便秘澀。

肺熱肺閉。與肺寒肺閉之辨別法。詳咳嗽證肺熱咳嗽類變症條內。宜參閱之。

【變症】

口氣奔騰。馬脾風病失治。熱益

盛喘益劇。鼻孔大煽。唇焦舌紅。口氣奔騰。口中大渴。

【療法】

一、二便秘澀之療法 馬脾風病胸高氣促。肺脹喘滿。兩脇煽動。陷下作坑。鼻竇煽張。神氣悶亂。二便秘澀。急服五虎湯。繼用一捻金下之。倘得氣開。其喘自止。如兒生百日內見此病者。多不救。

二、口氣奔騰之療法 馬脾風病失治。熱益盛。喘益劇。鼻孔大煽。唇焦舌紅。口氣奔騰。口中大渴。此時也。若投五虎湯。恐麻黃益其燥而傷其陰。難以石膏佐之。仍欲傷陰。終無效也。然不服此湯。病焉得愈。今以雪水湯進之。則熱自清而喘自平。且清中帶

潤。最能救陰。神效。

【調養】

一、忌食辛辣 馬脾風病忌食辛辣香燥。煎炒炙爆。蝦蟹海腥。雞鴨羊肉等物。

二、宜養陰液 馬脾風病愈後。陰液虧耗。口中作渴。久久不瘥。調養之法。宜服養肺湯。

三、病勢最凶 馬脾風病病勢最凶。宜一起即治。千萬不可延擱。否則每不可救。

結論

小兒喘病。與大人喘病不同之處。以大人無驚。小兒有驚。驚者何病。即肝風。是故小兒喘病失治。每令生驚。引動內風。致令病勢沉重。而不可救。

其現象大都神蒙目竄。搖頭。或面青目閉。而發哼聲。或手足擺舞。見此現象。即當兼治其驚。如羚羊、石決、磁石、風腎等。均可加入。否則不治其驚。但治其喘。則喘非特不愈。且加劇也。

小兒喘病。以馬脾風病勢最急。失治則熱益盛。喘益劇。鼻孔大煽。唇焦舌紅。口氣奔騰。口中大渴。此時也。當投以雪水。或可獲救。

喘與哮喘短氣之辨別 哮喘者。喉中有痰如拽鋸。若水雞聲者是也。喘者。氣促而連續。不能以息者是也。故哮喘以聲響言。喘以氣息名。凡喉如水雞聲者為實。喉如鼾聲者為虛。雖由於痰火內鬱。風寒外來。而治之者。不可不知虛實也。凡大病久病之

後。或久服寒涼剋劑之品。或久吐久瀉之後。忽然氣急。似喘非喘。氣息短促。名爲短氣。短者斷之甚。氣將脫也。速宜挽救。當服人參五味子湯。

凡喘病見汗出如油。髮潤而喘者。肺絕也。汗出如油。張口大喘者。命絕也。直視譫語而喘者。爲肝絕。凡大病正氣欲絕。無根脫氣上衝。必大喘而絕。凡此皆喘病之死候。最宜注意。

喘病諸方及方淺解類

【火熱喘急類各方】

(一) 涼膈散 (局方)

見驚風證各方淺解類。

(二) 涼膈白虎湯 (局方傷寒論)

方)

生大黃一錢。朴硝一錢。生

喘病證

甘草五分。連翹二錢。(去心)

梔子一錢。生黃芩一錢。

薄荷葉八分。生石膏四錢。

生知母二錢。粳米一錢。

右以水三碗煮。取一碗。去渣。分數次服之。

(淺解) 本方大黃、朴硝逐熱。連

翹、梔子、黃芩、石膏、知母、清熱。薄荷泄熱。甘草、粳米、和正。火熱喘病因胃熱者。必兼見大便不通之症。速服本方。清胃通便。使大便一下。則喘自止也。

(三) 導赤散 (錢乙方)

見初生諸病證(上)各方淺

解類。

(四) 知母地黃湯 (朱丹溪方)

乾生地黃各二錢。山茱萸肉

二錢。炒山藥三錢。炒知母

二錢。黃蘗一錢。(鹽炒)

牡丹皮一錢。澤瀉一錢。白

茯苓一錢。

右以水三碗煮。取一碗。去渣。分數次服之。

(淺解) 本方地黃、山藥、補血益

精。以壯水之主。山藥、茯苓、健脾滲濕。以培水之源。(脾旺則能運化食物。而生精血) 丹皮、澤瀉、清血排毒。疏水道之滯。如血虛陰衰。則以熟地黃爲君。小便或多或少。或赤或白。則以茯苓爲君。小便淋瀝。則以澤瀉爲君。心意不足。則以丹皮爲君。皮膚乾澀。則以淮山藥爲君。四通八達。隨用皆宜。用知母、黃柏者。清火降火也。使腎

火下降而不燦金。則喘自定也。火熱喘病。因腎虛。火來燦金者。必兼見小溲清長之症。速服本方。自有神效。

【風寒喘急類各方】

(一) 華蓋散 (局方)

見咳嗽證各方淺解類。

(二) 紫蘇飲子 (證治準繩方)

蘇葉一錢。杏仁二錢。(炒去

皮尖) 桑皮一錢。(炒)

陳皮一錢。青皮八分。(醋炒)

半夏二錢。(薑製) 人參

一錢。五味子五分。生甘草

五分。麻黃六分。生薑三片。

右以水二碗煮。取一碗。去渣。分數

次服之。

【淺解】 本方蘇葉、麻黃、生薑、疏

散風邪。杏仁、桑皮、順氣肅肺。陳皮、半

夏、青皮、利氣行滯。人參、甘草、和中補

正。五味欲肺納氣。兼以監制麻、蘇之

暴。使其散風寒。而不致大發汗。風寒

喘病。若肺氣本虛。外復被風寒所傷

者。宜服本方。補而散之。神效。

(三) 蘇子降氣湯 (局方)

炒蘇子一錢。當歸一錢。陳

皮一錢。半夏二錢。(薑製)

生甘草五分。前胡一錢。

厚朴八分。(薑製) 桂心五

分。沉香八分。生薑三片。

紅棗三枚。

右以水二碗煮。取一碗。去渣。分數

次服之。

【淺解】 本方蘇子、沉香、降氣平

氣。以止喘逆。前胡泄風。桂心散寒。陳皮、半夏、厚朴、化痰利氣。以開壅塞。當歸和血。甘草和氣。風寒喘病。若肺虛。外無風寒所傷。內無痰涎壅塞。惟氣逆喘急者。宜服本方。降其逆氣。輕輕疏通。其喘自愈。

(四) 桂枝葶藶湯 (冰玉堂驗方)

見感冒證各方淺解類。

(五) 麻黃葶藶湯 (冰玉堂驗方)

見感冒證各方淺解類。

(六) 白礬導痰法 (驗方)

見感冒證各方淺解類。

(七) 小青龍膏 (傷寒論方)

見感冒證各方淺解類。

【痰飲喘急類各方】

(一) 蘇葶葶痰丸 (金鑑方)

見咳嗽證各方淺解類。

(一)蘇葶丸(金鑑方)

南蘇子一兩(炒) 苦葶藶

子一兩(微炒)

右爲細末。蒸棗肉爲丸。如麻子大。每服五九至七九。淡薑湯下。

〔淺解〕 本方蘇子、葶藶、降逆定喘。而藥味峻烈。虛者似非所宜。今製

以爲丸。則峻藥緩投。但去其病。不致傷正。然虛甚者。當以人參湯送下爲妙。

(三)麻黃葶藶湯(冰玉堂驗方)

見感冒證各方淺解類。

(四)桂枝葶藶湯(冰玉堂驗方)

見感冒證各方淺解類。

(五)白礬導痰法(驗方)

見感冒證各方淺解類。

(六)六君子湯(局方)

見瀰病證各方淺解類。

〔肺虛作喘類各方〕

(一)潔古黃耆湯(潔古方)

人參一錢。黃耆一錢。(炙)

甘草五分。(炙) 地骨皮

一錢。桑白皮一錢。(炒)

右以水二碗。煮取一碗。去渣。分數

次服之。

〔淺解〕 本方人參、黃耆、甘草、和

中補肺。地骨清熱。桑皮肅肺。肺虛喘病。形容枯瘦。聲音短澀。似喘非喘。氣息短促。此肺氣虛弱也。速服本方。補其虛。肅其氣。喘自定也。

(二)加減百合固金湯(趙莖庵

方)

百合二錢。天門冬二錢。麥

門冬二錢。(去心) 生地黃

二錢。熟地黃二錢。當歸一

錢。白芍藥一錢。(炒) 生

甘草五分。貝母二錢。(去心)

製半夏二錢。元參二錢。

右以水三碗。煮取一碗。去渣。分數

次溫服。

〔淺解〕 本方百合、天冬、麥冬、生

地、熟地、和陰補肺。當歸、白芍、補血。甘草和氣。貝母、半夏、化痰。元參清熱。肺虛喘病若喘促夾痰者。當服本方。化痰補肺治之。各恙自漸痊可。

(三)加味本事黃耆湯(本事方)

五味子五分。白芍藥二錢。

天門冬二錢。麥門冬二錢。

(去心) 人參一錢半。炙

黃耆二錢。熟地黃二錢。炙

甘草五分。白茯苓二錢。烏

梅二枚。生薑二片。紅棗二

枚。地骨皮二錢。元參一錢。

右以水三碗。煮取一碗。去渣。分數

次服之。

〔淺解〕 本方人參、黃耆、甘草、茯

苓、和中以補肺。天冬、麥冬、地黃、芍藥、

和陰以養肺。五味、烏梅、納氣以斂肺。

地骨、元參、清火以除熱。肺虛喘病夾

熱者。宜服本方。補肺清熱治之。則喘

自定而熱自除也。

(四) 人參五味子湯 (幼幼集成

方)

見咳嗽證各方淺解類。

【馬脾風類各方】

(一) 五虎湯 (金鑑方)

見咳嗽證各方淺解類。

(二) 捻金 (金鑑方)

見初生諸病證 (上) 各方淺

解類。

(三) 雲水方 (驗方)

見咳嗽證各方淺解類。

(四) 養肺湯 (張漢方)

見咳嗽證各方淺解類。

感冒證

總綱

一、何謂感冒。

小兒氣血未充。肌膚柔脆。風寒所觸。邪氣入於腠理。營衛受病。是謂感冒。

二、感冒證共分幾類。

- 共分五類
- 一、傷風。
 - 二、傷寒。
 - 三、感冒夾食。
 - 四、感冒夾熱。
 - 五、感冒夾驚。

三、感冒證各病之主要治法如何。

一、傷風——解散外邪——香蘇飲。

開通氣道——金沸草散。

總綱

二、傷寒

初起——九味羌活湯。
熱盛——雙解通聖湯。
傳經——柴葛解肌湯。

三、感冒夾食

兼裏症——大柴胡湯。
熱盛——雙解通聖湯。
內無熱——藿香正氣湯。
調理——平胃散。

四、感冒夾熱

散其風寒兼瀉其熱——雙解通聖湯。
清熱——涼膈散。天水散。

五、感冒夾驚

疏解——疏解散。
清鎮——涼驚丸。
和解——柴胡溫膽湯。

四、感冒之主要調養法如何。

感冒證各病之至要調養法。須避

風慎寒。並忌食生冷黏滑。肉麪五辛。酒酪臭惡等物。

五、感冒失治。有何變症。

感冒證各病失治。邪氣愈傳愈深。正氣愈傷。正虛邪實。每不可救。

傷風類

【病源】

風由口鼻吸入。天時涼暖不一。風邪由口鼻吸入。鬱於肺經。遂成傷風病。

【病狀】

身體發熱。傷風病風邪傷衛也。衛主皮毛。內合於肺。故令身體發熱。憎寒。頭疼。有汗。噎涕鼻塞。聲重。不時咳嗽。脈浮緩。

【變症】

風痰膠結肺氣閉塞 傷風病失揚。風邪久留不去。與痰膠結。肺中滿貯風痰。外候身熱咳聲不揚。鼻煽。呼吸促迫。喉中有痰如水雞聲。舌苔黃膩或白潤。此時也。防其肺氣閉塞。當速治之。

【療法】

一、身體發熱之療法 傷風病風邪傷衛也。衛主皮毛。內合於肺。故令身體發熱憎寒。頭疼。有汗嚏涕。鼻塞身重。不時咳嗽。脈浮緩。宜杏蘇飲解散外邪。繼用金沸草散。開通氣逆則愈。

二、風痰膠結肺氣閉塞之療法

傷風病失揚。風邪久留不去。與痰膠結。肺中滿貯風痰。外候身熱。咳聲不

揚。呼吸促迫。鼻煽。喉中有痰如水雞聲。舌苔黃膩或白潤。此時也。防其肺氣閉塞。當速治之。有汗者。桂枝葶藶湯主之。無汗者。麻黃葶藶湯主之。外以白礬導痰法導之。雖至危必能獲救。

【加減法】 服藥後。睡臥露睛。喉中如水雞聲。變為鼾聲而乾者。此虛也。去麻黃。桂枝。葶藶。加入人參鬚。如虛甚。則不必再服他藥。但服人參鬚可也。

服藥後。汗大出。四肢冷。脈微者。此表陽虛也。去麻黃。葶藶。加入人參鬚。附子。

如神蒙目。面青而有哼聲者。此驚盛也。可加入鼠外腎一對。如無鼠

外腎。則以羚羊磁石等鎮肝息風之品代之亦可。然終無鼠腎之有效。

喘已減者去葶藶。汗已出者去麻黃。

愈而復發。或時愈時發者。變為哮喘也。宜服小青龍膏。以杜其根。

舌光紅者。屬熱。宜服涼藥清之。二方俱不可服。

【調養】

- 一、宜避風邪 傷風病宜避風邪。
- 二、忌食蝦蟹 傷風病忌食魚腥蝦蟹。生冷水果黏滑等物。
- 三、時易傷風之調養法 傷風病愈後。若表分虛弱。時易傷風。調養之法。宜服玉屏風散。固其肌表。病不復發也。

傷寒類

【病源】

寒邪傷營 寒邪傷表營分。遂成

傷寒病。

【病狀】

頭痛身痛 傷寒病身體發熱。惡

寒無汗。頭痛身痛。脈象浮緊。若嘔逆

煩渴者。則為邪盛。欲傳經也。

【變症】

邪傳入裏 傷寒病失治。邪傳入

裏。必兼見大便不通之裏症。

【療法】

一、頭痛身痛之療法 傷寒病身

體發熱惡寒。無汗。頭痛身痛。脈象浮

緊。若嘔逆煩渴者。則為邪盛。欲傳經

也。此證初宜九味羌活湯。如熱盛者。

以雙解通聖湯治之。服此藥後。已汗

下不解而傳經者。宜用柴葛解肌湯。

兼裏證者。用大柴胡湯。以解表通裏。

二、邪傳入裏之療法 傷寒病失

治。邪傳入裏。必兼見大便不通之裏

症。宜用大柴胡湯。以解表通裏。

【調養】

一、慎防寒邪 傷寒病宜慎防寒

邪。

二、忌食生冷 傷寒病忌食生冷

水果。黏滑肉麪。五辛酒酪臭惡等物。

三、精神疲乏 傷寒病愈後。見正

氣虛衰。精神疲乏。調養之法。宜服人

參穀芽和胃湯。自能復元也。

感冒夾食類

【病源】

飲食無節 小兒平日飲食無節。

內傷停滯。外復為風寒所襲。遂成感

冒夾食病。

【病狀】

頭痛惡食 感冒夾食病發熱憎

寒。頭痛惡食。噯臭吐酸。便秘尿澀。腹

熱膨脹。

【變症】

正虛邪實 感冒夾食病失治。其

食積結不消。風寒外束不解。久之。正

氣虛衰。邪勢壅實。肚腹膨脹。難以手

按。憎寒壯熱益甚。此時也。攻邪礙正。

補正留邪。殊為難治。

【療法】

一、頭痛惡食之療法 感冒夾食

病發熱憎寒。頭痛惡食。噯臭吐酸。便

秘尿澀。腹熱膨脹。熱盛者。用雙解通聖湯兩解之。內無熱者。用養香正氣湯和解之。表邪既解。然後調理其脾胃。平胃散消導之。庶幾外無餘邪。內無滯熱。而病自愈矣。

二、正虛邪實之療法 感冒夾食病失治。其食積結不消。風寒外束不解。久之。正氣虛衰。邪勢壅實。肚腹膨脹。難以手按。憎寒壯熱益甚。此時也。攻邪礙正。補正留邪。殊為難治。速以亂髮一團。(剪斷)酒麴一個。(小者二三個亦可)葱白頭七個。老生薑二錢。胡椒七粒。以雞蛋一個。破殼。傾入碗中。將各藥搗融。和入調勻。用隔夜燈油煎成一餅。貼病兒心坎下胃臑處。(先用燈油於胃脘處順擦七

次。再貼。如緣太熱。用紙隔貼亦可)用布帶束住。冷則煎熱再貼約一二時。似覺鬆動。即便取去。其病立愈。

如施此法後。病勢大減。而猶有餘滯者。宜調理其脾胃。當用平胃散消導之。自可除根。

【調養】

一、一切戒飽食 感冒夾食病飲食宜有節制。切戒飽食。愈後尤當謹慎。否則每致復發。無可救藥也。

二、忌食肉麪 感冒夾食病忌食生冷水果。黏滑肉麪。酒酪臭惡等物。

三、以麥芽泡飲代茶 感冒夾食病口中渴。調養之法。宜以焦麥芽三錢。百沸水泡飲代茶。胸腹即舒。功難盡述。考麥芽味甘鹹性溫。入脾胃能

消能腐化一切食積。其他癥留濁垢等物。皆可化之。

感冒夾食熱類

【病源】

風熱相搏 小兒臟腑素稟多熱。今復為風寒所傷。風熱相搏。則火邪愈盛。遂成感冒夾熱病。

【病狀】

面赤唇焦 感冒夾熱病面赤唇焦。口鼻乾燥。憎寒壯熱。口渴飲冷。心神煩躁。譫語狂妄。二便秘澀。

【變症】

煩躁益甚 感冒夾熱病失治。熱勢益劇。煩躁益甚。面赤唇焦。口中大渴。飲冷無度。譫語狂妄。二便秘澀。此時也。風寒化熱。純屬熱邪。不可用絲

毫去風藥。恐傷其陰。增其熱也。

【療法】

一、面赤唇焦之療法 感冒夾熱病面赤唇焦。口鼻乾燥。憎寒壯熱。口渴飲冷。心神煩躁。譫語狂妄。二便秘澀。治宜散其風寒。更宜兼瀉其熱。須用雙解通聖湯兩解之。若服藥後汗出便利。病雖少減。熱猶不退。治宜清熱為主。當以涼膈散合天水散治之。則表裏清而病愈矣。

二、煩躁益甚之療法 感冒夾熱病失治。熱勢益劇。煩躁益甚。面赤唇焦。口中大渴。飲冷無度。譫語狂妄。二便秘澀。此時也。風寒化熱。純屬熱邪。不可用絲毫去風藥。恐傷其陰。增其熱也。速與銀翹清熱湯。或可有救。

【調養】

一、忌食辛辣 感冒夾熱病忌食辛辣香燥。煎炒炙燻。雞鴨羊肉等物。
二、宜以天花粉代茶 感冒夾熱病口中渴甚。飲不解渴。調養之法。宜以天花粉五錢。煎湯代茶。自能止渴如神。考天花粉味甘苦性寒。生津止渴。除熱消痰。為治熱病口渴之聖藥。
三、宜和胃氣 感冒夾熱病愈後。陰液大傷。胃氣不和。精神疲憊。久不復元。調養之法。宜服麥冬和胃湯。

感冒夾熱病類

【病源】

復為驚異所觸 小兒感冒。邪氣未解。復為驚異所觸。遂成感冒夾熱病。

【病狀】

心驚膽怯 感冒夾熱病心驚膽怯。睡臥不安。身熱煩躁。面色青赤。

【變症】

痰壅氣促 感冒夾熱病失治。壯熱煩急。面紅唇赤。痰壅氣促。牙關緊急。二便秘澀。脈象洪數。此外為風寒鬱閉。不得宣通。因而生痰。復心肝火旺。而動內風。遂成此證。變為急驚風也。

【療法】

一、心驚膽怯之療法 感冒夾熱病心驚膽怯。睡臥不安。身熱煩躁。面色青赤。先以疏解散疏散之。再以涼驚丸清鎮之。如病雖退。尙覺心驚不寐者。宜用柴胡溫膽湯和解之。

二、痰壅氣促之療法 感冒夾驚病失治。壯熱煩急。面紅唇赤。痰壅氣促。牙關緊急。二便祕澇。脈象洪數。此外為風寒鬱閉。不得宣通。因而生痰。復心肝火旺。而動內風。遂成此證。變為急驚風也。宜服清熱鎮驚湯。安神鎮驚丸。外以白礬導痰法導之。

【調養】

- 一、忌見生人異物 感冒夾驚病忌見生人異物。恐受驚嚇也。
- 二、忌食雞鵝 感冒夾驚病忌食雞鵝羊肉。蝦蟹海腥。辛辣香燥。煎炒炙爆等物。
- 三、宜用解煩法 感冒夾驚病五心煩熱。啼哭焦擾。身熱如火。上氣喘急。揚手擲足。宜用解煩法。用水粉一匙。以雞蛋清調勻。略塗兒口胃口。及兩手掌心。復以釀酒小麴十數枚。研爛熱酒和作二餅。貼兩足心布紮之。小頃。其熱散於四肢。心內清涼。不復啼擾矣。

結論

小兒氣血未充。肌膚柔脆。動輒感冒。初起俱屬小病。失治後。正氣日虛。邪勢壅盛。每成重病。

小兒傷風失治。風邪久留不去。與痰膠結。肺中滿貯風痰。外候身熱。咳嗽不揚。呼吸促迫。鼻煽。喉中痰如水雞聲。舌苔黃膩或白潤。此病西醫名曰肺炎。我國醫名曰哮喘。肺風痰喘。乃至重之候也。此病小兒患者極多。竟十中有九。近日此種病流行益廣。

每每致死。編者目擊心傷。特將此病之詳細療法。再行報告。苟依此而治。無不愈。無一不救。誠兒科之聖方。小孩之救星也。

一、總說 小兒十之九屬痰體。因乳汁富於脂養汁。強健之兒吮之。使其營養周身。毫無停留。但怯弱者或有病者吮之。則不免使消化窒滯。非但不能營養其身體。反使聚而成痰。釀成大患。

二、病因 在傷風時。病根殊淺。少用散風祛寒之藥。即可痊愈。若因循失治。或誤投藥石。使風根留着。與痰膠結。呼吸促迫異常。喉中痰聲呼呼。此時也。變為肺風痰喘矣。(即肺炎哮喘)尋常傷風之藥。斷不可服。否

則險症環生。難於救藥。蓋尋常傷風藥。但能去風。不能開肺。化痰平氣。服則徒傷正氣也。

三、病狀 傷風時。病勢殊輕。一變

肺風痰嗽。卽現種種險象。如呼吸促迫。鼻煽。喉中痰如水雞聲。如兼有驚者。必見神蒙目竄。面青而有哮喘諸症。舌苔黃膩。或白潤。

四、變症 肺風痰嗽失治。每令肺氣閉塞而死。

五、治療 肺風痰嗽。有汗者。桂枝

葶藶湯主之。無汗者。麻黃葶藶湯主之。外以白礬導痰法導之。雖至危必能獲救。

六、調養 服藥後。睡臥露睛。喉如水雞聲者。變爲野聲而乾。此虛也。宜

服人參鬚。

服藥後。汗大出。四肢冷。脈微者。此表陽虛也。宜服人參。附子。

如驚盛。方內可加入鼠外腎一對。如無鼠外腎。則以羚羊。磁石等鎮肝息風之品代之亦可。然終無鼠腎之有效。

愈而復發。或時愈時發者。變爲哮喘也。宜服小青龍膏。以杜其根。

感冒證各方淺解類

【傷風類各方】

(一)杏蘇飲(金鑑方)

杏仁一錢。(炒去皮尖) 紫蘇一錢。前胡一錢。桔梗八分。枳殼一錢。(炒) 桑皮一錢。(炒) 黃芩一錢。

生甘草一錢。麥冬一錢。(去

心) 浙貝母一錢。(去心)

橘紅一錢。生薑二片。

右以水二碗半煮。取一碗。去渣。分數次服之。

【淺解】

本方紫蘇。前胡。桔梗。疎風解表。浙貝。橘紅。枳殼。化痰利氣。麥冬。甘草。和胃。桑皮。杏仁。肅肺。黃芩。清熱。傷風病發熱憎寒。頭痛有汗。噎涕鼻塞。身重不時咳嗽。脈浮緩。宜先以此方解散外邪。繼用金沸草散。開通氣逆則愈。

(二)金沸草散(局方)

細辛六分。荆芥一錢。半夏一錢。(薑製) 旋覆花一錢。(包) 前胡一錢。甘草一

錢。赤苓一錢。生薑二片。

紅棗二枚。

右以水二碗半煮。取一碗。去渣。分

數次服之。

〔淺解〕 本方以旋覆花開通氣

逆。細辛、荊芥、前胡、泄風、半夏化痰。赤

苓利水。甘草和中。傷風病宜先服杏

蘇飲。解散外邪。繼用本方。開通氣逆

則愈。

(三) 桂枝葶藶湯(冰玉堂驗方)

川桂枝五分。甜葶藶子八分。

白芥子八分。(包) 白杏仁

三錢。(去心) 黃鬱金三錢。

製南星一錢半。仙半夏三

錢。橘紅一錢。紫苑七分。

天將壳四只。(包)

右以水三碗煮。取七分。去渣。分數

次服之。

〔淺解〕 本方以桂枝爲君。其味

辛甘性熱。能散風寒。溫達經絡。宣通

腠理。調和營衛。爲外感風寒病有汗

之聖藥。傷風病失治。變爲肺風痰嗽。

肺氣將閉而有汗者。非用此溫通之

品。不能使固留之宿風寒痰一散而

解也。而呼吸促迫。鼻孔煽動。此乃肺

中痰氣上逆。非用苦降之品降之。則

痰不能下達。氣不能下行也。故以葶

藶之味苦辛性寒。瀉肺行痰者爲臣。

白芥、南星、半夏、橘紅、辛通化痰。所以

佐桂枝之不及。白杏、鬱金、紫苑、順氣

止咳。下降逆氣。所以佐葶藶之不及。凡此六味用以爲佐。然小兒多驚風。

痰膠結後。其驚必甚。右藥皆能去病。

然不能治驚。必以治驚之品和之。則

病去驚定。面面俱顧。始足稱萬全之

方。故以天將壳四只爲使也。肺風痰

嗽。身熱。咳聲不揚。呼吸促迫。鼻煽。喉

中痰如水雞聲。舌苔黃膩或白潤。此

肺中有寒也。(如係熱。舌苔必紅絳)

有汗者速服此方。便可氣順痰降而

愈。神效。

(四) 麻黃葶藶湯(冰玉堂驗方)

生麻黃六分。甜葶藶子八分。

白杏仁三錢。(去心) 黃

鬱金三錢。薤白頭一錢半。

白芥子八分。(包) 仙半夏

三錢。橘紅一錢。紫苑七分。

遠志七分。製南星一錢半。

天將壳四只。(包) 椒目 三分。

右以水二碗煮取七分去渣分數

次服之。

〔淺解〕 本方與右方意義略同。用生麻黃者因其無汗而肺氣將閉。非用此味辛苦性溫疏散風寒開表之品不能收功。考麻黃本肺家衛分藥。仲景治寒傷營分用麻黃湯者以內有桂枝領之入營也。宜肺發表。麻黃之能足以盡之。故凡屬肺中有風寒痰飲者即可用之。不必拘拘乎麻黃之但能出汗也。以麻黃入肺。如遇風寒痰飲者則止能搜剔肺中痰飲不能再發汗出表。故遇肺氣將閉之痰嗽。放膽用之可也。加薤白頭以通

陽氣。椒目以通膈氣。遠志以通心氣。肺風痰嗽病無汗咳嗽不揚者。宜用此開之。

〔桂枝葶藶湯麻黃葶藶湯二方

加減法〕 服藥後。睡臥露睛。喉中

如水雞聲。變爲鼾聲而乾者。此虛也。

去麻黃。桂枝。葶藶。加入人參鬚一錢。

如虛甚。則不必再服他藥。但以人參

鬚一錢半煎湯飲可也。

服藥後。汗大出。四肢冷。脈微者。此

表陽虛也。去麻黃。葶藶。加入人參鬚一

錢。附子二錢。虛甚者。不必再服他藥。

但以人參鬚一錢半。烏附塊三錢。煎

湯飲可也。

如神蒙。目窵。面青。或有哮喘者。此

驚盛也。可加入鼠外腎一對。如無鼠

外腎。則以羚羊片五分。活磁石一兩代之。如兼挾外風者。則以鈎藤鈎三錢。蠅尾二支代之。然終無鼠腎之有效。

得飲則吐者。宜以生薑汁擦其舌。

汗已出者去麻黃。

喘已減者去葶藶。

愈而復發。或時愈時發者。變爲哮喘也。宜服小青龍膏。以杜其根。

〔附註〕 此二方所治之肺風痰

嗽係肺寒。其見症舌苔白潤或黃膩。

口不渴。小溲清長。如係熱症。則見舌

光紅。口渴。小溲短赤等症。此二方決

不可投。最宜注意。

〔加減法淺解〕 二方加減法內。

不用人參而用參鬚者。取其善行脈

格。補而不滯。古人云：「參鬚養過六君子。」極言其補中有行。如六君子湯一般。補而不滯也。今風邪初解。若遽以人參投之。則餘邪補牢。遺害非淺。用參鬚者。使有風者風自去。並無補牢之憂。無風者補虛。正氣有恢復之望。法殊穩妥。

驚盛用鼠外腎者。以其治小兒驚風有特效也。

考鼠外腎上。每有篆文壽字。其奇不可思議。腎子係至陽之部。乃厥陰之位。諸子皆降。故其性降。小兒驚風。多因厥陰風木肆張。肝氣上逆。故目竄。四肢抽搐。投以鼠腎。同氣相求。同經相應。降肝逆氣。於是肝風熄而驚搐定矣。且係血肉有情之品。去病而

不傷正。不論急慢驚風。皆可用也。

(五)小青龍膏(傷寒論方)

生麻黃三錢。白芍藥三錢。

炙細辛三錢。炙乾薑三錢。

炙甘草三錢。炙桂枝三錢。

五味子八錢。製半夏一兩。

右八味。以水十碗。先煮麻黃。減二碗。去上沫。納諸藥。煮取三碗。去渣。另

以人參鬚五錢。煎成濃湯一碗。去渣。

和入上湯內。同煮至二碗時。加入飴糖三匙。文火收膏。每逢病將發時。開

水沖服一二匙。病愈停服。此膏服完。即可除根不發。神效。如病已斷根。則

不必服完全料。因藥味峻烈。多服傷

正。或生其他變症也。

(淺解) 本方以麻黃、桂枝、細辛、

乾薑。除沉寒痼冷。消宿飲寒痰。使一散盡除。毫無遺留。重用五味。酸斂肺氣。以止咳嗽。兼以監制麻黃、桂枝、細辛之暴。甘草和中。半夏消痰。芍藥和陰。加飴糖。人參鬚者。和中補正。使去病而不傷正也。肺風痰嗽病時愈時發者。此風寒深痼。病根深伏。非以此方緩中補虛。除痰散寒治之。不能除根。

(六)玉屏風散(世醫得效方)

見癩病證各方淺解類。

【傷寒類各方】

(一)九味羌活湯(六科準繩方)

蒼朮一錢。(炒) 白芷一錢。

川芎一錢。細辛五分。羌

活一錢。防風一錢。生地一

錢。黃芩一錢。生甘草一錢。

生薑三片。葱白三枚。

右以水二碗煮。取七分。去渣。分數

次服之。

〔加法〕 大便秘者。加大黃一錢。

〔淺解〕 本方白芷、細辛、羌活、防

風、生薑、葱白、散風祛寒。蒼朮化濕。黃

芩清熱。生地、川芎、和血。甘草和氣。傷

寒病身體發熱惡寒。無汗。頭痛身痛。

脈象浮緊。速服此方。使風寒一散而

解。

〔二〕雙解通聖湯（證治準繩方）

麻黃八分。朴硝一錢。大黃

一錢。當歸一錢。赤芍一錢。

川芎一錢。白朮一錢。（土

炒）生石膏一錢。滑石一

錢。桔梗八分。梔子二錢。

連翹三錢。（去心）黃芩一

錢。薄荷五分。生甘草一錢。

荆芥一錢。防風一錢。生

薑三片。葱白三枚。

右以水二碗煮。取七分。去渣。分數

次服之。

〔淺解〕 本方麻黃、桔梗、薄荷、荆

芥、防風、生薑、葱白、泄風疏邪。大黃、芒

硝、梔子、黃芩、連翹、石膏、滑石、清熱解

裏歸、芍、川芎、和血。白朮、甘草、和氣。傷

寒病外有表邪。內有鬱熱。宜服此方

雙解之。

〔三〕柴葛解肌湯（陶華方）

葛根一錢。柴胡一錢。白芷

一錢。羌活一錢。桔梗一錢。

生石膏二錢。黃芩一錢。

赤芍藥一錢。生甘草五分。

生薑三片。紅棗三枚。

右以水二碗煮。取七分。去渣。分數

次服之。

〔淺解〕 本方葛根、柴胡、白芷、羌

活、桔梗、解肌泄風。石膏、黃芩、清解熱

邪。赤芍和血。甘草和氣。

〔四〕大柴胡湯（傷寒論方）

柴胡一錢。黃芩一錢。赤芍

藥一錢。半夏一錢。（薑製）

枳實一錢。（麸炒）大黃

一錢。生薑二片。大棗二枚。

右以水二碗煮。取七分。去渣。分數

次服之。

〔淺解〕 本方以柴胡泄風解表。

大黃、黃芩、清解裏熱。枳實行滯。半夏化痰。赤芍和血。傷寒病邪傳少陽。兼有不大便之裏症。宜服此方兩解之。

(五)人參殺芽和胃湯(冰玉堂驗方)

見吐病證各方淺解類。

【感冒夾食類各方】

(一)雙解通聖湯(證治準繩方)

見本證傷寒類各方淺解。

(二)藜香正氣湯(局方)

蘇葉一錢。白芷一錢。藜香一錢。陳皮一錢。半夏一錢。

(薑製) 白茯苓一錢。大腹皮二錢。生甘草五分。厚朴一錢。(薑炒) 桔梗八分。

生薑三片。紅棗三枚。

右以水二碗煮。取七分。去渣。分數次服之。

〔淺解〕 本方蘇葉、白芷、桔梗、疏風泄邪。藜香、陳皮、半夏、大腹、厚朴、利氣行滯。兼能消食。茯苓、甘草、和中。感冒夾食病如但見感冒夾食之病象而無內熱者。宜服此疏解之。

(三)平胃散(局方)

見初生諸病證(下)各方淺解類。

(四)亂髮雞蛋外治法(驗方)

亂髮一團(剪斷)酒麴一個。

(小者二三個亦可)葱白頭七個。老生薑二錢。胡椒七粒。以雞蛋一個。破殼。傾入碗中。將各藥搗融。和入調勻。用隔夜燈油

煎成一餅。貼病兒心坎下胃脘處。(先用燈油於胃脘處磨擦七次。再貼。如嫌太熱。用紙隔貼亦可)用布帶束住。冷則煎熱再貼。約一二時。似覺鬆動。即便取去。其病立愈。

〔淺解〕 考雞蛋能拔毒退熱。酒麴消食。胡椒、亂髮、行滯宣阻。生薑、葱白、辛通。去風拔寒。總觀此方。全在外治取效。去病而不傷正。功難述也。

【感冒夾熱類各方】

(一)雙解通聖湯(證治準繩方)

見本證傷寒類各方淺解。

(二)涼膈散(局方)

見驚風證各方淺解類。

(三)天水散(劉河間方)

滑石六兩。(飛) 生甘草一兩。
右共爲細末。每服一錢。燈心湯調下。

〔淺解〕 本方滑石稟土中冲和之氣。行西方清肅之令。秉秋金堅重之形。寒能勝熱。甘不傷脾。含天乙之精。而其流走之性。異於石膏之凝滯。能上清水原。下通水道。蕩滌六腑之邪熱。從小便而泄。甘草稟草中冲和之性。調和內外。止渴生津。用以爲佐。保元氣而瀉虛火。則五臟自和矣。

(四) 銀翹清熱湯(冰玉堂驗方)
金銀花五錢。連翹五錢。鮮
竹葉三錢。天花粉四錢。生
石膏五錢。知母二錢。滑石
四錢。(飛) 生甘草五分。

鮮蘆根一尺。(去節) 生穀
芽四錢。
右以水三碗煮。取一碗。去渣。分數
次服之。

〔淺解〕 本方銀花、連翹、竹葉、清解營分之熱。石膏、知母、滑石、蘆根、清解衛分之熱。花粉生津止渴。生甘、穀芽、和胃養胃。感冒夾熱病失治。熱勢益劇。煩躁益甚。面赤唇焦。口中大渴。飲冷無度。謔語狂妄。二便秘澀。此時也。風寒化熱。純屬熱邪。不可用絲毫去風藥。恐傷其陰。增其熱也。速與此方。或可有救。

(五) 麥冬和胃湯(冰玉堂驗方)
麥冬三錢。石斛二錢。西洋
參一錢。玉竹三錢。生穀芽

三錢。黃精三錢。
右以水三碗煮。取一碗。去渣。分數
次服之。

〔淺解〕 本方係一派和胃生津之品。補胃氣也。感冒夾熱病愈後。陰液大傷。胃氣不和。精神疲憊。久不復元。調養之法。宜服此方。

【感冒夾驚類各方】

(一) 疏解散(金鑑方)
羌活一錢。蘇葉一錢。防風
一錢。枳殼八分。(麸炒)
桔梗六分。前胡一錢半。赤
芍一錢。杏仁二錢。(炒去皮
尖) 殭蠶二錢。(炒) 生
甘草一錢。黃連六分。(酒炒)
生薑二片。

右以水二碗煮。取七分。去渣。分數次服之。

〔淺解〕 本方羌活、蘇葉、防風、桔梗、前胡、殭蠶、泄風、疎邪、枳壳、利氣行滯、黃連、清解熱邪。杏仁、順氣降氣。赤芍和血。甘草和氣。感冒夾驚病心驚膽怯。睡臥不安。身熱煩躁。面色青赤。宜先以此方疏散之。再以涼驚丸清鎮之。

(二) 涼驚丸 (錢乙方)
見驚風證各方淺解類。

(三) 柴胡溫膽湯 (千金方)
柴胡八分。 陳皮一錢。 半夏一錢。(薑製) 白茯苓二錢。

生甘草一錢。 竹茹二錢。
枳實八分。(麸炒) 生薑二

片。

右以水二碗煮。取七分。去渣。分數次服之。

〔淺解〕 本方以柴胡疏肝泄風。陳皮、半夏、竹茹、枳實、化痰利氣。茯苓、甘草、和中補正。感冒夾驚病服右數方後。病雖退。尙覺心驚不寐者。此餘痰未化也。宜用本方和解之。

(四) 清熱鎮驚湯 (驗方)
見驚風證各方淺解類。
(五) 安神鎮驚丸 (證治準繩方)
見驚風證各方淺解類。

(六) 白礬導痰法 (驗方)
生白礬一兩。

右一味研末。入好醋、麪粉。(少許) 和作二小餅。貼兩足心。布包之一宿

其痰自下。生礬見醋即化爲水。入麪粉少許者。取其膠黏也。

〔淺解〕 本方白礬味酸濇而收。能引痰下降。小兒痰嗽上氣喘急。喉中如牽鋸聲。速以此方外治。痰即下降。神效。

(七) 解煩法 (驗方)
水粉一匙。以雞蛋清調勻。略塗兒口胃口及兩手掌心。復以釀酒小麪十數枚。研爛。熱酒和作二餅。貼兩足心。布紮之。

〔淺解〕 本方水粉、蛋清退熱涼熱。小麪利氣行滯。感冒夾驚病五心煩熱。啼哭焦擾。身熱如火。上氣喘急。揚手擲足。速用此法。少頃。其熱散於四肢。心內清涼。不復煩也。神效。

瘟疫證

總綱

一 何謂瘟疫。

瘟疫之傳變與傷寒無異。有冬感於寒。而即病者。名曰傷寒。有多傷於寒。而未即病者。寒邪藏於肌膚之內。伏於營衛之間。至春復感春風。發為瘟疫。至夏復感暑熱。發為熱病。若逐戶闖門。老幼相傳。乃天行瘟疫。其害更烈。

二 瘟疫證共分幾類。

- 一、瘧病。
- 二、風溫。
- 三、熱病。
- 四、瘧疫。
- 五、類。

重 疫 世

(五) 瘧瘵疹痧。

三 瘟疫證各病之主要治法如何。

一、瘧病——雙解通聖湯、銀翹散。

二、風溫——汗少——荆防敗毒散。汗多——桂枝白虎湯。

三、熱病——雙解通聖湯、銀翹散。

四、瘧疫——發——荆防敗毒散。清——普濟消毒飲。攻——二聖救苦丹。

瘧未出透——表熱輕——升麻葛根湯、犀角飲。表熱重——三黃石膏湯。

瘧已出透——消瘵青黛飲。

五、瘧疹痧

疹未出透

表熱輕——升麻葛根湯、犀角飲。表熱重——三黃石膏湯。

疹痧已出透——消瘵青黛飲。

表裏不清——雙解通聖湯。

四 瘧疫之至要調養法如何。

瘧疫病之至要調養法。在戒食一切葷腥油膩。並切戒房慾。犯之每不可救。

五 瘧疫失治。有無危險。

瘧疫一證。乃天地之穢氣流行。沿門闖戶。無論老少強弱。觸之者即病。傳染之速。迅如風火。失治每有生命

危險。

瘧病類

【病原】

冬受寒邪不即病 冬受寒邪。不即爲病。至春復感春風而發。發熱惡寒。頭痛身痛。是謂瘧病。

【病狀】

發熱惡寒 瘧病身體發熱惡寒。熱多寒少。頭痛身痛。脈浮數。嘔逆煩渴。

【變症】

口中大渴 瘧病失治。熱勢益劇。煩躁益甚。面赤脣焦。口中大渴。飲冷無度。譫語狂妄。二便秘澀。此時也。風寒化熱。純屬熱邪。不可用絲毫去風藥。恐傷其陰。增其熱也。

【療法】

一、發熱惡寒之療法 瘧病身體發熱惡寒。熱多寒少。頭痛身痛。脈浮數。嘔逆煩渴。銀翹散主之。如兼見大便不通之症者。宜用雙解通聖湯兩解之。若嘔吐者。加入生薑半夏。其嘔自止。

二、口中大渴之療法 瘧病失治。熱勢益劇。煩躁益甚。面赤脣焦。口中大渴。飲冷無度。譫語狂妄。二便秘澀。此時也。風寒化熱。純屬熱邪。不可用絲毫去風藥。恐傷其陰。增其熱也。速與銀翹清熱湯。

【調養】

一、忌食葷腥 瘧病忌食葷腥油膩。生冷水果。辛辣香燥。煎炒炙爆等

物。

二、生津止渴 瘧病口中渴甚。飲不解渴。調養之法。宜以天花粉五錢煎湯代茶。自能止渴如神。(考天花粉味甘苦性寒。生津止渴。除熱消痰。爲治熱病口渴之聖藥)

三、精神疲憊之調養法 瘧病愈後。陰液大傷。胃氣不和。精神疲憊。久不復元。調養之法。宜服麥冬和胃湯。

風溫類

【病原】

冬受寒邪復感春風 冬受寒邪。復感春風。遂發病。是謂風溫病。

【病狀】

發熱惡睡 風溫病身重惡睡。發熱自汗。

【變症】

一直視失溲。風濕病失治。或誤下之。小便不利。直視失溲。死不治。

二、劇如驚癇。風濕病失治。或誤被火薰。微發黃色。劇則如驚癇。時癩癢。再薰之。必死不救。

【療法】

發熱昏迷之療法。風濕病身重。愁睡。發熱自汗。汗少者。以荊防敗毒散解之。汗多者。以桂枝合白虎湯清解之。

【調養】

一、忌食油膩。風濕病忌食葷腥油膩。生冷水果。辛辣香燥。煎炒炙爆等物。

二、宜避風邪。風濕病宜避風邪。

三、宜和胃氣。風濕病愈後。兒正

氣虛弱。精神疲憊。久不復元。調養之法。宜和胃氣。當服人參。穀芽和胃湯。

熱病類

【病源】

至夏復感暑熱。多受寒邪。不即為病。至夏復感暑熱而發。是謂熱病。

【病狀】

口乾作渴。熱病身體發熱。但熱不寒。頭痛身微痛。口乾作渴。小溲黃赤。

【變症】

面赤唇焦。熱病失治。身體壯熱。煩躁。面赤。唇焦。口中大渴。飲冷無度。謔語狂妄。二便秘澀。

【療法】

一口乾作渴之療法。熱病身體發熱。但熱不寒。頭痛身微痛。口乾作渴。小溲黃赤。銀翹散主之。如兼見大便不通之症者。宜用雙解通聖湯兩解之。

解之。

二、面赤唇焦之療法。熱病失治。身體壯熱。煩躁。面赤。唇焦。口中大渴。飲冷無度。謔語狂妄。二便秘澀。此時

也。風寒化熱。純屬熱邪。不可用絲毫去風藥。恐傷其陰。增其熱也。速與銀翹清熱湯。若心神昏憤。謔語。舌蹇肢厥者。此邪入心包也。牛黃丸主之。紫雪丹亦主之。

【調養】

一、忌食辛辣。熱病忌食辛辣香燥。煎炒炙爆。葷腥油膩等物。

二、宜補陰液。熱病愈後。宜補陰液。裨速復元。當服麥冬和胃湯。

三、宜處蔭涼之所。熱病兒宜處蔭涼之所。忌居逼熱之地。不可多抱。口渴甚。飲不解渴者。宜以天花粉三錢。煎湯代茶。自能止渴如神也。

痘溫疫類

【病源】

天地之瘴氣流行。天地之瘴氣流行。沿門闔戶。無論老少強弱。觸之者。邪自口鼻而入。即病。傳染之速。迅如風火。是謂痘疫病。

【病狀】

背微惡寒。痘疫病初覺。背微惡寒。頭額暈脹。胸膈痞悶。手指痠麻。至三日之後。邪乘表虛而外發。則有昏

熱頭汗。或咽腫發斑之患。邪乘裏虛而內陷。或挾飲食。則有痞滿嗜雜。失血自利吐衄之患。

【變症】

一、煩擾癰癢。痘疫病失治。若見喘噦。冷汗煩躁。癰癢。多不可救。

二、發狂譫語。痘疫病失治。若見發狂譫語。舌苔焦黑。大便自利。症實脈軟者。多不可救。

三、四肢逆冷。痘疫病失治。若見煩熱痞滿。冷汗喘乏。四肢逆冷。六脈虛微。不受補者。死不治。

【療法】

一、背微惡寒之療法。痘疫病初覺。背微惡寒。頭額暈脹。胸膈痞悶。手指痠麻。劑防敗毒散主之。至三日之

後。邪乘表虛而外發。則有昏熱頭汗。或咽腫發斑之患。普濟消毒飲主之。邪乘裏虛而內陷。或挾飲食。則有痞滿嗜雜。失血自利吐衄之患。二聖救苦丹主之。人中黃散亦主之。

二、煩擾癰癢之療法。痘疫病失治。若見喘噦。冷汗煩躁。癰癢。多不可救。姑以扶正定喘解毒湯主之。或有命。

三、發狂譫語之療法。痘疫病失治。若見發狂譫語。舌苔焦黑。大便自利。症實脈軟者。多不可救。姑以清熱救陰湯主之。或可弋獲。

四、四肢逆冷之療法。痘疫病失治。若見煩熱痞滿。冷汗喘乏。四肢逆冷。六脈虛微。不受補者。死不治。姑與

四逆湯。聊盡人事。

【調養】

一、預防傳染 預防傳染痘疫。立春後庚子日。煎薑青汁。不拘多少。舉家溫服。可免時疫。

預防傳染痘疫。於六月六日。採馬齒草曬乾。收藏。於元旦日煮熱。鹽醋醃食。一年可免時疫。

預防傳染痘疫。於每年臘月二十四日五更。取井花水盛淨器中。浸乳香。至元旦五更煎水。從幼者起至老人。每人以乳香一小塊。飲水三口咽下。則不染時疫。

預防傳染痘疫。凡入病家。以雄黃研細末。水調。敷鼻孔中。決無傳染。
二、忌食肉麪 痘疫病忌食生冷。

痘 疫 雜

黏滑肉麪。五辛酒酪臭惡等物。

三、宜服紫金錠 痘疫病初起。病勢凶險。一時不及辨藥。速以太乙紫金錠服二三分病即減。可無妨礙。

痘瘰癧疹痧類

【病源】

傳染時氣 時氣傳染。感而即出。發為瘰。疹。痧。是謂痘瘰。疹。痧。病。此病傳變極速。失治每有生命危險。

【病狀】

一、瘰狀 瘰——深重為瘰。
發於營分。營主血。故色紅。形如豆。甚則成片連連。

二、疹狀 疹——膚淺為疹。
發於營分。營主血。故色紅。形如細粟。

瘰。疹。之。色。紅者輕。赤者重。黑者死。

三、痧狀 痧——發於衛分。衛主氣。故色白。形如麪粟。

【變症】

一、色淡紅稀暗 痘瘰。疹。痧。病失治。邪由外入裏。從陰化。或過服涼藥。逼毒內攻。其色淡紅稀暗。是謂陰瘰。陰痧。陰疹。最為凶險。

二、胸高氣促 痘瘰。疹。痧。病失治。邪毒內陷。瘰。疹。痧。全隱。胸高呼吸促迫。鼻煽煩躁作渴。大熱不退。死不治。

【療法】

一、瘰之療法 瘰出未透。表熱輕者。宜升麻葛根湯。合消毒犀角飲治之。表熱重者。宜三黃石膏湯發之。已透者。用消瘰青黛飲清之。

二、疹痧之療法 疹、痧初起。表裏

不清。用雙解通聖湯。先通表裏。如疹痧未透。表熱輕者。宜升麻葛根湯。合消毒犀角飲治之。表熱重者。宜三黃石膏湯發之。已透者。宜服加減消痧青黛飲。

三、色淡紅稀暗之療法 痘斑、疹

痧、病失治。邪由外入裏。從陰化。或過服涼藥。逼毒內攻。其色淡紅稀暗。是謂陰斑、陰疹、陰痧。最為凶險。速服升麻附子湯。或可有救。

四、胸高氣促之療法 痘斑、疹、痧

病失治。邪毒內陷。斑、疹、痧、全隱。胸高呼吸促迫。鼻煽煩躁作渴。大熱不退。死不治。雖然。坐待其亡。於心何忍。不治之治。姑與消毒透邪湯。

【調養】

一、忌食葷腥 痘斑、疹、痧、病忌食葷腥油膩。生冷水果。麪食酒酪。五辛臭惡等物。

二、忌聞臭惡之氣 痘斑、疹、痧、病患者宜處潔淨之所。忌聞一切雞、狗、貓、羊、精臭及婦人經來喪事家燒衣、燒錠等臭惡之氣。犯之邪即內陷。無藥可救。

兒患痘斑、疹、痧、病後。父母應切戒同房。否則兒聞精臭。每成逆症。

結論

痘疫證痘疫病。係厲氣傳染。或由腸胃濕熱鬱蒸而發。腸胃於水穀諸物。無所不容。再加穢濁之氣。從口鼻吸入。以達於膜原。於是中腑蒸騰。百

病俱發。但覺背微惡寒。頭額暈脹。胸膈痞滿。手指痠麻。即其徵兆。脈必右盛於左。至三日以後。邪乘表虛而外發。則有昏熱頭汗。或咽腫發癰之患。邪乘虛而內陷。或挾飲食。則有痞滿嗜雜。失血自利吐衄之患。若兒平素津枯。兼有停滯。則有譫語發狂。舌苔黃黑。大便不通之患。若因誤治。則有喘噦冷汗。煩擾癰瘰之患。其病根多在於胃中。故但有表裏虛實之分。而不循經絡之傳次。邪既伏中道。不能一發便盡。故有得汗熱除。一二日復熱如前者。有得下裏和。二三日復見表熱者。有表和復見裏症者。總由邪氣內伏。故屢奪屢發。不可歸咎於調理失宜也。至於治法。一以清熱蕩滌

為主。絕無辛溫發散之例。一切風燥
辛熱。皆不可犯。若見發狂譫語。舌苔
焦黑。而大便自利。證實脈虛。不可攻
者。及煩熱痞滿。冷汗喘乏。四肢逆冷。
六脈虛微。不受補者。皆難治。

【溫疫證各方淺解類】

【瘧病類各方】

(一) 銀翹散 (溫病條辨方)

連翹三錢。 銀花三錢。 苦桔
梗三錢。 薄荷一錢。 竹葉三
錢。 生甘草五分。 荊芥穗一
錢。 淡豆豉二錢。 牛蒡子三
錢。

右以水二碗煮。取一碗。去渣。分數
次服之。

【加法】 胸膈悶者。加藿香一錢。

瘧 疫 散

鬱金一錢。護膈中。

渴甚者。加天花粉三錢。

項腫咽痛者。加馬勃一錢。元參二
錢。

嘔者。去荊芥。豆豉。加白茅根二錢。

側柏炭二錢。梔子炭二錢。

咳者。加杏仁二錢。利肺氣。

二三日病猶在。肺熱漸入裏。加細

生地二錢。麥冬二錢。保津液。再不

或小便短者。加知母一錢。黃芩一錢。

梔子一錢。麥冬二錢。生地二錢。苦寒

甘寒同用。化合陰氣。而治熱淫所勝。

【淺解】 本方謹遵內經風淫於

內。治以辛涼。佐以苦甘。熱淫於內。治

以鹹寒。佐以甘苦之訓。又宗喻嘉言

芳香逐穢之說。用東垣清心涼膈散。

辛苦芳甘。病初起。且去入裏之黃芩。

勿犯中焦。加銀花辛涼。芥穗芳香。散

熱解毒。牛蒡子辛平潤肺。解熱散結。

除風利咽。皆手太陰藥也。合而論之。

本方純然清肅上焦。不犯中下。無開

門揖盜之弊。有輕可去實之能。用之

得當。奏效如神也。

(二) 雙解通聖湯 (證治準繩方)

見感冒證各方淺解類。

【加法】 若嘔吐者。加入生薑三

片。半夏二錢。(薑製)其嘔自止。

(三) 銀翹清熱湯 (冰玉堂驗方)

金銀花三錢。 連翹三錢。 鮮

竹葉三錢。 天花粉五錢。 生

石膏一兩。 知母三錢。 麥冬

三錢。 鮮生地三錢。 鮮蘆根

三尺（去節）

右以水四碗煮。取一碗。去渣。分數

次服之。

〔淺解〕 本方以銀花、蓮翹、竹葉

泄熱、石膏、知母、清熱、麥冬、生地、保津

液、花粉、止口渴、瘧病失治、熱勢益劇

煩躁益甚、面赤唇焦、口中大渴、飲冷

無度、謔語狂妄、二便秘澀、此時也、速

服此方、清熱救陰治之、或可弋獲。

（四）麥冬和胃湯（冰玉堂驗方）

見感冒證各方淺解類。

【風濕類各方】

（一）荆防敗毒散（證治準繩方）

荆芥八分。防風一錢。羌活

一錢。獨活一錢。柴胡八分。

前胡一錢半。生甘草五分。

川芎五分。枳殼八分。（麩

炒）桔梗八分。白茯苓三

錢。生薑三片。

右以水二碗煮。取一碗。去渣。分數

次服之。

〔淺解〕 本方荆芥、防風、羌活、獨

活、柴胡、前胡、桔梗、泄風、敗毒、枳殼、利

氣、川芎和血、茯苓、甘草、和中、補正、風

濕病、身重、惡睡、發熱、自汗、汗少者、此

風邪外束、氣血不和也、速服此方疏

解之、便得痊可。

（二）桂枝合白虎湯（仲景方）

炙桂枝八分。白芍藥一錢半。

生石膏五錢。生知母三錢。

生甘草五分。粳米一匙。

生薑二片。紅棗二枚。

右以水三碗煮。取一碗。去渣。分數

次服之。

〔淺解〕 本方以桂枝、生薑、疎風

泄邪、石膏、知母、清熱、止汗、白芍和陰。

甘草、粳米、紅棗和中、風濕病、身重、惡

睡、發熱、自汗、汗多者、此外有風、內有

熱、兼正氣傷殘也、速服此方、自有神

效。

（三）人參穀芽和胃湯（冰玉堂

驗方）

見吐病證各方淺解類。

【熱病類各方】

（一）銀翹散（瘧病條辨方）

見本證瘧病類各方淺解。

（二）雙解通聖湯（證治準繩方）

見感冒證各方淺解類。

(三) 銀翹清熱湯(冰玉堂驗方)

見本證痘病類各方淺解。

(四) 牛黃丸(證治準繩方)

牛黃一兩。鬱金一兩。犀角

一兩。黃連一兩。硃砂一兩。

梅片二錢五分。麝香二錢

五分。真珠五錢。山梔一兩。

金箔衣一兩。黃芩一兩。

右爲極細末。煉老蜜爲丸。每丸一

錢。金箔爲衣。蠟護。脈虛者人參湯下。

脈實者銀花薄荷湯下。小兒每服半

丸。不知。再服半丸。兼治飛尸。卒厥。五

癰。中惡。

(淺解) 此芳香化穢濁而利諸

竅。鹹寒保腎水而安心體。苦寒通火

腑而瀉心用之方也。牛黃得日月之

靈 疫 靈

精。通心主之神。犀角主治百毒邪鬼

瘴氣。真珠得太陰之精而通神明。合

犀角補水救火。鬱金草之香。梅片木

之香。(按冰片海外老杉木浸成。近

世以樟腦打成爲之。樟腦發水中之

火。爲害甚大。斷不可用)雄黃石之

香。麝香乃精血之香。合四香以爲用。

使閉錮之邪熱溫毒。深在厥陰之分

者。一齊從內透出。而邪穢自消。神明

可復也。黃連瀉心火。梔子瀉心與三

焦之火。黃芩瀉膽肺之火。使邪火隨

諸香一齊俱散也。硃砂補心體。合金

箔墮痰而鎮固。再合真珠。犀角。爲督

戰之主帥也。

(五) 紫雪丹(局方)

滑石一斤。石膏一斤。寒水

石一斤。磁石二斤。(水煮)

(搗煎去渣。入後藥) 羚羊

角五兩。木香五兩。犀角五

兩。沉香五兩。丁香一兩。

升麻一斤。元參一斤。炙甘

草半斤。

右八味並搗碎。入前藥汗中煎。去

渣。入後藥。朴硝二斤。硝石二斤。提淨。

入前藥汁中。微火煎。不住手將柳木

攪。候汗欲凝。再加入後二味。辰砂三

兩。研細。麝香一兩二錢。研細。入前藥

拌勻。右合成。退火氣。冷水調服一二

錢。

(淺解) 諸石利水。火而通下竅。

磁石。元參。補肝腎之陰。而上濟君火。

犀角。羚羊。瀉心膽之火。甘草和諸藥

一四二

而敗毒。且緩肝急。諸藥皆降。獨用一味升麻。蓋欲降先升也。諸香化穢濁。或開上竅。或開下竅。使神明不致坐困於濁邪。而終不克復其明也。丹砂色赤補心。而通心火。內含汞而補心體。為坐鎮之用。諸藥用氣。確獨用質者。以其水鹵結成。性峻而易消。瀉火而散結也。

(六) 麥冬和胃湯 (冰玉堂驗方)

見感冒證各方淺解類。

【瘧疾類各方】

(一) 荆防敗毒散 (證治準繩方)

見本證風溫類各方淺解。

(二) 普濟消毒飲 (李東垣方)

黃芩一錢。(酒炒) 黃連一錢。(酒炒) 陳皮一錢。桔

梗八分。板藍根二錢。升麻一錢。柴胡八分。薄荷五分。連翹三錢。(去心) 牛蒡子二錢。(炒研) 僵蠶二錢。(炒) 馬勃二錢。生甘草五分。元參二錢。燈心二尺。右以水二碗煮取一碗。去渣。分數次服之。

〔淺解〕 本方黃連、黃芩、板藍根、連翹、元參、清熱而解毒。桔梗、升麻、柴胡、薄荷、牛蒡、僵蠶、馬勃、泄熱以解毒。陳皮利氣。甘草和中。瘧疾病三日後。邪乘表虛而外發。則有昏熱頭汗。或咽腫發癰之患。速服本方。便得清解。

(三) 二聖救苦丹 (金鑑方)

大黃四兩。皂角二兩。

右為末水丸。如粟米大。每服大兒一錢。小兒五分。開水下。

〔淺解〕 本方大黃清熱通腑。皂角導滯滌垢。瘧疾病三日後。邪乘裏虛而內陷。或挾飲食。則有痞滿、嗜雜、失血、自利、吐衄等症。速服此方。使內留邪毒。盡行清解。便可全愈。

(四) 人中黃散 (金鑑方)

人中黃一兩。滑石一兩。黃芩一兩。黃連一兩。山梔一兩。大黃一兩。雄黃三錢。右研為細末。每服大兒一錢。小兒五分。茜草根汁下。

〔淺解〕 本方係一派清熱解毒之品。所以清解內陷之瘧毒也。

(五) 扶正定喘解毒湯 (金鑑方)

大黃四兩。皂角二兩。

人參二錢。五味子八分。人

中黃二錢。

右以水二碗半煮。取一碗。去渣。分數次服之。

〔淺解〕 本方以人參、五味子、止

汗止喘。藉挽命根。人中黃解毒辟穢。以去其病。扶正去病。雙方並進。瘟疫病失治。若見喘噦冷汗。煩躁癰癤。多不可救。此正氣傷殘。內有瘟疫也。速服此方。或可有命。

〔六〕清熱救陰湯（冰玉堂驗方）

人中黃三錢。生石膏一兩。

知母三錢。元參三錢。細生

地六錢。麥冬六錢。犀角屑

五分。（另沖）生穀芽三錢。

右以水四碗煮。取一碗。去渣。沖入

犀角屑。分數次服之。

〔淺解〕 本方人中黃、石膏、知母、

犀角。清瘟解毒。元參、生地、麥冬、清熱養陰。穀芽和胃。瘟疫病失治。若見發狂譫語。舌苔焦黑。大便自利。症實脈軟者。多不可救。姑投本方。或可有望。

〔七〕四逆湯（傷寒論方）

炙甘草一錢。乾薑一錢。烏

附塊三錢。

右以水三碗煮。取一碗。去渣。分數

次服之。

〔淺解〕 本方以甘草和中。乾薑、

附子、補陽回陽。瘟疫病失治。若見煩熱痞滿。冷汗喘急。四肢逆冷。六脈虛微。此陽氣暴脫。命將傾也。不能顧其瘟疫。速服此方。以回其陽。或可有命。

〔八〕太乙紫金錠（驗方）

山茨菰二兩。（去皮洗淨焙）

川文蛤二兩。（一名五倍子

搗破洗刮內榨） 千金子二

兩。（去殼。用紙包裹。換紙研數

十次。去盡油。無油成霜） 麝

香三錢。（細研盡） 紅芽大

戟一兩。（洗焙）

右各研細末。和勻。以糯米粥為劑。

每料分作四十粒。於端午、七夕、重陽

合。如欲急用。辰日亦得。於木臼中杵

數百下。不得令婦人、孝服人、不具手

足人及雞犬之類見之。

〔淺解〕 此方乃祕藥中之第一

方也。從來無人能解。但知其然。而不知其所以然。致聖方不明。使人視為

怪異。編者費窮月之力。盡心探討。始得其意。今特解之。是否有當。還願質之高明。

山茨菰味辛性寒。行瘀散結。殺蟲消癰。解毒消毒。川文蛤味酸。瀉微鹹。性寒。能固腸治痢。止血收膿。千金子即續隨子。味辛性溫。行水破血。解毒利大小腸。下惡滯物。大戟味辛苦性寒。通腸瀉臟。導水行瘀。麝香味辛苦。性溫。開竅搜邪。解毒除蠱。總觀五味中。山茨菰。千金子。大戟。消毒行滯。除瘦通腸。麝香解毒除疫。窮搜盡括。臟腑經絡內所有之毒邪。乘其香透之力。盡行托出。再以上三味攻滌之。則病自除也。然一派通散品中。苟無酸澀之藥佐之。則正氣耗散。藥過病所。

必有變端。此所以用五倍子也。使有通有經。則通者無太過。澀者無留滯。方義平穩。收效至神。為祕藥中之第一方也。

【瘰癧疹類各方】

(一) 升麻葛根湯合消毒犀角飲 (金鑑方)

- 升麻一錢。葛根一錢。芍藥一錢。生甘草五分。牛蒡子三錢。荆芥八分。防風一錢。犀角屑五分。(另沖) 芫萎五分。

右以水二碗煮。取一碗。去渣。沖入犀角屑。分數次服之。

(淺解) 本方升麻、葛根、牛蒡、荆芥、防風、泄風透邪。使瘰癧疹外達。犀角、

清熱解毒。芫萎味辛性溫。善散。宜肺胃之凝滯。起瘰癧疹之滯遏。芍藥和陰。甘草和中。瘰未出透。表熱輕者。宜服此方宜達之。

(二) 三黃石膏湯 (陶華方)

- 黃連一錢。黃芩一錢。梔子三錢。黃柏一錢。豆豉三錢。麻黃八分。生石膏一兩。葱白三枚。

右以水二碗煮。取一碗。去渣。分數次服之。

(淺解) 本方黃連、黃芩、黃柏、山梔、石膏、清熱解毒。麻黃、豆豉、葱白、泄風透邪。使瘰癧疹外達。瘰未出透。表熱重者。非服此方不可。

(三) 消斑青黛飲 (陶節菴方)

生石膏八錢。知母三錢。犀

角屑五分。(另沖) 生甘草

五分。生梔子三錢。生川連

五分。青黛二錢。元參二錢。

柴胡八分。生地三錢。人

參二錢。大黃一錢。

右以水二碗半煮。取一碗。去渣。沖

入犀角屑。分數次服之。

〔淺解〕 本方青黛、犀角、元參、生

地、清解血分之熱。石膏、知母、梔子、川

連、大黃、清解氣分之熱。人參、甘草、和

中補正。柴胡利氣行滯。瘧疾病癒已

透而氣血猶熱。毒壅不解者。宜服此

方清解之。自可全愈也。

(四) 雙解通聖湯(證治準繩方)

見感冒證各方淺解類。

(五) 加減消癍青黛飲(陶氏方)

生石膏八錢。知母三錢。犀

角屑五分。(另沖) 人中黃

二錢。生梔子三錢。生川連

五分。青黛二錢。升麻六分。

人參二錢。麥冬二錢。

右以水二碗半煮。取一碗。去渣。分

數次服之。

〔淺解〕 本方以石膏、知母、人中

黃、梔子、川連、清解氣分之熱。犀角、青

黛、清解血分之熱。升麻透泄餘邪。人

參、麥冬、和中補正。疹痧已透。餘熱未

清。宜服此方清解之。

(六) 升麻附子湯(金鑑方)

升麻一錢。烏附塊三錢。炙

桂枝一錢。生白芍一錢。炙

甘草五分。生薑三片。紅棗

三枚。

右以水三碗煮。取一碗。去渣。分數

次服之。

〔淺解〕 本方升麻、桂枝、生薑、散

寒透邪。附子溫陽回陽。甘草、紅棗、和

中。芍藥和陰。兼以監制桂枝之暴。瘧

瘵、痧、病失治。邪由外入裏。從陰化

或過服寒涼。逼毒內攻。其色淡紅稀

暗。是謂陰癍、陰疹、陰痧。最爲凶險。速

服本方。散寒透疹透痧治之。或可有

救。

(七) 消毒透邪湯(冰玉堂驗方)

人中黃三錢。生石膏八錢。

麻黃八分。金銀花五錢。連

翹五錢。天花粉五錢。知母

三錢。光杏仁三錢。生穀芽

五錢。

右以水三碗煮。取一碗。去渣。分數

次服之。虛者加入人參二錢。

〔淺解〕 本方以人中黃、石膏、銀

花、連翹、知母、清熱消毒。麻黃透邪宣

肺。以起痲疹。杏仁順氣。花粉生津。穀

芽和胃。瘰癧、疹、病失治。邪毒內陷。

痲疹、痧、全隱。胸高呼吸促迫。鼻煽煩

躁作渴。大熱不退。此瘰癧內陷。肺氣

將閉。死不治。雖然。坐待其亡。於心何

忍。不治治之。姑以此方清透開肺治

之。或可有救也。

暑病證

總綱

一 何謂暑病。

受暑氣爲病。是謂暑病。

二 暑病證共分幾類。

一、中暑。

二、傷暑。

三、暑風。

四、暑厥。

共分四類

三 暑病證各病。何由而成。

中暑。由直中暑熱而成。

傷暑。由受暑熱後。復感風寒而成。

暑風。由暑熱攻肝。引動內風而成。

暑厥。由兒元氣素虛。暑熱衝心。或

挾痰上衝而成。

四 暑病證之主要治法如何。

一、中暑——加味人參白虎湯。

內清外散——二香飲。

二、傷暑 補正。祛邪——六合湯。

傷暑夾食——加味香薷飲。

三、暑風 疎風——加味香薷飲。

清熱——玉露散。

四、暑厥 虛——清暑益氣湯。

實——辰砂益元散合抱龍丸。

五 暑病失治。有無危險。

暑病失治。邪氣愈傳愈深。攻及臟。

有生命危險也。

中暑類

【病源】

暑熱熏蒸 直中暑熱。暑熱熏蒸。

遂成中暑病。

【病狀】

身熱有汗 中暑病身熱有汗。頭

痛口渴。煩躁不寧。

【變症】

足冷惡寒 中暑病失治。暑邪內

鬱。見煩躁益甚。氣之神倦。足冷惡寒。

脈見沉數等症。此寒是假寒。熱是真

熱。何以知之。以脈沉數故也。沉是邪

內伏。數是熱勢盛也。

【療法】

一身熱有汗之療法 中暑病身

熱有汗。頭痛口渴。煩躁不寧。白虎湯

主之。脈虛口渴。大渴而少氣者。人參白

虎湯主之。

二、足冷惡寒之療法 中暑病失

治。暑邪內鬱。見煩躁益甚。氣乏神倦。足冷惡寒。脈見沉數等症。此寒是假寒。熱是真熱。何以知之。以脈沉數故也。沉是邪內伏。數是熱勢盛也。加味人參白虎湯主之。

【調養】

一、宜居蔭涼之所 中暑病兒宜

居蔭涼之所。不可抱於烈日之中。坐於熱地之上。

二、忌食油膩 中暑病忌食葷腥油膩。五辛酒酪臭惡等物。

三、宜服荷葉露 中暑病愈後。宜多服荷葉露。以其能清暑解熱。不生暑病也。

傷暑類

【病源】

復感風寒 小兒受暑熱後。復感風寒。遂成傷暑病。

【病狀】

發熱無汗 傷暑病發熱無汗。口渴飲水。面色紅赤。乾嘔惡心。或腹中絞痛。嗜臥懶食。

【變症】

腹痛如絞 傷暑病失治。暑邪蘊鬱。腹痛如絞。劇則上吐下瀉。變為霍亂。

【療法】

一、發熱無汗之療法 傷暑病發熱無汗。口渴飲水。面色紅赤。乾嘔惡心。或腹中絞痛。嗜臥懶食。宜以二香飲治之。此內清外散之法也。若正氣

虛弱。當補正祛邪。以六合湯治之。

二、腹痛如絞之療法 傷暑病失治。暑邪蘊鬱。腹痛如絞。劇則上吐下瀉。變為霍亂。加味香薷飲主之。

【調養】

一、避風 傷暑病兒宜居蔭涼之所。不可抱於烈日之中。坐於熱地之上。並須避風。

二、忌食肉麪 傷暑病忌食肉麪五辛。生冷黏滑臭惡等物。

三、形容萎瘦 傷暑病愈後。兒形容萎瘦。精神疲憊。久不復元。調養之法。當服參鬚湯。

暑風類

【病源】

暑熱攻肝 暑熱攻肝。引動內風。

遂成暑風病。

【病狀】

手足搐搦 暑風病煩渴。身熱有汗。二便黃赤。手足搐搦。狀似驚風。切不可作驚瀉治之。否則必殆。

【變症】

類熱肢冷 暑風病失治。暑熱擾動腸胃。吐瀉交作。類熱肢冷。搯而不甚。變為暑風慢驚。正虛邪實。最為難治。

【療法】

一、手足搐搦之療法 暑風病煩渴。身熱有汗。二便黃赤。手足搐搦。狀似驚風。切不可作驚瀉治之。否則必殆。先宜加味香薷飲疏其風。繼以玉露散清其熱。暑熱一解。其搐自止矣。

二、類熱肢冷之療法 暑風病失治。暑熱擾動腸胃。吐瀉交作。類熱肢冷。搯而不甚。變為暑風慢驚。正虛邪實。最為難治。姑與加味六君子湯。服藥後見效者生。不見效者。仍不可救。

【調養】

一、不可誤作驚瀉治 暑風病不可誤作驚瀉治。服金箔、龍骨、牡蠣、磁石等藥。恐逼邪深入。莫之能出。每不可救也。

【忌食】

二、忌食雞鵝 暑風病忌食雞鵝羊肉。蝦蟹海腥。麪食生冷。黏滑臭惡等物。
三、宜補其虛 暑風病愈後。兒形容萎瘦。精神疲憊。久不復元。調養之法。當服參鬚湯。

暑厥類

【病源】

暑熱衝心 兒元氣素虛。復受暑熱。暑熱衝心。或挾痰上衝。以致昏昧不省人事。是謂暑厥病。

【病狀】

精神昏憤 暑厥病猝然昏倒。精神昏憤。不省人事。虛者必兼見冷汗出。四肢逆冷等症。實者必兼見面垢齒燥。二便不通等症。

【變症】

厥久不醒 暑厥病係至危之證。須速治。不可延擱。失治則厥久不醒。手張遺尿。無可救也。

【療法】

精神昏憤之療法 暑厥病猝然

昏倒。精神昏憤。不省人事。虛者必兼見冷汗出。四肢逆冷等症。清暑益氣湯主之。實者必兼見面垢齒燥。二便不通等症。以辰砂益元散合抱龍丸治之。

【調養】

一、宜服參鬚湯。暑厥病愈後。兒形體虛弱者。宜服參鬚湯調養之。俾速復元。

二、以六一散代茶。暑厥病愈後。兒形體實而猶有餘熱者。當以六一散泡飲代茶。清其餘熱。和其正氣。病不復發也。

三、忌食蝦蟹。暑厥病忌食雞鵝羊肉。蝦蟹海腥。麪食生冷。黏滑臭惡等物。

結論

暑病證暑風病。外狀與驚瀇相似。惟暑風則有汗。驚瀇多無汗也。暑風多煩渴。驚瀇則煩而不渴也。驚瀇則痰壅氣促。牙關緊急。或口吐涎沫。暑風則無此等病狀。其辨別處即在此。毫釐千里。不可誤治。更不可誤服金箔龍骨。牡蠣。磁石。等鎮肝息風之品。恐遏邪深入。莫之能出。每不可救也。

夏月暑火行令。人感其氣。自口齒而入於肺胃。多見身熱汗出而喘。煩渴多言。倦怠少氣。如侵入心包。散於血脈。而入於腦。則四肢抽搐。不省人事。是謂暑厥。宜以虛實治之。若感暑而見惡寒四肢逆冷。甚至迷悶不省。盛亂吐利。痰滯嘔逆。腹滿瀉痢者。此

非暑傷。乃本身先有病。因暑而發洩也。

暑病證各方淺解類

【中暑類各方】

(一) 白虎湯(傷寒論方)

生石膏一兩(研) 知母五錢。

生甘草一錢。白粳一匙半。

右以水三碗煮。取一碗。去渣。分數

次服之。

【淺解】 本方石膏。知母。大清暑

熱。生甘。粳米。和中補正。中暑病身熱

有汗。頭痛口渴。煩躁不寧。此暑熱壅

盛也。速服此方。收效如神。

(二) 人參白虎湯(傷寒論方)

即於白虎湯原方內加入參二

錢。煎服各法。概依原方。(方見

右)

〔淺解〕 本方以白虎湯原方。清暑和中。加入參以益氣生津。中暑病者兼見脈虛口大渴而少氣者。此氣虛津亡也。速服此方。便可見功。

〔三〕加味人參白虎湯(金鑑方)

即於人參白虎湯原方內加蒼朮一錢。煎服各法。概依原方。

(方見右)

〔淺解〕 本方加蒼朮者。使於清暑之中。兼能化濕。兼能開發。內鬱之暑邪。得此藥後。仍可還於表。病勢便輕也。

【傷暑類各方】

(一)二香飲(蘇沈良方)

蘇葉一錢。藿香一錢。白茯苓一錢。

暑 病 錄

苓一錢。扁豆一錢。(炒)

厚朴八分。(薑製) 陳皮一錢。半夏一錢。(薑製) 生

甘草五分。大腹皮一錢。白

芷一錢。桔梗八分。川連六

分。香薷八分。

右以水二碗半煮。取一碗。去渣。分數次服之。

〔淺解〕 本方蘇葉、白芷、桔梗、香薷、疏風泄邪。藿香、厚朴、半夏、陳皮、大腹皮、化濕利氣。以行阻滯。黃連清熱除火。甘草、茯苓、扁豆、和中補脾。傷暑病發熱無汗。口渴飲水。面色紅赤。乾嘔惡心。或腹中絞痛。嗜臥懶食。此外挾風寒。內有濕熱也。速服此方疏解之。便見功效。

(二)六合湯(金鑑方)

人參一錢。香薷八分。半夏

二錢。(薑炒) 藿香一錢。

生甘草五分。砂仁八分。木

瓜一錢。赤茯苓二錢。杏仁

二錢。(炒去皮尖) 厚朴八

分。(薑炒) 扁豆一錢。(炒)

生薑二片。紅棗二枚。

右以水三碗煮。取一碗。去渣。分數次服之。

〔淺解〕 本方以人參、甘草、扁豆、和中補脾。砂仁、厚朴、半夏、藿香、利氣行滯。兼化濕邪。木瓜、赤苓、利濕。通小便。香薷泄風透邪。杏仁利氣降肺。薑棗調和營衛。傷暑病發熱無汗。口渴飲水。面色紅赤。乾嘔惡心。或腹中絞

痛嗜臥懶食。而正氣虛弱。不堪右方之疏散。宜服本方和正祛邪。雙方並進。庶幾兩全。而無流弊。

〔三〕加味香薷飲（金鑑方）

香薷八分。陳皮一錢。山查

二錢。枳實二錢。扁豆一錢。

厚朴二錢。（薑炒） 豬苓

一錢。生甘草五分。

右以水二碗煮。取一碗。去渣。分數

次服之。

〔淺解〕 本方以香薷泄風疏邪。

厚朴、陳皮、山查、枳實、化濕開滯。兼以消積。豬苓利水滲濕。扁豆、甘草和中補脾。傷暑病失治。暑邪蘊鬱。腹痛如絞。劇則上吐下瀉。變為霍亂。此外有風冷。內有積滯。內外交爭。致令如此

也。速服此方疏解之。

〔四〕參鬚湯（冰玉堂驗方）

見初生諸病證（上）各方淺

解類。

【暑風類各方】

〔一〕加味香薷飲（金鑑方）

香薷八分。黃連六分。扁豆

一錢。（炒） 厚朴一錢。（薑

炒） 羌活一錢。燈心一錢。

右以水二碗煮。取一碗。去渣。分數

次服之。

〔淺解〕 本方以香薷、羌活、泄風

疏邪。厚朴化濕開滯。黃連清熱除火。扁豆和中補脾。暑風病煩渴身熱有汗。二便赤。手足搐搦。狀似驚風。先宜疏風散暑。清熱化濕治之。當服本方。

繼以玉露散清其熱。暑熱一解。而痛自止也。

〔二〕玉露散（錢乙方）

見瀉病證各方淺解類。

〔三〕加味六君子湯（局方）

人參一錢。生白朮一錢。白

茯苓二錢。生甘草五分。製

半夏二錢。廣陳皮一錢。黃

連一錢。

右以水二碗半煮。取一碗。去渣。分

數次服之。

〔淺解〕 本方以參、朮、苓、草、和中

補脾。半夏、陳皮、運中化濕。黃連清熱除火。暑風病失治。暑熱擾動腸胃。吐瀉交作。額熱肢冷。搐而不甚。變為暑風慢驚。此時也。脾胃大傷。內有邪熱。

殊爲難治。姑投此方。一面補其脾胃。一面除其邪熱。服藥後見效者生。不見效者死。

【(四) 參鬚湯 (冰玉堂驗方)】

見初生諸病證 (上) 各方淺解類。

【暑厥類各方】

(一) 清暑益氣湯 (李東垣方)
人參一錢。黃耆一錢。(炙)
當歸一錢。(酒洗) 白朮一錢。(土炒) 甘草五分。(炙)
陳皮一錢。麥冬一錢。(去心) 五味子五分。青皮一錢。(炒) 蒼朮一錢。(炒) 黃柏一錢。(酒炒) 升麻八分。葛根一錢。澤瀉二錢。

神龜一錢。(炒) 生薑二片。紅棗二枚。

右以水三碗煮。取一碗。去渣。分數次服之。

〔淺解〕 暑厥病猝然昏倒。不省人事。冷汗出。四肢逆冷。此虛也。當服本方。以人參、麥冬、黃耆、白朮、甘草補氣和中。以救其虛。再用五味之酸者。飲之。則汗自止。而氣益固也。升麻、葛根、升陽以益氣。當歸和血而活血。然一派補品之中。苟無去病之藥佐之。則暑邪何由泄。濕邪何由解。此所以用蒼朮、黃柏、化濕清熱而去暑。澤瀉利濕以逐暑。陳皮、青皮、神麴、利氣以行滯。兼消積結。如此設方。則病根盡去。正氣全復。厥有不回者乎。

(一) 辰砂益元散 (證治準繩方)

辰砂三錢。(水飛) 滑石六兩。(水飛) 甘草一兩。(末)

右每用一錢。燈心湯調勻。合抱龍丸服。

〔淺解〕 本方以辰砂、燈心、滑石清熱解毒。甘草和中和正。

(二) 抱龍丸 (局方)

黑膽星四兩。(九轉者佳)

天竺黃一兩。雄黃五錢。(水飛)

辰砂五錢。(另研)

麝香一錢。(另研)

右爲細末。煮甘草膏和丸。皂莢子大。溫水下。

〔淺解〕 本方以膽星、竺黃、化痰。雄黃解毒辟穢。辰砂鎮心清心。麝香

搜邪開竅。暑厥病猝然昏倒。人事不省。兼見面垢齒燥。二便不通等症。此屬實。當服本丸與辰砂益元散。使暑熱清解。竅門一開。厥卽醒也。

(四)六一散(劉河間方)

卽天水散。見感冒證各方淺解類。

霍亂證

總綱

一 何謂霍亂。

霍亂者。乃風寒暑飲之雜邪爲病。卒然揮霍變亂。心腹大痛。吐瀉交作也。

二 霍亂證共分幾類。

共分一、濕霍亂。
二類二、乾霍亂。

三 霍亂證各病之主要治法如何。

一 濕霍亂 飲盛——二香飲。

暑盛——辰砂益元散。

二 乾霍亂 熱——桂苓甘露飲。
寒——理中湯。

四 霍亂之主要調養法如何。

霍亂病之主要調養法。戒食飯與

膩粥。否則每不可救。此其故以腸胃

新經創傷。未曾復元。驟與大宗膩滯

之物。胃中不能消化。停滯成患。每使

霍亂復作。此時也不比初病正虛邪

實。無可救藥。最宜注意。病家往往以

病已痊愈。忽略此種大忌。致功敗垂

成。惜哉。如飢餓難忍。當食麥粉粥。然

總以少食爲佳。

五 霍亂失治。有無危險。

霍亂乃時疫之一。極易傳染。病勢

最凶。救治宜速。失治則正氣大傷。無

可救藥。故濕霍亂失治。則見指螺瘡

陷。音啞。手足筋脈抽搐。目眶深陷等

症。乾霍亂失治。則見心腹絞痛。指甲

盡黑。面色黑。唇黑等症。此因血脈爲

毒凝閉。故現血凝之色也。

濕熱霍亂類

【病源】

感受暑濕。感受暑濕。復與內留

之痰飲相合。內外交爭。遂令揮霍擾

亂。上吐下瀉。是謂濕霍亂病。人之三

焦。上焦受納水穀。主入而不主出。中

焦腐化水穀。流行於五臟六腑。下焦

分別水穀。主出而不主入。故邪在上

焦則吐。邪在下焦則瀉。邪在中焦則

上吐下瀉。濕霍亂。邪在中焦也。故令

上吐下瀉。

【病狀】

一 先吐後瀉 濕霍亂病先吐後

瀉。迭作不已。心腹疼痛。四肢麻。口渴

引飲。胸膈膨悶。唇紅面赤。脈洪而數。

此屬實熱。

二、先瀉後吐。濕霍亂病先瀉後吐。瀉多白水。吐亦不多。口氣緩而神色慢。額上有汗。六脈沉細。此屬虛冷。

【變症】

指螺瀉陷。濕霍亂病失治。吐瀉不已。津液大傷。指螺瀉陷。音啞。手足筋脈抽搐。目眶深陷。四肢厥冷。此時也。正虛邪實。殊難救治。

【療法】

一、先吐後瀉之療法。濕霍亂病先吐後瀉。迭作不已。心腹疼痛。四肢麻。口渴引飲。胸膈膨悶。脣紅面赤。脈洪而數。此屬實熱。飲盛者。以二香飲主之。暑盛者。以辰砂益元散主之。俱宜另服太乙紫金錠。二方內甘草俱

去之。因與紫金錠內大戟相反。否則必起變化。最宜注意。

二、先瀉後吐之療法。濕霍亂病先瀉後吐。瀉多白水。吐亦不多。口氣緩而神色慢。額上有汗。六脈沉細。此屬虛冷。加味理中湯主之。如虛甚而寒不甚者。六君子湯主之。

三、指螺瀉陷之療法。濕霍亂病失治。吐瀉不已。津液大傷。指螺瀉陷。音啞。手足筋脈抽搐。目眶深陷。四肢厥冷。此時也。正虛邪實。殊難救治。不論寒熱。俱以隔薑灸法灸之。灸後厥回。螺起者生。厥不回螺不起者死。

【調養】

一、忌飲米湯。濕霍亂病忌飲米湯。忌食飯與膩粥。病初愈。亦當禁此。

否則必死。更宜止其乳食。如飢饑難忍。可略與之。惟飯粥米湯。則始終禁之。絲毫不可入口。如萬不得已。可略食麥粉粥。濕霍亂病初愈。一切生冷黏滑。肉麪五辛。酒酪臭惡等物。俱當禁忌。

二、預防霍亂。預防霍亂。凡入霍亂之人家。鼻孔中必須多嗅雄黃。使不聞穢氣。蒼蠅須勤拍。凡為蒼蠅食過之物。切勿食之。水必煮沸而後飲。不可貪涼太過。臨臥不宜飽食。

三、宜一起即治。濕霍亂病初起。稍覺不適。即以太乙紫金錠服之。使除疫辟穢。不釀大患也。若因循失治。多致不救。

此乾霍亂病類

【病原】

卒中邪惡之氣。先由胃中氣虛。卒中邪惡污穢之氣。鬱於胸腹之間。上不得吐。下不得瀉。腹中絞痛。是謂乾霍亂病。俗名絞腸痧病。凡霍亂得吐瀉。則邪氣上下得出。斯無苦也。陳食出盡。而吐瀉自止。乃有上不得吐。下不得瀉。為乾霍亂。邪無去路。多不可救。若加喘滿作搐。尤無生望。

【病狀】

不吐不瀉。乾霍亂病欲吐不吐。欲瀉不瀉。腹痛如絞。滿牀亂滾。狀至悽慘。如兼見煩渴大飲者為熱。厥逆不瀉者屬寒。

【變症】

面色黑唇黑。乾霍亂病失治。心

霍亂

腹絞痛益劇。猶如斷腸。慘呼呻號。不忍卒聞。指甲盡見紫黑。面色紫黑。唇黑。呼吸喘促。手足抽搐。此時也。血脈為毒凝閉。故現血凝之色。無生望也。

【療法】

不吐不瀉之療法。乾霍亂病欲吐不吐。欲瀉不瀉。腹痛如絞。滿牀亂滾。狀至悽慘。如兼見煩渴大飲者為熱。厥逆不瀉者屬寒。初起速以鹽湯探吐法吐之。必得其吐出宿食積痰。然後用藥。熱者桂苓甘露飲主之。寒者理中湯主之。兼服太乙紫金錠。理中方內甘草去之。因與紫金錠內大戟相反。否則必起變化。最宜注意。外以針刺十指甲邊令血出。或刺膝髁名委中穴出血即解。或將兩臂令惡

血聚一處。以針刺之。擠出熱血可立蘇。

【調養】

一、忌食膩粥。乾霍亂病忌飲米湯。忌食飯與膩粥。病初愈。亦當禁此。更宜止其乳食。如飢餓難忍。可略與之。惟粥飯米湯。則始終禁之。絲毫不可入口。如萬不得已。可略食麥粉粥。乾霍亂病初愈。一切生冷黏滑。肉麪五辛。酒酪臭惡等物。俱禁忌。

二、拔去頂心紅髮。乾霍亂病初起。兒頭頂心必有紅髮。急尋出拔去。病勢即輕。更將兩臂令惡血聚一處。以針刺之。擠出熱血可立蘇。

三、宜一起卽治。乾霍亂病初起。稍覺不適。卽以太乙紫金錠服之。使

除疫辟穢。不釀大患也。

結論

霍亂病多生於夏月。以暑氣薰蒸。蒼蠅羣集。散佈疫菌。在在使成霍亂。加以多食瓜果。濕滿中焦。尤與以可乘之機。故預防霍亂。一忌坐熱地。不可抱兒於烈日之中。二、蒼蠅須勤拍。三、瓜果不宜多食。四、霍亂人家不宜往來。五、湯水非煮沸勿飲。六、冰淇淋酸梅湯。俱不可嗜。七、稍覺不適。即速醫治。不可延擱。八、珍珠末。(即雞頭粟)小白菜、香瓜。俱不可多食。如此謹慎。庶可不病。

霍亂證各方淺解類

【溫霍亂類各方】

(一) 二香飲 (蘇沈良方)

見暑病證各方淺解類。方內甘草須除去。

(二) 辰砂益元散 (證治準繩方)

見暑病證各方淺解類。方內甘草須除去。

(三) 太乙紫金錠 (驗方)

見瘟疫證各方淺解類。

(四) 加味理中湯 (金鑑方)

即於理中湯原方內加藿香一錢。木瓜一錢。煎服各法。概依原方。(方見初生諸病證(上)各方淺解類)

【淺解】 本方以理中湯和中去寒。加藿香以化濕。木瓜以利濕。濕霍亂病先瀉後吐。瀉多白水。吐亦不多。口氣緩而神色慢。額上有汗。六脈沉

細。此屬虛冷。當服此方。

(五) 六君子湯 (局方)

見癩病證各方淺解類。

(六) 隔薑灸法 (鍼灸大成)

即以銅元厚薄之生薑一片。用銀針將薑片刺眼七個。放於臍上。然後用艾絨團成三角形者十五枚。須上尖下平。放於薑片上灸之。灸完十五枚。使暖氣入腹。厥回螺起。有生望也。

第 六 式 (式片薑)



其薑片如銅錢之厚。大約灸十枚。換一片。


第 七 式 (式團艾)



其艾捲軟如絨。去淨灰末。須上尖下平。則易着火。

病勢重者須灸六穴。式如左。
 量臍旁四穴之分寸。均以病者男左女右
 之中指中節爲一寸。用草極量準後。從臍
 之連量起爲法。

第八



霍亂病。病勢沉重。不論乾濕寒
 熱。灸臍邊四穴。共五穴。均一齊
 灸起。不得遲早。如有嘔吐者。加
 灸天突穴之骨登。亦一齊灸起。
 而火數俱照所註之數灸齊。毋
 得增減。惟獨神闕穴一穴。如瀉

要 點 證

症直灸至止瀉爲度。如已死者。
 直灸至還陽爲度。務要耐心而
 灸。自能還陽。若心急不灸。則誤
 生命矣。

霍亂如人已死。依此灸法。亦可
 回生。只要四肢不硬。身體尙軟。
 用燈心一條。放在鼻孔內邊試
 之。如略有微動。尙可施治。如已
 無氣息。可將活人之耳。貼在死
 人之心窩上。如死者心內略有
 脈跳動。或不動而心窩上有熱
 氣。亦可回陽。此時並非真死。幸
 勿誤會不灸。惟神闕穴。直灸至
 病愈爲度。如兒已暈倒。直灸至
 醒轉爲度。此種灸法。誠有起死
 回生之大功也。

〔附註〕 濕霍亂。屬熱。汗大出口
 大渴者。不可灸。灸則亡陽。最宜注意。
 【乾霍亂類各方】

(一) 鹽湯探吐法 (驗方)

見初生諸病證 (上) 各方淺
 解類。

(二) 桂苓甘露飲 (劉河間方)

白朮一錢 (土炒) 白茯苓
 一錢 澤瀉一錢 豬苓一錢
 肉桂三分 石膏三錢 滑
 石三錢 (水飛) 寒水石三
 錢。

右以水二碗煮。取一碗。去渣。分數
 次服之。

〔淺解〕 本方茯苓、澤瀉、豬苓、滑
 石、利水滲濕。石膏、寒水、清解熱邪。白

尤健中。微用肉桂。以行氣滯。乾霍亂病煩渴大飲者。屬熱。宜服此方清解之。

(三) 理中湯 (傷寒論方)

見初生諸病證 (上) 各方淺解類。方內甘草須除去。

(四) 太乙紫金錠 (驗方)

見痘疫證各方淺解類。

(五) 刺法 (鍼灸大成)

用鋒利碎磁片。或三稜針。刺少商穴。委中穴二處。使出血即愈。百發百中。少商穴在兩大甲指之兩旁。與出指甲之處相齊。只離指甲兩旁邊各一韭菜葉寬是也。先從手臂膊上揉至指間。使血氣下行方刺。委中穴在腿

彎。先用手蘸溫水拍打。打出紫紅紋。再從紫紅紋上刺之。毒即解。

〔淺解〕 此拔毒法也。使毒隨血去。便可減輕。

痢疾證

總綱

一 何謂痢疾。

大便秘下黏物而不暢。是謂痢疾。

二 痢疾何由而成。

痢疾多因外受暑濕。內傷生冷而成。傷於氣者色多白。以肺與大腸為表裏也。傷於血者色多赤。以心與小腸為表裏也。

三 痢疾證共分幾類。

一 寒痢。

二 熱痢。

三 時痢。

四 噤口痢。

四 痢疾證各病之主要治法如何。

痢疾

一 寒痢——初宜理中湯。久宜真人養臟湯。

二 熱痢——重——當歸芍藥湯。
輕——白頭翁湯。香連丸。

三 時痢——倉廩湯。

四 噤口痢——參連開噤散。

五 痢疾失治。有無危險。

痢疾失治。正氣大傷。腸膜腐爛。所下盡是脂膜膿血。飯食不思。每不可救。

寒痢類

【病源】

寒冷傷胃。寒冷傷胃。久痢不已。

或臟氣本虛。復為風冷所乘。傷於腸胃。而病痢疾。是謂寒痢病。

【病狀】

口雖渴喜熱飲。寒痢病時時下痢。痢時腸鳴切痛。面唇青白。口雖渴。喜熱飲。

【變症】

形體消瘦。寒痢病失治。痢久不愈。正氣大傷。形體消瘦。胃納大減。痢下白如凍膠鼻涕。或如魚腦。痢時自尻尾至背脊。酸冷難忍。時時腸鳴。腹中切痛。口雖渴。喜飲熱湯。脈象遲微。

【療法】

一 口雖渴喜熱飲之療法。寒痢病時時下痢。痢時腸鳴切痛。面唇青白。口雖渴。喜熱飲。初宜理中湯。久則真人養臟湯主之。

二 形體消瘦之療法。寒痢病失

治痢久不愈。正氣大傷。形體消瘦。胃

納大減。痢下白如凍膠。鼻涕。或如魚

腦。痢時自尻尾至背脊。發冷難忍。時

時腸鳴。腹中切痛。口雖渴。喜飲熱湯。

脈象遲微。烏梅附子止痢湯主之。真

人養臟湯亦主之。

【調養】

一、忌食生冷。寒痢病忌食生冷

水果黏滑。肉麪五辛臭惡等物。

二、宜服白朮散。寒痢病愈後。兒

中氣大傷。精神疲憊。面黃肌瘦。久不

復元。調養之法。宜服白朮散。

三、腹部常使溫暖。寒痢病患者

腹部常宜溫暖。夏月以帛裹之。冬月

則以棉裹之。勿使受寒。

熱痢類

【病源】

濕熱凝結。濕熱凝結於腸胃。以

致腹中窘痛。下痢。是謂熱痢病。

【病狀】

舌赤唇焦。熱痢病時下痢。劇

者日夜百餘行。裏急後重。腹中窘痛。

尿短色紅。舌赤唇焦。喜飲冷水。此裏

熱之症也。

【變症】

痢下爛炙。熱痢病失治。下痢益

劇。熱勢益盛。腸胃受傷。腹中時時切

痛。後重。所下多如爛炙。雜以脂膜。痢

病至此。其腸中已腐爛矣。舌赤唇焦。

口中渴甚。飲不解渴。更見不食者凶。

【療法】

一、舌赤唇焦之療法。熱痢病時

時下痢。劇者日夜百餘行。裏急後重。

腹中窘痛。尿短色紅。舌赤唇焦。喜飲

冷水。此裏熱之症也。重則當歸芍藥

湯主之。輕則香連丸主之。兼見身熱

者。白頭翁湯主之。

二、痢下爛炙之療法。熱痢病失

治。下痢益劇。熱勢益盛。腸胃受傷。腹

中時時切痛。後重。所下多如爛炙。雜

以脂膜。痢病至此。其腸中已腐爛矣。

加減白頭翁湯主之。若更見不食者

凶。人參蓮肉湯主之。

【調養】

一、忌食肉麪。熱痢病忌食生冷

黏滑。辛辣香燥。煎炒炙爆。肉、麪、酒、臭

惡。蝦蟹海腥等物。

二、宜以天花粉泡飲代茶。熱痢

病口中渴甚。調養之法。宜每日以天花粉三錢。泡飲代茶。自能止渴如神。以其既能清熱。復可生津也。

三、宜和胃氣。熱痢病愈後。宜和胃氣。兼補精液。俾速復元。當服麥冬和胃湯。

時痢類

【病源】

復感時氣。患痢疾而復感時氣。遂成時痢病。

【病狀】

身熱無汗。時痢病身熱無汗。遍身疼痛。熱為邪束。頻作嘔逆。

【變症】

熱勢熾甚。時痢病失治。風邪不解。熱勢熾甚。痢下益甚。遍身疼痛。如

給人敲打一般。頻頻嘔逆。此時也。正氣已傷。邪氣鴟張。殊為難治。

【療法】

一、身熱無汗之療法。時痢病身熱無汗。遍身疼痛。熱為邪束。頻作嘔逆。須以倉廩湯散之。先解時邪。再與加味四逆散散結行滯。其痢自止。

二、熱勢熾甚之療法。時痢病失治。風邪不解。熱勢熾甚。痢下益甚。遍身疼痛。如給人敲打一般。頻頻嘔逆。此時也。正氣已傷。邪氣鴟張。殊為難治。扶正去風治痢湯主之。

【調養】

一、須避風寒。時痢病須避風寒。
二、忌食油膩。時痢病忌食生冷黏滑。雞鴨羊肉。蝦蟹海腥。辛辣香燥。

煎炒炙燥。麪食臭惡等物。

三、正氣衰弱。時痢病愈後。正氣衰弱。久不復元。調養之法。宜常服人參穀芽和胃湯。

噤口痢類

【病源】

津液枯涸。腸胃灼熱。津液枯涸。舌乾咽澀。食不得下。下則下痢。是謂噤口痢病。試看其舌上必無津液。但宜救焚生津。令津液過舌心。則飲食得下。始有生望。百驗不爽。

【病狀】

不能飲食。噤口痢病下則下痢無度。上則不能飲食。脈大身熱。舌赤燥。毫無津液。唇紅。惟喜飲冷。

【變症】

冷汗如雨。噤口痢病失治。痢下益甚。盡是鮮血。或如膿液而黏。飲食不下。湯粥不進。冷汗如雨。拭之不及。四肢逆冷。此時也。元氣將脫。無可救藥。

【療法】

一、不能飲食之療法 噤口痢病下則下痢無度。上則不能飲食。脈大身熱。舌赤燥。毫無精液。唇紅。惟喜飲冷。急宜參連開噤散救之。救胃煎亦主之。服藥後。若津液過舌心。則飲食得下。始有生望。

二、冷汗如雨之療法 噤口痢病失治。痢下益甚。盡是鮮血。或如膿液而黏。飲食不下。湯粥不進。冷汗如雨。拭之不及。四肢逆冷。此時也。元氣將

脫。無可救藥。姑與參附湯。待汗止厥回。再與人參蓮肉湯。若津液過舌心。飲食得下。始有生望。

【調養】

一、宜飲人參石斛湯 噤口痢病宜以人參、石斛、黃連、石蓮子、粳米、薑汁煎湯。細細呷之。如吐出則再服。但得下咽。即便思食。

二、貧者之調養法 噤口痢病如患者係貧苦之兒。則不能得參。而不服參。病必不救。今以藕汁煮熟。稍加糖霜。頻服。兼進多年陳米稀糜。調其胃氣。亦可得救。神效。

三、忌服耗氣傷津之品 噤口痢病久痢不止。胃氣告匱。較之初起。噤口。尚有濁氣可破。積沫可驅者。迥乎

不同。宜用大劑救養胃氣。兼行津液。當服救胃開噤湯。但得胃氣一轉。飲食稍進。便用獨參湯。略加陳皮或製香附。緩緩調補。始可收功。

噤口痢係至危之症。凡茯苓之淡滲。木香之耗氣。葛根之行津。黃連之苦降。參連開噤散內用黃連者。因與人參蓮肉同行。但降逆氣而不敗胃。故可用也。單用則傷胃敗胃。決不可用。均忌。

結論

痢疾緣臟腑傳化失職。津液受傷。致奔迫無度而下痢。氣分熱而腐化成汁。則為白痢。血分熱而下漬。則為赤痢。腸胃熱灼。津液不升。舌乾咽澀。食不得下。則成噤口。肝氣大泄。則成

暴注。如值秋收氣候。肝泄而肺不受邪。金木相爭。大腸阻滯。則裏急後重。腸管發赤。膜油發腫。甚則潰爛。則腹痛而便膿。此雖變證多端。然皆不外乎表裏寒熱。而虛實尤宜詳辨。大抵邪在表者。必有表證。但從其表疏散之。表邪解則痢自愈。若無表症。則悉屬內傷矣。

以寒熱言。古多以赤痢爲熱。白痢爲寒。殊不知痢多起於夏秋。本於濕蒸熱鬱。或過食生冷。氣壯者鬱熱居多。氣弱者陰寒爲甚。不可但憑莖色。若更辨其虛實。則寒熱之性質愈明。如頭疼身熱。筋骨疼痛者實也。脹滿惡飲。急痛拒按者實也。煩渴引飲。喜冷畏熱者熱也。脈強而實者實也。

脈數而滑者熱也。外此則無非虛寒矣。

至於二者相似之際。尤當審察。如以口渴爲實熱似矣。不知凡下痢必亡津液。液亡於下。則津涸於上。安得不渴。必當於喜熱喜冷辨之。以腹痛爲實熱似矣。不知下痢則腸胃必傷。膿血稠黏。安得不痛。更當於痛之緩急。按之可否。腹之脹與不脹。脈之有力無力而辨之。以小便之黃赤短少爲實熱似矣。不知水從痢去。澀必不長。澀以陰亡。溺因色變。必當於便之熱與不熱。液之涸與不涸。色之澤與不澤而辨之。以裏急後重爲實熱似矣。不知氣陷則倉廩不藏。陰亡則門戶不閉。更當於病之新久。質之強弱。

脈之盛衰而辨之。審症既清。再言治法。因於濕熱者宜清之。因於積滯者宜下之。因於氣者調之。因於血者和之。新感而實者。可通因通用。久病而虛者。可塞因塞用。脈來微弱者可補。口腹素慎者可補。病後痢者可補。因攻而劇者可補。後重之可補者。陷則升而補之。熱則涼而補之。腹痛之可補者。滑泄則瀉而補之。虛寒則溫而補之。若下痢既久。則腎臟必虛。又當用桂附大補命門。以復腎中之陽。設畏熱不用。而僅以參朮補土。必致不起。

痢有四忌。一、痢疾初起。忌溫補。蓋痢疾初起。由於濕熱膠滯於腸胃中而發。宜清邪熱。導滯氣。行瘀血。若用

麥朮等溫補之藥。則熱愈盛。氣愈滯。血愈凝。久之。正氣虛。邪氣盛。不可治矣。二、忌大下。痢因邪熱膠滯。腸胃與溝渠壅塞相似。惟宜磨劫疏通。若用承氣湯下之。則徒傷胃氣。損真元而邪未必去。三、忌發汗。痢有頭痛目眩身寒發熱者。此非外感。乃內毒熏蒸。自內達外。雖有表證。實非表邪。若發汗則正氣已耗。邪氣益肆。且風劑燥熱。愈助熱邪。表虛於外。邪熾於內。鮮不斃矣。四、忌分利。利小便者。治瀉之良法。以之治痢。則大謬。蓋痢因邪熱膠滯。津液枯澀而成。若用五苓等劑。分利其水。則津液愈枯。澀滯益甚。必至纏綿不已。

小兒久痢陰傷。腎氣虛敗。則雨降

紅腫。謂之鶴膝。此宜速治。否則有生命危險。宜常服補腎地黃丸。加牛膝、鹿茸、虎膠。

小兒不能言。下痢時欲知其腹痛與否。可察其有否啼叫皺眉之徵以辨之。

痢疾應有不治之證。凡一、痢見五色。五臟俱敗。二、痢如烟塵水。三、如屋漏水。四、下痢久。肛門如竹筒。五、如魚腥。六、久痢唇紅。舌苔氣促。心煩。坐臥不安。大渴飲水。面容似朱者。皆死證也。

痢疾證各方法淺解類

【寒痢類各方】

(一) 理中湯 (傷寒論方)

見初生諸病證 (上) 各方淺

解類。

(二) 真人養臟湯 (局方)

人參一錢。白朮一錢。(土炒)

木香五分。(煨) 當歸一錢。

(土炒) 白芍一錢半。(炒)

肉桂七分。甘草五分。(炙)

罌粟殼一錢。(蜜炙) 訶

子肉一錢半。(麩煨去核)

肉果五分。(煨) 烏梅二枚。

右以水三碗煮。取一碗。去渣。分數次服之。

〔淺解〕 本方人參、白朮、甘草、和

中補氣。當歸、白芍、和肝補血。肉桂、木

香、肉果、利氣行滯。兼散寒冷。罌粟、訶

子、烏梅、斂澀止痢。寒痢日久。則氣血

俱虛。腸滑不禁。速服本方補澀之。痢

自止也。神效。

痢疾初起。多屬實。內有留邪。本方不可服。必病久元虛。則邪隨痢去。然後服此。可無流弊。最宜注意。

(三)烏梅附子止痢湯(冰玉堂驗方)

烏梅三枚。烏附塊三錢。人

參二錢。肉桂六分。乾薑六

分。當歸一錢。炙甘草五分。

白朮一錢。(土炒) 訶子肉

一錢。罌粟壳一錢。(蜜炙)

肉豆蔻八分。木香五分。

右以水三碗煮。取一碗。去渣。分數

次服之。

〔淺解〕本方人參、白朮、甘草和中補氣。當歸和血補血。附子、肉桂、乾

痢疾證

薑溫陽散寒。肉蔻、木香利氣行滯。烏

梅、訶子、罌粟、欒、涩止痢。寒痢病失治。痢久不愈。腸滑不禁。寒氣深重。速服此方。補而涩之。必有效也。

(四)白朮散(冰玉堂驗方)

見初生諸病證(下)各方淺解類。

〔熱痢類各方〕

(一)當歸芍藥湯(金鑑方)

當歸一錢。白芍一錢。木香

五分。黃芩二錢。黃連一錢。

肉桂四分。大黃一錢。生

甘草五分。檳榔一錢。

右以水二碗煮。取一碗。去渣。分數

次服之。

〔淺解〕本方當歸、白芍和血活

血。木香、肉桂、檳榔利氣行滯。大黃、黃

連、黃芩、清解熱結。生甘和中解毒。熱痢病時時下痢。劇者日夜百餘行。裏急後重。腹中窘痛。尿短色紅。舌亦腐焦。喜飲冷水。此裏有熱。而兼有積滯也。速服此方。清其熱。破其積。痢自瘥。

(二)香連丸(局方)

木香三錢。川黃連三錢。

右共為細末。醋糊為丸。如粟米大。

小兒每服十五丸。大兒每服二十九

至二十五丸。空心米飲下。

〔淺解〕本方以黃連清解熱邪。

木香利氣行滯。熱痢病因裏有熱。而

氣不通利。速服此丸。自能見功。

(三)白頭翁湯(傷寒論方)

白頭翁三錢。黃連一錢。黃

柏一錢。秦皮一錢。

右以水三碗煮。取一碗。去渣。分數

次服之。

〔淺解〕 本方白頭翁泄腸中之風熱。黃連、黃柏、秦皮、除腸中之熱。結熱痢兼見身熱者。宜服此方清泄之。痢即止。神效。

〔四〕加減白頭翁湯（衷中參西錄方）

生懷山藥五錢。白頭翁二錢。

生杭芍二錢。秦皮一錢半。

生地榆一錢半。早三七一

錢半。鴉膽子三十粒。（去皮）

甘草一錢。

右先將白糖水送服三七、鴉膽子仁各一半。再將餘藥。以水三碗煮。取

一碗。去渣。分數次服之。未服藥前。可再以白糖水送服三七、鴉膽子仁餘一半。

〔淺解〕 本方用白頭翁、秦皮、芍藥、生地榆。以清熱。三七、鴉膽子。以化瘀生新。治腸中腐爛。而又重用生山藥。以滋其久耗之精液。固其已虛之氣化。所以奏效甚捷也。

〔五〕人參蓮肉湯（金鑑方）

人參一錢。蓮子肉一錢。三

七一錢。金石斛三錢。

右以水三碗煮。取一碗。去渣。分數

次服之。

〔淺解〕 本方人參、蓮肉、石斛、養

胃和胃。三七化瘀生新。治腸中腐爛。熱痢病失治。若兼見不食者。此胃陰

傷殘也。宜服此方。能進飲食。始有生望。

〔六〕麥冬和胃湯（冰玉堂驗方）

見感冒證各方淺解類。

〔時痢類各方〕

（一）倉廩湯（補遺方）

人參一錢。白茯苓三錢。獨

活八分。桔梗八分。前胡一

錢半。川芎一錢。炙甘草五

分。枳殼一錢。（麩炒）倉

米一錢。柴胡八分。羌活一

錢。生薑三片。

右以水三碗煮。取一碗。去渣。分數

次服之。

〔淺解〕 本方以人參、茯苓、甘草、

倉米、和中養胃。獨活、桔梗、前胡、柴胡、

羌活、泄風、透邪、枳壳、利氣、川芎、和血。
時痢病身熱無汗、遍身疼痛、熱爲邪束、頻作嘔逆、宜服本方疏散之、使風邪一解、熱勢外泄、痢自瘥也。

(二) 加味四逆散 (冰玉堂驗方)

柴胡八分。枳實一錢半。白芍一錢半。炙甘草八分。焦山查一錢。廣木香六分。枳榔八分。

右以水二碗煮取一碗。去渣。分數次服之。

〔淺解〕 本方柴胡利氣行滯。以

解阻結。枳實、山查、木香、枳榔行滯消積。佐柴胡以取效。白芍和陰。甘草和中。時痢病服倉廩湯後。身熱無汗。遍身疼痛俱瘥。而痢猶未減者。此表解

裏未和也。宜服本方。其痢自止。

(三) 扶正去風治痢湯 (冰玉堂驗方)

人參一錢。白茯苓三錢。炙甘草五分。羌活一錢。獨活八分。倉米一錢。柴胡八分。枳實一錢。白芍一錢半。山查炭六分。廣木香六分。枳榔八分。

右以水二碗半煮取一碗。去渣。分數次服之。

〔淺解〕 本方以人參、茯苓、甘草、

倉米、和中養胃。羌活、獨活、柴胡、疏風解表。枳實、山查、木香、枳榔、消積治痢。時痢病失治。風邪不解。熱勢熾甚。痢下益甚。遍身疼痛。如給人敲打一般。

頻頻嘔逆。此時也。正氣已傷。邪氣熾張。殊爲難治。速服本方。必能收功。

(四) 人參穀芽和胃湯 (冰玉堂驗方)

見吐病證各方淺解類。

〔噤口痢類各方〕

(一) 參連開噤散 (金鑑方)

人參三錢。川連三錢 (薑炒) 蓮子肉三錢。

右研爲細末。每服一錢。米飲調下。日二服。

〔淺解〕 噤口痢病。下則下痢無

度。上則不能飲食。脈大身熱。舌赤燥。毫無精液。唇紅。惟喜飲冷。此病至爲危重。乃陰液告竭。邪氣鴟張。非以人參、蓮肉之和中補脾。生津液者主

之使胃氣轉旋。舌上生津。則飲食焉得下。胃氣何由復哉。用川連者。藉其苦降之性。降逆氣也。然單用必傷胃氣。必和人參蓮肉。始無流弊。服藥後。若津液過舌心。則飲食得下。有生望矣。

(二)救胃煎(唐容川方)

生地黃二錢。白芍藥二錢。
黃連六分。黃芩六分。玉竹三錢。天花粉三錢。杏仁二錢。(研) 麥門冬三錢。石膏二錢。枳殼一錢。厚朴八分。甘草五分。

右以水三碗煮。取一碗。去渣。溫服。服後俟舌上有津。即可進食。

〔淺解〕 本方生地、白芍、麥冬、玉

竹、花粉、生津補液。兼和胃氣。黃芩、黃連、石膏、清解熱邪。枳殼、厚朴、利氣開中。杏仁順氣。甘草和中。噤口痢病由津液虛少。氣機不利使然。和其津液。行其氣滯。則精液上潮。舌心生苦。飲食得下。始有生望。

(三)參附湯(得效方)

人參三錢。烏附塊三錢。
右以水三碗煮。取一碗。去渣。分數次服之。

〔淺解〕 本方以人參補元氣。附子補陽氣。噤口痢病失治。痢下益甚。盡是鮮血。或如膿液而黏。飲食不下。湯粥不進。冷汗如雨。拭之不及。四肢逆冷。此時也。元氣將脫。無可救藥。速服此湯。待汗止厥回。始有生望。

(四)人參蓮肉湯(金鑑方)

見本證熱痢類各方淺解。

(五)人參石斛湯(唐容川方)

人參二錢。金石斛二錢。黃連六分。石蓮子三錢。粳米三錢。

右以水三碗煮。取一碗。去渣。加入生薑汁少許。細細呷之。不可急服。(急服必吐出)如吐出則再服。但得下咽。即便思食。

〔淺解〕 本方以人參、石斛、石蓮、粳米、和胃養胃。黃連、薑汁、降逆止嘔。

服後即便思食者。胃氣和而津液上潮也。

(六)藕汁糖霜方(驗方)

以藕汁三四碗煮熟。加入糖霜

四兩。須服。兼進多年陳米稀糜。調其胃氣。亦可得救。

〔淺解〕 本方以藕汁養陰生津。加糖糴稀糜和中氣。噤口痢病。如患者係貧苦之家。不能得參。而不服參病必不救。今以此方代之。有同樣之功效。不可輕視。

〔七〕救胃開噤湯（冰玉堂驗方）

人參一錢。石蓮肉三錢。金

石斛三錢。麥冬三錢。玉竹

三錢。天花粉三錢。藕汁一

盅。粳米三錢。黃連六分。

半夏二錢。（薑製）

右以水三碗煮。取一碗。去渣。分數次緩緩呷之。不可急服。急服必完全吐出。最宜注意。噤口痢服藥時。俱宜

緩緩的。吃了一口。隔多時。再服一口。則不吐。此法不但本方。他方均當如此。不但本病如此。凡係吐症。皆當如此。始可取效。

〔淺解〕 本方人參、石蓮、石斛、麥

冬、玉竹、花粉、藕汁、粳米等係一派救陰生津之品。所以救胃氣也。胃氣一轉。便思飲食。其噤便開。再以黃連、半夏降逆氣。使胃氣安定。功益著也。

〔八〕獨參湯（張景岳方）

人參三錢。

右一味。加入陳皮八分。以水三碗同煮。取一碗。去渣。分數次服之。

〔淺解〕 本方以人參補氣和中。

加入陳皮者。以行氣滯。使補而不阻。毫無胸中飽悶。胃納不佳之患。如無

陳皮。則以藜香附八分代之。有同等功效。

黃疸證

總綱

一 何謂黃疸。

皮膚眼目均發黃色之病。謂之黃疸。

二 黃疸病何由而生。

黃疸病。乃濕熱鬱久外發肌膚而成。其候遍身面目皆黃。甚則深黃。面如煙薰之狀。

三 黃疸證共分幾類。

共分一陽黃。二類。二陰黃。

四 黃疸證各病之主要治法如何。

發汗——茵陳蒿湯。
一陽黃下之——茵陳蒿湯。
利小便——茵陳五苓散。

二、陰黃

溫脾去黃——茵陳理中湯。
溫腎去黃——茵陳四逆湯。

五 黃疸失治。有無危險。

黃疸病當以十八日為期。治之十日以上。瘥。反劇或黃變黑者難治。有生命危險也。

陽黃類

【病源】

濕熱鬱蒸。濕熱鬱蒸。外發肌膚。遍身面目皆黃。色亮尿赤。是謂陽黃病。

【病狀】

面黃口渴。陽黃病遍身面目皆黃。色明亮。口中渴。尿色赤。身體發熱。

【變症】

面如煙薰。陽黃病失治。邪勢盛。正氣虛弱。黃疸變黑。面如煙薰。形體消削。手足麻木。飯食不思。有生命危險也。

【療法】

面黃口渴之療法。陽黃病遍身面目皆黃。色明亮。口中渴。尿色赤。身體發熱。如表實無汗。宜外發其汗。茵陳蒿湯主之。使黃從表解也。裏實。二便祕滯。腹滿者。宜茵陳蒿湯下之。使黃從裏解也。若表有汗。裏不便祕。腹滿。是表裏無證。不可汗下。惟利小便。宜用茵陳五苓散。使黃從水道利之則愈。

【調養】

一、忌食生冷。陽黃病忌食生冷黏滑。肉麵五辛。酒酪。雞鵝蝦蟹海腥等。

二、宜以茵陳蒿泡飲代茶。陽黃病宜以茵陳蒿泡飲代茶。則病易痊。可。以其能利濕熱。退黃色也。

三、正氣虛弱。陽黃病愈後。兒正氣虛弱。精神疲憊。舌苔光薄。久不復元。調養之法。宜服人參穀芽和胃湯。

【陰黃類】

【病源】

脾濕腎寒。脾腎兩虛。寒濕阻滯。

蘊遏成黃。其色黑滯。是謂陰黃病。

【病狀】

身冷如冰。陰黃病遍身面目皆黃。其色暗滯。口不渴。身冷如冰。膚粟。

胸痞。腹滿。踈臥。自汗自利。小便赤少。

【變症】

面如煙薰。陰黃病失治。寒氣深重。正氣衰微。黃疸變黑。面如煙薰。形體削瘦。手足逆冷而麻木。飯食不思。汗出如淋。危在目前也。

【療法】

一、身冷如冰之療法。陰黃病遍身面目皆黃。其色暗滯。口不渴。身冷如冰。膚粟胸痞。腹滿踈臥。自汗自利。小便赤少。溫脾去黃。茵陳理中湯主之。溫腎去黃。茵陳四逆湯主之。

二、面如煙薰之療法。陰黃病失

治。寒氣深重。正氣衰微。黃疸變黑。面如煙薰。形體消削。手足逆冷而麻木。飯食不思。汗出如淋。危在目前也。姑

與四逆湯。聊盡人事。未必有效。

【調養】

一、忌食水果。陰黃病忌食生冷水果。肥甘厚味。雞鵝羊肉。蝦蟹海腥等物。

二、不可汗下。陰黃病屬虛症。切忌汗下。否則傷其津液。虛其陽氣。必成逆症。無可救藥。

三、補其正氣。陰黃病愈後。兒正氣虛弱。精神疲困。久不復元。治宜補正。脾虛者。白朮散主之。腎虛者。六味地黃丸主之。

結論

黃疸由於濕熱交結。膽熱液泄。與胃之濁氣相併。上不得越。下不得泄。蒸蒸鬱遏。侵於脾肺。則身目俱黃。流

於膀胱。則溺色變赤。若身黃而鮮明者。此熱勝而屬於陽也。其治在胃。身黃而晦暗者。此濕勝而屬於陰也。其治在脾。若傷寒表邪。天行時疫而發黃者。此外感也。食飲致傷而發黃者。此內傷也。濕在上者。以辛散之。以風勝之。茵陳麻黃湯是也。濕在下者。以苦泄之。以淡滲之。茵陳五苓散是也。汗後溺白者。須加調補。裏虛者宜建中。表虛者宜實衛。凡脈滑便堅氣實者。易治。脈虛澀而便利者難痊。痘毒入腹而喘滿者危。寸口近掌無脈。口鼻氣冷者。並不可治。脈微小小便利而不渴者生。脈洪大大便利而渴者死。至於身黃而全體痛者。當從濕治。非疸證也。

黃疸證各方淺解類

【陽黃類各方】

(一)茵陳麻黃湯(金鑑方)

茵陳蒿三錢。麻黃八分。

右以水三碗煮。取一碗。去渣。加黃酒一匙。分數次服之。

(淺解) 本方茵陳蒿去濕熱。退

黃疸。麻黃開表實。疏風邪。使病由汗而泄。陽黃病表實無汗。當服本方。以發其汗。

(二)茵陳蒿湯(傷寒論方)

茵陳蒿三錢。川大黃二錢。

梔子二錢。燈芯二尺。右以水三碗煮。取一碗。去渣。分數次服之。

(淺解) 本方以茵陳蒿去濕熱。

退黃疸。大黃。梔子。泄胃熱。通大便。陽黃病裏實。二便秘澀。腹滿者。當服本方下之。使黃從裏解也。

(三)茵陳五苓散(金匱要略方)

茵陳蒿三錢。赤茯苓二錢。

豬苓二錢。澤瀉二錢。白朮

二錢。(土炒) 肉桂五分。燈

芯二尺。

右以水三碗煮。取一碗。去渣。分數次服之。

(淺解) 本方以茵陳蒿去濕熱。

退黃疸。二苓。澤瀉。利濕熱。通小便。白朮建中氣。肉桂助氣化。則小溲通利。黃從小便去矣。陽黃病若表有汗。裏不便。祕腹滿。是表裏無證。不可汗下。

惟利小便。宜服本方。自有神效。

(四)人參穀芽和胃湯(冰玉堂驗方)

見吐病證各方淺解類。

【陰黃類各方】

(一)茵陳理中湯(張氏醫通方)

即於理中湯原方內加茵陳蒿

三錢。煎服各法。概依原方。(方

見初生諸病證(上)各方淺解

類)

【淺解】本方以理中湯原方補

中氣。助陽氣。加茵陳蒿利濕熱。退黃

疸。陰黃病由脾陽虛弱者。當服此方。

有神效也。

(二)茵陳四逆湯(張氏醫通方)

烏附塊三錢。乾薑一錢。甘

草一錢半。(炙) 茵陳蒿三

錢。

右以水三碗煮。取一碗。去渣。分數

次服之。

【淺解】本方重用附子。以溫腎

陽。乾薑溫脾陽。甘草補中氣。茵陳退

黃疸。陰黃病由腎陽虛者。當服此方。

神效。

(三)四逆湯(傷寒論方)

烏附塊三錢。乾薑一錢。甘

草一錢半。(炙)

右以水三碗煮。取一碗。去渣。分數

次服之。

【淺解】本方以附子、乾薑、溫陽

回陽。甘草和建中。陰黃病失治。汗

出如淋。手足逆冷。危在目前。速服本

方。以挽其命。服藥後。汗止厥回則生。

否則無效。

(四)白朮散(冰玉堂驗方)

見初生諸病證(下)各方淺解

類。

(五)六味地黃丸(錢乙方)

見疳病證各方淺解類。

癩疾證

總綱

一 何謂癩疾。

癩疾者。多因夏傷於暑。其氣舍於營內。至秋復感寒風。則營衛合邪而成癩。

二 癩疾發時。如何現狀。

癩疾發時。或先熱後寒。或先寒後熱。或熱去寒來。寒來熱去。往來不已。三 俗所謂胎癩。究係何病。

胎癩即癩疾。因小兒第一次病瘧。故名胎癩。於診斷上治療上。毫無關係。存而不問可也。

四 癩疾與傷寒驚風。當以何法辨別之。

癩疾與傷寒驚風。各不相同。不可誤治。否則必殆。切宜辨別。

熱瘧之燒熱。與傷寒無異。最難辨別。診時若無慧眼。以熱瘧作傷寒驚風治者。十有六七。致無辜小兒。死於非命者甚多。今將辨癩之祕法。宣布於左。切宜注意。

傷寒燒熱。每日到晚不減一分。不增一分。始終毫無間斷。只是平平而燒。不抽不驚。此乃傷寒之燒熱也。驚風燒熱。似乎傷寒。而多一抽掣。蓋由筋屬於肝。肝風動。故抽筋。肝風入脾。脾動痰。故驚。此乃驚風燒熱之辨也。熱瘧燒熱。其辨別法。在飲滾茶滾湯。或大哭大叫。頭面上必有汗。一有汗。燒熱即退二三分。少頃又復原狀。

便是熱瘧。此一辨也。

自早至夕。必有一時更甚。或眼泛去。或手足掣一掣。出汗燒熱即退。獨腹上不退。少頃又燒。每日皆然。定是熱瘧。此一辨也。

熱瘧面色非黃似黃。非白似白。精采似倦非倦。面皮憔悴。而無潤澤。毛孔爽爽。而不直豎。兩眼瞳人。像無病的光景。熱瘧昭然。此病多生於五六月七八九月之間。

五 瘧疾失治。有無危險。

瘧疾失治。邪勢日深。正氣日虛。晝發者變為夜發。每日作者。變為間日作。此時也。邪已深入脊骨間。變為三陰瘧。久久不愈。則邪積成塊。而成癧母。或成駝脹。則為瘧鼓。或肌肉消瘦。

面色萎黃。則成疴病。俱有生命危險也。

寒瘧風瘧類

【病源】

一、先傷於寒。後傷於風。寒多熱少。身無汗者。謂之寒瘧病。

二、先傷於風。後傷於寒。熱多寒少。身有汗者。謂之風瘧病。

【病狀】

口俱不渴。寒瘧病寒熱往來。寒多熱少。遍身疼痛。身無汗。舌苔白膩。口不渴。

風瘧病寒熱往來。熱多寒少。遍身疼痛。身有汗。舌苔白膩。口不渴。

【變症】

變為三陰瘧 寒瘧風瘧失治。甚

發者變為夜發。日作者變為間日作。此時也。邪已深入。伏於脊脊。變為三陰瘧也。

【療法】

一、口俱不渴之療法 寒瘧病寒熱往來。寒多熱少。遍身疼痛。身無汗。舌苔白膩。口不渴。麻黃羌活湯主之。

風瘧病寒熱往來。熱多寒少。遍身疼痛。身有汗。舌苔白膩。口不渴。桂枝羌活湯主之。

二、變為三陰瘧之療法 寒瘧風瘧失治。晝發者變為夜發。日作者變為間日作。此時也。邪已深入。伏於脊脊。變為三陰瘧也。宜服小柴胡湯。導邪外出。口渴者。加天花粉。若服小柴胡數劑後。瘧猶未止者。宜加常山、樛

榔、烏梅截之。或以三陰瘧疾腎貼臍上。俱有神效。

瘧久不愈。形體虛者。必見面色慘淡。唇口淡白。四肢困倦。神氣萎靡。睡臥露眼。項軟不直。自汗煩渴等症。宜峻補之。當常服補中益氣湯。服至病愈。正氣復元為度。切不可服絲毫剋伐藥。

【調養】

一、熱未全退不可飲食 寒瘧病風瘧病熱未全退。切不可飲食。必俟熱已退盡。方可食之。不然恐成癰積。寒瘧病風瘧病忌食生冷黏滑。肉麵五辛。豆腐、雞、鰻、蟹、海腥、臭惡等物。

二、瘧疾服藥法 寒瘧病風瘧病

服藥法。須在未發兩時前服之。熱全退後。再服之。一劑藥分二次服之。如此服法。病易痊可。以病將發未發時服之。邪勢正欲外達。服藥後可乘勢導邪外出。已發後服。則病因發後。勢已搖動。再以藥力攻之。根全拔矣。此種服法。一般瘧疾。俱當如此。不獨本病也。若瘧正發時。不可服。恐藥病交爭。轉為深害。

三、截瘧不可太早 寒瘧病風瘧病久不愈。宜以截瘧法截之。然截瘧不可太早。早則邪氣閉塞。而成壞症。又不可太遲。遲則元氣衰憊。而成怯症。當在三四發後。截之為妙。

溫瘧類 (俗名熱瘧)

【病源】

冬受非時之邪 冬受非時之邪。伏藏骨髓之中。至春夏濕熱氣蒸而發。其症但熱不寒。是謂溫瘧病。

【病狀】

身無寒但熱 溫瘧病身無寒但熱。口中渴。舌紅燥。小溲黃赤。自汗。(餘參閱總綱)

【變症】

一、變為瘧母瘧 溫瘧病熱勢未退。遽進飲食。致令積結不化。腹中生痞塊。其瘧久久不愈。是謂瘧母。溫瘧病失治。日久不愈。脾氣大虛。遂令腹脹如鼓。或四肢腫脹。是謂瘧癥瘕。

二、變為疴病 溫瘧病失治。其瘧久久不已。正氣大傷。面色萎黃。肌肉

消瘦。飲食減少。將變疴病也。

【療法】

一、身無寒但熱之療法 溫瘧病身無寒但熱。口中渴。舌紅燥。小溲黃赤。自汗。銀翹散主之。若口渴甚。大汗出。面赤惡熱。脈浮洪者。白虎湯主之。若脈浮大而孔。汗大出。微喘。甚至鼻孔煽者。白虎加人參湯主之。

溫瘧病身無寒但熱。若兼見骨節煩疼。時吐。舌苔微白。口中不渴。或渴而飲水不多。或口中欲飲水而胸中不欲水。脈如平時。並不洪數。白虎加桂枝湯主之。

二、變為瘧母瘧之療法 溫瘧病熱勢未退。遽進飲食。致令積結不化。而生痞塊。其瘧久久不愈。是謂瘧

母實者建母丸主之。或小柴胡湯加
繁甲、蓬朮、桃仁主之。亦可。虛者宜補
中益氣湯加繁甲主之。

溫瘧病失治。日久不愈。脾氣大虛。

遂令腹脹如蠱。是謂瘧。補中益氣
湯加繁甲主之。若四肢腫脹。是謂瘧
腫。宜胃苓丸五皮湯合方主之。不消

者。宜六君子湯加薑、桂、砂仁。四肢冷

者。加附子。

三、變為疳病之療法

溫瘧病失
治。其瘧久久不已。正氣大傷。面色萎

黃。肌肉消瘦。飲食減少。將變疳病也。

宜以平瘧養脾丸調之。多服自愈。

【調養】

一、忌食辛辣 溫瘧病忌食辛辣

香燥。煎炒炙爆。雞鵝豆腐。蝦蟹海腥。

生冷黏滑。肉麵五辛臭惡等物。

二、宜服參鬚湯 溫瘧病愈後。如

無他證。但正氣虛弱。調養之法。當服
參鬚湯。

三、溫瘧服藥法 溫瘧病服藥法。

與寒瘧風瘧同。可以參閱。

食瘧類

【病源】

飲食無節 小兒飲食無節。復受

風暑之氣。以致寒熱交作。胸腹脹滿。

是謂食瘧病。

【病狀】

面黃惡食 食瘧病寒熱交作。胸

腹脹滿。痞悶不通。面黃惡食。

【變症】

變為疳母 食瘧病失治。其食積

結不化。久則腹中成痞塊。寒熱不已。
是謂瘧母。

【療法】

一、面黃惡食之療法 食瘧病寒

熱交作。胸腹脹滿。痞悶不通。面黃惡

食。輕者柴平湯主之。重者宜大柴胡

湯加檳榔、草果主之。久病虛者。六君

子湯加青皮、薑、桂主之。

二、變為瘧母之療法 食瘧病失

治。其食積結不化。久則腹中成痞塊。

寒熱不已。是謂瘧母。繁甲煎丸主之。

虛甚者宜補中益氣湯加繁甲、麥芽

主之。

【調養】

一、忌食不易消化之物 食瘧病

飲食宜有節制。忌食不易消化之物。

如栗子、芋、白果等。

二、以麥芽代茶。食瘧病口中渴。宜以麥芽煎湯代茶。則病易痊。可以其能消食化積也。

三、宜和胃氣。食瘧病愈後。兒胃氣虛弱。納食減少。面色萎黃。精神疲倦。調養之法。宜服人參穀芽和胃湯。

瘧疾瘧飲類

【病源】

多食瓜果油麪。夏月多食瓜果油麪。或乘涼飲冷。結成痰飲。復受外邪。邪與痰飲。凝結脾胃。發為寒熱。是謂瘧疾瘧飲病。

痰與飲之辨別。濃厚者為痰。稀薄者為飲。

【病狀】

胸痞嘔吐。瘧疾瘧飲病寒熱不已。胸痞嘔吐。頭痛肉跳。

【變症】

形體消瘦。瘧疾瘧飲病失治。寒熱不已。嘔吐益頻。脾胃大傷。形體消瘦。飯食不思。精神短少。將成疴病也。

【療法】

一、胸痞嘔吐之療法。瘧疾瘧飲病寒熱不已。胸痞嘔吐。頭痛肉跳。宜用清脾飲和之。痰盛者本方加橘紅倍半。夏飲盛者加蒼朮茯苓。若兒氣已虛弱。更當加人參以扶其正。

二、形體消瘦之療法。瘧疾瘧飲病失治。寒熱不已。嘔吐益頻。脾胃大傷。形體消瘦。飯食不思。精神短少。將成疴病也。宜以平瘧養脾丸調之。多

服自愈。

【調養】

一、忌食生冷。瘧疾瘧飲病忌食生冷水果。黏滑肉麵。雞、鰻、蟹、海腥等物。

二、宜以橘紅泡飲代茶。瘧疾瘧飲病口中渴者。宜每日以橘紅二錢泡飲代茶。則病易痊。可以其能化痰消飲也。

三、宜服六君子湯。瘧疾瘧飲病愈後。兒正氣虛弱。精神疲乏。久不復元。調養之法。宜常服六君子湯。

結論

瘧疾者。多因夏傷於暑。其氣舍於營內。至秋復感寒風。則營衛合邪而成瘧。發時或寒或熱者。陰陽相並也。

每日作者。因初病邪氣尚淺。伏藏於營。隨經絡而行故也。其間日作者。因邪已深入脊骨間。伏藏於衝脈故也。其晝發者。因邪在三陽之淺。夜發者。因邪在三陰之深。瘧將退者。亦由夜而晝。由間日而至每日。此爲去陰就陽。由深而淺。其病欲已也。

瘧之止發有定期。其間有一日。間日。二三日者。此臟氣有盛衰。邪之輕重不等也。發於夏至後處暑前者。三陽受病。傷之淺而暴也。發於處暑後冬至前者。三陰受病。傷之遠而深也。發於子後午前者。陽分受病。易愈。發在午後子前者。陰分受病。難愈。尤當以寒熱多寡。稟受強弱而參之。則得矣。

瘧疾之證。始而呵欠。繼而足冷。面色青黃。身體拘急。戰慄。頭項腰脊俱痛。寒去未已。內外皆熱。頭痛而渴。但欲飲水。嘔惡煩滿。而不嗜食者。皆其候也。

治療之法。宜分初中末三期。初則疏之。謂邪氣初中。正氣未傷。略與疎解。即驅之使去。不可養以成患也。中則和之。謂邪氣漸入。正氣漸傷。或於補中加截藥。或於截中加補藥。務適其中。以平爲期。末用補法。謂邪入不去。正氣已衰。當補其脾胃爲主。使正氣復發。則邪不攻自退。凡此皆治瘧之總訣也。

瘧法證各十方淺解類
【寒濕風瘧類各方】

(一) 麻黃羌活湯 (金鑑方)
麻黃六分。羌活一錢。防風一錢。生甘草五分。生薑三片。

右以水二碗。煮取一碗。去渣。分數次服之。

(淺解) 本方以麻黃爲君。味辛苦性溫。專入肺家。衛分。疏散風寒。達表。使由汗而出。寒瘧病寒邪固束。無汗。非用此辛散之。則寒邪不能解也。佐以羌活防風。和以甘草。使以生薑。則邪氣盡拔。癘自瘥也。

(二) 桂枝羌活湯 (金鑑方)
羌活一錢。防風一錢。桂枝六分。生甘草五分。生薑三片。

右以水二碗煮。取一碗。去渣。分數次服之。

〔淺解〕 本方以桂枝爲君。味辛

甘性熱。由衛入營。宣腠理。溫經達絡。散風寒。風癩病風邪固束。有汗。非用此辛散之。則風邪不能解也。佐以羌活防風。和以甘草。使以生薑。則邪氣盡拔。瘡自瘥也。

〔三〕小柴胡湯（傷寒論方）

柴胡八分。黃芩一錢。人參

一錢。炙甘草五分。生薑一

錢。半夏二錢。（薑製）大

棗四枚。

右以水三碗煮。取一碗。去渣。分數

次服之。

〔淺解〕 本方以柴胡爲君。考柴

胡味微苦。性微寒。轉旋樞機。疏散結氣。升透伏邪。寒瘧風瘧失治。邪勢深

入。春脅。變爲三陰瘧。非以此藥透舉

之。則不貽外達也。用半夏。生薑化痰

飲。降逆氣。以止嘔吐。黃芩清熱。人參

甘草。大棗。和中補虛。

寒瘧風瘧失治。晝發者。變爲夜發。

日作者。變爲間日作。此時也。邪已深

入。伏於春脅。變爲三陰瘧也。宜服此

方。導邪外出。自可痊愈。

〔加減法〕 若胸中煩而不嘔者。

去半夏。加入人參。加枳實一枚。若渴者。

去半夏。加入人參。合前成一錢半。天花

粉二錢。

若腹中痛者。去黃芩。加芍藥二錢。

若胸中痞硬。去大棗。加牡蠣三錢。

若心下悸。小便不利者。去黃芩。加白茯苓三錢。

若不渴。外有微熱者。去人參。加桂

枝六分。溫覆取微似汗愈。

若咳者。去人參。大棗。生薑。加五味

子五分。乾薑八分。

若服小柴胡數劑後。瘧猶未止者。

宜加常山一錢。尖檳榔一錢。肥烏梅

三枚。截之。

〔四〕三陰瘧疾膏（驗方）

麝香一分五釐。冰片一錢。

附子二錢。（生漂曬乾）白

胡椒一錢五分。肉桂一錢五

分。公丁香一錢。

右研爲極細末。用小傷膏一張。上

藥末一分。於發日五更空腹未發之

時。烘熱貼於臍上。手揉百轉。匝去片時。方可食物。本日切勿多飲湯水。忌食生冷。油膩。蛋。麪。羹。半。魚。腥。發物。

〔淺解〕 本方附子。肉桂。胡椒。丁香。溫陽散寒。麝香。冰片。散滯辟穢。寒

瘧風癘疾治。日久不愈。變為三陰瘧。此邪入陰分。寒氣深重。用此扶陽祛寒。散陰辟穢之品外治。則瘧自瘥。而正氣不傷。法至善也。

〔五〕補中益氣湯（李東垣方）

炙黃耆一錢。人參一錢。雲

朮一錢。（炒） 炙甘草五分。

陳皮五分。當歸一錢。升

麻五分。柴胡五分。生薑三

片。大棗二枚。

右以水三碗煮。取一碗。去渣。分數

次服之。

〔淺解〕

本方以人參。黃耆。雲朮。甘草。大棗。和中補氣。當歸和血補血。陳皮利氣行滯。使補而不滯。升麻。柴胡。升其清陽。使不下陷。兼能透泄伏邪。瘧久不愈。見面色慘淡。唇日淡白。四肢困倦。神氣萎靡。睡臥露睛。項軟不直。自汗煩渴等症者。此正氣衰微。內有伏邪也。速服此方。補而透之。則正旺邪卻。病自除根。神效。

〔溫瘧類各方〕

（一）銀翹散（溫病條辨方）

見瘧疫證各方淺解類。

（二）白虎湯（傷寒論方）

見暑病證各方淺解類。

（三）白虎加人參湯（傷寒論方）

見暑病證各方淺解類。

（四）白虎加桂枝湯（傷寒論方）

即於白虎湯原方內加桂枝七分。煎服各法。概依原方。（方見暑病證各方淺解類）

暑病證各方淺解類）

〔淺解〕 本方以桂枝泄風邪。治

骨節煩疼。白虎湯原方清解熱邪。桂枝味辛熱。與石膏之甘寒相合。則但能泄風不能發揮其燥烈之性。石膏得桂枝。則清而不滯。無胸悶泛嘔之虞。此寒熱互用。燥潤並行。以收奇功。乃設方之最精妙者也。

（五）小柴胡湯加紫甲蓬朮桃仁方（金鑑方）

即於小柴胡湯原方內加紫甲二錢。蓬朮七分。桃仁二錢。煎服

各法。概依原方。(方見本證寒瘧風瘧類各方淺解)

〔淺解〕 本方以小柴胡湯原方和中補氣。領邪外出。加鱉甲、桃仁、蓬朮、破積消痞。溫瘧病熱勢未退。遽進飲食。致令積結不化。而生痞塊。其瘧久久不愈。是謂瘧母。宜服此方消散之。有神效也。

(六) 瘧母丸 (證治準繩方)

醋炙鱉甲二兩。 三棱一兩。

(醋浸透煨) 蓬朮朮一兩。

(醋浸透煨)

右共研細末。神精糊爲丸。如菉豆大。小兒每服十九至十五丸。大兒每服二十九至二十五丸。熱湯送下。

〔淺解〕 本方鱉甲、三棱、菉朮、破

積消痞。瘧久不愈。成瘧母。腹中有積塊。宜服此攻消之。病自瘥也。惟本方藥味峻烈。實者宜之。虛者非所宜也。

(七) 補中益氣湯加鱉甲方 (李東垣方)

即於補中益氣湯原方內加鱉甲二錢。煎服各法。概依原方。

(方見本證寒瘧風瘧類各方淺解)

〔淺解〕 本方以補中益氣湯原方補中益氣。加鱉甲以散瘀行癰。溫瘧病失治。成瘧母。而兒形體虛弱。不堪右方之攻逐。宜服本方。緩緩取效。

(八) 胃苓丸五皮湯合方 (證治準繩方六科準繩方)

廣陳皮一錢。 炒白朮一錢。
生薑皮二錢。 大腹皮二錢。
茯苓皮二錢。 桑白皮二錢。
五加皮二錢。 豬苓一錢。 澤瀉一錢。 炙甘草五分。 上青桂五分。 燈芯十根。 大棗三枚。
右以水四碗煮。取一碗。去渣。分數次服之。

〔淺解〕 本方以白朮、甘草、中補脾。蒼朮、厚朴、陳皮、生薑皮、大腹皮、五加皮、利氣行滯。兼化濕邪。豬苓、茯苓、澤瀉、利水消腫。用上青桂者。藉其辛熱之性。蒸動膀胱。以利氣化。則小便自通。腫自消也。方內多用皮者。以皮入皮。消皮內水腫也。

(九)六君子湯加靈桂砂仁方
(局方)

即於六君子湯原方內加乾薑
八分。炙桂枝八分。春砂仁八分。
煎服各法。概依原方。(方見痢
病證各方淺解類)

〔淺解〕 本方以六君子湯和中
補脾。加乾薑。桂枝。砂仁。溫陽利氣。以
消腫脹。溫瘧病失治。或過服涼藥。日
久不愈。脾氣大虛。陽氣大困。遂令腫
脹。速服本方。補其虛弱。扶其陽氣。行
其阻滯。腫自消也。溫瘧病失治。成瘧
腫。服胃苓丸五皮湯合方不效者。屬
虛。當服本方。

(一〇) 平瘧養脾丸(局方)
官揀參一兩。(切片焙乾)

瘧疾 雜

漂白朮一兩。(土炒) 白茯苓一兩。(乳蒸) 眞廣皮一兩。(醋炒) 杭青皮一兩。(醋炒) 法半夏一兩。(焙乾) 漂蒼朮一兩。(炒) 紫川朴一兩。(薑製) 北柴胡一兩。(酒炒) 嫩黃耆一兩。(蜜炙) 豬苓一兩。(炒) 澤瀉一兩。(炒) 嫩桂枝一兩。(焙) 小常山一兩。(炒) 大鱉甲一兩。(醋炙) 川芎一兩。(酒炒) 甘草一兩。(炙) 草菓一兩。(薑製)
右共爲細末。酒煮麪糊爲丸。米粒大。每服一二錢。米飲下。久瘧體虛者。非此不能愈。

〔加法〕 有痞塊者。加三稜一兩。莪朮一兩。

〔淺解〕 本方人參。白朮。黃耆。甘草。和中養脾。廣皮。青皮。半夏。蒼朮。川朴。化痰消飲。榮利氣滯。茯苓。豬苓。澤瀉。利水滲濕。鱉甲。破結。川芎。活血。柴胡。桂枝。透邪外出。常山。草菓。截瘧除痰。此方補中有行。補而不滯。透中有截。透而不傷。乃久瘧之良方也。

(一一) 參鬚湯(冰玉堂驗方)
見初生諸病證(上)各方淺解類。

【食瘧類各方】

(一) 柴平湯(傷寒方局方)
柴胡八分。黃芩一錢。陳皮一錢。半夏二錢。(薑製) 蒼

朮一錢。(米泔水浸炒) 厚

朴一錢。(薑炒) 甘草五分。

人參一錢。生薑二片。紅

棗二枚。

右以水二碗煮。取一碗。去渣。分數

次溫服。

〔淺解〕 本方陳皮、半夏、蒼朮、厚

朴。化濕消痰。柴胡泄熱。黃芩清熱。人

參、甘草和中補正。

(二) 大柴胡湯加枳榔、草果方

(驗方)

即於大柴胡湯原方內加枳榔

一錢。草果一錢。煎服各法。概依

原方。(方見感冒證各方淺解

類)

〔淺解〕 本方以大柴胡湯原方

消食逐積。加枳榔以利氣。草果以除

痰。兼以截瘧。食癯病寒熱交作。胸腹

脹滿。痞悶不通。面黃惡食。輕者柴平

湯主之。重者宜服本方。

(三) 六君子湯加青皮、薑、桂方

(局方)

即於六君子湯原方內加青皮

一錢。生薑一錢。桂枝一錢。煎服

各法。概依原方。(方見癰病證

各方淺解類)

〔淺解〕 食癯病失治。久病體虛。

不堪攻消。當服本方。以六君子和中

補脾。加青皮以利氣化積。生薑、桂枝

宣寒行滯。則正氣不傷。食自消而瘥

自瘥也。

(四) 鱉甲煎丸(金匱方)

鱉甲一兩二錢。(炙) 烏扇三

兩。(燒) 黃芩三兩。柴胡六

兩。鼠婦三兩。(熬) 乾薑

二兩。大黃三兩。芍藥五兩。

桂枝一兩。葶藶一兩。(熬)

石韋三兩。(去毛) 厚朴

三兩。牡丹五兩。(去心)

瞿麥二兩。紫威三兩。半夏

一兩。人參一兩。蟅蟲五兩。

(熬) 阿膠三兩。蜂窠四

兩。(炙) 赤消一兩二錢。

蟻娘六兩。(熬) 桃仁二兩。

右二十三味爲末。取煨炆下灰十

碗。清酒一百五十碗浸灰。候酒盡一

半。著鱉甲於中煮令泛爛如膠。絞

取汁。納諸藥煮爲丸。如粟米大。空心

服十九日二服。

〔淺解〕 瘧邪伏於營血之中。衛氣會而始發。故久則營血結聚而為瘧母。衛氣不通而為留痰。是血為瘧母之主。痰屬衛氣所生。乃瘧母之兼有者也。故治瘧母以攻利營血為主。而行痰降氣為補。知此則知仲景此方破血之藥所以獨多。總是治營以通衛也。

〔五〕補中益氣湯加鱉甲麥芽方
〔李東垣方〕

即於補中益氣湯原方內加鱉甲二錢。麥芽三錢。煎服各法。概依原方。（方見本證寒瘧風癩類各方淺解）

〔淺解〕 本方以補中益氣湯原

瘧 疾 類 集

方。補中益氣。加鱉甲以散瘀行癰。麥芽以消食化積。食癰病失治。其食積結不化。久則腹中成痞塊。寒熱不已。是謂瘧母。兒體虛弱。不堪攻消。宜服本方。可緩緩取效。

〔六〕人參穀芽和胃湯（冰玉堂驗方）

見吐病證各方淺解類。

【瘧疾瘧飲類各方】

〔一〕清脾飲（濟生方）

青皮八分。厚朴八分。（薑製）白朮一錢。草果仁八分。柴胡八分。（去蘆）白茯苓二錢。（去皮）黃芩一錢。半夏一錢。（湯洗七次）甘草五分。生薑三片。大棗一

枚。

右以水二碗煮。取一碗。去渣。未發前服。忌食生冷油膩等物。

〔加法〕 痰盛者。本方加橘紅一錢。倍半夏。

飲盛者。加蒼朮八分。倍茯苓。

氣虛者。加人參一錢。

氣實者。加檳榔八分。

熱多者。加生石膏三錢。

汗多者。加桂枝六分。

〔淺解〕 瘧為小陽病。兼太陽表者。麻桂各半湯主之。兼陽明裏者。大柴胡湯下之。若不兼表裏。或已汗下而仍作者。當從少陽和解法。是方以小柴胡、四君、二湯合劑。清少陽而顧及於脾。故名清脾也。減人參者。以氣

不虛也。加草果、厚朴者。輸胃之積也。加青皮、佐茯苓、半夏者。破痰之原也。所謂無痰不成瘧。無積不成瘧也。若夫氣虛者。仍加人參、氣實者。更加枳椇。熱多者。加石膏。汗多者。加桂枝。自當臨病斟酌之。

(二) 平瘧養脾丸 (局方)

見本證溫瘧類各方淺解。

(三) 六君子湯 (局方)

見瘧病證各方淺解類。

發熱證

總綱

一 何謂發熱。

小兒四肢身體有熱。是謂發熱。

二 發熱證共分幾類。

一 表熱。

二 裏熱。

三 虛熱。

四 實熱。

三 發熱證諸病之主要治法如何。

一 表熱——十神湯。

二 裏熱——調胃承氣湯。

神倦氣乏——補中益氣湯。

氣湯。

三 虛熱——口渴引飲而嘔——竹

葉石膏湯。

陰盛格陽——白通湯。

四 實熱——涼膈散。

四 發熱證諸病之調養法如何。

發熱證諸病。忌食辛辣香燥煎炒炙爆蝦蟹海腥雞鵝羊肉等物。

五 發熱失治有何變症。

發熱係重病。不可輕視。失治則熱久不愈。傷及正氣。每每不及救治而死。

表熱類

【病原】

外感寒邪 小兒外感寒邪。遂令身體發熱。是謂表熱病。

【病狀】

發熱惡風 表熱病發熱惡風惡

寒。頭疼身痛。無汗。脈象浮數。

【變症】

邪熱傳裏 表熱病失治。表熱傳裏。熱勢益熾。口渴心煩。舌燥唇焦。二便祕結。

【療法】

一 發熱惡風之療法 表熱病發熱惡風惡寒。頭疼身痛。無汗。脈象浮數。十神湯主之。若兼內熱者。雙解通聖湯兩解之。

二 邪熱傳裏之療法 表熱病失治。表熱傳裏。熱勢益熾。口渴心煩。舌燥唇焦。二便祕結。脈實有力者。調胃承氣湯下之。脈虛無力者。白虎湯主之。黃連解毒湯亦主之。

【調養】

一、忌食辛辣。表熱病忌食辛辣香燥。煎炒炙爆。雞鵝羊肉等物。

二、宜避風邪。表熱病宜避風邪。

三、花粉代茶。表熱病兒口中渴甚。調養之法。宜以花粉煮湯代茶。渴自止也。

裏熱類

【病源】

肥甘過度。小兒肥甘過度。必生內熱。以致發熱。是謂裏熱病。

【病狀】

發熱蒸蒸。裏熱病發熱蒸蒸。小便赤澀。面赤唇焦。舌燥而渴。脈實有力。

【變症】

熱瀉陰液。裏熱病失治。其熱益

盛。身熱如灼。小便如血。唇焦舌乾。口大渴。譫語狂妄。大便不通。此熱瀉陰液也。

【療法】

一、發熱蒸蒸之療法。裏熱病發熱蒸蒸。小便赤澀。面赤唇焦。舌燥而渴。脈實有力。先以調胃承氣湯下之。

不愈用白虎湯。或黃連解毒湯清之。

二、熱瀉陰液之療法。裏熱病失治。其熱益盛。身熱如灼。小便如血。唇焦舌乾。口大渴。譫語狂妄。大便不通。此熱瀉陰液也。清熱救陰煎主之。

【調養】

一、忌食蝦蟹。裏熱病忌食辛辣香燥。煎炒炙爆。雞鵝羊肉。蝦蟹海腥等物。

二、衣被不可過暖。裏熱病人衣被不可過暖。犯之。每令發狂奔走。

三、宜服麥冬和胃湯。裏熱病愈後。陰液虛少。久不復元。時時咽乾口燥。調養之法。宜服麥冬和胃湯。

虛熱類

【病源】

氣血虛弱。小兒病後。氣血虛弱。營衛尚未調勻。遂令發熱。是謂虛熱病。

【病狀】

神倦氣乏。虛熱病身體微發熱。並無蒸蒸之象。神倦氣乏。面色萎黃。若陰盛格陽。外浮發熱者。其面色雖赤。然小便必清白。四肢必厥逆。

【變症】

延入損途。虛熱病失治。兒形體愈虛。肌肉消瘦。精神疲乏。毛髮乾稀。入夜身熱。口唇乾燥。此必延入損途。變爲疳病也。

【療法】

一、神倦氣乏之療法。虛熱病身體微發熱。並無蒸蒸之象。神倦氣乏。面色萎黃。宜用補中益氣湯治之。若兼口渴引飲而嘔者。宜用竹葉石膏湯治之。若陰盛格陽。外浮發熱者。其面色雖赤。然小便必清白。四肢必厥逆。宜用白通湯收飲陽氣。熱退自愈。

二、延入損途之療法。虛熱病失治。兒形體愈虛。肌肉消瘦。精神疲乏。毛髮乾稀。入夜身熱。口唇乾燥。此必

延入損途。變爲疳病也。人參黃耆湯主之。參苓白朮散亦主之。

【調養】

一、忌服汗藥。虛熱病忌服一切發汗藥。如麻黃、桂枝、防風、紫蘇、荆芥、牛蒡、薄荷、浮萍等。犯之。每令汗出如雨而死。

二、忌食蝦蟹。虛熱病忌食辛辣香燥。蝦蟹海腥。

三、常服四君子湯。虛熱病愈後。兒宜常服四君子湯。大健中氣。使病不復發。

實熱類

【病源】

有餘積熱。小兒有餘積熱。以致午後潮熱蒸蒸。是謂實熱病。

【病狀】

肚腹脹滿。實熱病午後潮熱蒸蒸。有汗。肚腹脹滿。小便赤。大便難。煩渴啼叫。口舌生瘡。腮頰紅赤。脈洪數有力。

【變症】

舌乾唇燥。實熱病失治。其熱益劇。大便艱難。肚腹脹痛。舌乾唇燥。口渴甚。此熱傷陰液。殊爲危殆也。

【療法】

一、肚腹脹滿之療法。實熱病午後潮熱。蒸蒸有汗。肚腹脹滿。小便赤。大便難。煩渴啼叫。口舌生瘡。腮頰紅赤。脈洪數有力。法宜清熱通利。時時熱者。涼膈散主之。午後潮熱者。大柴胡湯主之。

二、舌乾唇燥之療法 實熱病失治。其熱益劇。大便艱難。肚腹脹痛。舌乾唇燥。口渴甚。此熱傷陰液。殊為危殆也。清熱救陰煎主之。

【調養】

一、忌食辛辣 實熱病忌食辛辣香燥。煎炒炙爆。肥甘厚味等物。

二、宜服五汁 實熱病兒口中渴甚。飲不解渴。調養之法。宜服五汁飲。

結論

凡病鮮有不發熱者。而內傷外感。為一大關鍵。辨之不清。則施治立誤。外感發熱。寒熱齊作而無間。內傷發熱。寒熱交作而不齊。外感手背熱。手心不熱。內傷手心熱。手背不熱。治熱之法。須辨真假。真熱則發熱惡寒。脈

數有力。按之更實。必見煩躁口渴。大便燥。小便赤澀。發言壯厲。不欲近衣。

下利臭水等證。假熱亦發熱惡寒。而足必不熱。脈大而虛。按之微弱。身雖熾熱。而不躁不渴。或雖虛狂躁。渴而不引飲。發過即止。終不及真熱之聲高啼叫也。

發熱之脈必數浮。數為表熱。沈數為裏熱。無力為虛熱。有力為實熱。滑數為心下結熱。緩滑為熱中。牢為脾胃盛熱。發熱而脈反沈細。或數疾無力。為病脈相反。不治。

病熱而心脈洪者生。脈浮而濇。瀉而身有熱者死。熱而脈靜者難治。脈盛汗出不解者死。脈虛熱不止者死。脈弱四肢厥不欲見人。食不入。痢下

不止者死。

發熱證各方淺解類

【表熱類各方】

(一)十神湯(醫宗金鑑方)

升麻一錢。葛根一錢。麻黃八分。香附一錢(醋炒)。

陳皮一錢。蘇葉一錢。赤芍一錢。川芎一錢。白芷一錢。

生甘草五分。

右加入生薑三片。以水二碗。煮取一碗。去渣。頓服。

【淺解】 本方升麻、葛根、麻黃、蘇

葉、白芷、疏風泄邪。赤芍、川芎、活血。香附、陳皮、利氣。小兒發熱惡風惡寒。頭疼身痛。無汗。此屬表邪。宜服本方疏散之。

(一)雙解通聖湯(證治準繩方)

見感冒證各方淺解類。

(二)調胃承氣湯(傷寒論方)

大黃二錢。(去皮酒洗) 甘

草一錢。(炙) 芒硝二錢。

右咬咀清水三碗煮取一碗去渣。

納芒硝更上火微煮令沸。少少溫服。

〔淺解〕 經曰。熱淫於內。治以鹹

寒。火淫於內。治以苦寒。君大黃之苦

寒。臣芒硝之鹹寒。二味並舉。攻熱瀉

火之力備矣。更佐甘草之緩。調停於

大黃、芒硝之間。又少少溫服之。使其

力不峻。則不能速下。而裏熱自清矣。

(四)白虎湯(傷寒論方)

石膏八錢。(碎綿裹) 知母

三錢。甘草一錢。(炙) 粳

米三匙。

右以水五碗煮。米熟湯成。去渣。溫

服半碗。每日三次。

〔淺解〕 方中石膏辛寒。辛能解

肌熱。寒能勝胃火。寒性沉降。辛能走

外。兩擅內外之能。故以爲君。知母苦

潤。苦以瀉火。潤以滋燥。故以爲臣。用

甘草、粳米。調和於中宮。且能土中瀉

火。稼穡作甘。寒劑得之緩其寒。苦藥

得之化其苦。使沉降之性。皆得留連

於胃也。得二味爲佐。庶大寒之品。無

傷損脾胃之慮。煮湯入胃。輸脾歸肺。

水精四布。而大煩大渴可除。

(五)黃連解毒湯(證治準繩方)

黃連七錢五分。(酒洗炒)

黃柏五錢。(酒洗炒) 梔子

五錢。(炒) 黃芩一兩。

右剉散。每服五錢。清水一碗半煮。

至一碗。去渣。不拘時溫服。未愈再服。

〔淺解〕 本方以黃連解心經之

火毒。黃柏解腎經之火毒。黃芩解肺

經之火毒。梔子通瀉三焦之熱。使從

膀胱而出。凡表熱在三陽。裏熱在三

焦。太陽之邪。將及陽明。而未入腑成

實者。皆可用之。

【裏熱類各方】

(一)調胃承氣湯(傷寒論方)

見本證表熱類各方淺解。

(二)白虎湯(傷寒論方)

見本證表熱類各方淺解。

(三)黃連解毒湯(證治準繩方)

見本證表熱類各方淺解。

【四】清熱救陰煎（冰玉堂驗方）

鮮生地五錢。知母三錢。生石膏六錢。天花粉四錢。麥冬四錢。元參四錢。赤芍三錢。丹皮一錢。金銀花四錢。連翹四錢。

右以水三碗煮。取一碗。去渣。頓服。

【淺解】本方生地、元參、丹皮、赤芍、清血熱。潤腸通便。知母、石膏、清氣

熱。治譫語狂妄。花粉、麥冬生津救陰

以止口渴。銀花、連翹、清營退熱。

【五】麥冬和胃湯（冰玉堂驗方）

見感冒證各方淺解類。

【虛熱類各方】

見瀉病證各方淺解類。

（一）補中益氣湯（李東垣方）

見瀉病證各方淺解類。

【二】竹葉石膏湯（傷寒論方）

竹葉一把。石膏八錢。半夏二匙半。（湯洗）人參一錢半。甘草一錢。（炙）粳米二匙半。麥冬半碗。（去心）右以水五碗煮。取二碗。去渣。納粳米煮。米熟湯成。去米。溫服一碗。

【淺解】本方以竹葉清胃經血

分之熱。石膏清胃經氣分之熱。參、草

粳米、以補胃氣。麥冬以滋胃液。再以

半夏之辛溫和胃。以運化此寒涼滋

養之品。使有效力而不凝滯。則胃熱

可除。胃液可增。胃虛可復。而煩熱嘔

吐自平矣。

【三】白通湯（傷寒論方）

蔥白二莖。乾薑五分。附子

一錢半。

右以水一碗半煮。取半碗。去渣。分

二次溫服。

【淺解】此即四逆湯減甘草加

蔥白。主少陰水不交。中虛不運者。

用生附啓水臟之陽以上承於心。葱

白引君主之火以下交於腎。乾薑溫

中焦之土以通上下。上下交。水火濟。

則陽自潛而熱自退也。

【四】人參黃耆湯（冰玉堂驗方）

人參三錢。黃耆三錢。白朮

三錢。（土炒）炙甘草五分。

紅棗四枚。

右以水三碗煮。取一碗。去渣。頓服。

【淺解】本方人參、白朮、茯苓、甘

草、紅棗和中補脾。用黃耆者。補肌而

退熱。虛熱病失治。兒形體愈虛。肌肉消瘦。精神疲乏。毛髮乾稀。入夜身熱。口唇乾燥。此必延入損途。變爲疳病也。速服此方。自有神效。

(五) 參苓白朮散 (和劑局方)

見疳病證各方淺解類。

(六) 四君子湯 (太平惠民和劑局方)

見驚風證各方淺解類。

【實熱類各方】

(一) 涼膈散 (太平惠民和劑局方)

見驚風證各方淺解類。

(二) 大柴胡湯 (傷寒論方)

見感冒證各方淺解類。

(三) 清熱救陰煎 (冰玉堂驗方)

見本證裏熱類各方淺解。

(四) 五汁飲 (溫病條辨方)

梨汁。荸薺汁。鮮葦根汁。

麥冬汁。藕汁。

右五汁臨用時斟酌多少。和勻涼服。不甚喜涼者。重湯燉溫服。

〔淺解〕 本方五汁清熱滋陰。以

止口渴。

頭痛證

總綱

一 何謂頭痛。

頭部作痛。是謂頭痛。

二 頭痛證共分幾類。

共分一、風寒頭痛。
二類二、內熱頭痛。

三 頭痛證各病之主要治法如何。

一、風寒頭痛——清空膏。

二、內熱頭痛——加味茶調散。

四 頭痛病之調養法如何。

頭痛病宜避風寒。忌食雞鵝羊肉。

蝦蟹海腥。辛辣香燥。煎炒炙爆等物。

五 頭痛失治。有無危險。

頭痛失治。頭痛不已。漸漸連目。目

痛難忍。久視無所見者死。頭痛目痛。脈急短澀者死。頭痛失治者。頭痛甚。腦盡痛。手足冷至節者。謂之真頭痛。死不治。

風寒頭痛類

【病源】

感受風寒。風寒襲於太陽經。遂

令頭痛。是謂風寒頭痛病。

【病狀】

上及巔頂。風寒頭痛病其症惡

寒發熱。頭痛。上及巔頂。下連額角。不

時作痛。

【變症】

頭痛不已。風寒頭痛病失治。風

寒不解。頭痛不已。漸漸連目。目痛難

忍。久視無所覩者死。

【療法】

上及巔頂之療法。風寒頭痛病

其症惡寒發熱。頭痛。上及巔頂。下連

額角。不時作痛。法宜取汗。清空膏主

之。如痛甚者。於本方中加細辛。熱甚

便秘者。於本方中加川大黃。

【調養】

一、忌食雞鵝。風寒頭痛病忌食

生冷水果。雞鵝羊肉。蝦蟹海腥等物。

二、宜避風寒。風寒頭痛病宜避

風寒。

三、宜敷蕎麥散。風寒頭痛病頭

痛甚。宜以蕎麥散敷之。神效。

內熱頭痛類

【病源】

肥甘無節。小兒肥甘無節。胃火

上炎。而病頭痛。是謂內熱頭痛病。

【病狀】

鼻乾目痛 內熱頭痛病頭時痛。連及目。目亦痛。上至頭。下至齒頰。痛無定時。鼻乾。雖當嚴冬。猶喜風寒。略近溫煖。其痛即甚。

【變症】

痛不休止 內熱頭痛病失治。頭痛益甚。腦蓋痛。刻不休止。連及目。目痛如脫。手足冷至節。死不治。是謂真頭痛。

【療法】

鼻乾目痛之療法 內熱頭痛病頭時痛。連及目。目亦痛。上至頭。下至齒頰。痛無定時。鼻乾。雖當嚴冬。猶喜風寒。略近溫煖。其痛即甚。加味茶調

散清之。

【調養】

一、忌食辛辣 內熱頭痛病忌食辛辣香燥。煎炒炙爆。並戒肥甘雞鵝蝦蟹海腥等物。

二、以井泥貼太陽穴 內熱頭痛病宜以大黃芒硝各二錢。研為細末。用井底泥捏作餅貼兩太陽穴。痛即止。熱即解。神效。

三、室內宜通空氣 內熱頭痛病室內窗戶。宜開通之。使空氣新鮮。清涼爽快。則病自輕也。

結論

小兒頭痛之證不一。有在表在裏之分。在表者。外感風寒也。法宜疎散之。在裏者。內熱薰蒸也。法宜清解之。

調治得宜。則頭痛自除。

頭痛證各方淺解類

【風寒頭痛類各方】

(一) 清空膏 (李東垣方)

羌活一錢。防風一錢。柴胡八分。川芎一錢。黃芩一錢。黃連五分。生甘草五分。生薑三片。

右以水二碗煮。取一碗。去渣。分數次服之。

〔加法〕 痛甚加細辛五分。大便

祕加川大黃一錢半。

〔淺解〕 本方以羌活、防風、柴胡、疏風泄邪。黃連、黃芩、清熱。川芎和血。甘草和氣。風寒頭痛。法宜取汗。汗一出。邪即解也。當服本方。

〔二〕蕎麥散（驗方）

蕎麥六錢。

右一味。研爲細末。作餅貼兩太陽穴。

〔淺解〕 本方蕎麥疏風祛邪。善

治頭痛頭風。

【內熱頭痛類各方】

〔一〕加味茶調散（赤水玄珠方）

荊芥穗一錢。薄荷八分。黃

芩一錢。青茶葉一錢。生石

膏三錢。白芷一錢。川芎一

錢。生薑三片。

右以水二碗煮。取一碗。去渣。分數

次服之。

〔淺解〕 本方荊芥薄荷白芷川

芎。疏風泄邪。茶葉石膏。清熱泄火。內

熱頭痛病。內有熱而兼挾風也。當服

本方。疏風清熱治之。邪熱一解。其痛

卽瘳。

〔加法〕 大便秘。加川大黃一錢

半。

〔二〕井底泥敷方（蘭臺軌範方）

大黃二錢。芒硝二錢。

右二味。研爲細末。用井底泥捏作

餅。貼兩太陽穴。

〔淺解〕 本方以大黃芒硝。清解

胃熱。內熱頭痛病由陽明胃熱。熱氣

上攻使然。清泄其熱。則痛自瘳。引以

井底泥。藉其清涼之性。以拔熱收熱。

則功效益著。

吐病證

總綱

一 何謂吐病。

有物無聲。謂之吐病。

二 嘔吐噦三證。以何法辨之。

有聲有物曰嘔。

有聲無物曰噦。

有聲無物曰噦。

三 吐病何由而成。

吐病因諸逆上衝所致。其所以使

逆上之原因有八。

一 乳食過多。停滯中脘。致傷胃氣。

不能健運而上逆。

二 食時觸驚。停積不化而上逆。

三 痰飲壅盛。阻隔氣道。

吐病證

四 飢蟲擾亂。懷懷不安而上逆。

五 胃氣虛弱。不能消納乳食。

六 平素壯實。偶而停滯。

七 小兒過食生冷。或乳母當風取涼。使寒氣入乳。小兒飲之。則成寒吐。

八 小兒過食煎爆之物。或因乳母過食膏粱厚味。以致熱積胃中。而成熱吐。

凡此八因。俱令胃氣上逆。而成吐病。

四 吐病證各病之主要治法如何。

一 傷乳吐——消乳丸。保和丸。

二 傷食吐——三棱丸。

三 夾驚吐——截風——全蠍觀音散。

止吐——定吐丸。

化滯——和胃湯。

七 實吐——三一承氣湯。

六 虛吐——丁沉四君子湯。

五 蟲吐——熱者——化蟲丸。寒者——加減理中湯。

八 寒吐——胃微寒——薑橘散。胃寒甚——丁莫理中湯。

四 痰飲吐——香砂二陳湯。香砂六君子湯。

五 蟲吐——熱者——化蟲丸。寒者——加減理中湯。

六 虛吐——丁沉四君子湯。

七 實吐——三一承氣湯。

八 寒吐——胃微寒——薑橘散。胃寒甚——丁莫理中湯。

九 熱吐——加味溫膽湯。

五 吐病失治。有何變症。

小兒脾胃薄弱。吐病失治。每使脾胃益虛。肝木乘脾。而成慢脾風病。

傷乳吐吐類

【病源】

乳食過飽 生傷乳吐病之原因

一九九

有二(1)乳食過飽。停蓄胃中。(2)兒睡
啣乳。致脾不能運。胃不能受。滿而溢
出。凡此二因。俱令運化不及。吐多乳
片。是謂傷乳吐病。

【病狀】

肚腹膨脹。傷乳吐病吐多乳片。
猶如物盛滿而上溢。身熱面黃。肚腹
膨脹。

【變症】

手足抽掣。傷乳吐病失治。吐乳
不止。胃氣大傷。久久不已。令成慢驚
風。手足抽掣。時作時止。面色淡黃。或
青白相兼。睡臥露睛。脈來遲緩。神氣
慘慘。

【療法】

一、肚腹膨脹之療法 傷乳吐病

吐多乳片。猶如物盛滿而上溢。身熱
面黃。肚腹膨脹。治宜消乳丸。保和丸。
化其宿乳。安胃和中。吐自止也。

二、手足抽掣之療法 傷乳吐病

失治。吐乳不止。胃氣大傷。久久不已。
令成慢驚風。手足抽掣。時作時止。面
色淡黃。或青白相兼。睡臥露睛。脈來
遲緩。神氣慘慘。扶脾湯主之。

【調養】

一、首要節乳 傷乳吐病首要之

調養法。在節乳食。或暫斷其乳。

二、宜服四君子湯 傷乳吐病愈

後。兒脾氣虛弱。面色萎黃。精神疲憊。

調養之法。宜服四君子湯。自能漸漸

復元。

三、乳母不可服兒藥 傷乳吐病

兒服之藥。乳母不可代服。以內有山
查。麥芽。神糲。等回乳之品。誤服之。令
乳汁不下也。

傷食吐類

【病源】

飲食無節。小兒飲食無節。過食
油膩麵食等物。以致壅塞中脘。而成
吐病。是謂傷食吐病。

【病狀】

頻吐酸黏。傷食吐病時時嘔吐
酸黏。肚腹脹熱。惡食口臭。眼胞虛浮。
身體潮熱。

【變症】

肌肉消瘦。傷食吐病失治。其食
不消。其吐不已。久之。肌肉消瘦。身體
發熱。困倦喜睡。心下痞硬。乳食懶進。

睡臥喜冷好食泥土肚腹堅硬疼痛頭大頸細大便腥黏變爲脾疳也。

【療法】

一、類吐酸黏之療法 傷食吐病時時嘔吐酸黏肚腹脹熱惡食口臭眼胞虛浮身體潮熱先以三棱丸止其吐再用和胃湯化其滯而病漸愈矣。

二、肌肉消瘦之療法 傷食吐病失治其食不消其吐不已久之肌肉消瘦身體發熱困倦喜睡心下痞硬乳食懶進睡臥喜冷好食泥土肚腹堅硬疼痛頭大頸細大便腥黏變爲脾疳也治宜先攻其積用消疳理脾湯肥兒丸主之積退然後調理其脾以麥芽白朮散主之。

【調養】

一、忌食麵食 傷食吐病飲食宜有節制忌食油膩麵食等物。

二、宜服蓮肉補脾湯 傷食吐病愈後兒脾氣虛弱面色萎黃精神疲憊調養之法宜服蓮肉補脾湯。

三、不可過服消導藥 傷食吐病愈後一切消導剋伐之藥均當停服否則胃氣傷殘必變他病。

夾驚吐瀉類

【病源】

驚邪所觸 飲食之時忽被驚邪所觸因而致吐是謂夾驚吐病。

【病狀】

睡臥不寧 夾驚吐病頻吐青涎身體發熱心神煩躁睡臥不寧。

【變症】

睡臥露睛 夾驚吐病失治其吐久久不已心神煩躁睡臥露睛手足搐搦時作時止面色淡黃或青白相兼脈來遲緩神氣慘慘大便青色變爲慢驚風也。

【療法】

一、睡臥不寧之療法 夾驚吐病類吐青涎身體發熱心神煩躁睡臥不寧先用全蠍觀音散截其風次用定吐丸止其嘔而病可痊矣。

二、睡臥露睛之療法 夾驚吐病失治其吐久久不已心神煩躁睡臥露睛手足搐搦時作時止面色淡黃或青白相兼脈來遲緩神氣慘慘大便青色變爲慢驚風也扶脾湯主之。

【調養】

一、忌受驚嚇 夾驚吐病勿使受驚嚇。

二、忌食煎炒 夾驚吐病忌食煎炒炙爆。生冷水果。苻梁厚味等物。

三、宜和中氣 夾驚吐病愈後。精神疲憊。面色萎黃。調養之法。宜和中氣。當服四君子湯。

痰飲吐瀉類

【病源】

飲水過多 小兒飲水過多。以致

停留胸膈。變而為痰。因痰氣逆。遂成

嘔吐。是謂痰飲吐病。

【病狀】

嘔吐涎水 痰飲吐病嘔吐涎水

痰沫。頭目眩暈。面青。

【變症】

時時氣逆 痰飲吐病失治。痰涎壅盛。時時氣逆。時時嘔吐。久久不愈。變為痲疾。

【療法】

一、嘔吐涎水之療法 痰飲吐病

嘔吐涎水痰沫。頭目眩暈。面青。香砂

二陳湯主之。虛者。香砂六君子湯主

之。

二、時時氣逆之療法 痰飲吐病

失治。痰涎壅盛。時時氣逆。時時嘔吐。

久久不愈。變為痲疾。治宜補中化痰。

或可減其病勢。宜常服香砂六君子

湯。

【調養】

一、忌食膩物 痰飲吐病忌食生

冷水果。膏梁厚味甜膩之物。

二、宜以陳皮泡飲代茶 痰飲吐病宜每日以陳皮二錢泡飲代茶。化其痰。寬其胸。病易痊也。

三、宜服六君子湯 痰飲吐病愈

後。法宜和胃補中。使中氣健旺。飲食

入胃。水津四布。不生痰涎。則體自健

而病根自斷也。

蟲吐瀉類

【病源】

熱蒸寒迫 蟲吐病之原因有二。

(1)胃經熱蒸。(2)胃經寒迫。凡此二因。

皆能令蟲不安。擾亂胃中而作吐。是

謂蟲吐病。

【病狀】

唇色或紅或白 蟲吐病唇色或

紅或白。胃口時痛時止。頻嘔清涎。屬寒者。必兼見口不渴。舌苔白。時時惡寒。四肢冷。小溲清長等症。屬熱者。必兼見口渴。舌苔薄或紅。惡熱。四肢溫和。小溲短赤等症。

【變症】

一、脈微而厥。蟲吐病失治。屬寒者。其寒益甚。頻吐清涎。或吐蚘蟲。唇色或紅或白。脈微而厥。膚冷躁煩。

二、惡熱而煩。蟲吐病失治。屬熱者。其熱益甚。頻吐清涎。唇色或紅或白。惡熱而煩。面色赤熱。脈數實。

【療法】

一、唇色或紅或白之療法。蟲吐病唇色或紅或白。胃口時痛時止。頻嘔清涎。屬寒者。必兼見口不渴。舌苔

白。時時惡寒。四肢冷。小溲清長等症。加減理中湯主之。屬熱者。必兼見口渴。舌苔薄或紅。惡熱。四肢溫和。小溲短赤等症。化蟲丸主之。

二、脈微而厥之療法。蟲吐病失治。屬寒者。其寒益甚。頻吐清涎。或吐蚘蟲。唇色或紅或白。脈微而厥。膚冷躁煩。烏梅丸主之。

三、惡熱而煩之療法。蟲吐病失治。屬熱者。其熱益甚。頻吐清涎。唇色或紅或白。惡熱而煩。面色赤熱。脈數實。清熱殺蟲丸主之。

【調養】

一、忌食瓜子。蟲吐病忌食生冷水果。辛辣香燥。肥膩甜物。瓜子花生等。

二、宜和胃氣。蟲吐病愈後。宜和胃氣。當服四君子湯數劑。

三、宜以蠶繭煎湯代茶。蟲吐病口渴甚。調養之法。宜以蠶繭十枚。煎湯代茶。止渴如神。(考蠶繭味甘性溫。除蚘蟲。止消渴。稟火性而有陰之用。能瀉膀胱相火。引清氣上朝於口。故爲止渴神品。)

虛吐類

【病源】

胃氣虛弱。胃氣虛弱。不能消納乳食。遂致嘔吐。是謂虛吐病。

【病狀】

睡臥露睛。虛吐病頻嘔吐。精神倦怠。額門煽動。睡臥露睛。自利不渴。

【變症】

類汗昏睡 虛吐病失治。其吐久久不愈。脾胃益虛。見閉目搖頭。面唇青黯。類汗昏睡。四肢厥冷。舌短聲啞。頻嘔清水。此乃純陰無陽。變為慢脾風也。以吐久脾氣大傷。以致土（土即脾）虛不能生金。（金即肺）金弱不能制木。（木即肝）肝木強盛。惟脾是剋。遂變此症。

【療法】

一、睡臥露睛之療法 虛吐病類頻嘔吐。精神倦怠。顛門煽動。睡臥露睛。自利不渴。丁沉四君子湯主之。
二、類汗昏睡之療法 虛吐病失治。其吐久久不愈。脾胃益虛。見閉目搖頭。面唇青黯。類汗昏睡。四肢厥冷。

舌短聲啞。頻嘔清水。此乃純陰無陽。變為慢脾風也。此時透風則無風可逐。治驚則無驚可治。惟宜大補脾土。生胃回陽為主。溫中補脾湯主之。固真湯亦主之。

【調養】

一、宜服四君子湯 虛吐病愈後。宜接服四君子湯數劑。使中氣健旺。病不復發。
二、忌食硬物 虛吐病忌食生冷水果。栗子。芋。芡。及一切硬物。以此皆妨礙消化力。使病益劇也。

【病源】

偶而停滯 小兒平素壯實。偶而

實吐類

停滯。以致二便秘澀。而嘔吐。是謂實吐病。

【病狀】

胸腹脹滿 實吐病吐多酸臭。胸腹脹滿。二便秘澀。痞硬疼痛。拒按。口渴。思飲寒涼。

【變症】

繞臍腹痛 實吐病失治。嘔吐益劇。熱結益甚。二便秘澀。自胸至腹。脹痛不可忍。拒按。繞臍尤痛。口渴甚。舌黃燥有刺。此胃中熱甚。陰液將竭。急下之。

【療法】

一、胸腹脹滿之療法 實吐病吐多酸臭。胸腹脹滿。二便秘澀。痞硬疼痛。拒按。口渴。思飲寒涼。三一承氣湯

主之。二便通利。熱結一解。吐自止矣。

二、繞臍腹痛之療法 實吐病失

治。嘔吐益劇。熱結益甚。二便秘澀。自胸至腹。脹痛不可忍。拒按。繞臍尤痛。

口渴甚。舌黃燥有刺。此胃中熱甚。陰液將竭。急下之。宜大承氣湯。

【調養】

一、宜和胃氣 實吐病服承氣湯

後。二便已通。嘔吐已瘥。而精神疲憊。

動作乏力。此正氣受傷也。調養之法。

宜服人參穀芽和胃湯。

二、不可驟食飯 實吐病愈後。宜

食炒焦粥以和胃氣。不可驟食飯。亦

不可食膩粥。以腸胃新經創傷。驟得

大寒食品。不易消化。每成食復也。慎

之慎之。

三、忌食麵食 實吐病忌食麵食
肥膩甜物。

寒吐類

【病源】

寒氣入乳 小兒過食生冷。或乳

母當風取涼。使寒氣入乳。小兒飲之。

即成吐病。是謂寒吐病。

【病狀】

四肢逆冷 寒吐病其症朝食暮

吐。乳食不化。吐出之物。不臭不酸。四

肢逆冷。面唇色白。

【變症】

閉目搖頭 寒吐病失治。其吐益

劇。脾氣大傷。閉目搖頭。面唇青黯。額

汗昏睡。四肢厥冷。舌短聲啞。此乃純

陰無陽之症。變為慢脾風也。

【療法】

一、四肢逆冷之療法 寒吐病其

症朝食暮吐。乳食不化。吐出之物。不

臭不酸。四肢逆冷。面唇色白。治當溫

中定吐。胃微寒者。薑橘散主之。寒甚

者。丁萸理中湯主之。

二、閉目搖頭之療法 寒吐病失

治。其吐益劇。脾氣大傷。閉目搖頭。面

唇青黯。額汗昏睡。四肢厥冷。舌短聲

啞。此乃純陰無陽之症。變為慢脾風

也。溫中補脾湯主之。理中加附子湯

亦主之。

【調養】

一、忌食生冷 寒吐病忌食生冷

水果。栗子。芋芳。花生瓜子。及一切硬

物。

二、切戒當風。寒吐病病兒乳母俱不可當風取涼。

三、宜和胃氣。寒吐病愈後。宜和胃氣。當服四君子湯。

熱吐類

【病源】

過食煎爆之物。小兒過食煎爆之物。或因乳母過食厚味。以致熱積胃中。遂令食入即吐。是謂熱吐病。

【病狀】

口渴飲冷。熱吐病食入即吐。口渴飲冷。嘔吐酸涎。身熱唇紅。小便赤色。

【變症】

胃氣大傷。熱吐病失治。其吐久久不癒。胃氣大傷。面色淡黃。或青白。

相兼。昏睡眼合。或睡臥露睛。脈來遲緩。神氣慘慘。大便青色。身體溫和。手足緩緩搐搦。時作時止。變為慢驚風也。

【療法】

一、口渴飲冷之療法。熱吐病食入即吐。口渴飲冷。嘔吐酸涎。身熱唇紅。小便赤色。治宜清熱為主。加味溫膽湯主之。

二、胃氣大傷之療法。熱吐病失治。其吐久久不癒。胃氣大傷。面色淡黃。或青白相兼。昏睡眼合。或睡臥露睛。脈來遲緩。神氣慘慘。大便青色。身體溫和。手足緩緩搐搦。時作時止。變為慢驚風也。扶脾湯主之。

【詞彙】

一、忌食煎炒。熱吐病忌食煎炒炙爆。膏梁厚味等物。乳母亦須同樣戒口。

二、宜服人參穀芽湯。熱吐病愈後。宜和胃氣。當服人參穀芽和胃湯。

三、以天花粉泡飲。熱吐病口渴甚。宜以天花粉三錢。泡飲代茶。自能清熱解渴也。

結論

嘔吐病不納藥食者。最難治療。蓋藥入即吐。不能有功也。但又切不可強灌。胃口愈吐愈翻。萬不能止。茲有一法。頗為靈驗。即以生薑湯和艾葉作成二丸。塞其兩鼻。使之不聞藥氣。或以薑汁少許。塗舌上。然後用對證之藥煎好。斟出澄清。待冷熱得中。止。

服一口。即停半時之久。再服一口。又停良久。服二口。停之少頃。則任服不吐矣。斯時胃口已安。故不吐也。惡人不知。見其吐藥不納。偏以整杯整碗強灌之。則一吐傾囊而出。又何藥力之可恃乎。宜其多不救也。

吐病久不瘥。多屬虛。宜服補劑。切不可再服剋伐之品。

吐病最傷脾胃。小兒脾胃素來薄弱。又經嘔吐。則雪上加霜。弱者益弱。每使肝木上逆。剋土而成慢驚風。劇者成慢脾風。傷食吐病失治。食積不消。久之成疳。內生蟲。

吐病證各方錢解類

【傷乳吐類各方】

(一) 消乳丸 (證治準繩方)

吐病類證

香附二兩。製神糲一兩。(炒)

麥芽一兩。(炒) 陳皮八錢。

縮砂仁五錢。(炒) 炙甘草五錢。

右爲細末。滴水爲丸。如粟米大。小兒每服十五丸。大兒服二十九至二十五丸。薑湯化下。

【淺解】 本方神糲、麥芽、消乳消食。香附、陳皮、砂仁、利氣行滯。甘草安胃和中。傷乳吐病吐多乳片。猶如物盛滿而上溢。身熱面黃。肚腹膨脹。速服此方。消其乳食。安胃和中。吐自止也。

(二) 保和丸 (朱丹溪方)

南山楂二兩。神糲一兩。(炒)

白茯苓一兩。薑半夏一兩。

連翹五錢。(去心) 陳皮五錢。

萊菔子五錢。(炒)

右爲細末。麵糊爲丸。如粟米大。小兒每服十五丸。大兒服二十九至二十五丸。薑湯化下。

【淺解】 本方山楂、神糲、消食消乳。半夏、陳皮、萊菔、化痰利氣。茯苓利水。連翹清熱。傷乳吐病宜兼服此丸。可佐右方之不及。以右方但能消乳消食。不能清熱。此方於消乳消食之中。兼能清熱也。

(三) 扶脾湯 (金匱方)

人參一錢。白朮一錢。(土炒)

白茯苓一錢。扁豆一錢。

(炒研) 山藥一錢。甘草五分。

半夏二錢。橘紅一錢。

製南星一錢。全蠍八分。(去

毒) 天麻一錢。生薑二片。

右以水三碗煮。取五分。去渣。緩緩呷之。

〔淺解〕 本方參、朮、苓、草、扁豆、山

藥、扶中補脾。半夏、橘紅、南星、化痰醒

脾。天麻、全蠍、搜風定搐。傷乳吐病失

治。吐乳不止。手足抽搐。時作時止。面

色淡黃。或青白相兼。睡臥露睛。脈來

遲緩。神氣慘慘。此脾氣大虛。兼挾風

痰也。速服此方。必能獲救。

(四) 四君子湯 (局方)

見驚風證各方淺解類。

【傷食吐類各方】

(一) 三棱丸 (金鑑方)

三棱一兩。(煨) 陳皮一兩。

半夏一兩。(薑製) 神糶

一兩。(炒) 黃連五錢。(薑

製) 枳實五錢。(麩炒)

丁香五錢。

右研細末。麵和爲丸。如黃米大。每

服二十九。食後薑湯下。

〔淺解〕 本方三棱、陳皮、神糶、枳

實、導滯消食。半夏、黃連、丁香、苦降止

吐。

(二) 和胃湯 (沈氏尊生書方)

陳皮一錢。半夏一錢。(薑製)

縮砂仁一錢。(研) 蒼朮一

錢。(炒) 厚朴一錢。(薑製)

藿香葉一錢。香附一錢。

(炒) 炙甘草一錢。山楂

一錢。神糶一錢。(炒) 生

薑二片。

右以水三碗煮。取五分。去渣。時時

服之。

〔淺解〕 本方係一派利氣消食

和胃之品。藥性較右方爲和平。傷食

吐病服右方。吐已止。宜接服此方。和

其胃氣。自能漸漸痊可。

(三) 消疳理脾湯 (金鑑方)

見疳病證各方淺解類。

(四) 肥兒丸 (金鑑方)

見疳病證各方淺解類。

(五) 參苓白朮散 (局方)

見疳病證各方淺解類。

(六) 蓮肉補脾湯 (冰玉堂驗方)

建蓮肉二錢。人參一錢。白

朮一錢。白茯苓一錢。炙甘

草一錢。扁豆一錢。(炒)

山藥一錢。

右以水三碗煮。取五分。去渣。時時服之。

【淺解】本方係一派和中健脾之品。補脾虛也。傷食吐病愈後。兒脾氣虛弱。面色萎黃。精神疲憊。調養之法。宜服此方。自能復元。

【夾驚吐類各方】

(一)全蠍觀音散(證治準繩方)

人參三錢。黃耆五錢。(蜜炙)

扁豆五錢。(炒) 白茯苓

五錢。蓮肉三錢。(去心)

木香一錢五分。白芷二錢。

羌活三錢。防風三錢。天麻

三錢。全蠍三錢。(去毒)

炙甘草一錢五分。

右爲細末。薑棗煎湯調服一錢。

【淺解】本方人參、黃耆、扁豆、茯苓、蓮肉、甘草、和中補脾。羌活、白芷、防

風、天麻、全蠍、截風定搐。木香利氣行滯。夾驚吐病宜先服此方。截其風。風定然後再服止吐藥。止其吐。則病自痊矣。

(二)定吐丸(證治準繩方)

丁香二十一粒。蠟梢四十九

條(去毒) 半夏三個。(薑

製)

右爲細末。令勻。煮棗肉爲丸。如黍

米大。每服七丸。金器煎湯化服。

【淺解】本方以丁香、半夏、降逆

止吐。蠟梢搜風定驚。

(三)扶脾湯(金鑑方)

見本證傷乳吐類各方淺解。

(四)四君子湯(局方)

見驚風證各方淺解類。

【痰飲吐類各方】

(一)香砂二陳湯(局方)

藿香一錢。砂仁一錢。陳皮

一錢。半夏一錢。(薑製)

白茯苓一錢。炙甘草一錢。

生薑二片。

右以水三碗煮。取五分。去渣。時時

服之。

【淺解】本方以藿香、砂仁、半夏、

陳皮、化痰消痰。茯苓、甘草、和中補正。

生薑辛降止吐。痰飲吐病嘔吐涎水

痰沫。頭目眩暈。面青。宜服此方。化其

痰消其飲。胃氣自降。吐自止也。

(二)香砂六君子湯(局方)

藿香一錢。縮砂仁一錢。白

朮一錢。(土炒) 人參一錢。

白茯苓一錢。半夏一錢。(薑

製) 陳皮一錢。炙甘草一

錢。生薑二片。

右以水三碗煮。取五分。去渣。時時

服之。

〔淺解〕 本方以參、朮、苓、草、和中

補脾。薑、砂、半夏、陳皮、消痰化飲。生薑

辛降止吐。痰飲吐病中氣虛而兼有

痰飲者。宜服此方。

(三)六君子湯(局方)

見癩病證各方淺解類。

【蟲吐類各方】

(二)加減理中湯(金鑑方)

人參一錢。乾薑一錢。白朮

一錢。(土炒) 川椒一錢。

烏梅一個。

右以水三碗煮。取五分。去渣。時時

服之。

〔淺解〕 本方以人參、白朮、和中

健脾。乾薑溫陽散寒。川椒、烏梅、殺蟲。

蟲吐病內有蟲而兼挾寒邪者。宜服

此方。

(二)化蟲丸(局方)

蕪荑五錢。鶴虱一兩。苦楝

根皮一兩。胡粉一兩。史君

子肉一兩。檳榔一兩。枯礬

二錢五分。

右為細末。麩糊為丸。如黃米大。每

服二十九。薑湯下。

〔淺解〕 本方係一派殺蟲之品。

惟蕪荑、鶴虱、苦楝、於殺蟲之中。兼能

清熱也。蟲吐病內有蟲而兼挾熱邪

者。宜服此方。

(三)烏梅丸(傷寒論方)

烏梅三百個。黃連一斤。黃

柏六兩。乾薑十兩。附子六

枚。(泡) 蜀椒四兩。(熬去

汁) 桂枝六兩。細辛六兩。

人參六兩。當歸四兩。

右十味異搗篩合治之。以苦酒漬

烏梅一宿。去核。蒸之。五碗米下。飯熟

搗成泥。和藥令相得。納白中。與蜜杵

二千下。丸如黍米大。每服十九。日三

服。稍加至二十九。禁生冷滑物臭食。

〔淺解〕 本方君烏梅之大酸。是伏其所主也。配黃連瀉心而除疹。佐黃柏滋腎以除渴。先其所因也。腎者肝之母。椒附以溫腎。則火有所歸。而肝得所養。是固其本。肝欲散。細辛、乾薑辛以散之。肝藏血。桂枝當歸引血歸經也。寒熱難用。則氣味不和。佐以人參。調其中氣。以苦酒浸烏梅。同氣相求。蒸之米下。資其穀氣。加蜜爲丸。少與而漸加之。緩則治其本也。虻昆蟲也。生冷之物。與濕熱之氣相成。故藥亦寒熱互用。且胸中煩而吐。虻則連柏是寒因熱用也。虻得酸則靜。得辛則伏。得苦則下。信爲化蟲佳劑。

(四) 清熱殺蟲丸 (冰玉堂驗方)

黃連一兩。黃柏一兩。烏梅

吐 痢 殺

三十枚。 蠶黃五錢。 鶴虱一兩。 苦楝根皮一兩。 史君子肉一兩。
右研細末。麴和爲丸。如黍米大。大兒每服二十九。小兒每服十九。或十五丸。開水下。

〔淺解〕 本方黃連、黃柏、清解熱邪。烏梅、蠶黃、鶴虱、苦楝、史君、殺蟲。

【虛吐類各方】

(一) 丁沉四君子湯 (金鑑方)
人參一錢。白朮一錢。(土炒)
白茯苓一錢。炙甘草五分。
丁香八分。沉香八分。煨薑五分。

右以水三碗煮。取五分。去渣。時時服之。

〔淺解〕 本方以四君扶中補虛。加丁香、沉香降逆止吐。

(二) 溫中補脾湯 (金鑑方)

見驚風證各方淺解類。

(三) 固真湯 (證治準繩方)

見驚風證各方淺解類。

(四) 四君子湯 (局方)

見驚風證各方淺解類。

【實吐類各方】

(一) 三一承氣湯 (金鑑方)
芒硝八分。生大黃一錢。枳實一錢。(麸炒) 生甘草一錢。厚朴一錢。(薑炒)

右以水三碗煮。取一碗。去渣。納硝更煮一兩沸。分數次服之。若大便已通。則餘藥不必再服。

三二

〔淺解〕 本方川軍攻熱結。芒硝潤腸燥。枳實厚朴行氣滯。生甘和正氣。恐諸藥攻毒太過。有傷脾胃。故用此以為監軍。則有利無弊矣。

(二)大承氣湯(傷寒論方)

大黃二錢。厚朴四錢。枳實二個半。(炙) 芒硝二錢。

右四味。以水五碗。先煮二物。取二碗半。去渣。納大黃煮。取一碗。去渣。納芒硝。更上微火煮一兩沸。分數次溫服。得下。餘勿服。

〔淺解〕 諸病皆因於氣。穢物之不去。由於氣之不順也。故攻積之劑。必用氣分之藥。因以承氣名湯。厚朴倍大黃。是氣藥為君。故名大承氣。味多性猛。制大其服。欲令大泄下也。因

名曰大。且煎法更有妙義。用水五碗。煮朴枳取二碗半。去渣。納大黃。再煮取一碗。納芒硝何哉。蓋生者氣銳而先行。熟者氣純而和緩。仲景欲使芒硝先化燥屎。大黃繼通地道。而枳朴除其脹滿。則各病自瘥矣。

本方與右方相較。則右方平和。本方峻烈。因右方分量輕。且有甘草。其性緩和許多。本方分量重而無甘草。宜其峻猛無比也。惟病實體實者。始可用之。否則決不可投。誤投則病去人逝。後悔莫及。服後其人正氣虛弱。精神疲憊者。宜速補之。當服人參穀芽和胃湯。

(三)人參穀芽和胃湯(冰玉堂驗方)

人參一錢半。生穀芽五錢。炙甘草五分。白茯苓一錢。右以水三碗煮。取一碗。去渣。分數次服之。

〔淺解〕 本方人參、穀芽、甘草、茯苓、係清補脾胃之品。不用白朮、黃耆者。恐大病初愈。補力太猛。後不能運化。氣機壅滯。反生他證。只以此種清補之品。平平補之。不求速效。則胃氣自和。脾氣自旺也。

〔寒吐類各方〕

(一)薑橘散(活人書方)
白薑一錢。陳皮一兩。炙甘草一錢。

右為細末。每服一錢。溫棗湯調服。
〔淺解〕 本方白薑散寒。陳皮化

痰。甘草和中。寒吐病胃微寒者。宜服此方。

(二) 丁萸理中湯 (金鑑方)

人參一錢。白朮一錢 (土炒)

乾薑一錢。甘草一錢。丁

香五分。吳茱萸五分。

右以水三碗煮。取五分。去渣。分數次服之。

【淺解】 本方以人參、白朮、甘草、

和中補脾。乾薑溫陽散寒。丁香、吳茱萸降逆止吐。寒吐病胃寒甚者。宜服此方。

(三) 溫中補脾湯 (金鑑方)

見驚風證各方淺解類。

(四) 理中加附子湯 (驗方)

即於理中湯原方內加附子一

錢。煎服各法。概依原方。(方見

初生諸病證(上)各方淺解

類)

【淺解】 本方以人參、白朮、甘草、

和中補脾。乾薑、附子、溫陽回陽。寒吐病失治。脾氣大傷。額汗昏睡。四肢厥冷。此無陽也。速服此方。補中回陽治之。或可有救。

(五) 四君子湯 (局方)

見驚風證各方淺解類。

【熱吐類各方】

(一) 加味溫膽湯 (千金方)

陳皮一錢。半夏一錢 (薑製)

白茯苓一錢。麥冬二錢。

(去心) 枳實五分 (麩炒)

生甘草五分。竹茹二錢。

川連一錢 (薑炒)

右以水二碗煮。取五分。去渣。分數

次服之。

【淺解】 本方以陳皮、半夏、枳實、

竹茹、利氣化痰。麥冬、甘草、茯苓、和胃養胃。黃連降逆止吐。兼以清火。熱吐病食入即吐。口渴飲冷。嘔吐酸涎。身熱唇紅。小便赤色。治宜清熱為主。嘗服此方。

(二) 扶脾湯 (金鑑方)

見本證傷乳吐類各方淺解。

(三) 人參穀芽和胃湯 (冰玉堂

驗方)

見本證實吐類各方淺解。

瀉病證

總綱

一 何謂瀉病。

瀉病。即泄瀉也。多因脾被濕侵。土不勝水而成。

二 瀉病致病之原因有幾。

生瀉病之原因有八。

一、因乳食過飽。損傷脾胃。

二、因過食生冷。以致寒邪凝結。

三、因臟腑積熱。或外傷暑氣。

四、斷臍失護。風冷乘入。傳於大腸。

五、氣弱受驚。

六、脾不健運。

七、春傷風邪。清氣下陷。脾失健運。

以致完穀不化。

八、脾胃濕盛。以致清濁不分。凡此八種病源。成傷乳食瀉。中寒瀉。火瀉。驚瀉。臍寒瀉。脾虛瀉。飧瀉。水瀉等八種瀉病也。

三 瀉病證之主要治法如何。

一、傷乳 消滯——保安丸。

食瀉 和脾——平胃散。

二、中寒 溫中——理中湯。

瀉 止瀉——訶子散。

三、火瀉 清熱——玉露飲。

利水——四苓散。

四、驚瀉 定驚——益脾鎮驚散。

理脾——養脾丸。

五、臍寒 溫散——和氣飲。

瀉 溫補——調中湯。

六、脾虛瀉——參苓白朮散。

七、飧瀉 升氣——補中益氣湯。

止瀉——四神丸。

八、水瀉 除濕——胃苓湯。

升陽——升陽除濕湯。

四 瀉病之至要調養法如何。

瀉病之至要調養法。忌食生冷黏滑。肉麵五辛。酒酪及臭惡等物。

五 瀉病失治。有何變症。

瀉病最傷中氣。小兒中氣素弱。瀉後則虛上加虛。雪上加霜。每令成慢驚風。慢脾風等症。

傷乳食瀉類

【病源】

乳食過飽。乳食過飽。損傷脾胃。

乳食不化。故頻瀉酸膿。是謂傷乳食瀉病。

瀉病。

【病狀】

噫臭瀉酸 傷乳食瀉病乳食不化。頻瀉酸膿。噫臭腹熱。脹滿疼痛。口渴惡食。小便赤澀。

【變症】

變為脾疳 傷乳食瀉病失治。宿食不消。瀉下腥黏。肌肉消瘦。身體發熱。困倦喜睡。心下痞硬。乳食懶進。睡臥喜冷。好食泥土。肚腹堅硬疼痛。頭大頸細。變為脾疳也。

【療法】

一、噫臭瀉酸之療法 傷乳食瀉病乳食不化。頻瀉酸膿。噫臭腹熱。脹滿疼痛。口渴惡食。小便赤澀。須先以保安丸消其滯。次用平胃散和其脾。庶積消而瀉止矣。

二、變為脾疳之療法 傷乳食瀉

病失治。宿食不消。瀉下腥黏。肌肉消瘦。身體發熱。困倦喜睡。心下痞硬。乳食懶進。睡臥喜冷。好食泥土。肚腹堅硬疼痛。頭大頸細。變為脾疳也。治宜先攻其積。用消疳理脾湯。肥兒丸並主之。積退然後調理其脾。以參苓白朮散主之。

【調養】

一、乳食宜有節制 傷乳食瀉病乳食宜有節制。忌食生冷黏滑。肉麵酒酪。臭惡五辛等物。

二、宜服蓮肉補脾湯 傷乳食瀉病愈後。兒脾氣虛弱。面色萎黃。久不復元。調養之法。宜服蓮肉補脾湯。

三、以麥芽代茶 傷乳食瀉病病

中宜每日以焦麥芽三錢。百沸水泡飲代茶。服至病愈為度。以其消食消乳。俱有神效也。

中寒瀉類

【病源】

過食生冷 過食生冷。寒邪凝結。所瀉皆澄澈清冷。是謂中寒瀉病。

【病狀】

面色淡白 中寒瀉病腸鳴腹脹。時復疼痛。所瀉皆澄澈清冷。面色淡白。四肢厥冷。飲食懶進。

【變症】

閉目搖頭 中寒瀉病失治。其瀉久久不瘥。脾氣大傷。閉目搖頭。面唇青黯。額汗昏睡。四肢厥冷。舌短聲啞。此乃純陰無陽之症。變為慢脾風也。

【療法】

一、面色淡白之療法 中寒瀉病腸鳴腹脹。時復疼痛。所瀉皆澄澈清冷。面色淡白。四肢厥冷。飲食懶進。速以理中湯溫其中。訶子散止其瀉。雙方並進。收效如神也。

二、閉目搖頭之療法 中寒瀉病失治。其瀉久久不瘥。脾氣大傷。閉目搖頭。面唇青黯。額汗昏睡。四肢厥冷。舌短聲啞。此乃純陰無陽之症。變為慢脾風也。此時也。逐風則無風。可逐治驚則無驚。可治。惟宜大補脾土。生胃回陽為主。溫中補脾湯主之。理中加附子湯亦主之。

【調養】

一、忌食黏滑 中寒瀉病忌食生

冷黏滑。肉麵五辛。酒酪及臭惡等物。

二、腹部常宜溫暖 中寒瀉病腹部常宜溫暖。當以帛裹之。如天寒則以棉裹之。切不可使受寒也。

三、精神疲憊 中寒瀉病服理中訶子等湯後。瀉已止。陽已回。而兒精神疲憊。舉動乏力。此中氣受傷也。調養之法。宜常服四君子湯。

火瀉類

【病源】

臟腑積熱 臟腑積熱。或外傷暑氣。故瀉時暴注下迫。是謂火瀉病。

【病狀】

心煩口渴 火瀉病瀉時暴注下迫。肚腹疼痛。心煩口渴。瀉多黃水。小便赤色。

【變症】

緩緩搐搦 火瀉病失治。瀉久不愈。脾氣受傷。土虛木盛。令手足緩緩搐搦。時作時止。面色淡黃。或青白相兼。身必溫和。昏睡眼合。或睡臥露睛。脈來遲緩。神氣慘慘。變為慢驚風也。

【療法】

一、心煩口渴之療法 火瀉病瀉時暴注下迫。肚腹疼痛。心煩口渴。瀉多黃水。小便赤色。先用玉露散清其熱。再以四苓湯利其水。自可痊愈。

二、緩緩搐搦之療法 火瀉病失治。瀉久不愈。脾氣受傷。土虛木盛。令手足緩緩搐搦。時作時止。面色淡黃。或青白相兼。身必溫和。昏睡眼合。或睡臥露睛。脈來遲緩。神氣慘慘。變為

慢驚風也。緩肝理脾湯主之。

【調養】

一、忌食辛辣。火瀉病忌食辛辣香燥煎炒炙爆雞鴨羊肉等物。

二、不可抱兒於烈日下。火瀉病兒宜處陰涼之所。不可抱於烈日之下。暑氣未退。禁兒於街上行走。

三、不可再用清藥。火瀉病久不愈。則屬虛。不可再用清藥。亦不可服利水藥。以此皆剋伐脾陽之品。多服令兒脾氣大虛。陽氣衰微。而成慢脾風。較慢驚風尤重。最宜注意。

驚瀉瀉類

【病源】

氣弱受驚。小兒脾氣素弱。復受驚邪。遂令病瀉。是謂驚瀉病。

【病狀】

晝則驚惕。驚瀉病夜臥不安。晝則驚惕。糞稠若膠。色青如苔。

【變症】

手足抽搐。驚瀉病失治。瀉久不癒。肝風鳴張。手足緩緩抽搐。時作時止。面色淡黃。或青白相兼。昏睡眼合。或睡臥露睛。脈來遲緩。神氣慘慘。大便青色。變為慢驚風也。

【療法】

一、晝則驚惕之療法。驚瀉病夜臥不安。晝則驚惕。糞稠若膠。色青如苔。治宜鎮心抑肝。先以益脾鎮驚散定其驚。次以養脾丸理其脾。庶可愈矣。

二、手足抽搐之療法。驚瀉病失

治。瀉久不癒。肝風鳴張。手足緩緩抽搐。時作時止。面色淡黃。或青白相兼。昏睡眼合。或睡臥露睛。脈來遲緩。神

色慘慘。大便青色。變為慢驚風也。緩肝理脾湯主之。

【調養】

一、勿使驚嚇。驚瀉病勿使驚嚇。二、忌食生冷。驚瀉病忌食生冷黏滑。肉麵五辛。酒酪臭惡等物。

三、宜和脾胃。驚瀉病愈後。宜和脾胃。俾速復元。當服四君子湯。

臍寒瀉類

【病源】

斷臍失護。斷臍失護。風冷乘入。傳於大腸。遂成臍寒瀉病。

【病狀】

糞色青白 臍寒瀉病時時泄瀉。
糞色青白。腹痛腸鳴。

【變症】

四肢厥冷 臍寒瀉病失治。瀉久不愈。脾氣大傷。閉目搖頭。面唇青黯。額汗昏睡。四肢厥冷。舌短聲啞。此乃純陰無陽之症。變為慢脾風也。

【療法】

一、糞色青白之療法 臍寒瀉病時時泄瀉。糞色青白。腹痛腸鳴。先用和氣飲溫散之。再以調中湯溫補之。庶可痊愈。

二、四肢厥冷之療法 臍寒瀉病失治。瀉久不愈。脾氣大傷。閉目搖頭。面唇青黯。額汗昏睡。四肢厥冷。舌短聲啞。此乃純陰無陽之症。變為慢脾

風也。速宜大補脾土。生胃回陽。固真湯主之。理中加附子湯亦主之。

【調養】

一、忌食水果 臍寒瀉病忌食生冷水果。

二、腹部常宜溫暖 臍寒瀉病腹部常宜溫暖。當以帛裹之。如天寒則以棉裹之。切不可再使受寒也。

三、宜服白朮散 臍寒瀉病愈後。宜服白朮散以和中氣。漸可復元也。

脾虛瀉病類

【病源】

脾不健運 脾氣虛弱。不能運化。故每逢食後作瀉。是謂脾虛瀉病。

【病狀】

精神短少 脾虛瀉病每逢食後

作瀉。腹滿不渴。精神短少。面黃懶食。肌肉消瘦。

【變症】

好食泥土 脾虛瀉病失治。其瀉久久不瘥。面色萎黃。肌肉消瘦。身體發熱。困倦喜睡。心下痞硬。乳食懶進。睡臥喜冷。好食泥土。肚腹堅硬疼痛。頭大頸細。變為脾疳也。

【療法】

一、精神短少之療法 脾虛瀉病每逢食後作瀉。腹滿不渴。精神短少。面黃懶食。肌肉消瘦。宜用參苓白朮散以補其脾。瀉自止也。

二、好食泥土之療法 脾虛瀉病失治。其瀉久久不瘥。面色萎黃。肌肉消瘦。身體發熱。困倦喜睡。心下痞硬。

乳食懶進。睡臥喜冷。好食泥土。肚腹堅硬疼痛。頭大頸細。變爲脾疳也。速以參苓白朮散補其虛。肥兒丸消其疳。雙方並進。必能獲效。

【調養】

一、宜服蓮肉補脾湯 脾虛瀉病愈後。兒精神困倦。面黃肌瘦。此脾氣猶虛。未復元也。調養之法。宜常服蓮肉補脾湯。

二、忌食黏滑 脾虛瀉病忌食生冷黏滑。肉麵五辛。酒酪臭惡。栗子。芋芡。白果。瓜子。花生。及一切堅硬不易消化之物。

三、不可過服消疳之藥 脾虛瀉病失治。則成脾疳。必須服消疳之藥。然須補而後消。否則正氣益虛。疳未

消而變症叢生矣。故宜朝服參苓白朮散。晚服肥兒丸。如積已消。肚腹已軟。則但服參苓白朮散可也。

疳瀉類

【病源】

清氣下陷 春傷風邪。清氣下陷。脾失健運。以致完穀不化。是謂飧瀉病。

【病狀】

完穀不化 飧瀉病時時泄瀉。完穀不化。腸鳴。氣往下陷。精神疲憊。

【變症】

腸滑不禁 飧瀉病失治。其瀉益甚。腸滑不禁。食何物即瀉何物。形容消瘦。精神困頓。

【療法】

一、完穀不化之療法 飧瀉病時時泄瀉。完穀不化。腸鳴。氣往下陷。精神疲憊。治宜補養脾土。升其中氣。補中益氣湯主之。

二、腸滑不禁之療法 飧瀉病失治。其瀉益甚。腸滑不禁。食何物即瀉何物。形容消瘦。精神困頓。宜以補中益氣湯補其中氣。兼服四神丸澀腸止瀉。

【調養】

一、宜服白朮散 飧瀉病愈後。兒中氣虛弱。面色萎黃。久不復元。調養之法。宜常服白朮散。

二、忌食硬物 飧瀉病忌食生冷黏滑。肉麵五辛。酒酪臭惡。栗子。芋芡。白果。瓜子。花生。及一切堅硬不易消

化之物。

三、口渴之調養法 瀉瀉病口中
渴甚。忌飲茶水。愈飲愈瀉。永無痊望。
調養之法。宜每日以白朮三錢。煎湯
代茶。自能止渴如神。(考白朮味甘
性溫。補脾燥濕。中含津液。故又能止
渴。爲瀉瀉之聖藥)

水瀉類

【病源】

脾胃濕盛 脾胃濕盛。以致清濁
不分。變成水瀉。是謂水瀉病。

【病狀】

懶食瀉瀉 水瀉病小便短濇。懶
食瀉瀉。色黃。

【變症】

形體消瘦 水瀉病失治。其瀉久

久不愈。中氣大傷。形體消瘦。精神困
憊。時覺有氣下陷。或兼見身熱。肚腹
脹硬。好食泥土等症。則成疳病也。

【療法】

一、懶食瀉瀉之療法 水瀉病小
便短濇。懶食瀉瀉。色黃。宜用胃苓湯
以除濕。若瀉久不止。則用升陽除濕
湯治之。其證自愈。

二、形體消瘦之療法 水瀉病失

治。其瀉久久不愈。中氣大傷。形體消
瘦。精神困憊。時覺有氣下陷。宜服補
中益氣湯。若兼見身熱。肚腹脹硬。好
食泥土等症。則成疳病也。宜以參苓
白朮散補其虛。肥兒丸消其疳。雙方
並進。必能獲效。

【詞彙】

一、忌食肥膩 水瀉病忌食生冷
水果。肥膩厚味。栗子。芋莠。白果。瓜子。
花生。及一切堅硬不易消化之物。

二、宜補中氣 水瀉病愈後。兒精
神疲乏。面色萎黃。久不復元。調養之
法。宜服白朮散補其中氣。

三、不可坐臥濕地 水瀉病不可
坐臥濕地。

結論

瀉病小兒患此最多。以小兒腸胃
薄弱。或被寒冷。或食生冷。最易生成
此病。此病失治。每使脾胃大傷。而成
險症。故一起宜即治之。切不可遷延
日久。

夫泄瀉之本。無不由於脾胃。蓋胃
爲水穀之海。而脾主運化。使脾健胃

和。則水穀腐化。生氣血以行營衛。若飲食失節。寒溫不調。以致脾胃受傷。則水反為濕。穀反為滯。精華之氣。不能輸化。乃至合污下降。而泄瀉作矣。

凡泄瀉腸鳴腹不痛者。是濕。宜燥滲之。飲食入胃不住。或完穀不化者。是氣虛。宜溫補之。腹痛腸鳴。痛一陣。瀉一陣者。是火。宜清利之。時瀉時止。或多或少。是痰積。宜豁之。腹痛甚而瀉。瀉後痛減者。為食積。宜消之。體實者宜下之。如脾泄已久。大腸不禁。宜瀉之。元氣下陷者。宜升提之。

凡大瀉作瀉者。其病不論新久。皆用七味白朮散。生其津液。凡痢疾作瀉亦然。蓋白朮散為瀉瀉之聖藥。倘瀉甚者。以之當茶飲。切不可飲平常

茶水。以平常茶水。非特不能止瀉。反使助其水濕。增其病勢也。

〔七味白朮散〕（錢乙方）

一、藥品 官揀參一錢。漂白朮一錢。白雲苓一錢。南木香三分。藿香葉一錢。粉乾葛二錢。炙甘草五分。
二、煎服法 右以水二碗煮。取五分。去渣。分數次服之。

三、主治 泄瀉。津液下降。煩躁不瀉。

四、淺解 本方治小兒陽明本虛。陰陽不利。吐瀉而亡津液。煩渴目乾。以參朮甘草之甘溫。補胃和中。木香。藿香。辛溫以助脾。茯苓甘淡。分陰陽。利水濕。葛根甘平。倍於衆藥。其氣輕浮。鼓舞胃氣。上行津液。又解肌熱。治

脾胃虛弱泄瀉之聖藥也。兼治久瀉不止。口渴無度。並痢疾口瀉。幼科之方。獨推此為第一。後人宜留意焉。

瀉痢證各方淺解類

【傷乳食瀉類各方】

（一）保安丸（證治津繩方）

香附一兩（醋炒） 縮砂仁 一兩 白朮五錢（炮） 青皮五錢（醋炒） 陳皮五錢 三棧五錢 莪朮五錢 炙甘草五錢

右研細末。麴糊為丸。如黍米大。小兒每服十九至十五丸。大兒每服十五丸至二十九。白湯化下。

〔淺解〕

本方香附。砂仁。青皮。陳皮。三棧。莪朮。利氣行滯。兼消其積。甘

草和中。炮薑溫胃。傷乳食瀉病宜先以此丸消其滯。次用平胃散和其脾。庶積消而瀉止。

(二)平胃散(局方)

見初生諸病證(下)各方淺解類。

(三)消疳理脾湯(金鑑方)

見疳病證各方淺解類。

(四)肥兒丸(金鑑方)

見疳病證各方淺解類。

(五)參苓白朮散(局方)

見疳病證各方淺解類。

(六)蓮肉補脾湯(冰玉堂驗方)

見吐病證各方淺解類。

【中寒瀉類各方】

(一)理中湯(傷寒論方)

見初生諸病證(上)各方淺解類。

(二)訶子散(金鑑方)

訶子二兩。(麵煨) 肉豆蔻二兩。(麵煨) 白朮二兩。(土炒) 人參二兩 白茯苓二兩 木香二兩。(煨) 陳皮五錢 炙甘草五錢。

右爲細末。每服一錢。薑湯調服。

(淺解) 本方參、朮、苓、草和中補脾。訶子瀉腸止瀉。然一派補品澀藥

陳中。苟無舒氣之品佐之。則氣機壅

塞。變症叢生。反不得力。故肉蔻、木香

陳皮等。決不可少也。不特此也。此等

藥。一方行滯利氣。一方兼能溫陽散

寒。中寒瀉病。宜以理中湯溫其中。本

方止其瀉。雙方並進。收效如神也。

(三)溫中補脾湯(金鑑方)

見驚風證各方淺解類。

(四)理中加附子湯(驗方)

見驚風證各方淺解類。

(五)四君子湯(局方)

見驚風證各方淺解類。

【火瀉類各方】

(一)玉露散(錢乙方)

寒水石一兩。石膏一兩。甘草三錢。

右爲細末。每服一錢。溫湯調服。

(淺解) 本方寒水、石膏、清熱泄

火。甘草和中。火瀉病宜先服此方清

其熱。再以四苓湯利其水。自可痊愈。

(二)四苓湯(痘疫論方)

白茯苓一錢。白朮一錢。(土炒) 豬苓一錢。澤瀉一錢。

燈芯一錢。

右以水二碗半煮。取一碗。去渣。分數次服之。

【淺解】 本方茯苓、豬苓、澤瀉、利

水滲濕。白朮和中健脾。燈芯清熱泄火。凡泄瀉病多由小水不利。腸中水汁過多所致。今利其水。使水由小便而去。則腸中燥而便結實矣。

(二) 緩肝理脾湯(金鑑方)

見驚風證各方淺解類。

【驚瀉類各方】

(一) 益脾鎮驚散(金鑑方)

人參一錢半。白朮三錢。(土炒)

白茯苓三錢。硃砂八

分。鈎藤二錢。甘草五分。

(炙)

右爲細末。每服一錢。燈芯湯調服。

【淺解】 本方以參、朮、苓、草、補其

脾。硃砂鎮其驚。鈎藤泄其風。驚瀉病夜臥不安。晝則驚惕。糞稠若膠。色青如苔。宜先服本方定其驚。次以養脾丸理其脾。庶可愈矣。

(二) 養脾丸(證治準繩方)

人參三錢。白朮三錢。(土炒)

當歸三錢。川芎三錢。青

皮二錢。(醋炒) 木香二錢。

(煨) 黃連二錢。(薑炒)

陳皮二錢。神糲一錢。(炒)

山查一錢。縮砂仁一錢。

炒麥芽一錢。

右研細末。神糲糊爲丸。如麻子大。每服二十九。陳倉米飲下。

【淺解】 本方人參、白朮、和中養

脾。當歸、川芎、和血養血。青皮、木香、陳皮、神糲、山查、砂仁、麥芽、消食利氣。兼行積滯。黃連清熱泄火。驚瀉病宜先服益脾鎮驚散定其驚。再服本方理其脾。則瀉自止矣。

(三) 緩肝理脾湯(金鑑方)

見驚風證各方淺解類。

(四) 四君子湯(局方)

見驚風證各方淺解類。

【臍寒瀉類各方】

(一) 和氣飲(沈氏尊生書方)

蒼朮一錢。紫蘇一錢。防風

一錢。赤苓一錢。豆豉一錢。

藿香一錢。陳皮一錢。厚

朴一錢。(薑炒) 炙甘草五

分。生薑三片。燈芯五分。

右以水二碗半煮。取一碗。去渣。時時服之。

〔淺解〕 本方生薑、紫蘇、防風、泄

風散寒。豆豉、藿香、陳皮、厚朴、宣滯利

氣。蒼朮化濕。甘草和中。臍寒瀉病時

時泄瀉。黃色青白。腹痛腸鳴。先用本

方溫散之。再以調中湯溫補之。庶可

痊愈。

〔二〕調中湯(金鑑方)

人參一錢。白茯苓一錢。蒼

香一錢。白朮一錢。(土炒)

炙甘草一錢。木香五分。(煨)

製香附一錢。縮砂仁五分。

煨薑五分。

右以水二碗半煮。取五分。去渣。時時服之。

〔淺解〕 本方參、朮、苓、草、和中補

脾。藿香、木香、香附、砂仁、利氣行滯。煨

薑溫陽散寒。臍寒瀉病服右方後。病

勢已減。宜接服此方溫補之。自可痊愈。

〔三〕固真湯(證治準繩方)

見驚風證各方淺解類。

〔四〕理中加附子湯(金匱方)

見驚風證各方淺解類。

〔五〕白朮散(冰玉堂驗方)

見初生諸病證(下)各方淺解類。

【脾虛瀉類各方】

〔一〕參苓白朮散(局方)

見疳病證各方淺解類。

〔二〕肥兒丸(金鑑方)

見疳病證各方淺解類。

〔三〕蓮肉補脾湯(冰玉堂驗方)

見吐病證各方淺解類。

【瀉瀉類各方】

〔一〕補中益氣湯(李東垣方)

人參一錢。黃耆一錢。(蜜炙)

當歸一錢。(土炒) 白朮

一錢。(土炒) 炙甘草一錢。

陳皮一錢。升麻五分。(土

炒) 柴胡五分。(醋炒)

生薑二片。紅棗二枚。

右以水三碗煮。取一碗。去渣。分數次服之。

〔淺解〕 本方人參、甘草、黃耆、白朮、紅棗和中補氣。當歸和血活血。陳皮利氣行氣。升麻、柴胡升清陽之氣。瀉瀉病時時泄瀉。完穀不化。腸鳴。氣往下陷。精神疲憊。治宜補養脾土。升其中氣。當服本方。

(二)四神丸(證治準繩方)

補骨脂四兩。五味子二兩。

肉豆蔻二兩。(麵裹煨) 吳茱萸一兩。(水浸炒)

右爲細末。生薑棗肉爲丸。如黍米大。每服一錢。米飲下。

〔淺解〕 本方補骨、肉蔻、吳萸、溫降散寒。五味、瀉瀉止瀉。瀉瀉病失治。其瀉益甚。腸滑不禁。食何物即瀉。何物。形容消瘦精神困頓。速以補中益

氣湯補其中氣。兼服此丸。溫陽止瀉。雙方並進。收效如神。

(三)白朮散(冰玉堂驗方)

見初生諸病證(下)各方淺解類。

【水瀉類各方】

(一)胃苓湯(證治準繩方)

蒼朮一錢。(炒) 陳皮一錢。

厚朴一錢。(薑炒) 白朮一錢。(土炒) 白茯苓一錢。

炙甘草一錢。肉桂一錢。

澤瀉一錢。豬苓一錢。生薑三片。紅棗三枚。

右以水三碗煮。取一碗。去渣。時時服之。

〔淺解〕 本方即五苓散平胃散

複方也。以平胃散化濕和中。五苓散利水化濕。水瀉病小便秘澀。糧食澀瀉。色黃。此胃中有濕。腸中有水。速服此方分利之。瀉即瘥也。

(二)升陽除濕湯(李東垣方)

蒼朮一錢。(炒) 陳皮一錢。

防風一錢。神曲一錢。(炒)

麥芽二錢。澤瀉一錢。炙甘草一錢。升麻五分。羌活一錢。柴胡五分。豬苓一錢。生薑三片。

右以水三碗煮。取一碗。去渣。時時服之。

〔淺解〕 本方防風、羌活、柴胡、升麻、升陽除濕。蒼朮、陳皮、化濕、神曲、麥芽、消食。豬苓、澤瀉、利水滲濕。甘草和

中。水瀉病瀉久不止。此清陽下陷也。服右方必無效。以右方但能利水滲濕。不能升清陽也。宜服此方。自有神效。

(三) 參苓白朮散 (局方)

見疳病證各方淺解類。

(四) 肥兒丸 (金鑑方)

見疳病證各方淺解類。

(五) 白朮散 (冰玉堂驗方)

見驚風證各方淺解類。

癩病證

總綱

一 何謂癩病。

癩病發時。昏倒抽搐。痰涎壅盛。氣促作聲。與驚風。癲風。二病相似。但四體柔軟。一食之頃即醒。依然如無病之人。非若癲風一身強硬。終日不醒。以此為辨。

二 癩病證共分幾類。

共分六類

- 一 陰癩。
- 二 陽癩。
- 三 驚癩。
- 四 痰癩。
- 五 食癩。
- 六 風癩。

三 癩病證之主要治法如何。

輕者——醒脾湯。

一 陰癩 甚者——固真湯。

病退調理——定癩丹。

風兼熱——龍膽湯。

二 陽癩 肝經熱——瀉青丸。

痰涎壅盛——四製抱龍丸。

龍丸。

三 驚癩 大青膏。鎮驚丸。

四 痰癩 一捻金。礞衣滾痰丸。

正治——妙聖丹。

五 食癩 痰盛——礞衣滾痰丸。

調理——清熱和胃丸。

輕者——化風丹。

六 風癩 重者——羌活桂枝湯。

風兼痰——牛黃丸。

四 癩病之調養法如何。

癩病之調養法如左。

一 忌受驚嚇。

二 忌食生冷水果雞鴨羊肉。

三 飲食不宜過飽。乳食須有節制。

四 切戒汗出遇風。

五 癩病失治。有無危險。

癩病失治。雖無生命危險。然其病愈發愈頻。殊多不便。長大後每成廢人。不能作事。

陰癩類

【病源】

痰入心包 陰癩病屬陰臟寒之病也。多因慢驚之後。痰入心包而成。

【病狀】

口吐涎沫 陰癩病發時。手足厥

口吐涎沫 陰癩病發時。手足厥

口吐涎沫 陰癩病發時。手足厥

口吐涎沫 陰癩病發時。手足厥

冷。偃臥拘急。面色青白。口吐涎沫。聲音微小。脈來沉細。

【變症】

愈發愈頻。陰癰病失治。臙正益虛。聚痰愈多。發作愈頻。久不痊愈。變為痲疾。長大後每成廢人。不能工作。

【療法】

口吐涎沫之療法。陰癰病發時。手足厥冷。偃臥拘急。面色青白。口吐涎沫。聲音微小。脈來沉細。輕者醒脾湯主之。甚者固真湯主之。

【調養】

一、宜用定癰丹。陰癰病病勢已退。調養之法。宜用定癰丹。

二、忌食雞鵝。陰癰病忌食生冷水果。雞鵝羊肉。膏粱厚味等物。

三、忌受驚嚇。陰癰病勿使驚嚇。陽癰類

【病源】

下痰不淨。陽癰病屬陽腑熱之病也。多因急驚去風下痰不淨。久而成此病。

【病狀】

牙關緊急。陽癰病發時。身熱自汗。仰臥面赤。脈象洪數。牙關緊急。或啼叫不已。口吐涎沫。

【變症】

時發時愈。陽癰病失治。其病久久不已。時發時愈。雖無生命危險。然變為痲疾。長大後每成廢人。不能工作。

【療法】

牙關緊急之療法。陽癰病發時。身熱自汗。仰臥面赤。脈象洪數。牙關緊急。或啼叫不已。口吐涎沫。如風象熱者。龍膽湯主之。肝經熱者。瀉青丸主之。痰涎壅甚者。四製抱龍丸主之。

【調養】

一、忌食發物。陽癰病忌食發物。如雞鵝羊肉。蝦蟹海腥等。

二、宜服六君子湯。陽癰病愈後。兒形容消瘦。面色萎黃。納食大減。此因病中過服清利藥。傷其中氣使然。調養之法。宜服六君子湯。

三、切戒汗出遇風。陽癰病切戒汗出遇風。恐風邪內侵。與痰膠結。發作愈頻也。

驚風類

【病源】

驚邪所觸。小兒心肝熱盛。偶被驚邪所觸。因而神氣潰亂。遂成癩病。是謂驚癩病。

【病狀】

如有人將捕之狀。驚癩病發時吐舌急叫。面色乍紅乍白。悚惕不安。如有人將捕之狀。

【變症】

久久不愈。驚癩病失治。其癩久久不愈。愈發愈頻。變為癩疾。痊愈無望。

【療法】

如有人將捕之狀之療法。驚癩病發時。吐舌急叫。面色乍紅乍白。悚惕不安。如有人將捕之狀。先服大青

膏。次服鎮驚丸。自能斷根。

【調養】

- 一、忌食雞羊。驚癩病忌食雞鴨羊肉。蝦蟹海腥。膏粱厚味等物。
- 二、忌受驚嚇。驚癩病勿使受驚。
- 三、納食大減。驚癩病愈後。兒形容消瘦。面色萎黃。納食大減。此中氣弱也。當服四君子湯。自可復元。

痰癩類

【病源】

平素痰盛。小兒平素痰盛。復因驚熱。遂致成癩。是謂痰癩病。

【病狀】

痰涎壅塞。痰癩病發時。痰涎壅塞。喉間氣促昏倒。口吐痰沫。

【變症】

變為癩疾。痰癩病失治其病久久不已。時發時瘥。變為癩疾。痊愈無望。

【療法】

痰涎壅塞之療法。痰癩病發時。痰涎壅塞。喉間氣促昏倒。口吐痰沫。宜先服一捻金以急下其痰。次服硃衣滾痰丸。則氣順痰清。而癩自止矣。

【調養】

- 一、宜服六君子湯。痰癩病愈後。兒精神疲乏。形容萎瘦。此因病中過服攻下之藥。傷及中氣使然。調養之法。宜常服六君子湯。化其餘痰。補其中氣。自可漸漸復元。
- 二、忌食生冷。痰癩病忌食生冷水果。膏粱厚味。

三、衣服不可過暖。痰癩病患者衣服不宜過暖。勿使受驚。

食癩類

【病源】

乳食過度 小兒乳食過度。停結中脘。乘一時痰熱壅盛。遂致成癩。是謂食癩病。病在脾。

【病狀】

吐利酸臭 食癩病其初面黃腹滿。吐利酸臭。後變時時發搐。

【變症】

惡食發頻 食癩病失治。其食不消。積結益甚。惡食不乳。發搐愈頻。大便酸臭。

【療法】

一、吐利酸臭之療法 食癩病其

初面黃腹滿。吐利酸臭。後變時時發搐。妙聖丹主之。痰盛者。祿衣接痰丸主之。後用清熱和胃丸調理。則積滯清而驚癩定矣。

二、惡食發頻之療法 食癩病失治。其食不消。積結益甚。惡食不乳。發搐愈頻。大便酸臭。宜服清熱和胃湯。兼服妙聖丹。

【調養】

一、乳食宜有節制 食癩病至要之調養法。飲食宜有節制。切戒過飽。否則縱有仙丹。仍無痊望也。

二、忌食生冷 食癩病忌食生冷水果。膏粱厚味等物。

三、面黃肌瘦 食癩病愈後。兒面黃肌瘦。精神疲乏。此中氣受傷也。調

養之法。宜服六君子湯。

風癩類

【病源】

風邪乘隙而入 汗出脫衣。腠理開張。風邪乘隙而入。遂成風癩病。

【病狀】

目青面紅 風癩病發時。目青面紅。手如數物。

【變症】

風邪深癩 風癩病失治。風邪深癩。久不痊愈。難除根也。

【療法】

目青面紅之療法 風癩病發時。目青面紅。手如數物。治法先宜疎風解表。輕則有汗。化風丹主之。重則無汗。羌活桂枝湯主之。風象痰者。牛黃

九主之。

【調養】

一忌汗出遇風 風癩病忌汗出遇風。

二忌食雞蝦 風癩病忌食雞鵝羊肉、蝦蟹海腥等物。

三、宜服玉屏風散 風癩病愈後兒表分虛弱。時易感冒。調養之法。當服玉屏風散。固其表分。邪不能侵。病可除根。

結論

癩病與驚風、瘧風之辨別。

同症

發時昏倒抽搐。痰涎壅盛。氣促作聲。

異

症

癩病發時。四肢柔軟。一食之頃即醒。依然如無病之人。
驚風、瘧風發時。一身強硬。終日不醒。

綜觀右表。欲知是癩病。抑或驚風、瘧風。須在其相異之症中求之。切不可混淆也。

陰癩陽癩。係驚風之壞症。其餘四癩。由風、驚、痰、食四因犯之而成。

癩病兒形體虛弱。面黃肌瘦者。須兼顧其正。不可猛攻其病。否則病去而命亦去。經云。大積大聚。其可犯乎。衰其半而止。今擴其意。凡癩病而形體虛弱者。病去其半。即當補之。(如四君子湯、六君子湯、人參養營湯、十

全大補湯等均可斟酌用之) 補後待其壯實。再攻其半。則正氣不傷。病根盡拔。法莫善也。

癩病宜速治。切勿延擱。否則病根深痼。痊愈無望。遺戚終身。

癩病證各方淺解類

【陰癩類各方】

- (一) 醒脾湯 (湯氏方) 見驚風證各方淺解類。
- (二) 固真湯 (證治準繩方) 見驚風證各方淺解類。
- (三) 定癩丹 (金鑑方) 人參三錢。當歸三錢。白芍三錢。(炒) 白茯神五錢。聚仁五錢。遠志三錢。(炒去心) 琥珀三錢。天竺黃四

錢。白朮五錢。(土炒) 橘

紅三錢。半夏三錢。(薑製)

天麻三錢。鈎藤鈎四錢。

炙甘草二錢。

右共爲細末。煉蜜丸。如棗子大。每服一九。淡薑湯化服。

【淺解】 本方人參、白朮、甘草、和

中補正。當歸、白芍、和血養血。半夏、橘紅、竺黃、化痰。天麻、鈎藤、泄風。茯神、棗仁、遠志、琥珀、安心定志。陰癩病多因慢驚之後。痰入心包所致。正虛痰盛。治法當補虛化痰。雙方並進。可收全功。宜服本方。

【陽癩類各方】

(一) 龍膽湯(千金方)

見初生諸病證(上)各方淺解

類。

(二) 瀉青丸(錢乙方)

見驚風證各方淺解類。

(三) 四製抱龍丸(局方)

天竺黃五錢。辰砂二錢。膽

星一兩。雄黃二錢。麝香一

分半。

右爲極細末。另用麻黃五錢。款冬花五錢。甘草五錢。煎湯去渣。慢火熬成膏。合藥末爲丸。如芡實大。每服一九。薄荷湯化下。

【淺解】 本方竺黃、膽星、化痰消

涎。辰砂、雄、麝、辟穢却邪。麻黃開閉。款

冬疏肺。陽癩病痰涎壅盛。穢邪鴟張。速服此丸。立見功效。

(四) 六君子湯(局方)

人參二錢。白朮一錢半。白

茯苓一錢。炙甘草一錢。製

半夏一錢。廣陳皮一錢。

右以水一碗半煮。取五分。去渣。時

時服之。

【淺解】 本方以參、朮、苓、草補中。

半夏、陳皮運中。使補而不滯。陽癩病愈後。兒形容消瘦。面色萎黃。納食大減。此因病中過服清利藥傷其中氣。使然。調養之法。宜服此方。

【驚癩類各方】

(一) 大青膏(六科準繩方)

天麻三錢。白附子二錢。青

黛一錢(研)。蠟尾一錢。(去

毒) 硃砂一錢。(研) 天

竺黃二錢。麝香三分。烏梢

蛇肉一錢。(酒浸焙乾)

右共研細末。煉蜜和膏。每服大兒五分。小兒三分。薄荷湯化服。

〔淺解〕 本方天麻、白附、蠅尾、烏梢蛇、泄風、硃砂鎮心定驚。麝香辟穢行滯。青黛清熱。竺黃化痰。驚癇病初起。宜先服此膏。使風解驚定。熱清痰化。則各症皆瘥。

(二)鎮驚丸(證治準繩方)

白茯苓五錢。麥冬五錢。(去

心) 辰砂三錢。遠志三錢。

(去心) 石菖蒲三錢。(炒)

棗仁三錢。牛黃一錢半。

川黃連三錢。珍珠二錢。膽

星五錢。鈎藤鈎五錢。天竺

黃五錢。犀角三錢。生甘草

癩病證

二錢。

右共研細末。煉蜜爲丸。每丸重五分。量兒大小與之。用淡薑湯下。

〔淺解〕 本方茯苓、辰砂、珍珠、安神定志。遠志、菖蒲、膽星、竺黃化痰開心。牛黃、川連、犀角、大清心熱。棗仁、甘草、酸甘養心。鈎藤泄風定搐。驚癇病由心有痰熱。神志不安使然。速服此方。清熱化痰。安神定志治之。有神效也。

(三)四君子湯(局方)

見驚風證各方淺解類。

〔痰癇類各方〕

(一)一捻金(金鑑方)

見初生諸病證(上)各方淺解類。

(二)硃衣滾痰丸(養生主論方)

礞石一兩。(煨) 沉香五錢。

黃芩七錢。大黃一兩。

右爲細末。水泛爲丸。硃砂爲衣。每丸重五分。大兒每服一丸。小兒每服半丸。白滾水化下。

〔淺解〕 本方大黃、礞石、滾痰逐痰。黃芩清熱。沉香降氣。痰癇病痰涎壅塞。宜先服一捻金。以急下其痰。次服本丸。則氣順痰清。而癇自止矣。

(三)六君子湯(局方)

見本證陽癇類各方淺解。

〔食癇類各方〕

(一)妙聖丹(證治準繩方)

雄黃二錢。蠟梢二錢。硃砂

二錢。代赭石二錢。(煨醋淬)

巴豆三個。(去油) 杏仁

二錢。(炒去皮尖)

右共爲細末。蒸棗肉爲丸。如桐子大。每服三五丸。木香煎湯化服。

〔淺解〕 本方以巴豆攻蕩食積。

蠟梢泄風定搐。硃砂鎮心安神。雄黃辟穢消積。木香利氣行滯。代赭杏仁降逆止吐。食癩病由痰食積滯而成。速服此丸。攻其積滯。定其抽搐。則癩自瘥也。

(二) 硃衣滾痰丸(養生主論方)

見本證痰癩類各方淺解。

(三) 清熱和胃丸(金鑑方)

生川連五錢。生梔子五錢。

竹茹四錢。麥冬五錢。(去心)

連翹四錢。(去心) 山查

一兩。神糲一兩。(炒) 麥

芽一兩。(炒) 陳皮四錢。

枳實五錢。(麸炒) 大黃五

錢。生甘草三錢。

右爲細末。煉蜜爲丸。每重一錢。大

兒每服一丸。小兒每服半丸。用白滾

水化下。

〔淺解〕 本方川連、梔子、連翹、大

黃、清解邪熱。山查、神糲、麥芽、枳實、陳

皮、竹茹、消食行滯。麥冬、甘草、和胃養

胃。食癩病服妙聖丹後。病勢已退。宜

接服此丸調理。則積滯清而驚癩定

矣。

(四) 清熱和胃湯(金鑑方)

川連一錢。(生) 梔子一錢。

(生) 竹茹一錢。麥冬二

錢。(去心) 連翹一錢。山

查二錢。神糲二錢。(炒)

麥芽二錢。(炒) 陳皮一錢。

枳實一錢。(麸炒) 大黃

一錢。生甘草一錢。

右以水二碗煮。取五分。去渣。時時

服之。

〔淺解〕 此方卽右方。惟分量不

同。製以爲湯。湯者蕩也。欲其藥力較

急也。食癩病失治。病勢壅盛。速服此

方。攻消積滯。兼服妙聖丹。自可獲救。

(五) 六君子湯(局方)

見本證陽癩類各方淺解。

〔風癩類各方〕

(一) 化風丹(證治準繩方)

磨星二錢。羌活一錢。獨活

一錢。天麻一錢。防風一錢。

炙甘草一錢。荆芥穗一錢。

人參一錢。川芎一錢。

右共爲細末。煉蜜丸。皂子大。每服

一丸。薄荷湯化開服。

〔淺解〕 本方膽星化痰。羌活、獨

活、天麻、防風、荆芥、泄風、人參、甘草、和

氣、川芎和血。風癩病治宜疎風解表。

病勢輕者。當服此方輕泄之。便可痊

愈。

(二)羌活桂枝湯(金鑑方)

羌活一錢。防風一錢。麻黃

五分。桂枝八分。天麻一錢。

大黃一錢。生甘草一錢。

生薑三片。

右以水二碗煮。取五分。去渣。時時

服之。

〔淺解〕 本方羌活、防風、麻黃、桂

枝、天麻、開表疏風。大黃清裏。甘草和

中。風癩病風邪鬱結。病勢重者。服右

方必無效。以病重藥輕。藥力不能抵

達病所也。非以麻黃、桂枝、大開大發。

則鬱滯之風邪何由泄。癩何由解哉。

風癩病有汗者。病勢輕。當服上方。

(即化風丹)無汗者。病勢重。當服

本方。

(三)牛黃丸(證治準繩方)

膽星一錢半。全蠍一錢半。

(去毒) 蟬退一錢半。防

風一錢半。牛黃一錢半。白

附子一錢半。(生) 殭蠶一

錢半。(炒) 天麻一錢半。

麝香五分。

右爲細末。煮棗去核皮。取肉和丸。

如棗豆大。每服三五丸。生薑湯化服。

〔淺解〕 本方膽星化痰。全蠍、蟬

退、防風、白附、殭蠶、天麻、疏風泄邪。牛

黃清心解毒。麝香辟穢開閉。風癩病

風痰膠結。心神昏憤。速服此方。立見

功效。

(四)玉屏風散(世醫得效方)

防風二錢。黃耆二錢。白朮

二錢。

右爲細末。每日以白滾水調服五

分。

〔淺解〕 本方以白朮健中。黃耆

固表。然二味之中。苟無疏動之品佐

之。則藥力不能直達肌表。且一派補

品之中。苟無開表之品佐之。則肌表依然壅塞。風邪隨時可侵。必當一開一合。一宣一補。則肌膚通達。表分堅固。風邪不能侵。此所以加入防風也。爲固表之聖劑。風癩病愈後。兒表分虛弱。時易感冒。調養之法。當服本方。則邪不能侵。病可除根。

【附方】

(一)人參養營湯(局方)

人參一錢。白朮一錢。白茯苓一錢。炙甘草一錢。黃耆一錢。陳皮一錢。當歸一錢。熟地七分半。白芍一錢半。桂心一錢。遠志五分。五味子七分半。生薑三片。大棗二枚。

右以水三碗煮。取一碗。去渣。分數次服之。

〔淺解〕 古人治氣虛以四君。治血虛以四物。氣血俱虛以八珍。更加黃芪、肉桂。名十全大補。宜乎萬舉萬當也。而用之有不獲效者。蓋補氣而不用行氣之品。則氣虛之甚者。無氣以受其補。補血而仍用行血之物於其間。則血虛之甚者。更無血以流行。故加陳皮以行氣。而補氣者悉得效。其用。去川芎行血之味。而補血者因以奏其功。此善治者。只一加一減。便能轉旋造化之機也。然氣可召而至。血易虧難成。苟不有以求其血脈之主而養之。則營氣終歸不足。故倍人參爲君。而佐以遠志之苦先入心。以

安神定志。使甘溫之品。始得化爲血以奉生身。又心苦緩。必得五味子之酸以收斂神明。使營行脈中。而流於四臟。名之曰養營。不必仍十全之名。而收效有如此者。

(二)十全大補湯(局方)

人參一錢。白朮一錢。白茯苓一錢。炙甘草一錢。川芎一錢。當歸一錢。白芍一錢。熟地一錢。桂心五分。陳皮一錢。
右以水三碗煮。取一碗。去渣。頓服。
〔淺解〕 本方以參、朮、苓、草補氣。芎、歸、地、芍補血。桂心溫陽。陳皮利氣。

汗病證

總綱

一 何謂汗病。

汗乃人之津液。存於陽者為津。存於陰者為液。發洩於外為汗。若汗無故而出者。乃因陰陽偏勝也。是謂汗病。

二 汗病有自汗盜汗二種。宜以何法辨之。

小兒無因而汗自出者。謂之自汗。睡則汗出。覺則汗止。謂之盜汗。

三 汗病之主要治法如何。

表虛——玉屏風散。

陽氣虛——桂枝加附

子湯。

汗病證

陽明裏實——白虎湯。
便秘——調胃承氣湯。

睡則多驚——酸棗仁

二、盜汗

身多煩熱——當歸六

黃湯。

四 治汗病有無禁忌。

自汗盜汗。若係形體虛弱。宜峻補之。不可投絲毫發汗藥。犯之。每令汗出如豆而死。

五 汗病失治。有無危險。

汗病失治。兒形體益虛。面黃肌瘦。精神困倦。每令延入損途。變為疳病。

自汗類

【病源】

病源有二。生自汗病之原因有

二。(1)表分虛弱。(2)陽明裏熱。凡此二因。俱令兒無故而汗自出。是謂自汗病。

【病狀】

濺濺自汗。自汗病濺濺自汗。發熱惡虛。乃表虛也。汗出蒸蒸發熱。不惡寒。乃裏實也。

【變症】

形容枯槁。自汗病失治。自汗益劇。形體益虛。面色枯槁。肌膚憔悴。精神困倦。每令延入損途。變為疳病。

【療法】

一、濺濺自汗之療法。自汗病濺濺自汗。發熱惡寒。乃表虛也。法當固表。玉屏風散主之。若惡寒冷甚。脈虛者。陽氣虛也。桂枝湯加附子固之。若

汗出蒸蒸。發熱不惡寒。乃裏實也。用白虎湯清之。便秘者。以調胃承氣湯攻之。

二、形容枯槁之療法 自汗病失治。自汗益劇。形體益虛。面色枯槁。肌膚憔悴。精神困倦。每令延入損途。變為疴病。速以人參黃耆湯主之。常服勿輟。必能獲救。

【調養】 一、忌食雞鵝 自汗病忌食雞鵝羊肉。蝦蟹海腥。忌飲熱湯。一切發汗之藥。如麻黃、浮萍、防風、薄荷等。俱忌服之。

二、不宜多動 自汗病患者不宜勞動。不可奔跑。
三、宜服四君子湯 自汗病愈後。

兒精神疲乏。形容萎黃。久不復元。調養之法。宜服四君子湯。

盜汗類

【病源】

心熱心虛 生盜汗之原因有二。(1)心虛。心陰不足。氣不收斂。(2)心熱。火傷於陰。心陽外越。凡此二因。俱令睡後汗出。而成盜汗。

【病狀】

睡後汗出 盜汗病睡後汗出。覺則汗止。由心虛者。必兼見睡則多驚之症。由心熱者。必兼見身熱心煩之症。

【變症】

精神疲乏 盜汗病失治。盜汗不止。其兒心陰大傷。精神疲乏。心悸多

驚。面色萎黃。肌肉乾瘦。每令延入損途。變為疴病也。

【療法】

一、睡後汗出之療法 盜汗病睡後汗出。覺則汗止。由心虛者。必兼見睡則多驚之症。酸棗仁湯主之。由心熱者。必兼見身熱心煩之症。當歸六黃湯主之。

二、精神疲乏之療法 盜汗病失治。盜汗不止。其兒心陰大傷。精神疲乏。心悸多驚。面色萎黃。肌肉乾瘦。每令延入損途。變為疴病。宜常服酸棗仁湯。始得弋獲。

【調養】

一、忌食辛辣 盜汗病忌食辛辣香燥。蝦蟹海腥等物。忌飲熱湯。一切

發汗之藥。如麻黃、浮萍等。俱忌服之。
二、浮麥糯稻。盜汗病宜以浮小麥、糯稻根去泥。煮湯代茶。和陰止汗。有神效也。

結論

汗乃人之津液。存於陽者爲津。存於陰者爲液。發洩於外爲汗。若汗無故而出者。乃因陰陽偏勝也。如小兒無因而汗自出者。謂之自汗。自汗屬陽。有虛實之別。虛者汗出翕翕發熱。惡寒。乃表虛也。汗出蒸蒸發熱。不惡寒。乃裏實也。表虛者。法宜固表。裏實者。法當攻熱。又有睡則汗出。覺則汗止。謂之盜汗。盜汗主陰虛。然當分心虛不固。心火傷陰也。心虛當補心。心熱當涼血。治者宜詳辨之。庶無差謬。

汗病諸方各十方淺解類

【自汗類各方】

(一) 玉屏風散 (世醫得效方)

黃耆一錢半 (蜜炙) 防風

一錢 白朮一錢半 (土炒)

右以水二碗煮取一碗。去渣。頓服。

〔淺解〕 本方係固肌表之劑。防

風偏行周身。爲風藥中之潤劑。黃耆

能補三焦而實衛。爲元府禦風之關

鍵。是補劑中之風藥。二者相合。其功

愈大。白朮健脾胃。溫肌肉。培土即以

寧風。夫以防風之善驅風。得黃耆以

固表。則外有所衛。得白朮以固裏。則

內有所據。風邪既去。而不復入。無邪

氣留連之患。則自汗自瘥。此所以當

依如屏而珍如玉也。

(二) 桂枝加附子湯 (傷寒論方)

白芍二錢 桂枝一錢 炙甘

草一錢 附子二錢 (製)

生薑三片 紅棗三枚

右以水二碗煮取一碗。去渣。頓服。

〔淺解〕 本方以白芍、甘草和陰

止汗。桂枝、附子和陽止汗。自汗病陽

氣虛者。宜服本方。

(三) 白虎湯 (傷寒論方)

見發熱證各方淺解類。

(四) 調胃承氣湯 (傷寒論方)

見發熱證各方淺解類。

(五) 人參黃耆湯 (即黃耆湯冰

玉堂驗方)

見水腫證各方淺解類。

(六) 四君子湯 (太平惠民和劑

局方)

見驚風證各方淺解類。

【盜汗類各方】

(一)酸棗仁湯(醫宗金鑑方)

當歸一錢。白芍一錢。(炒)

生地一錢。茯苓一錢。酸

棗仁一錢。(炒) 知母一錢。

(炒) 黃柏一錢。(炒)

五味子一錢。人參一錢。黃

耆一錢。(炙)

右以水二碗煮。取一碗。去渣。頓服。

〔淺解〕 本方以當歸、白芍、生地、

補心血。人參、黃耆、茯苓、補心氣。酸棗、

五味、斂心陰以止汗。知母、黃柏、清炎

火以除熱。

(二)當歸六黃湯(證治準繩方)

當歸一錢。生地黃一錢。(炒)

熟地黃一錢。黃柏一錢。

黃芩一錢。黃連一錢。黃耆

二錢。

右以清水二碗煮。取一碗。臨臥時

服。

〔淺解〕 寐則衛氣行陰。陰虛有

火之人。陽火與陰相爭。故陰液失守。

外走而汗出。此方用當歸以養液。二

地以滋陰。令陰液得其養也。用黃芩

瀉上焦火。黃連瀉中焦火。黃柏瀉下

焦火。令三火得其平也。又於諸寒藥

中加黃耆。庸者不知。以為贅品。且謂

陽盛者不宜。抑知其妙義正在於斯

也。蓋陽爭於陰。汗出營虛。則衛亦隨

之而虛。故倍加黃耆。一以完已虛之

表。一以固未定之陰也。

失血證

總綱

一 何謂失血。

血離經脈。由上而出。謂之吐血。衄血。由下滲出。謂之溺血。便血。凡此皆失血之候也。

二 失血證共分幾類。

共分四類
一、衄血。
二、吐血。
三、便血。
四、溺血。

三 失血證各病之主要治法如何。

一、衄血
傷寒——無汗——麻黃湯。
失汗——有汗——桂枝湯。
內熱——犀角地黄湯。

失血證

熱盛——四物三黃湯

心湯。

血熱妄行——犀角地

黃湯。

二、吐血
勞傷吐血——桃仁承

氣湯。

勞傷吐血——雞蘇散。

救肺散。

腸風臟毒——皂刺大

黃湯。

三、便血

大下
血後
熱盛微痛——槐花散。

濕盛不痛——平胃地榆湯。

便血日久氣血衰弱——

升陽和血湯。人參

養營湯。

四、溺血——牛膝四物湯。

四 失血之主要調養法如何。

凡係失血。俱忌食辛辣香燥煎炒

炙爆。膏粱厚味。雞鵝羊肉等物。

五 失血失治。有無危險。

失血失治。血去過多。形體衰弱。面

黃肌瘦。精神疲乏。每令延入損途。變

為勞怯也。

衄血類

【病源】

熱鬱於營。生衄血病之原因有

二。①傷寒失汗。熱鬱於營。②內熱壅

盛。凡此二因。俱令鼻中出血。而成衄

血。

【病狀】

鼻中乾燥 衄血病鼻中出血。鼻中乾燥。身熱不渴。苦頭痛。是熱傷陽絡也。

【變症】

血出不止 衄血病如由傷寒失汗。則血去而病自解。是謂紅汗。仲景所謂「衄乃解」是也。如由內熱壅盛而復失治。則其熱益劇。血出不止。而亦足冷。陽盡上越。有生命危險也。

【療法】

一、鼻中乾燥之療法 衄血病鼻中出血。鼻中乾燥。身熱不渴。苦頭痛。是熱傷陽絡也。若因傷寒失汗者。為熱鬱於營。無汗者。宜麻黃湯主之。有汗者。桂枝湯解之。設無表病。因內熱而衄血者。宜以犀角地黃湯清之。熱

盛者。四物三黃瀉心湯瀉之外。俱用髮灰散。或黑梔子末吹鼻。其衄自止。

二、血出不止之療法 衄血病失治。其熱益劇。血出不止。而亦足冷。陽盡上越。有生命危險也。速以生鹽附子黎兩足底心。引火下降。則血自止也。

【調養】

一、忌食辛辣 衄血病忌食辛辣。香燥。煎炒炙爆等物。忌飲熱湯。
二、不可奔走 衄血病患者不可奔走。不可大聲呼喊。
三、以墨塞鼻 衄血初起。如一時不及備藥。速以好墨磨汁。以紙蘸之。塞於鼻孔內。頭向上仰。兼以冷手巾按額上。靜臥勿動。則血自止也。

吐血類

【病源】

內熱壅盛 小兒生吐血病之原因有三。(1)內熱壅盛。迫血妄行。(2)勞傷及經絡。(3)勞傷內損。凡此三因。俱令成吐血也。

【病狀】

吐血成塊 吐血病吐血成塊。而不咳嗽。此屬內熱壅盛。迫血妄行也。若因勞傷及經絡者。必兼見脇痛咳嗽之症。因勞傷內損吐血者。必兼見咳嗽痰中帶血。面色萎黃。形容枯槁等症。

【變症】

吐血益多 吐血病失治。吐血益多。傷及正氣。日久血雖止而乾咳不

已。形容枯槁。精神委頓。必致延入損途。而不可救。

【療法】

吐血成塊之療法 吐血病吐血成塊。而不咳嗽。此屬內熱壅盛。迫血妄行也。犀角地黄湯主之。若因勞傷及經絡者。必兼見脇痛咳嗽之症。先用桃仁承氣湯以破逐之。次用加味四物湯和之。因勞傷內損吐血者。必兼見咳嗽痰中帶血。面色萎黃。形容枯槁等症。有熱者。雞蘇散主之。無熱者。救肺散主之。

【調養】

一、忌食雞鵝 吐血病忌食雞鵝羊肉。蝦蟹海腥。辛辣香燥。煎炒炙燥等物。並忌飲熱湯。

二、不可勞動 吐血病患者不可勞動。呼吸喘奔。跑。

三、宜服三七 吐血病宜兼服參三七末。止血和血。有殊功也。

傾血類

【病源】

恣食肥甘 小兒恣食肥甘。致生內熱。傷陰絡而便血。是謂便血病。

【病狀】

血色黯濁 便血病先下血。後下糞。血色黯濁。肛門腫痛。此為近血。一名臟毒。若血鮮而清。腹中不痛。先下糞。後下血。此為遠血。一名腸風。

【變症】

面色萎黃 便血病失治。便血不止。日久不愈。血去過多。兒精神疲乏。

面色萎黃。肌肉消瘦。有生命危險也。

【療法】

一、血色黯濁之療法 便血病先下血。後下糞。血色黯濁。此名近血。一名臟毒。初起肛門腫痛者。用皂刺大黃湯消之。大下血後。熱盛微痛者。以槐花散和之。濕盛不痛者。以平胃地榆湯和之。若血鮮而清。腹中不痛。先下糞。後下血。此為遠血。一名腸風。槐花散主之。

二、面色萎黃之療法 便血病失治。便血不止。日久不愈。血去過多。兒精神疲乏。面色萎黃。肌肉消瘦。有生命危險也。宜以升陽和血湯和之。繼以人參養營湯補之。

【調養】

一、忌食厚味 便血病忌食辛辣
香燥煎炒炙燥膏粱厚味雞鴨羊肉
蝦蟹海腥等物。

二、吞三七末 便血病宜兼吞三
七末和血止血每有神效。

三、精神疲乏 便血病愈後兒精
神疲乏面色萎黃久不復元調養之
法宜服八珍湯。

瀉血類

【病源】

心熱遺於小腸 心熱遺於小腸
遂令尿數瀉血是謂瀉血病。

【病狀】

陰莖疼痛 瀉血病瀉竅尿血熱
臭異常陰莖疼痛。

【變症】

精神疲弱 瀉血病失治瀉血久
久不已精神疲弱面色萎黃此正氣
受傷也。

【療法】

一、陰莖疼痛之療法 瀉血病瀉
竅尿血熱臭異常陰莖疼痛牛膝四
物湯主之。

二、精神疲弱之療法 瀉血病失
治瀉血久不已精神疲弱面色萎
黃此正氣受傷也宜服加味補中益
氣湯。

【調養】

一、忌食海腥 瀉血病忌食辛辣
香燥煎炒炙燥雞鴨羊肉蝦蟹海腥
等物。

二、橙苳泡飲代茶 瀉血病宜以

橙苳草泡飲代茶清心泄熱可減輕
病勢不少。

結論

凡失血之證陽盛乘陰則血為熱
迫不能安於脈中犯於氣分妄行不
能歸入經脈也若血病傷及於腑者
則血滲入腸胃之濁道上行於咽出
而為吐為衄下從二便而出為便為
溺也若血病傷及於臟者則溢出於
胸中之清道上從喉出而兼咳嗽下
尿竅而出為溺血也夫血藏於臟內
行於脈中流於軀殼之內不可得而
見也非損傷不能為病而損之之因
有三一曰熱傷陽絡腑病也熱傷陰
絡臟病也宜以清熱為主一曰勞傷
宜以破逐為主一曰勞傷宜以理損

爲主。若日久止血。而咳嗽不休者。主必死之證。故勢多凶也。

失血證各下方淺解類

【衄血類各方】

(一)麻黃湯(傷寒論方)

麻黃一錢。(去節) 桂枝八分。(去皮) 甘草五分。杏

仁三錢。(泡去皮尖碎)

右以水三碗煮。取一碗。去渣。溫服八分。溫覆取汗。不須啜粥。一服汗出。停後服。汗出多者。溫粉撲之。若脈浮而弱。汗自出。或尺中脈微與遲者。俱禁用之。

〔淺解〕此方雖屬太陽發汗之重劑。實爲發散肺經鬱邪之主藥。方中以麻黃通經絡而解皮毛之邪。桂

枝和營衛而解肌腠之邪。杏仁利肺氣以助麻黃之力。甘草和中氣以調節麻桂之發散。故凡肺氣不暢。及肌表壅蔽無汗者。皆可適用。衄血因傷寒失汗。爲熱鬱於營。無從發泄使然。速服此方透發。則邪熱外達。氣機通暢。衄自止也。

(二)桂枝湯(傷寒論方)

桂枝一錢。(去皮) 芍藥一錢。(酒洗) 生薑一錢。(切)

甘草八分。(炙) 大棗三

枚。(劈)

右咬咀以水三碗煮。取一碗。去渣。頓服。

〔淺解〕此爲仲景羣方之冠。乃解肌發汗調和營衛之第一方也。

(三)犀角地黃湯(千金方)

犀角屑一錢。(磨水沖入藥中。如無。以川升麻代之)

生地黃三錢。牡丹皮一錢。(去心

淨) 芍藥一錢半。

右以水三碗煮。取一碗。去渣。沖入犀角汁。溫服。

〔加法〕便硬者。加入川大黃二

錢。

〔淺解〕本方以犀角清心。去火之本。生地涼血。以生新血。白芍斂血。止血妄行。丹皮破血。以逐其瘀。雖曰

清火。而實滋陰。雖曰止血。而實去瘀。

(四)四物三黃瀉心湯(醫宗金鑑方)

川芎一錢。當歸一錢。(酒洗)

生地黄一錢。赤芍藥一錢。

黃芩一錢。黃連一錢。川

大黃一錢。(酒洗)

右以水三碗煮。取一碗。去渣。頓服。

〔淺解〕 本方以芎、歸、地、芍、瀉血

和血。連、芩、大黃、清熱泄火。

〔五〕髮灰散(證治準繩方)

取壯實人頭髮陰陽瓦煨成灰。

放在地上。去火性。研細末。吹入

鼻中。血衄自止。

〔淺解〕 髮灰爲止血之聖藥。

〔六〕梔子灰方(千金方)

黑梔子煨成灰。放在地上。去火

性。研細末。吹入鼻中。血自止。

〔淺解〕 本方梔子味苦。性寒。煨

灰則能止血。

〔七〕生附子禁足底心方(王孟英方)

以生附子浸鹽汁中。取起。禁足

底心中。則火自下降。衄血自止。

神效。

〔淺解〕 此引火歸元法也。

〔吐血類各方〕

〔一〕犀角地黄湯(千金方)

見本證衄血類各方淺解。

〔二〕桃仁承氣湯(傷寒論方)

桃仁一錢。(去皮尖研) 大

黃一錢。芒硝一錢。甘草一

錢。桂枝一錢。

右加入當歸一錢。芍藥一錢。蘇木

一錢。紅花一錢。以水三碗煮。取一碗。

去渣。頓服。

〔淺解〕 本方歸、芍、蘇、木、紅、花、桃

仁、桂枝、活血行瘀。瘀去則血自止也。

大黃、芒硝、清解積熱。甘草和正。

〔三〕加味四物湯(冰玉堂驗方)

當歸一錢。芍藥一錢。川芎

一錢。生地黄三錢。茅根三

錢。(去心) 蒲黃二錢。牡丹

皮一錢。參三七一錢半。(研

末。另吞) 梔子三錢。(炒黑)

生甘草一錢。

引用藕節炭三錢。以水三碗煮。取

一碗。去渣。頓服。

〔淺解〕 本方芎、歸、白芍、和血養

血。生地、茅根、涼血止血。三七、蒲黃、丹

皮、藕節、行血止血。山梔清熱。甘草和

正。

(四)雞蘇散(濟生方)

雞蘇薄荷葉五分。川貝母一錢。(去心) 麥門冬二錢。桔梗五分。阿膠二錢。(蛤粉炒)

生地黃三錢。生甘草五分。

炙黃耆二錢。白茅根三錢。

蒲黃二錢。(炙)

右以水三碗煮。取一碗。去渣。頓服。

(淺解) 本方薄荷、桔梗、疏風泄

邪。生地、阿膠、和陰補血。甘草、黃耆、補

氣和中。茅根、蒲黃、清血止血。川貝化

痰止咳。麥冬養胃和陰。

(五)救肺散(醫宗金鑑方)

麥冬三錢。(去心) 人參三

錢。黃耆三錢。(炙) 鬱金

一錢半。五味子一錢。當歸

一錢半。(酒洗) 白芍藥一

錢半。(酒炒) 川貝母一錢。

(去心研) 甘草一錢。(炙)

馬兜鈴一錢。

右以水三碗煮。取一碗。去渣。頓服。

(淺解) 本方人參、黃耆、甘草、麥

冬、和胃補氣。當歸、白芍、和血養血。兜

鈴、五味、欬肺止咳。川貝、鬱金、利氣化

痰。吐血病因勞傷內損而無熱者。宜

峻補之。當服本方。

【便血類各方】

(一)皂刺大黃湯(醫宗金鑑方)

皂刺七分。生川大黃一錢。

右以水一碗半煮。取半碗。去渣。頓

服。

(淺解) 本方皂刺行結破積。以

治膿毒。佐以大黃。其力愈銳。

(二)槐花散(統旨方)

槐花二錢。側柏葉二錢。枳

壳一錢。(麸炒) 川黃連一

錢。荆芥穗二錢。(炒)

右以水三碗煮。取一碗。去渣。頓服。

(加法) 膿毒加蒼朮一錢。苦楝

子一錢。腸風加秦朮一錢。防風一錢。

(淺解) 本方以槐花、荆芥、泄腸

風。側柏、川連、清腸熱。枳壳利腸滯。

(三)平胃地榆湯(衛生寶鑑方)

蒼朮一錢。(炒) 陳皮一錢。

厚朴一錢。(薑炒) 甘草

一錢。地榆三錢。

右以水三碗煮。取一碗。去渣。頓服。

(淺解) 本方以蒼朮、陳皮、厚朴、

化濕利氣。地榆清熱止血。

(四) 升陽和血湯 (醫宗金鑑方)

黃耆三錢。(炙) 當歸二錢。

(酒洗) 白芍二錢。(炒)

牡丹皮一錢。陳皮一錢。肉

桂一錢。秦朮一錢。生地黃

三錢。熟地黃三錢。生甘草

五分。炙甘草五分。蒼朮一

錢。(炒) 升麻一錢。

右以水三碗煮。取一碗。去渣。頓服。

〔淺解〕 本方以黃耆、二甘、和中

補氣、歸、芍、二地、和血補血。蒼朮、陳皮、

利氣行滯。升麻升陽。秦朮、肉桂、泄風、

便血病失治。便血不止。日久不愈。血

去過多。兒精神疲乏。面色萎黃。肌肉

消瘦。有生命危險也。宜服此方和之。

(五) 人參養營湯 (醫宗金鑑方)

人參一錢。黃耆一錢。(炙)

白朮一錢。(土炒) 白茯

苓二錢。白芍二錢。(炒)

熟地三錢。當歸二錢。(酒洗)

甘草一錢。(炒) 陳皮一錢。

右以水三碗煮。取一碗。去渣。頓服。

〔淺解〕 本方以人參、黃耆、白朮、

茯苓、甘草、和中補氣。熟地、歸、芍、和血

補血。陳皮利氣行滯。肉桂溫陽散寒。

便血病失治。日久不愈。氣血俱衰。宜

服此方補之。

(六) 八珍湯 (六科準繩方)

見癖疾證各方淺解類。

〔弱血類各方〕

(一) 牛膝四物湯 (醫宗金鑑方)

牛膝一錢。木通一錢。鬱金

一錢。甘草梢一錢。瞿麥一

錢。當歸一錢。川芎一錢。

生地一錢。赤芍一錢。

右以水三碗煮。取一碗。去渣。頓服。

〔淺解〕 本方以芎、歸、地、芍、和血

止血。加牛膝、木通、甘草梢、瞿麥、通利

小便。鬱金利氣行滯。

(二) 加味補中益氣湯 (冰玉堂

驗方)

即於補中益氣湯原方內加參

三七三錢。煎服各法。概依原方。

(方見瀉病證各方淺解類)

〔淺解〕 本方以補中益氣湯原

方補中益氣。加三七以和血止血。

水腫證

總綱

一 何謂水腫。

腫之由於水氣者。謂之水腫。

二 水腫之部位不同。其治法各如何。

水腫在腰以上者。屬風。法宜發汗。腫在腰以下者。屬濕。法宜利水。有通身上下皆腫者。係風濕兩傷。法宜汗利兼施。腫而喘不得臥。宜逐肺飲。腫而脹滿便秘。宜攻脾水。各以其部位如何。病狀如何。而定治法也。

三 水腫證共分幾類。

一 風水腫。

二 濕水腫。

水腫證

【共分】三、風濕腫。
五類。

四、陽水。

五、陰水。

四 水腫之調養法如何。

水腫大忌鹽醬糟物。平時須以赤豆煮湯代茶。用鯉魚和冬瓜葱白煮汁食。或鯽魚亦佳。用醋勿用鹽。或用綠頭鴨白鴨同赤豆煮汁。空腹食之。不能忌鹽者。用赤豆大麥麩煮成黃色。以伏龍肝水澄清。化青鹽下之。忌豬、羊、雞、鵝、蝦、蟹、麩、及一切生冷炙爆等物。

五 水腫失治。有無危險。

水腫失治。其水益盛。正氣益虛。必致衝心而死。

風水腫類

【病源】

外感風邪 外感風邪。引動水氣。遂令頭面浮腫。是謂風水腫病。

【病狀】

頭面皆腫 風水腫病。頭面肩臂至腰間皆腫。其兒之目裹上。微擁。如蠶新臥起狀。其頸脈動。時時咳。按其手足上。陷而不起。

【變症】

腫從四肢入腹 風水腫病失治。其腫從四肢歸來入腹。喘而煩悶。心忪欲死。此水氣衝心也。死不治。

【療法】

頭面皆腫之療法

風水病。頭面肩臂至腰間皆腫。其兒之目裹上。微擁。如蠶新臥起狀。其頸脈動。時時咳。

風水病。頭面肩臂至腰間皆腫。其兒之目裹上。微擁。如蠶新臥起狀。其頸脈動。時時咳。

風水病。頭面肩臂至腰間皆腫。其兒之目裹上。微擁。如蠶新臥起狀。其頸脈動。時時咳。

風水病。頭面肩臂至腰間皆腫。其兒之目裹上。微擁。如蠶新臥起狀。其頸脈動。時時咳。

風水病。頭面肩臂至腰間皆腫。其兒之目裹上。微擁。如蠶新臥起狀。其頸脈動。時時咳。

風水病。頭面肩臂至腰間皆腫。其兒之目裹上。微擁。如蠶新臥起狀。其頸脈動。時時咳。

按其手足上陷而不起。法宜發汗則愈。經所謂開鬼門是也。以越婢加朮湯主之。

【調養】

一、忌食鹽醬 風水腫病忌食鹽醬糟物百日。並戒豬羊雞鵝。蝦蟹麩麩。及一切生冷炙爆。

二、開鹽醬法 風水腫病愈後。欲食鹽醬者。須用開鹽醬法。以鯉魚一個破開。入五苓散放瓦上對合。上下俱用火炙黃焦。存性爲末。加麝香少許。空心棗漿湯服之。服完一料。可放臍食鹽醬。不復發矣。

三、赤豆煮湯代茶 風水腫病宜以赤豆煮湯代茶。或以鯉魚和冬瓜葱白煮汁食。均有神效。可佐正方之不及。

濕水腫類

【病源】

脾經濕熱 脾經濕熱壅滯不解。遂令下身浮腫。是謂濕水腫病。

【病狀】

腰臍皆腫 濕水腫病腰臍至兩足皆腫。氣或急或不急。大便或溏或不溏。

【變症】

水氣上衝 濕水腫病失治。正氣益虛。水勢益甚。由足上攻臍腹。心悸氣促。時時泛噫。劇則神次昏憤。有生命危險也。

【療法】

一、腰臍皆腫之療法 濕水腫病

腰臍至兩足皆腫。氣或急或不急。大便或溏或不溏。急用利水之法。經所謂潔淨府是也。外用貼臍法。內服沉香琥珀丸。形體虛者。宜服加味胃苓散。最爲靈妙。

二、水氣上衝之療法

濕水腫病失治。正氣益虛。水勢益甚。由足上攻臍腹。心悸氣促。時時泛噫。劇則神次昏憤。有生命危險也。姑以人參湯下沉香琥珀丸。或可有救。

【調養】

一、忌食雞鵝 濕水腫病忌食鹽醬糟物。並戒雞鵝羊肉。蝦蟹海腥。麩麩生冷水果等物。

二、茯苓煮湯代茶

濕水腫病宜以赤豆茯苓煮湯代茶。則病易痊可。

三、宜服四君子湯。濕水腫病愈後。兒正氣虛弱。精神疲乏。久不復元。調養之法。宜服四君子湯。

風濕腫病類

【病源】

風濕相搏。內停濕飲。外感風邪。風濕相搏。水道不利。外攻肌表。因而通身作腫。是謂風濕腫病。

【病狀】

通身皆腫。風濕腫病通身頭面手足皆腫。若水停上攻於肺。更見喘急不得臥之證。若水停中州。則更見脹滿之症。

【變症】

腫由四肢歸來入腹。風濕腫病失治。其腫不消。由四肢歸來入腹。

水腫類

脹如蠱。心悸喘急。鼻爛目青。小水全無。此水勢壅盛。正氣衰微也。死不治。

【療法】

一、通身皆腫之療法。風濕腫病通身頭面手足皆腫。重者疏鑿飲峻攻之。輕者用茯苓導水湯和解之。若水停上攻於肺。更見喘急不得臥之證。宜以蘇葶九瀉之。若水停中州。則更見脹滿之症。舟車神祐丸攻之。

二、腫由四肢歸來入腹之療法

風濕腫病失治。其腫不消。由四肢歸來入腹。腹脹如蠱。心悸喘急。鼻爛目青。小水全無。此水勢壅盛。正氣衰微也。死不治。雖然。坐視其亡。於心何忍。姑與人參湯下蘇葶丸。或可有救。

【調養】

一、忌食糟物。風濕腫病忌食鹽醬糟物百日。並戒豬羊雞鵝蝦蟹麩麪。及一切生冷水果。

二、赤豆煮湯代茶。風濕腫病病中宜以赤豆煮湯代茶。

三、服黃耆湯。風濕腫病愈後。宜服黃耆湯以扶其正。

陽水類

【病源】

濕熱內鬱。小兒濕熱內鬱。水道阻塞。外攻肌表。以致外腫內脹。是謂陽水病。

【病狀】

發熱口渴。陽水病外則身體浮腫。內則作脹發熱。口渴心煩。小便短赤。大便秘結。

【變症】

小水不通。陽水病失治。兒小便不通。腹脹氣塞。喘急欲死。有生命危險也。

【療法】

一、發熱口渴之療法。陽水病外則身體浮腫。內則作脹發熱。口渴心煩。小便短赤。大便秘結。輕者五苓散主之。四磨飲加枳殼亦主之。重者大聖瀉川散主之。舟車神佑丸亦主之。
二、小水不通之療法。陽水病失治。兒小便不通。腹脹氣塞。喘急欲死。有生命危險也。速與沉香琥珀散。若陰囊腫大。二便不通者。宜三白散。大便已利。小便未利者。宜五苓散加木通大腹皮各五分主之。

【調養】

一、忌食海腥。陽水病忌食鹽醬糟物。並戒雞鵝羊肉。蝦蟹海腥。麩麩生冷水果等物。

二、以鯉魚和冬瓜葱白煮汁食

陽水病宜以鯉魚和冬瓜葱白煮汁食。或以赤豆煮湯代茶。俱有功效。使病易痊可也。

三、宜服六君子湯。陽水病愈後。

宜補正氣。俾速復元。當服六君子湯。

陰水類

【病源】

脾腎虛弱。脾腎虛弱。脾虛不能制水。腎虛不能主水。以致外泛作腫。內停作脹。是謂陰水病。

【病狀】

小便不赤。陽水病遍身腫。心不煩。口不渴。大便調或澹泄。小便雖少。而不赤濇。

【變症】

水氣衝心。陰水病失治。正氣益虛。水勢益盛。腫勢由四肢歸來入腹。腹脹而悶。心悸氣急。劇則神昏嘔噦。有生命危險也。

【療法】

小便不赤之療法。陰水病遍身腫。心不煩。口不渴。大便調或澹泄。小便雖少。而不赤濇。宜用實脾散。金匱腎氣丸。若服溫補之藥而無效驗者。則是虛中有實也。欲投攻下之劑。恐小兒難堪。若不攻之。又豈可坐以待斃。須攻補兼施。或一補一攻。或三補

一攻。或九補一攻。審其進退。俟有可攻之機。以意消息。藥與元氣相當。始能逐邪而不傷正也。

【調養】

一、忌食鹽醬 陰水病忌食鹽醬糟物百日。並戒豬、羊、雞、鵝、蝦、蟹、麩、麪。及一切生冷炙爆。

二、忌服尅伐藥 陰水病忌服一切尅伐之品。如大黃、牽牛、甘遂、芫花、大戟等。犯之每令正氣益傷。水勢反盛。無藥可救。

三、脾胃雙補 陰水病愈後。法宜脾胃雙補。俾速復元。正氣健旺。病不復發。補肺宜服四君子湯。補腎宜服六味地黃丸。

結論

水腫症

小兒水腫。皆因水停於脾肺二經。水停胸中則喘。水停膈下則脹。其間所腫部位。不可不察。如腫在腰以上者屬風。法宜發汗。腫在腰以下者屬濕。法宜利水。有通身上下皆腫者。係風濕兩傷。法宜汗利兼施。腫而喘不得臥。宜逐肺飲。腫而脹滿便秘。宜攻脾水。腫從腹起至四肢者可治。腫從四肢起至腹者不可治。然又有陽水陰水之分。宜詳別焉。陽水屬實。法宜攻泄。陰水屬虛。法宜溫補。應證而施。自無不效也。

三補一攻。或九補一攻。審其進退。俟有可攻之機。以意消息。藥與元氣相當。始能逐邪而不傷正也。

水腫失治。若唇黑而腫者。傷肝也。缺盆平者。傷心也。掌無紋而脛突者。傷脾也。足底平者。傷腎也。背平肩聳者。傷肺也。如卵縮向上陰囊無縫。玉莖腫腐者死。大便滑泄。水腫不消者死。加以喘滿。雖暴病。亦必不治。泄後腹脹。而有青筋者死。鼻爛目青。耳焦面黑。破爛脫肉者死。先起於腹。後散於四肢者可治。先起於四肢。後歸於腹者死。又凡肺氣不能下行。兩足腫潰。小水全無。腹痛不可名狀。以手揉左則痛攻於右。揉右則痛攻於左。當臍揉臍。則滿腹俱痛。叫喊不絕。利水

敷臍之藥。俱不效者。均難治。

凡係水腫。切忌用刺。刺之水盡即死。

水腫證各方淺解類

【風水腫類各方】

(一)越婢加朮湯(金匱要略方)

麻黃六錢。石膏八錢。生薑

三錢。(切) 甘草二錢。大

棗十二枚。(擘) 白朮四錢。

右以清水六碗。先煮麻黃。去上沫。

納諸藥煮。取三碗。去渣。分三次溫服。

〔淺解〕 此為治風水之主方。風

水腫多由於肺氣不宣。脾氣不健。肺

不能行水。脾不能止水。則水濕壅滯

於經絡。而腫成矣。方中用麻黃疏肺

以行三陽經絡之水。石膏之辛涼。生

薑之辛散。行手足陽明經絡。以消肌肉之腫。大棗甘草以固中焦脾胃之氣。加白朮者。能扶脾制水。兼能固肌腠也。

(二)五苓散(傷寒論方)

白茯苓一錢半。豬苓一錢半。

白朮一錢半。澤瀉三錢。

(去粗皮) 桂枝一錢半。

右研末為散。以白飲和服一錢半。

日三服。多服煖水。汗出愈。或以此藥

末完全放入鯉魚腹內。放瓦上對合。

上下俱用火炙黃焦存性為末。加麝

香少許。空心棗葉湯服之。

〔淺解〕 此為治水熱小便不利

之主方。君澤瀉之鹹寒。走水腑而瀉

熱邪。臣茯苓之淡滲。通水道而瀉水

熱。佐白朮之苦燥。健運脾土以輸水。使桂之辛溫。蒸化三焦以行水。澤瀉得二苓。則下降利水之力足。白朮得桂。則上升通陽之效捷。欲其發散表邪。則用桂枝而熱飲。欲解膀胱虛寒。則用肉桂而熱飲。欲利小便則冷飲。使澤瀉得力。欲吐則溫服。而復以熱湯探之。惟不可誤投於陰虛泉竭之虛證。

【濕水腫類各方】

(一)貼臍法(醫宗金鑑方)

巴豆四錢。(去油) 水銀粉

二錢。硫黃一錢。

右共研勻成餅。先用新棉一片。包

藥布臍上。外用帛縛。時許。自然瀉下

惡水。待下三五次。去藥。以粥棉住。

【淺解】本方水銀、硫黃、攻積行滯，助以巴豆，其功愈著。

(二)沉香琥珀丸(證治準繩方)

苦荬、麝子一兩五錢。郁李仁

一兩五錢。(去皮)。防己七

錢五分。沉香一兩五錢。陳

皮七錢五分。(去白)。琥珀

五錢。杏仁五錢。(去皮尖炒)

蘇子五錢。赤苓五錢。澤

瀉五錢。

右共爲細末。煉蜜爲丸。如梧桐子

大。以麝香爲衣。每服一錢。量兒大小

與之。用白滾水下。

【淺解】本方葶藶、蘇子、沉香、杏

仁、降氣平氣。以止喘急。澤瀉、赤苓、防

己、琥珀、通結利水。以通小便。使小便

一通。腫自退也。郁李潤燥。陳皮利氣。

(三)加味胃苓散(外科正宗方)

陳皮五分。(去白)。白茯苓

五分。(去粗皮)。白朮五分。

(米泔浸炒)。白芍藥五分。

(微炒黃)。藿香五分。人

參五分。厚朴五分。(薑汁製

炒)。山楂五分。(去核)

澤瀉五分。(蒸)。半夏五分。

(薑汁水煮)。甘草五分。

(炙)。豬苓一錢。香附一

錢。

右加入生薑三片。燈芯二十根。以

清水二碗煮。取八分。去渣。食前服。

【淺解】本方以參、朮、苓、草、和

中補脾。陳皮、半夏、藿香、厚朴、香附、化濕

利氣。豬苓、澤瀉、茯苓、利水通小便。以消腫勢。濕水腫病兒形體虛者。宜服本方。最爲靈妙。

(四)人參湯(即獨參湯張景岳

方)

見痢疾證各方淺解類。

(五)四君子湯(太平惠民和劑

局方)

見驚風證各方淺解類。

【風濕腫類各方】

(一)疏鑿飲(濟生方)

商陸一錢。羌活一錢。(去蘆)

秦艽一錢。(去蘆)。板榔

一錢。大腹皮一錢。(淨)

茯苓皮一錢。椒目一錢。木

通一錢。澤瀉一錢。赤小豆

一錢。(炒)

右咬咀每服四錢。以清水一碗。加生薑五片煮。至七分。去渣。不拘時溫服。

〔淺解〕 此方治表裏俱實。不偏

寒熱。而風濕過甚。遍身俱腫。喘脹便祕者。故以商陸為君。專行諸水。佐羌活。秦艸。腹皮。茯苓皮。薑皮。行在表之水。從皮膚而散。佐檳榔。赤豆。椒目。澤瀉。木通。行在裏之水。從二便而出。上下內外。分消其勢。亦猶神禹疏鑿江河之意也。

(二) 茯苓導水湯(醫宗金鑑方)

紫蘇一錢。 陳皮一錢。 白朮

一錢。(土炒) 木香一錢。

桑白皮一錢。(炒) 麥冬一

錢。(去心) 赤茯苓一錢。

澤瀉一錢。 木瓜一錢。 大腹

皮一錢。 縮砂仁一錢。 檳榔

一錢。

右引用燈芯草一錢。以水二碗煮。

取一碗。去渣。頓服。

〔淺解〕 本方以紫蘇泄風。陳皮、

木香、大腹、砂仁、檳榔、利氣化濕。赤苓、

澤瀉、木瓜、利水消腫。白朮和中。麥冬

和胃。風濕腫病形勢輕者。宜服本方

和解之。

(三) 蘇葶丸(醫宗金鑑方)

見喘病證各方淺解類。

(四) 舟車神佑丸(劉河間方)

甘遂一兩。 芫花一兩。 大戟

一兩。(上三味俱醋炒) 大

黃二兩。 黑牽牛頭末四兩。

青皮五錢。(炒) 陳皮五錢。

木香五錢。 檳榔五錢。 輕

粉一錢。

右共為細末。水丸如椒目大。小兒

二九三九。大兒五九七九。量服之。白

滾水送下。

〔淺解〕 此治水腫之主方也。故

備舉甘遂、大戟、芫花、牽牛、大黃、直攻

水之巢穴。使從大小便而出。佐青皮、

陳皮、木香。以行氣。使氣行則水行。可

以腫脹兩消。其尤峻厲之處。則在少

加輕粉。使諸攻水行氣之藥。迅烈莫

當。無微不入。無窮不達。用之若當。功

效奇神。百發百中。然非形實或邪盛

者。不可輕試。

(五)人參湯(即獨參湯張景岳方)

見痢疾證各方淺解類。

(六)黃耆湯(泳玉堂驗方)

黃耆三錢。白朮三錢。(土炒)

白茯苓三錢。炙甘草一錢。

人參三錢。

右以水三碗煮。取一碗。去渣。頓服。

〔淺解〕本方即四君子湯加黃

耆也。大補中氣。兼固其表。風濕腫病

愈後。表分虛弱。中氣不健。久不復元。

調養之法。宜服此方。

【湯水類各方】

(一)五苓散(傷寒論方)

見本證風水腫類各方淺解。

(二)四磨飲加枳殼方(濟生方)

人參一錢。枳殼一錢。沉香

一錢。天台烏藥一錢。枳殼

一錢。

右以水二碗煮。取一碗。去渣。分數

次服之。

〔淺解〕本方枳殼、沉香、烏藥、枳

殼、利氣行滯。加入人參以補中和。正陽

水腫多由氣機壅滯使然。利其氣。行

其滯。不治腫而腫自消矣。

(三)大聖瀉川散(張氏醫通方)

川大黃一兩。(煨) 牽牛一

兩。(取頭末) 郁李仁一兩。

木香三錢。芒硝三錢。甘

遂五分。

右研為細末。每服一錢。入生薑自

然汁和如稀糊服。

〔淺解〕此為下水積之峻藥。火

熱怫鬱。水液不能宣通。停滯而生濕

熱。在陽不去。則化氣而為脹。在陰不

去。則化積而成形。世俗不省內經留

者攻之。但執補燥之劑。怫鬱轉加而

病愈甚也。戴人曰。養生與攻病。本自

不同。今人以補藥治病。宜其無效也。

(四)舟車神佑丸(劉河間方)

見本證風濕腫類各方淺解。

(五)沉香琥珀丸(證治準繩方)

見本證風水腫類各方淺解。

(六)三白散(六科準繩方)

白牽牛二兩。(頭末) 桑根

白皮一兩。(薑汁炒) 白朮

一兩。陳皮一兩。木通一兩。

右研為細末。每服五分。空腹時服

薑湯調下。

〔淺解〕 本方牽牛、木通、利水消腫。桑皮肅氣下行。陳皮利氣行滯。白朮和中健脾。

〔七〕五苓散加木通大腹皮方
〔醫學大辭典方〕

即於五苓散原方內加木通五分。大腹皮五分。煮服各法。概依原方。〔方見本證風水腫類各方淺解〕

〔淺解〕 本方加木通以利水。腹皮以行氣。

〔八〕六君子湯（太平惠民和劑局方）

見癩病證各方淺解類。

〔陰水類各方〕

〔一〕實脾散（濟生方）

白朮二錢。（土炒） 白茯苓二錢。（去皮） 厚朴二錢。（去皮薑炒） 大腹子二錢。 草

果仁二錢。 木香二錢。（不見火） 木瓜二錢。（去瓤）

附子二錢。（炮） 乾薑二錢。（炮） 甘草一錢。

右咬咀每服四錢。加生薑三片。大棗一枚。清水一碗煮。取五分。不拘時溫服。氣虛者加人參。

〔淺解〕 此治脾虛致腫之方也。

脾虛不能制水。水妄行肌表。則身重浮腫。故用白朮、甘草、生薑、大棗以實之。脾寒則不能化水。水停腸胃之中。則懶食不渴。二便不實。故用薑、附草

果以溫之。更佐大腹、茯苓、厚朴、木香、木瓜、以導水利氣。蓋氣者水之母也。土者水之防也。氣行則水行。土實則水治。故名曰實脾。

〔二〕金匱腎氣丸（金匱要略方）

熟地黃八兩。 山藥四兩。 山茱萸四兩。 茯苓三兩。 丹皮三兩。 澤瀉三兩。 附子一枚。（炮） 桂枝一兩。

右共研細末。煉蜜爲丸。如梧桐子大。每服七丸。大兒十九丸。開水送下。日再服。

〔淺解〕 此方以熟地、山藥、滋腎

臟之陰。山萸、附子、壯腎臟之陽。桂枝化肺氣。茯苓行水道。丹皮、澤瀉、以排除血液中毒質。使腎臟之機能健。則

小便之秘者可通。多者能少。腎虛之
精血充。則虛損可除。水腫自消矣。

(三) 四君子湯 (太平惠民和劑
局方)

見驚風證各方淺解類。

(四) 六味地黃丸 (錢乙方)

見疳病證各方淺解類。

積滯證

總綱

一 何謂積滯。

乳食過度。宿滯不消而成病。是謂積滯。

二 積滯證共分幾類。

共分二類。一乳滯。二食滯。

三 積滯證各病之主要治法如何。

一乳滯 消乳丸。

二食滯 輕者——木香大安丸。重者——小承氣湯。

四 積滯之主要調養法如何。

積滯之主要調養法。貴在哺乳有時。食有節。大抵小兒初生一星期內

至六個月。每隔三時食乳一次。每日共食六次。七個月以後。每隔四時食一次。每日共食五次。如此則乳養調和。身體康健。積滯永不發生。其他糯米糕糰。饅子糜飯。山芋。芋芳。麪食等。均不可多食。

五 積滯失治。有何變症。

積滯宜速治。失治則正氣益傷。積滯不化。飲食不下。傷及脾胃而死。

乳滯類

【病源】 乳食無度。夫乳與食。小兒資以養生者也。胃主納受。脾主運化。乳貴有時。食貴有節。可免積滯之患。若父母過愛。乳食無度。則宿滯不消。即病乳滯。

【病狀】

頻吐乳片 乳滯病兒睡臥不寧。不時啼叫。口中氣熱。頻吐乳片。肚脹腹熱。大便酸臭。

【變症】

傷及脾胃 乳滯病失治。其滯不消。飲食不下。久之傷及脾胃。形容枯槁而死。

【療法】

類吐乳片之療法 乳滯病兒睡臥不寧。不時啼叫。口中氣熱。頻吐乳片。肚脹腹熱。大便酸臭。但臟腑嬌嫩。不可過攻。惟宜調和脾胃為上。以消乳丸消導之。

【調養】

一 乳食有節 乳滯病乳食宜有

節制。

二、不可過服消導藥。乳滯病不可過服消導藥。以小兒臟腑嬌嫩。最易受傷。變症叢生也。

三、宜服異功散。乳滯病愈後。兒形容枯槁。久不復元。調養之法。宜服異功散。

食滯類

【病源】

恣意肥甘。小兒恣意肥甘生冷。不能運化。則腸胃積滯而成食滯病。

【病狀】

大便酸臭。食滯病頭溫腹熱。大便酸臭。暖氣惡食。煩不安眠。口乾作渴。

【變症】

積滯類

飲食不下。食滯病失治。其滯不消。飲食不下。久之傷及脾胃。形容枯槁而死。

【療法】

大便酸臭之療法。食滯病頭溫腹熱。大便酸臭。暖氣惡食。煩不安眠。口乾作渴。滯輕者。宜木香大安丸消導之。滯重便秘者。宜小承氣湯攻下之。

【調養】

一、飲食有節。食滯病至要之調養法。飲食宜有節制。

二、麥芽煎湯代茶。食滯病宜以焦麥芽煎湯代茶。消食行滯。病易瘥也。

三、宜服四君子湯。食滯病愈後。

法宜和其中氣。俾速復元。當服四君子湯。

結論

積滯之病。小兒最多。以小兒腸胃薄弱。不易消化。而性尤貪食。為父母者。又疼愛過分。見其哭也。即以食之。不知愛之適所以害之。語云。『若要小兒安。須帶三分飢與寒。』故欲小兒康健。必當令其哭哭。不可多與食物也。

積滯類各方

【乳滯類各方】

(一)消乳丸(證治準繩方)

見吐病證各方淺解類。

(二)異功散(錢氏方)

人參五錢。白茯苓五錢。白

朮五錢。甘草五錢。陳皮五錢。

右研爲末。每服四錢。加生薑三片。

紅棗三枚。以水一碗煮。取半碗。去渣頓服。

〔淺解〕此爲四君子湯加陳皮也。小兒脾氣虛弱。運化不健。宜服此方。自有神效。

【食滯類各方】

(一)木香大安丸(醫宗金鑑方)

木香三錢。黃連三錢。陳皮三錢。白朮三錢。(土炒)

枳實三錢。(麸炒) 山查肉三錢。連翹二錢。(去心)

神糲三錢。(炒) 麥芽三錢。(炒)

砂仁二錢。萊菔子

二錢。(焙)

右共爲細末。神糲糊爲丸。每服一錢。陳倉米湯下。

〔淺解〕本方木香、陳皮、枳實、山查、神糲、麥芽、砂仁、萊菔、利氣行滯。以消食積。黃連、連翹、清熱。白朮健中。

(二)小承氣湯(傷寒論方)
見腹脹證各方淺解類。

(三)四君子湯(太平惠民和劑局方)
見驚風證各方淺解類。

癱疾證

總綱

一 何謂癱疾。

生於左脇下。始如雞卵。堅硬成塊。漸如覆盆之形。是謂癱疾。

二 癱疾何由而生。

癱疾由飲食不節。腸胃填滿。濁汁外溢。復感寒氣。凝結而成。

三 癱疾之主要治法如何。

癱疾宜內服消癱丸。外貼紅花膏。內外兼治。其癱自消。

四 癱疾之主要調養法如何。

凡係癱疾。忌食一切悶氣滯氣之品。如山芋、芋芳、白果、栗子、等物。

五 癱疾失治。有何變症。

癱疾失治。其癱愈大。如覆盆之形。若越臍則難治矣。

癱疾類

【病原】

腸胃填滿。飲食不節。腸胃填滿。濁汁外溢。復感寒氣。凝結成塊。遂成癱疾。

【病狀】

始如雞卵。癱疾生於左脇下。始如雞卵。堅硬成塊。漸如覆盆之形。午後潮熱。口渴飲冷。肚大青筋。不時作痛。

【變症】

塊大越臍。癱疾失治。其塊日以益大。如覆盆之形。越過臍部。肚大青筋。午後潮熱。此時也。正氣傷殘。病勢

瘳盛。最爲難治。

【療法】

一 始如雞卵之療法 癱疾生於左脇下。始如雞卵。堅硬成塊。漸如覆盆之形。午後潮熱。口渴飲冷。肚大青筋。不時作痛。內以千金消癱丸治之。外貼紅花膏。內外兼治。其癱自消。若無熱渴者。先以木香丸治之。外亦以紅花膏貼之。

二 塊大越臍之療法 癱疾失治。其塊日以益大。如覆盆之形。越過臍部。肚大青筋。午後潮熱。此時也。正氣傷殘。病勢瘳盛。最爲難治。宜一日服四君子湯補之。一日服消癱丸消之。若虛甚者。宜服四君子湯二日。然後服消癱丸一日。更虛者。當服四君子

湯三日。服消癍丸一日。待癍去大半。則宜停服消癍丸。但服四君子湯和之。待正氣健旺。邪自却也。所謂大積大聚。其可衰也。去其半而止是也。

【調養】

一、忌食山芋 癍疾忌食肥甘厚味。山芋、芋、白果、生冷硬物。麪食、糯米、糕糰等物。

二、陳皮泡飲代茶 癍疾宜以陳皮泡飲代茶。化其濁汁。消其積滯。病易痊也。

三、面黃肌瘦 癍疾愈後。兒面黃肌瘦。精神疲弱。久不復元。此氣血俱傷也。調養之法。宜服八珍湯。

結 論

癍疾宜一起即治。則病根未牢。輕

鬆易拔。遷延失治。則正氣日虛。癍以益大。肌膚削瘦。面色青黃。喜飲涼水。身體潮熱。攻邪則傷正。補正則留邪。萬分棘手矣。

癍疾證各方淺解類

(一)消癍丸(千金方)

蘆薈一錢。阿魏一錢。(另爲糊) 青黛一錢。木香一錢。

厚朴一錢。(薑炒) 檳榔

一錢。陳皮一錢。生甘草一

錢。史君子二錢。(去殼)

胡黃連二錢。山查肉二錢。

香附二錢。(醋炒) 三稜二

錢。(醋炒) 莢朮二錢。(醋

炒) 水紅花子四錢。神絀

四錢。(炒) 麥芽四錢。(炒)

人參三錢。白朮三錢。(土

炒) 茯苓三錢。

右爲細末。將阿魏一錢。白水和麵打糊爲丸。棗豆大。米飲下。量兒大小服之。

〔淺解〕 本方以參、朮、苓、草和中

補正。蘆薈、青黛、黃連、清熱消癍。阿魏、

木香、厚朴、檳榔、陳皮、史君、山查、香附、

三稜、莢朮、神絀、麥芽、利氣行滯。以消

積癍。水紅花子活血行瘀。總觀此方。

消中有補。補中有消。去病而不傷正

也。

(二)紅花膏(醫宗金鑑方)

沒藥五錢。血竭三錢。麝香

三錢。阿魏三錢。當歸一錢。

赤芍一錢。水紅花料一捆。

(煎汁去渣。熬膏一碗)

右爲細末。入膏內攪勻。以青布攤貼患處。

〔淺解〕 本方沒藥、血竭、當歸、赤

芍、紅花、活血行瘀。麝香、阿魏、利氣行滯。以消積癖。用貼癖處。使藥力內行。則結塊解散。癖自消也。

(三) 木香丸 (證治準繩方)

木香二錢。蓬莪朮二錢。縮

砂仁二錢。青皮二錢。硃砂

二錢。(研細)

右爲細末。和勻。飛白麵糊爲丸。麻子大。每服二三九。乳傷乳飲下。食傷以所傷物熬湯下。

〔淺解〕 本方係一派利氣行滯

之品。所以消積癖。化痰滯也。癖疾無

熱渴者。宜服此方。

(四) 四君子湯 (太平惠民和劑局方)

見驚風證各方淺解類。

(五) 八珍湯 (六科準繩方)

當歸一錢。(酒拌) 川芎一

錢。白芍一錢。(炒) 熟地

一錢。(酒拌) 人參一錢。

白朮一錢。(炒) 白茯苓一

錢。甘草五分。(炙)

右以清水二碗。加生薑三片。大棗

二枚。煮至八分。食前服。

〔淺解〕 本方以參、朮、苓、草補氣。

芎、歸、地、芍補血。

腹脹證

總綱

一 何謂腹脹。

腹部作脹之病。是謂腹脹。

二 腹脹證共分幾類。

共分一、虛脹。

二類二、實脹。

三 腹脹證各病之主要治法如何。

一、虛脹 香朴四君子湯。

二、實脹 平胃散。小承氣湯。

四 腹脹之調養法如何。

腹脹忌食一切悶氣滯氣之品。如

山芋、芋芳、白果、栗子等。

五 腹脹失治。有無危險。

腹脹失治。其脹益劇。腹大如鼓。上

有青筋。變為臃脹也。有生命危險。

虛脹類

【病源】

久病脾虛 小兒久病脾虛。或吐

瀉。暴傷脾氣。健運失常。所以飲食不

化。食少腹即脹滿。是謂虛脹病。

【病狀】

面黃肌瘦 虛脹病飲食不化。食

少腹即脹滿。現證精神倦怠。面黃肌

瘦。

【變症】

腹大現青筋 虛脹病失治。脾胃

益虛。其脹益劇。腹大如鼓。上有青筋。

形體瘦削。口鼻常乾。腳弱無力。時時

吐逆。水穀不消。泄下酸臭。喜食泥土。

變為疳病也。

【療法】

一、面黃肌瘦之療法 虛脹病飲

食不化。食少腹部即脹滿。現證精神

倦怠。面黃肌瘦。香朴四君子湯主之。

二、腹大現青筋之療法 虛脹病

失治。脾胃益虛。其脹益劇。腹大如鼓。

上有青筋。形體瘦削。口鼻常乾。腳弱

無力。時時吐逆。水穀不消。泄下酸臭。

喜食泥土。變為疳病也。參苓白朮散

主之。

【調養】

一、忌食山芋 虛脹病忌食山芋、

芋芳、栗子、白果等悶氣滯氣之品。

二、陳皮泡飲代茶 虛脹病宜以

陳皮泡飲代茶。

三、服四君子湯 虛脹病愈後。宜

接服四君子湯一月。和中補脾。使病不復發。

實脹類

【病源】

飲食過度。小兒飲食過度。積結不消。胃中停滯。以致腹脹。是謂實脹病。

【病狀】

大便秘利。實脹病腹中脹甚。大便秘利。身體潮熱。心煩口渴。形氣壯實。

【變症】

腹脹而硬。實脹病失治。其食積結不消。腹脹而硬。疼痛叫喊。拒按。大便秘利。身體潮熱。入夜心煩不眠。

【療法】

腹脹而硬

一、大便秘利之療法。實脹病腹中脹甚。大便秘利。身體潮熱。心煩口渴。形氣壯實。輕者加味平胃散主之。重者小承氣湯主之。

二、腹脹而硬之療法。實脹病失治。其食積結不消。腹脹而硬。疼痛叫喊。拒按。大便秘利。身體潮熱。入夜心煩不眠。速宜內服小承氣湯。外以皮硝繃肚上。食即消。脹即瘥。劇者宜服大承氣湯。

【調養】

一、飲食有節。實脹病飲食宜有節制。不可過度。即愈後亦當謹慎。犯之病復發也。忌食糯米糕糰。山芋。芋等物。

二、宜服四君子湯。實脹病愈後。

其人精神疲憊。形體虛弱。調養之法。宜服四君子湯。

結論

腹脹之病。脾胃二經主之。有虛有實。宜分析焉。虛者因久病內傷其脾。實者因飲食停滯於胃。虛則補脾。實則消導。調治合宜。其脹自漸除矣。

腹脹證各方淺解類

【虛脹類各方】

(一) 香朴四君子湯 (醫宗金鑑方)

人參一錢。白朮一錢。(土炒)

白茯苓一錢。炙甘草一錢。

製香附一錢。厚朴一錢。

(薑炒)

右以水三碗煮。取一碗。去渣。頓服。

〔淺解〕 本方以參、朮、苓、草、和中補虛。香附、厚朴、利氣消脹。

(二) 參苓白朮散 (太平惠民和劑局方)

見疳病證各方淺解類。

(三) 四君子湯 (太平惠民和劑局方)

見驚風證各方淺解類。

〔實脹類各方〕

(一) 加味平胃散 (醫宗金鑑方)

南蒼朮一錢 (炒) 厚朴一錢 (薑炒) 大腹皮一錢 (製)

生甘草一錢 陳皮一錢

萊菔子一錢 (焙) 山楂一錢 炒麥芽一錢 神糶一錢

(炒)

右加入生薑三片。以水二碗煮取一碗。去煮頓服。

〔淺解〕 本方係一派利氣消食之品。所以治腹中實脹也。

(二) 小承氣湯 (傷寒論方)

生大黃一錢半 厚朴一錢 枳實一錢

右以水二碗煮取一碗。去渣頓服。

〔淺解〕 本方以大黃制亢極之

害。佐枳、朴以宣通氣分之滯。為攻積一定之法。

(三) 芒硝縛法 (驗方)

芒硝三錢

右一味以紗布包縛臍上脹硬處。

若有積滯。其硝即溶。再用三錢。如法縛之。直縛至芒硝不溶。腹軟不脹。大

便通行為度。

〔淺解〕 本方芒硝味鹹性寒。軟堅攻積。用以外治。去病而不傷正。法至善也。

(四) 大承氣湯 (傷寒論方)

芒硝一錢半 大黃二錢 枳實三錢 厚朴四錢

右以清水五碗。先煮枳、朴。取二碗

半。去渣。納大黃煮取一碗。去渣。納芒

硝更上微火一兩沸。分溫再服。得下餘勿服。齟齬藥不能進。以此從鼻中灌之。

〔淺解〕 腸中穢滯不去。由於氣

不能送。液不能滋。方中以大黃清其

熱。芒硝潤其燥。厚朴行其氣。枳實攻其堅。宜於熱邪傳裏痞滿燥實堅全

見之證。若表邪未解。或心下硬滿。
(邪在胃不在腸) 或面合赤色。(邪
在經未到腑) 或平素食少。(腸胃
素弱) 或嘔多。(邪在上焦屬少陽
經) 或脈遲。(屬寒) 或津液內竭。
(宜蜜煎導) 或小便少。(腸中將
自潤) 皆不可用。所謂承氣湯八禁
也。

(五) 四君子湯 (太平惠民和劑
局方)

見驚風證各方淺解類。

腹痛證

總綱

一、何謂腹痛。

腹部疼痛。是謂腹痛。

二、腹痛證共分幾類。

共分
一、食痛。
二、寒痛。
三、蟲痛。
四、內食外寒腹痛。

四、內食外寒腹痛。

三、腹痛證各病之主要治法如何。

一、食痛
下之——小承氣湯。

消導——香砂平胃散。

二、寒痛
理中湯。

三、蟲痛
新痛——錢氏安蟲散。
痛久不愈——加減理

中湯。

四、內食外寒腹痛 藿香和中湯。

四、腹痛病之主要調養法如何。

小兒腹痛。由於飲食過度。食積不

消者最多。故此病之至要調養法。宜

節飲食。否則無痊望也。

五、腹痛失治。有何變症。

腹痛病中有蟲痛者。其勢最凶。失

治後。蟲生益多。腹痛益劇。面色萎黃。

肌肉消瘦。而成疳病。有生命危險也。

食痛類

【病源】

飲食不節 小兒飲食不節。積滯

不化。食入腹即作痛。是謂食痛病。

【病狀】

惡食腹痛 食痛病腹中作痛。食

入更痛。喜飲涼水。惡食脹滿。嘔吐酸

水。大便祕結。

【變症】

自胸至腹脹滿而痛不可近 食

痛病失治。其食積滯不消。腹痛益劇。

自胸至腹。脹滿而痛不可近。大便祕

結。惡聞食臭。此時也。不可再誤治。有

生命危險也。

【療法】

一、惡食脹滿之療法 食痛病腹

中作痛。食入更痛。喜飲涼水。惡食腹

滿。嘔吐酸水。大便祕結。宜先以小承

氣湯下之。若下後仍痛者。以香砂平

胃散消導可也。

二、自胸至腹脹滿而痛不可近之

療法 食痛病失治。其食積滯不消。

腹痛益劇。自胸至腹。脹滿而痛不可近。大便秘結。惡聞食臭。此時也。不可再誤治。有生命危險也。大承氣湯主之。虛者調胃承氣湯主之。服藥後大瀉已行。腹中猶有餘痛者。此餘勢未盡也。宜接服香砂平胃散。自可全愈。

【調養】

一、飲食宜有節制。食痛病飲食宜有節制。切戒飽食。並禁生冷黏滑肉麵五辛。酒酪臭惡等物。

二、宜服人參穀芽和胃湯。食痛病愈後。兒胃氣虛弱。精神疲憊。久不復元。調養之法。宜服人參穀芽和胃湯。

三、簡便單方。食痛病宜兼用簡便單方。自有神效。可佐湯藥之不及。

錄於此以供參考。

(1) 以花椒不拘多少。研爲細末。和麪粉醋。和成餅。貼於痛處。上鋪艾絨。用火灸之。其痛立止。

(2) 以小麥稈燒灰地上。出火毒。將布包之。滾水淋汁。一服即止。

(3) 用生薑一片。搗爛。略擠去汁。

入鍋內炒熱。用布分作二包。先以一包熨痛處。冷卽換熱者。勿令間斷。如薑已乾。略加煎汁拌之。又炒又熨。痛止乃已。

寒痛類類

【病源】

風冷所乘。小兒中氣虛弱。復爲風冷所乘。則脾經受寒。故不時腹痛。是謂寒痛病。

【病狀】

喜飲熱湯。寒痛病腹中不時疼痛。尿色清白。爪甲白。面多青色。喜飲熱湯。或腹滿下利。

【變症】

四肢厥冷。寒痛病失治。寒氣深重。腹痛益劇。痛時如刀割切。冷汗淋漓。四肢逆冷。時時腸鳴。大便溏泄。

【療法】

一、喜飲熱湯之療法。寒痛病腹中不時疼痛。尿色清白。爪甲白。面多青色。喜飲熱湯。或腹滿下利。宜理中湯溫之。若四肢厥冷。並屬少陰。則加附子。

二、四肢厥冷之療法。寒痛病失治。寒氣深重。腹痛益劇。痛時如刀割。

切。冷汗淋漓。四肢逆冷。時時腸鳴。大便溏泄。附子粳米湯主之。理中加附子湯亦主之。

【調養】

一、忌食生冷 寒痛病忌食生冷黏滑。肉麵五辛。酒酪臭惡等物。

二、忌受風冷 寒痛病忌受風冷。

三、面色萎黃 寒痛病愈後。兒面色萎黃。精神疲憊。久不復元。此中氣

虛弱也。調養之法。宜服四君子湯。

蟲痛類

【病源】

過食香燥 小兒過食香燥之物。

或乳食不節。致腹內生蟲。蟲擾而痛。

遂成蟲痛病。

【病狀】

臉上有蟹爪紋 蟲痛病腹中作痛。時作時止。或腹中塊起。按之不見。

五更心嘈。牙關強硬。噁心。吐涎沫或清水。腹熱善渴。食厚味或飽食則止。

面色乍赤乍青。白。臉上有蟹爪紋。

【變症】

變為疳病 蟲痛病失治。蟲生益多。腹痛益劇。面色萎黃。肌肉消瘦。而

成疳病。有生命危險也。

【療法】

一、臉上有蟹爪紋之療法 蟲痛

病腹中作痛。時作時止。或腹中塊起。

按之不見。五更心嘈。牙關強硬。噁心。

吐涎沫或清水。腹熱善渴。食厚味或飽食則止。面色乍赤乍青。白。臉上

有蟹爪紋。切不可妄用攻下。當以安

蟲為主。其痛即除。新痛者。錢氏安蟲散主之。痛久不愈者。加減理中湯主之。

【調養】

一、變為疳病之療法 蟲痛病失治。蟲生益多。腹痛益劇。面色萎黃。肌肉消瘦。而成疳病。有生命危險也。治

宜先殺其蟲。消疳理脾湯主之。肥兒

丸亦主之。積退然後調理其脾。以參

【調養】

一、忌食瓜子 蟲痛病忌食西瓜

子。飯瓜子。落花生。肥甘厚味等物。乳

食宜有節制。

二、宜補中氣 蟲痛病愈後。兒中

氣虛弱。精神疲困。胃納不佳。久不復

元。調養之法。宜補中氣。當服白朮散。

三、切不可妄行攻下。蟲痛病切不可妄行攻下。以攻下徒傷腸胃。不能殺蟲。蟲因正虛。滋生益繁。病勢轉險。每不可救。至宜注意。

內食外寒腹痛類

【病源】

內傷乳食外感寒邪。小兒內傷乳食。外感寒邪。遂致食寒凝結。腹中作痛。是謂內食外寒腹痛病。

【病狀】

發熱惡寒。內食外寒腹痛病腹中作痛。發熱惡寒。不欲飲食。惡聞食臭。嘔吐酸臭。啼哭不已。

【變症】

正虛邪實。內食外寒腹痛病失治。腹痛益劇。寒熱不已。久之正氣虛

弱。邪勢壅盛。攻邪傷正。補正留邪。最爲難治。

【療法】

一、發熱惡寒之療法。內食外寒腹痛病腹中作痛。發熱惡寒。不欲飲食。惡聞食臭。嘔吐酸臭。啼哭不已。菴香和中湯主之。

二、正虛邪實之療法。內食外寒腹痛病失治。腹痛益劇。寒熱不已。久之正氣虛弱。邪勢壅盛。攻邪傷正。補正留邪。最爲難治。扶正祛邪湯主之。

【調養】

一、乳食有節。內食外寒腹痛病乳食宜有節制。忌食肥甘厚味。生冷黏滑。肉麵五辛。酒酪臭惡等物。
二、宜以麥芽煎湯代茶。內食外

寒腹痛病兒口中渴。宜以麥芽煎湯代茶。不時飲之。能消食和胃。病易痊也。

三、調護精神。內食外寒腹痛病愈後。兒精神疲弱。面色萎黃。久不復元。調養之法。宜服人參穀芽和胃湯。

結論

小兒腹痛。其證有四。如寒痛、食痛、蟲痛、停食感寒痛也。須隨證施治。寒則溫中。食則消導。蟲則安蟲。停食感寒則消散。調治合宜。其痛自除。至此四種腹痛之辨別法。約可述之於下。
食痛。腹中作痛。食入更痛。喜飲涼水。惡食腹滿。嘔吐酸水。大便祕結。
寒痛。腹中不時疼痛。尿色青白。爪甲白。面多青色。喜飲熱湯。或腹滿下

利。

蟲痛。腹中作痛。時作時止。或腹中塊起。按之不見。五更心嘈。牙關強硬。噁心。吐涎沫或清水。腹熱善渴。食厚味或飽食則止。面色乍赤乍青乍白。臉上有蟹爪紋。

內食外寒腹痛。腹中作痛。發熱惡寒。不欲飲食。惡聞食臭。嘔吐酸臭。啼哭不已。

總觀四病。同是腹痛。必以兼症現狀辨別之。方得無誤。食痛之主要見症。必惡聞食臭。嘔吐酸水。寒痛之主要見症。必喜飲熱湯。腹滿下利。蟲痛之主要見症。必臉上有蟹爪紋。面色乍青乍赤乍白。內食外寒腹痛病之主要見症。必發熱惡寒。不欲飲食。凡

此四病。見有四種主要現症。則確知其係何病。應用何藥。如何調養。自無錯誤也。

腹痛諸證各方淺解類

【食痛類各方】

(一)小承氣湯(傷寒論方)

川大黃二錢。枳實一錢。(麸炒)

厚朴一錢。(薑炒)

生薑三片。

右以水二碗煮。取一碗。去渣。分數次服之。

(淺解) 本方大黃通大便。枳實、厚朴、利氣行積滯。食痛病大便秘結者。宜先以本方下之。

(二)香砂平胃散(金鑑方)

蒼朮八分。(米泔水浸炒)

陳皮一錢。厚朴八分(薑炒)

甘草五分(炙)。縮砂八分(研)

香附一錢(醋炒)

南山查一錢。神曲一錢(炒)

麥芽一錢(炒)。枳殼一錢(麸炒)

白芍一錢(炒)

右以水三碗煮。取一碗。去渣。分數次服之。

(淺解) 本方蒼朮、陳皮、厚朴、縮砂、香附、枳殼、利氣行滯。兼化濕邪。山查、神曲、麥芽、消食化積。甘草和中。白芍和陰。食痛病服小承氣湯。大便通後仍痛者。此腸胃未和也。當服本方。和其腸胃。病可全愈。

(三)大承氣湯(傷寒論方)

川大黃二錢。厚朴二錢(炙)

枳實二錢。(炙) 元明粉

(二錢。(冲))

右以水六碗。先煮厚朴枳實。取三碗。去渣。納大黃再煮。取一碗。去渣。納元明粉更上微火一兩沸。分數次溫服。得下餘勿服。

〔淺解〕 本方以厚朴、枳實、利氣行滯。以消積結。大黃攻積通便。佐以芒硝。藉其鹹寒之性。用以軟堅潤燥。使腸中滑潤。則大便自行矣。食痛病失治。其食積滯不消。腹痛益劇。自胸至腹。脹滿而痛不可近。大便祕結。惡聞食臭。此時也。積滯壅結。腸胃燥實。有生命危險也。速以本方下之。

(四)調胃承氣湯(傷寒論方)

大黃二錢。甘草一錢。(炙)

腹痛證

芒硝三錢。(冲)

右以水三碗。先煮大黃甘草。取一碗。去渣。納芒硝更上火微煮。令沸。分數次服之。

〔淺解〕 本方以大黃攻逐積結。芒硝軟堅潤燥。甘草和中。食痛病失治。其食積結不消。大瀉不行。有生命危險。而兒體虛弱。不堪用大承氣之峻攻。然不攻則坐待其斃。於心何忍。速與此方。藉其虛弱。攻其積滯。病去而正氣不傷。至為完美。

(五)人參穀芽和胃湯(冰玉堂驗方)

見吐病證各方淺解類。

(六)花椒方(驗方)

花椒不拘多少。研為細末。和麪

粉醋。和成餅。貼於痛處。鋪艾絨。用火灸之。其痛立止。

〔淺解〕 本方花椒味辛性熱。消積滯。開結氣。佐以火力。其效益著。食痛病宜以本方外治。止痛如神。可佐湯方之不及。

(七)小麥汁方(驗方)

以小麥稈燒灰地上出火毒。將布包之。滾水淋汁。一服即止。

〔淺解〕 本方小麥稈消食化積。

(八)生薑熨方(驗方)

用生薑一片。搗爛。略擠去汁。入鍋內炒熱。用布分作二包。先以一包熨痛處。冷即換熱者。勿令間斷。如薑已乾。略加煎汁拌之。又炒又熨。痛止乃已。

二七五

【淺解】 本方生薑味辛性溫。辟穢行滯。化痰散逆。

【寒痛類各方】

(一) 理中湯（傷寒論方）

見初生諸病證（上）各方淺解類。

(二) 理中湯加附子方（驗方）

即於理中湯原方內加附子一錢。煎服各法。概依原方。（方見初生諸病證（上）各方淺解類）

【淺解】 本方以參、朮、甘草、補中氣。附子、乾薑、補陽氣。寒痛病四肢厥冷者。陽氣虛也。當服本方。

(三) 附子粳米湯（仲景方）

烏附塊三錢。半夏三錢。（薑

製） 甘草一錢。大棗十枚。粳米半碗。

右五味以水八碗煮。米熟湯成。去渣。分數次服之。

【淺解】 本方以附子溫陽散寒。

半夏行滯氣。甘草、大棗、粳米、和中補脾。寒痛病失治。寒氣深重。腹痛益劇。痛時如刀割切。冷汗淋漓。四肢逆冷。時時腸鳴。大便瀉泄。此時也。脾氣大虛。寒邪深痼。速服本方。溫其寒。補其虛。痛自除也。

(四) 四君子湯（局方）

見驚風證各方淺解類。

【蟲痛類各方】

(一) 錢氏安蟲散（錢氏方）

胡粉二錢五分。（炒黃） 鶴

虱二錢五分。（炒黃） 白礬

二錢五分。（枯） 川棟子二錢

五分。（去皮核）

右研爲細末。每服大兒一錢至一錢半。小兒五分。米飲調下。痛時服。

【淺解】 本方係一派殺蟲之品。

所以殺蟲也。腹痛病內有蟲者。當服本方。蟲去痛自止也。

(二) 加減理中湯（金鑑方）

見吐病證蟲吐類各方淺解類。

(三) 消疳理脾湯（金鑑方）

見疳病證各方淺解類。

(四) 肥兒丸（金鑑方）

見疳病證各方淺解類。

(五) 參苓白朮散（局方）

見疳病證各方淺解類。

〔六〕白朮散（冰玉堂驗方）

見初生諸病證（下）各方淺

解類。

【內食外寒腹痛類各方】

（一）藿香和中湯（驗方）

藿香一錢。砂仁八分。（研）

羌活一錢。蒼朮八分。（米

泔水浸）陳皮一錢。厚朴

一錢。（薑炒）生甘草五分。

山查一錢。香附一錢。白

芷一錢。蘇葉一錢。川芎一

錢。生薑三片。

右以水三碗煮取一碗。去渣。分數

次服之。

〔淺解〕本方羌活、白芷、蘇葉、疏

風泄邪。則發熱惡寒自已。藿香、砂仁、

蒼朮、陳皮、厚朴、香附、化濕利氣。以行

阻滯。則腹中之氣機舒暢。痛自瘳也。

更以山查消宿食。則惡聞食臭自瘳。

川芎和血。甘草和氣。內食外寒腹痛

病腹中作痛。發熱惡寒。不欲飲食。惡

聞食臭。嘔吐酸臭。啼哭不已。速服本

方。自有神效。

（二）扶正祛邪湯（冰玉堂驗方）

羌活一錢。蘇葉一錢。山查

二錢。麥芽二錢。厚朴一錢。

砂仁八分。人參一錢。白

茯苓二錢。炙甘草五分。

右以水二碗半煮取一碗。去渣。分

數次溫服。

〔淺解〕本方以羌活、蘇葉、疏風

泄邪。以治寒熱。山查、麥芽、消食積。厚

朴、砂仁、行氣滯。以治腹痛。然病久元

虛。必當加入補品。始能支持。否則病

去人逆。不能挽救。此所以用人參、茯

苓、甘草也。使去病而不傷正。內食外

寒腹痛病失治。腹痛益劇。寒熱不已。

久之正氣虛弱。邪勢壅盛。攻邪傷正。

補正留邪。最為難治。速與本方。或可

獲救。

（三）人參穀芽和胃湯（冰玉堂

驗方）

見吐病證各方淺解類。

疝病證

總綱

一 何謂疝病。

牽引學丸。少腹絞痛。謂之疝病。

二 疝病何由而生。

厥陰環陰器。入少腹。任脈起於中極之下。以上毛際。循腹裏。上關元。故諸病疝莫不屬之也。小兒病此。多因先天不足。本臟虛弱。復因外感風邪。內食生冷。寒邪凝結而成者有之。或因濕熱鬱於中。復被寒邪束於外。邪氣乘虛。并於血脈。流入厥陰。厥陰屬肝。其性急速。故牽引學丸。少腹絞痛也。又有胎疝一證。多因孕婦啼泣過度。動於陰氣。結聚不散。令兒生下。即

成此病。

三 疝病之寒熱虛實。宜以何法辨別之。

疝病熱則多縱。寒則多痛。

疝病在血分者不移。在氣分者多動。

四

疝病濕腫墜則重。虛腫墜則輕。

疝病證各病之主要治法如何。

一 寒疝

兼表——烏頭桂枝湯。
寒甚——金茱丸。

二 濕熱感寒疝

烏頭梔子湯。

三 胎疝

輕者——十味蒼蘘散。
重者——金鈴散。川楝丸。

風濕襲於下——疏風

五苓散。

四 陰虛

心火移熱於小腸——
加味五苓散。導赤散。

食積不消濕氣下行——
加味守效丸。

引腰而痛——加味香

蘇散。

五 小腸

痛而衝心——加味失

笑散。

痛不可忍——胡蘆巴

丸。

五 疝病失治。有無危險。

疝病失治。其病時發時愈。永不斷

根。變為癪疾。遺戚終身。至為困苦。疝

病失治。若搐搦反張。咬牙戰掉。冷汗

交流者。危在須臾。不救。

寒疝類

【病源】

坐臥濕地 小兒平日過食生冷。或臥濕地。以致陰結於內。氣滯不行。爲日既久。復爲風冷所束。水濕所傷。遂成寒疝病。

【病狀】

囊冷結硬 寒疝病發時。囊冷結硬。牽引少腹作痛。口中不渴。舌苔白潤。

【變症】

四肢逆冷 寒疝病失治。寒氣深痼。疝久不瘥。繞臍冷痛。囊冷結硬。四肢逆冷。

【療法】

一、囊冷結硬之療法 寒疝病發時。囊冷結硬。牽引少腹作痛。口中不

疝病證

渴。舌苔白潤。兼表者。必兼見惡寒之

症。烏頭桂枝湯主之。寒甚者。必兼見

少腹冷痛之症。金茱丸主之。

二、四肢逆冷之療法 寒疝病失

治。寒氣深痼。疝久不瘥。繞臍冷痛。囊

冷結硬。四肢逆冷。大烏頭煎主之。烏

頭桂枝湯亦主之。

【調養】

一、忌食水果 寒疝病忌食生冷

水果。黏滑肉麪。蝦蟹海腥鷄鴨等物。

二、面色青白 寒疝病愈後。兒面

色青白。時時惡寒者。此陽氣未復也。

調養之法。宜服和陽湯。

三、忌坐濕地 寒疝病忌坐臥濕

地。宜避風寒。

濕熱感寒疝類

【病源】

過食厚味 小兒平素過食厚味。致生濕熱。濕熱之氣下行。流入囊中。復爲風寒所束。遂成濕熱感寒疝病。

【病狀】

囊縱紅腫 濕熱感寒疝病發時。囊縱紅腫。常常刺痛。

【變症】

變爲囊癰 濕熱感寒疝病失治。

濕熱凝滯不解。紅腫益劇。疼痛如刺。

氣血阻留。變爲囊癰也。

【療法】

一、囊縱紅腫之療法 濕熱感寒疝病發時。囊縱紅腫。常常刺痛。烏頭

梔子湯主之。

二、變爲囊癰之療法 濕熱感寒

二七九

疝病失治。濕熱凝滯不解。紅腫益劇。疼痛如刺。氣血阻留。變爲囊癰也。宜服荊防敗毒散汗之。外用葱鹽熬湯燙之。寒熱已退。宜服清肝滲濕湯消解之。若復失治。潰深露舉九者險。然不可棄而不治。宜杉木灰托之。蘇子葉包之。或可取效。

【調養】

一、忌食鷄鵝 濕熱感寒疝病忌食煎炒炙爆。辛辣香燥。鷄鵝羊肉。蝦蟹海腥等物。

二、不可行動 濕熱感寒疝病失治。變爲囊癰。潰深露舉九。以蘇子葉包後。不可行動轉側。宜仰臥休養。否則無功效也。

三、小溲黃赤 濕熱感寒疝病愈

後。兒小溲黃赤。久久不瘥。此濕熱未清也。調養之法。宜以六一散泡飲代茶神效。

胎疝類

【病源】

孕婦啼泣過度。孕婦啼泣過度。氣結不散。蘊於胞中。令兒生下囊硬。是謂胎疝病。

【病狀】

囊硬疼痛 胎疝病兒生下陰囊腫硬。疼痛。時時啼哭。

【變症】

腰曲額汗 胎疝病失治。陰囊腫硬益甚。疼痛益劇。腰曲額汗。眼中無淚。面白夾青。伏臥啼哭。入夜則劇。天曉則止。

【療法】

一、囊硬疼痛之療法 胎疝病兒生下陰囊腫硬疼痛。時時啼哭。輕者十味茗柏散主之。重者金鈴散主之。川棟丸亦主之。

二、腰曲額汗之療法 胎疝病失治。陰囊腫硬益甚。疼痛益劇。腰曲額汗。眼中無淚。面白夾青。伏臥啼哭。入夜則劇。天曉則止。白芍藥湯主之。沖和飲亦主之。

【調養】

一、烏骨鷄蛋煮食 胎疝病用烏骨鷄蛋。浸本人小便內七日。洗淨。每晨空腹煮食一枚。十餘枚即愈。可佐湯藥之不及。

二、石蟹磨汁塗 石蟹用好醋磨

汁揉之甚效。

三、用艾炙 胎疝病如過滿月外。或一歲以內。俟端午日午時。以盆盛熱水。安中堂。隨抱小兒。將陰囊放水內一浸。再將小兒於中門檻中間一擱。其陰囊上之水印痕於檻。即用艾火在檻上溼印處燒三次。其囊遂漸收小如故。其效如神。

四、不宜多服藥 胎疝病如用前數方治後。效驗殊鮮。或瘥而未全愈者。俱宜停服藥。以初生之兒。臟腑嬌嫩。不堪重藥攻打也。停藥後。宜以右單方治之。及施用灸法。莫不全愈。神效。

陰腫類

【病源】

濕熱風冷 陰器者。乃諸經之總會也。因邪客於少陰厥陰之經。濕熱之氣與風冷之氣相搏。氣不得通。故結聚而陰囊腫大。是謂陰腫病。

【病狀】

陰囊腫大 陰腫病陰囊腫大。風盛者多癢。濕盛者多墜。熱盛者多疹。如外腎腐囊腫大癢痛墜下。此風濕襲於下也。如外腎腐囊腫痛光亮。此因心火移熱於小腸也。更有偏墜一證。或左或右。舉丸作腫者。此因食積不消。濕氣下行故也。

【變症】

變為痢疾 陰腫病失治。邪氣留滯不去。時急時發。永不斷根。變為痢疾也。

【療法】

陰囊腫大之療法 陰腫病陰囊腫大。風盛者多癢。濕盛者多墜。熱盛者多疹。如外腎腐囊腫大癢痛墜下。此風濕襲於下也。疏風五苓散主之。如外腎腐囊腫痛光亮。此因心火移熱於小腸也。加味五苓散主之。導赤散亦主之。更有偏墜一證。或左或右。舉丸作腫者。此因食積不消。濕氣下行故也。加味守效丸主之。

【調養】

一、以鹽湯浸洗 陰腫病由小兒濕地上坐。或由蚯蚓吹其卵。腫大而垂者。以鹽湯浸洗之。蓋鹽能解蚯蚓毒也。或以蒼朮煎湯。加鹽少許洗之。即效。

小腸氣類

二、調養單方數則。陰腫病宜兼用單方外治。則收效更捷。今將極神效之單方數則。附錄於此。以供參考。

(1) 灶土土研碎炒熱。鋪襪上。再以川椒小茴香研末。撒在上面。將陰囊熏燙。冷則再炒。三次即愈。

(2) 橄欖核七箇。燒枯研末。土茯苓少許研末。加冰片和勻。以紗袋盛之。另用土茯苓、銀花煎水洗過。再用前藥裝入布袋撲之。隨撲隨愈。

(3) 真硼砂煎水熏洗。數次立愈。

(4) 老鴨子口中涎水塗數次即愈。(或用鴨血亦可)

三、忌食蝦蟹。陰腫病忌食蝦蟹海腥。雞鵝羊肉等動風發物。

【病源】

濕寒相爭。濕氣在內。復外受寒邪。寒濕相爭。令少腹脹。控引舉丸。遂成小腸氣病。

【病狀】

舉丸不腫。小腸氣病發時少腹脹。控舉丸引腰脊。上衝心痛。

【附註】

小腸氣與疝病之辨別。疝病舉丸多腫。小腸氣舉丸不腫也。疝病多痛在少腹。小腸氣則痛連腰脊也。

【變症】

咬牙戰掉。小腸氣病失治。痛劇刻不可忍。若搖擗反張。咬牙戰掉。冷汗交流者。此乃痛傷正氣。危在須臾。汗交流者。此乃痛傷正氣。危在須臾。

不救。

【療法】

一、舉丸不腫之療法。小腸氣病發時少腹脹。控舉丸引腰脊。上衝心痛。治宜分別形狀。如引腰而痛者。加味香蘇散溫散之。痛而衝心氣者。加味失笑散主之。如少腹中有形如卵。上下往來。痛不可忍者。胡盧巴丸主之。

二、咬牙戰掉之療法。小腸氣病失治。痛劇刻不可忍。若搖擗反張。咬牙戰掉。冷汗交流者。此乃痛傷正氣。危在須臾。不救。雖然。坐待其斃。於心何忍。姑與獨參湯。或可挽回。

【調養】

一、忌食生冷。小腸氣病忌食生

冷水果。黏滑肉麵。雞鵝蝦蟹海腥等物。

二忌坐濕地 小腸氣病忌坐濕地。宜避風寒。

三、面色萎黃 小腸氣病愈後。兒面色萎黃。胃納大減。乃正氣受傷也。調養之法。宜服四君子湯。

結論

疝病多由濕熱壅遏。濁液凝聚。并入血絡。流於厥陰。或外為風寒所襲。或內因怒氣衝激。致少腹暴痛。或上攻腰脇。走遊背脊。或寒氣搶心。手足厥冷。壯熱惡寒。二便閉塞。或卵有大。小。上下不常。囊有腫脹。痛無定止。有自汗者。有下泄者。有積聚如臂。如盤。如盃。如桃李者。遇寒觸怒。則塊物上

疝 病 類 載

衝胸膈。因熱則緩縱不收。因寒則上引作痛。因濕則腫脹下垂。熱而不欲

按者。屬濕熱。寒而喜按摩者。屬寒積。在血分者不移。在氣分者多動。兩丸偏脹而左右互移者。屬氣分。積年發痛。不脹大而不動移者。屬血分。屢發屢更其處者。乃厥陰風木為患。腫極而不甚痛者。乃太陰濕土為患。大痛者為實。不痛者為虛。甚則搖擗反張。咬牙戰掉。冷汗交流者。危在須臾。不救。再診其脈。弦急者生。虛弦小者死。

施治總宜流通疎利。不可驟施補劑。

疝病證各方淺解類

【寒疝類各方】

(一)烏頭桂枝湯(仲景方)

桂枝一錢。赤芍藥二錢。炙

甘草五分。烏頭三錢。生薑四片。

右以水二碗煮。取一碗。去渣。分數次服之。服後如醉狀者。藥性到達病所也。停勿服。若服藥後得吐者。為中病。亦當停藥。

〔淺解〕 本方以桂枝、烏頭、生薑、

解散寒氣。赤芍破血行滯。甘草和中。寒疝病發時。囊冷結硬。牽引少腹作痛。口中不渴。舌苔白潤。兼表者。必兼見惡寒之症。宜服本方疏散之。寒邪一解。病即霍然。

(二)金茱丸(金鑑方)

金鈴子肉一兩。吳茱萸五錢。

右為細末。酒煮麵糊為丸。如麻子大。每服十九。鹽湯下。

〔淺解〕 本方以吳茱萸散厥陰之寒。川棟去小腸之濕。

〔三〕大烏頭煎（仲景方）

烏頭大者五枚。熬去皮。不必咀。

右以水二碗煮。取一碗。去滓。納蜜二碗煮。令水氣盡。取二碗。每日服六分之一。不瘥。明日更服。不可一日再服。

〔淺解〕 本方烏頭味辛性熱。較

附子尤猛。善去風寒。寒疝病失治。寒氣深痛。疝久不瘥。臍臍冷痛。囊冷結硬。四肢逆冷。非用此大辛大熱之品。溫散之。不克有效。

〔四〕和陽湯（冰玉堂驗方）

炙桂枝八分。生白芍一錢半。炙甘草五分。炙綿着二錢。

生白朮一錢。生薑三片。

紅棗四枚。

右以水二碗煮。取七分。去渣。分數次服之。

〔淺解〕 本方以桂枝、生薑、散寒

和陽。白朮、黃耆、紅棗、甘草、和中補氣。白芍和陰。寒疝病愈後。兒面色青白。時時惡寒者。此中氣虛弱。陽氣未復也。調養之法。宜服本方。

〔濕熱感寒疝類各方〕

〔一〕烏頭梔子湯（張氏醫通方）

烏頭一錢。梔子四錢。（炒）

右以水二碗煮。取一碗。去渣。分數次溫服。

〔淺解〕 本方以烏頭去風散腫。

梔子清熱退紅。濕熱感寒疝病發時。

囊縱紅腫。常常刺痛者。此內有熱而兼挾風邪也。速服本方清疏之。便可痊愈。

〔二〕荆防敗毒散（證治準繩方）

見咳嗽證各方淺解類。

〔三〕葱鹽熬湯洗方（驗方）

葱三錢。食鹽一兩。

右以水七碗煮。取三碗。乘熱燙之。稍溫即以洗之。

〔淺解〕 本方以葱通陽行滯。兼

消紅腫。鹽清熱拔毒。囊癰病用此熏洗。則毒自解而腫自消也。

〔四〕清肝滲濕湯（冰玉堂驗方）

黃芩一錢。生梔子一錢（研）

當歸一錢。生地一錢。白

芍藥一錢。（酒炒） 川芎一

錢。柴胡一錢。天花粉一錢。

龍膽草一錢。(酒炒) 生

甘草五分。澤瀉五分。木通

五分。燈芯五十寸。

右以水二碗煮。取八分。去渣。分數

次服之。

〔淺解〕 本方以青、歸、地、芍、和血。

甘草和氣。柴胡泄肝熱。龍膽清肝熱。

黃芩、梔子、清熱泄火。澤瀉、木通、利水

瀉火。天花粉生津止渴。濕熱感寒痲

病失治。變爲囊癰。服荆防敗毒散後。

寒熱已退而肝經猶有鬱熱。宜直接服

本方清解之。便可收功。

(五)六一散(劉河間方)

即天水散。見感冒證各方淺解

類。

【胎痲類各方】

(一)十味蒼柏散(金鑑方)

青皮七分。(醋炒) 川附子

七分。(炮) 黃柏七分。南

山查肉七分。(酒炒) 蒼朮

七分。(米泔水浸) 香附七

分。(製) 益智仁七分。元

胡索七分。(醋炒) 桃仁七

分。炙甘草七分。(引) 小

茴香四分。

右以水二碗半煮。取一碗。去渣。分

數次服之。

〔淺解〕 本方青皮、山查、茴香、益

智、香附、利氣行積滯。川附疏風。蒼朮

化濕。黃柏清熱。元胡、桃仁、活血行滯。

甘草和中。胎痲病兒生下囊硬疼痛。

此氣血不和。內有濕熱也。速服本方。

清熱化濕。活血利氣治之。即可痊愈。

(二)金鈴散(證治準繩方)

三稜三錢。莪朮三錢。陳皮

五錢。赤茯苓五錢。茴香三

錢。生甘草二錢。枳殼三錢。

枳殼三錢。(麸炒) 鈎藤

鈎四錢。青皮四錢。(炒)

南木香三錢。金鈴子肉一兩。

右除檳榔、木香、不過火。餘焙。共爲

細末。每服半錢至一錢。無灰酒調服。

〔淺解〕 本方以三稜、莪朮、陳皮、

茴香、枳殼、枳實、青皮、木香、利氣而行

積滯。赤茯苓、鈎藤、泄風。金鈴子清

熱。胎痲病由氣分積滯者。非服本方

大隊疏利之品疏利之。不能見效。

(三)川棟丸(六科準繩方)

木香三錢。 枳榔三錢。 三稜三錢。 莢朮三錢。 青皮四錢。

(醋炒) 陳皮四錢。 川棟肉八錢。 羌花五分。(醋炒)

辣桂二錢。 牽牛二錢。(生取仁) 巴豆三粒。(去油)

右共為極細末。麵糊為丸。如麻子大。每服三四丸。薑湯送下。

〔淺解〕 本方木香、枳榔、三稜、莢朮、青皮、陳皮、辣桂、利氣行滯。以消阻結。羌花、牽牛、利水通積。川棟清解濕熱。用巴豆者。引導諸藥。攻蕩病根也。

本方與右方藥味峻烈。小兒初生。臟腑嬌嫩。不堪重藥攻打。故服後病勢已減。或見效殊鮮。俱當停服。另以詞

養條內單方治之。自可收功。否則一味多服。則正氣受傷。必有劇變。最宜注意。

(四)烏骨雞蛋方(驗方)

用烏骨雞蛋浸本人小便內七日。洗淨。每日空腹煮食一枚。十餘枚即愈。

〔淺解〕 本方烏骨雞蛋調和氣血。浸小便內者。藉其鹹味。使蛋直達病所也。胎疝病多由氣血不和。和其氣血。其疝自瘥。

(五)石蟹搽方(驗方)

石蟹用好醋磨汁搽之。甚效。

〔淺解〕 石蟹生南海。即尋常之蟹。在石穴中。年深月久。與水沫相結。即化為石。鹹寒質重。善解熱拔毒。能

治胎疝。即此意也。

【陰腫類各方】

(一)疏風五苓散(金鑑方)

防風一錢。 蒼朮七分。(米泔水浸)

肉桂五分。 羌活一錢。 豬苓二錢。 澤瀉二錢。

赤茯苓二錢。 白朮八分。(土炒)

生薑三片。 右以水二碗煮。取一碗。去渣。分數次服之。

〔淺解〕 本方防風、肉桂、羌活、疏風泄邪。蒼朮、白朮、健脾中化濕。豬苓、茯苓、澤瀉、利水滲濕。陰腫病如外腎腫囊腫大。癢痛墜下。此風濕鬱於下也。宜服本方。疏風化濕治之。腫自消也。

(二)加味五苓散(金鑑方)

金鈴子一錢。白朮一錢。(土

炒) 澤瀉一錢。木通一錢。

茴香六分。(炒) 赤茯苓

二錢。橘核仁二錢。肉桂三

分。檳榔一錢。豬苓一錢。

生薑三片。燈芯一尺。

右以水二碗煮。取一碗。去渣。分數

次服之。

〔淺解〕 本方以金鈴子清解濕

熱。澤瀉、木通、赤苓、豬苓、利水滲濕。兼

泄火熱。檳榔、肉桂、茴香、利氣行滯。以

消腫勢。陰腫病如外腎疝囊、腫痛光

亮。此因心火移熱於小腸也。宜服本

方。清熱化濕治之。則腫自退也。

(三) 導赤散(錢乙方)

見初生諸病證(上)各方淺

解類。

(四) 加味守效丸(金鑑方)

南星二錢。山查肉二錢。(酒

炒) 蒼朮二錢。(炒) 白

芷一兩。半夏一兩(薑製)

橘核仁一兩。神朮一兩(炒)

海藻五錢。昆布五錢。吳

茱萸一兩。青皮一兩(醋炒)

元胡索一兩。(醋炒) 荔

枝核一兩。(炒)

右共為細末。神朮糊為丸。如麻子

大。每服二十九。空心下。

〔淺解〕 本方南星、海藻、昆布、化

痰消核。山查、神朮、消食化積。蒼朮、白

芷化濕。半夏、青皮、利氣。橘核、荔枝核

消丸腫。吳萸、元胡、利肝氣。舉丸或左

或右作腫者。此因食積不消。濕氣下

行故也。宜服本方。消食化濕治之。腫

自已也。

(五) 鹽湯洗方(驗方)

食鹽七錢。

右以水三碗煮。令鹽烊。先浸後洗。

腫自退也。

〔淺解〕 本方鹽能解蚯蚓毒也。

(六) 蒼朮鹽湯方(驗方)

蒼朮四錢。鹽二錢。

右以水三碗煮。取一碗。洗之即效。

〔淺解〕 本方蒼朮能辟穢。鹽湯

可解毒。

(七) 灶土茴香方(驗方)

灶土土研碎炒熱。鋪檯上。再以

川椒、小茴各二錢。研末撒在上

面將陰囊薰燙冷則再炒。三次即愈。

〔淺解〕 本方壯心土即伏龍肝。退陰散結。川椒、小茴、利氣行滯。陰腫病得此等陽性之藥薰燙。則陰腫四散。腫自消也。

〔八〕橄欖茯苓撲方（金鑑方）
橄欖核七箇燒枯研末。土茯苓三錢研末。加冰片一分。和勻。以紗袋盛之。

另用土茯苓五錢。金銀花五錢。煎水洗過。再用前藥裝入布袋撲之。隨撲隨愈。

〔淺解〕 本方以橄欖清熱。土茯苓去濕。冰片行滯。陰腫病乃濕熱下注而氣分壅滯。宜撲此方。自有神效。

〔九〕硼砂洗方（驗方）
真硼砂四錢。

右以水二碗煮。取一碗。先熏後洗。數次立愈。

〔淺解〕 本方硼砂味甘鹹。性涼。善破積除結。

〔一〇〕鴨涎方（驗方）
老鴨子口中涎水塗數次即愈。
（或用鴨血亦可）

〔淺解〕 本方鴨涎善消陰腫。

【小腸氣類各方】

〔一〕加味香蘇飲（局方）

蒼朮七分。（米泔水浸） 陳

皮一錢。 川棟肉一錢。 生甘

草五分。 蘇葉一錢。 香附一

錢。（酸炒） 連翹葱白三枚。

〔引〕
右以水二碗煮。取一碗。去渣。分數

次服之。

〔淺解〕 本方蒼朮化濕。蘇葉、葱白疏風泄邪。陳皮、香附利氣行滯。川棟清解濕熱。甘草和中。小腸氣病引

腰而痛者。內有風邪也。當服本方疏解之。

〔二〕加味失笑散（經驗方）

五靈脂三錢。 蒲黃三錢。（隔

紙炒） 元胡索三錢（醋炒）

右共研細末。每服一錢。開水調下。

〔淺解〕 本方五靈、蒲黃、元胡、破心氣以行滯。小腸氣病痛而衝心氣者。當服本方。

〔三〕胡盧巴丸（局方）

胡蘆巴四錢。(炒) 川棟子

四錢。(蒸去皮核焙) 川烏

一錢五分。(去皮臍) 巴戟

肉一錢五分。茴香三錢。吳

茱萸二錢五分。(半酒半醋。浸

一宿焙) 牽牛二錢。(炒)

右共爲細末。酒麵糊爲丸。如麻子

大。每服十五丸。空心開水下。

〔淺解〕 本方胡蘆巴、川烏、巴戟、

溫寒散滯。茴香、吳萸、利氣解結。川棟

去濕熱。牽牛消痰涎。小腸氣病如少

腹中有形如卵。上下往來。痛不可忍

者。此內有寒滯也。速服本方。便得痊

可。

(四) 獨參湯 (張景岳方)

人參二錢。

右一味。須上揀者。濃煎頓服。

〔淺解〕 春秋運斗樞云。搖光星

散。而爲人參。所以有人參。上有紫

氣。物華天寶。洵神物也。故先哲於氣

虛血脫之病。獨用人參。濃煎而頓服

之。能挽回性命於瞬息之間。非他物

所可代。

(五) 四君子湯 (局方)

見驚風證各方淺解類。

淋病證

總綱

一 何謂淋病。

小便滴瀝而澀痛。是謂淋病。

二 淋病何由而成。

生淋病之原因有二。

一、風寒襲入。

二、濕熱下移。乘入膀胱。

凡此二因。俱令水道澀滯。欲出不

出。淋漓不斷。而成淋病。

三 淋病證共分幾類。

一、寒淋。

二、熱淋。

三、石淋。

四、血淋。

四 淋病證各病之主要治法如何。

一、寒淋 加味五苓散。

二、熱淋 淋漓澀痛——十味導赤湯。

三、石淋 輕——葵子散。重——八正散。

四、血淋 莖中不時作痛——小薊飲子。莖中痛甚——五淋散。

五 淋病失治。有無危險。

淋病失治。水道不通。陰莖小腹俱如粟狀。脹痛難忍。有生命危險也。

寒淋類

風寒乘入膀胱 風寒乘入膀胱。

致下焦受冷。遂成寒淋病。

【病狀】

先發寒慄 寒淋病欲小便時。先發寒慄。而後淋漓澀痛。時思小便。尿色清白。少腹脹痛。舌苔白膩。加味五苓散主之。

【變症】

小便閉塞 寒淋病失治。寒氣不解。小便閉塞。少腹脹痛難忍。陰莖少腹俱如粟狀。有筋高起。有生命危險也。

【療法】

一、先發寒慄之療法 寒淋病欲小便時。先發寒慄。而後淋漓澀痛。時思小便。尿色清白。少腹脹痛。舌苔白膩。加味五苓散主之。

二、小便閉塞之療法 寒淋病失

治寒氣不解。小便閉塞。少腹脹痛難忍。陰莖少腹俱如粟狀。有筋高起。有生命危險也。速以連鬚葱白一斤。搗爛炒熱。分作二處。各以布包輪流熱熨臍下。小便即通。內宜服加味五苓散。

【調養】

一、忌食生冷 寒淋病忌食生冷、水果、雞鴨、羊肉、蝦、蟹、海腥等物。及一切悶氣滯氣之品。如山芋、芋艿、栗子、白果、山藥等。
二、宜避風寒 寒淋病宜避風寒。
三、宜和陽氣 寒淋病愈後。兒時時惡寒。久不復元者。此陽氣虛也。宜和陽氣。和陽湯主之。

熱淋類

淋 病 證

【病源】

膀胱蓄熱 兒受邪熱。或平素過食辛辣香燥。煎炒炙爆等物。膀胱蓄熱。遂成熱淋病。

【病狀】

小溲熱赤 熱淋病小便不通。淋漓澀痛。熱赤異常。口渴。舌紅面赤。熱盛者。少腹脹滿。引臍作痛。大便祕結。

【變症】

少腹脹痛難忍 熱淋病失治。熱結不解。小便閉塞益甚。少腹脹痛難忍。陰莖少腹俱如粟狀。有筋高起。口渴益甚。心中煩甚。夜難安眠。有生命危險也。

【療法】

一、小溲熱赤之療法 熱淋病小

便不通。淋漓澀痛。熱赤異常。口渴。舌紅面赤。十味導赤湯主之。熱盛者。少腹脹滿。引臍作痛。大便祕結。八正散主之。

二、少腹脹痛難忍之療法 熱淋

病失治。熱結不解。小便閉塞益甚。少腹脹痛難忍。陰莖少腹俱如粟狀。有筋高起。口渴益甚。心中煩甚。夜難安眠。有生命危險也。生地木通湯主之。外以大田螺十五枚。淨水養之。待田螺吐出泥。澄去上面清水。以底下濃泥。入膩粉五分。調塗臍上。尿立通神效。

【調養】

一、忌食辛辣 熱淋病忌食辛辣香燥。煎炒炙爆。肥甘厚味。雞鴨羊肉。

蝦蟹海腥等物。及一切悶氣滯氣之品。如山芋、芋芳、栗子、白果、山藥等。

二、以白茅根煮湯代茶。熱淋病

宜以白茅根三扎。去心。煮湯代茶。時時啣之。清其血熱。利其小便。淋易瘥也。

三、小渡時赤。熱淋病愈後。兒小渡時赤。別無他苦者。此餘熱未清也。調養之法。宜服六一散。自能除根。

石淋類

【病源】

膀胱蓄熱。膀胱蓄熱。為日既久。水液燥聚。結成沙石。(此與湯在瓶中。久受煎熬。結成白鹼。同一理也)留礙尿道。痛不可忍。是謂石淋病。

【病狀】

逢溺則啼哭不已。石淋病。臍腹隱痛。小便難。溺下如砂如石。或黃赤。或渾濁。色澤不定。其大者留礙尿道。每逢溺時。則啼哭不已。痛不可忍。出砂石而後小便通。

【變症】

滿地亂滾。石淋病失治。砂石積聚愈多。疼痛益甚。溺時啼哭不已。滿地亂滾。厥狀至慘。

【療法】

一、逢溺則啼哭不已之療法。石淋病。臍腹隱痛。小便難。溺下如砂如石。或黃赤。或渾濁。色澤不定。其大者留礙尿道。每逢溺時。則啼哭不已。痛不可忍。出砂石而後小便通。輕則葵子散主之。重則八正散主之。

二、滿地亂滾之療法。石淋病失治。砂石積聚愈多。疼痛益甚。溺時啼哭不已。滿地亂滾。厥狀至慘。速以琥珀通淋湯主之。

【調養】

一、忌食辛辣。石淋病忌食辛辣。香燥。煎炒炙爆。肥甘厚味。雞鵝羊肉。蝦蟹海腥等物。及一切悶氣滯氣之品。如山芋、芋芳、栗子、白果、山藥等。

二、服石首魚頭。石淋病宜服石首魚頭。久之神效。

三、百藥不瘥之調養法。石淋病百藥不瘥。宜以石首魚腦骨十個。(火煨)琥珀二錢。滑石六錢。俱為細末。每服一錢。空心開水下。服完一料。病即除根。

血淋類

【病源】

心熱傷於血分。心熱傷於血分。熱氣傳入於胞。日久則尿血同出。遂成血淋病。

【病狀】

莖中不時作痛。血淋病小便見血。或便出血塊。陰莖中不時作痛。

【變症】

面色憔悴。血淋病失治。淋久不癒。正氣大傷。面色憔悴。精神疲困。此時也。熱隨血去。純屬虛也。

【療法】

一、莖中不時作痛之療法。血淋病小便見血。或便出血塊。陰莖中不時作痛。須以小蘗飲子治之。若莖中

痛甚者。五淋散主之。

二、面色憔悴之療法。血淋病失治。淋久不癒。莖中不痛。正氣大傷。面色憔悴。精神疲困。此時也。熱隨血去。純屬虛也。當補之。宜服歸脾湯。

【調養】

一、忌食雞鵝。血淋病忌食辛辣香燥。煎炒炙爆。肥甘厚味。雞鵝羊肉。蝦蟹海腥等物。

二、頭髮灰方。血淋病宜兼服頭髮灰方。則病易痊可。法以頭髮燒灰生藕汁調服二錢。三日即愈。

三、服苧根湯。血淋病宜兼以苧根十枚。水五碗煮。取二碗。一服即效。

結論

淋病證各病。除寒淋外。其餘概由

小腸膀胱間鬱熱不化。遂使下焦陰

陽乖舛。清濁相干。血石悉從膀胱水道而出。淋瀝不斷。甚者窒塞其間。令脹悶難耐。法宜流行滯氣。疏利小便。清解熱邪。而平調心火。又為三者之綱領。蓋心與小腸為表裏。小腸清則分泌得宜。小便自利。血石自止。惟最忌補氣之藥。蓋氣得補而愈脹。血得補而愈滯。熱得補而愈盛。漸致水道不通。穀道閉塞。而生機絕矣。

淋病證各方淺解類

【寒淋類各方】

- (一) 加味五苓散 (驗方)
- 白朮一錢。(土炒) 澤瀉二錢。
- 茯苓二錢。肉桂一錢。
- 小茴香八分。赤茯苓二錢。

右以水二碗煮取一碗去渣分數次服之。

〔淺解〕 本方以白朮健中氣肉桂茴香散寒行滯澤瀉豬苓茯苓利水通淋寒淋病宜服本方散寒通淋治之有神效也。

(二)葱運方(驗方)

連鬚葱白一斤搗爛炒熱分作二處各以布包輪流熱熨臍下小便即通。

〔淺解〕 本方葱白味辛性溫內通陽氣使氣一通小便如泉湧也。

(三)和陽湯(冰玉堂驗方)

見疝病證各方淺解類。

〔熱淋類各方〕

(一)十味導赤湯(金鑑方)

生地三錢 山梔子三錢 木通一錢 瞿麥一錢 滑石三錢 淡竹葉三錢 茵陳蒿三錢 黃芩二錢 生甘草五分 豬苓二錢

右以水三碗煮取一碗去渣分數次服之。

〔淺解〕 本方生地黃芩山梔子竹葉清熱泄熱木通瞿麥滑石茵陳豬苓利水通淋甘草和中熱淋病小便不通淋漓澀痛熱赤異常口渴舌紅面赤宜服本方清利之便可痊愈。

(二)八正散(衛生寶鑑方)

見初生諸病證(上)各方淺解類。

(三)生地木通湯(金鑑方)

鮮生地三錢 木通一錢 花粉五錢 龍膽草一錢 黃芩一錢 山梔子一錢 澤瀉一錢 瞿麥一錢 蒼蓄一錢 滑石二錢 豬苓一錢 生甘草一錢 淡竹葉三錢

右以水三碗煮取一碗去渣分數次服之。

〔淺解〕 本方生地龍膽黃芩山梔子竹葉清熱泄熱安心定煩木通澤瀉瞿麥蒼蓄滑石豬苓利水通淋花粉生津止渴生甘和中補氣熱淋病失治熱結不解小便閉塞益甚少腹脹痛難忍陰莖少腹俱如栗狀有筋高起口渴益甚心中煩甚夜難安眠有生命危險也速服本方清解之便

得痊可。

〔四〕田螺塗方（驗方）

大田螺十五枚。淨水養之。待田螺吐出泥。澄去上面清水。以底下濃泥入膩粉五分。調塗臍上。尿立通。神效。

〔淺解〕 本方田螺泥性涼。清解熱邪。兼利小便。用塗臍上。尿立通也。

〔五〕白茅根方（驗方）

白茅根三扎。（去心）

右以水煮湯代茶時時呷之。

〔淺解〕 本方白茅根清其血熱。利其小便。淋易痊也。

〔六〕六一散（劉河間方）

即天水散。見感冒證各方淺解類。

【石淋類各方】

〔一〕葵子散（證治準繩方）

桑皮一錢。（炒） 瞿麥一錢。 梔子一錢。 赤茯苓一錢。 木通一錢。 車前子一錢。 生甘草五分。 葵子一錢。 右以水二碗煮。取一碗。去渣。分數次服之。

〔淺解〕 本方以桑皮肅肺。使肺氣下行。則小便自通。山梔清熱。導熱下行。由小便而泄。瞿麥、赤苓、木通、車前、葵子、利水通淋。

〔二〕八正散（衛生寶鑑方）

見初生諸病證（上）各方淺解類。

〔三〕琥珀通淋湯（證治準繩方）

琥珀五分。（另吞） 魚腦骨十個。 滑石三錢。 冬葵子三錢。 木通一錢。

右除琥珀另吞外。其餘以水二碗煮。取一碗。去渣。分數次服之。

〔淺解〕 本方琥珀、魚腦骨、破結以通淋。滑石、冬葵、木通、利水以通淋。石淋病失治。砂石積聚愈多。疼痛益甚。溺時啼哭不已。滿地亂滾。厥狀至慘。非以本方破結之品治之。則砂石不去。病不能斷根也。

【血淋類各方】

〔一〕小薊飲子（濟生方）

通草一錢。 滑石二錢。 淡竹葉二錢。 當歸三錢。 小薊二錢。 梔子一錢。（炒） 生甘草

草五分。生地三錢。蒲黃二錢。藕節二錢。

右以水二碗煮。取一碗。去渣。分數次服之。

〔淺解〕 本方通草、滑石、蒲黃、利水以通淋。竹葉、小蘗、生地、藕節、清血以活血。當歸和血。甘草和氣。梔子清氣。血淋病小便見血。或便出血塊。陰莖中不時作痛。此血分中有鬱熱也。須以本方清解之。

(二)五淋散(六科準繩方)

當歸一錢。赤芍一錢。苦苈八分。黃芩一錢。(炒)木通一錢。梔子一錢。車前子一錢。淡竹葉一錢。滑石一錢。葵子二錢。生甘草五

分。赤茯苓二錢。葱白三枚。右以水二碗煮。取一碗。去渣。分數次服之。

〔淺解〕 本方以葶藶肅降肺氣。使肺氣下行。則小便自通。木通、車前、滑石、葵子、赤苓、利水以通淋。梔子、黃芩、竹葉、清熱。當歸、赤芍、和血。甘草和氣。血淋病若莖中痛甚者。此水道不通。氣機壅滯使然。利其小便。通其結滯。則痛自瘥也。當服本方。

(三)歸脾湯(濟生方)

人參二錢半。龍眼肉二錢半。黃耆二錢半。甘草五分。白朮二錢半。白茯苓二錢半。木香五分。當歸一錢。酸棗仁一錢。(炒研) 遠志一

錢。

右以水三碗煮。取一碗。去渣。分數次服之。

〔淺解〕 本方人參、黃耆、白朮、茯苓、甘草、所以補脾也。龍眼、棗仁、遠志、當歸、所以補心也。取木香之辛且散者。以開氣理脾。使能急通脾氣。以上行心陰。脾之所歸。正在斯耳。血淋病失治。淋久不瘥。莖中不痛。正氣大傷。面色憔悴。精神疲困。此時也。熱隨血去。純屬虛也。當補之。宜服本方。

(四)頭髮灰方(驗方)

法以頭髮一兩。(燒成灰。研爲細末) 右以生藕汁調服二錢。三日即愈。〔淺解〕 本方以髮灰行瘀活血。

通小便。生藕汁補血清血。血淋病大
都由血中結滯。通其結滯。則淋自瘥
也。當服本方。

(五) 苧根湯 (驗方)

苧根十枚。

右一味以水五碗煮。取二碗。一服
卽效。

〔淺解〕 本方苧根味甘性寒。涼
解血分之熱。通利水道之滯。

疳病證

總綱

一 何謂疳病。

小兒之疳病。即大人之癆病。十五歲以上病則為癆。十五歲以下皆名為疳。

二 疳病何由而生。

小兒生疳病之原因有三。

一、氣血虛弱。臟腑嬌嫩。易於受傷。

二、乳食過飽。

三、肥甘無節。停滯中脘。

凡此三因。俱令傳化遲滯。腸胃漸

傷。則生積熱。熱盛成疳。

三 疳病初起病狀如何。

凡疳病初起。尿如米泔。午後潮熱。

日久失治。致令青筋暴露。肚大堅硬。面色青黃。肌肉消瘦。皮毛憔悴。眼睛發眵。而疳病成矣。

四 疳病證共分幾類。

一共九分

- 一、脾疳類。
- 二、肝疳類。
- 三、心疳類。
- 四、肺疳類。
- 五、腎疳類。
- 六、疳瀉類。
- 七、疳腫脹類。
- 八、疳痢類。
- 九、疳渴類。
- 一〇、疳熱類。
- 一一、腦疳類。
- 一二、眼疳類。

二九八

- 一三、鼻疳類。
- 一四、牙疳類。
- 一五、脊疳類。
- 一六、蛔疳類。
- 一七、無辜疳類。
- 一八、疔瘻疳類。
- 一九、疔露疳類。

五 疳病證各病之主要治法如何。

消積——消疳理脾湯。

一、脾疳 肥兒丸。

調理——參苓白朮散。

清熱——柴胡清肝散。

二、肝疳 蘆薈肥兒丸。

調理——逍遙散。抑肝

扶脾湯。

三、心疳 熱盛——瀉心導赤湯。
熱盛兼驚——珍珠散。
病久心虛——茯神湯。

四、肺疳 疎解——生地清肺飲。
清——甘露飲。
肺虛——補肺散。

五、腎疳 治疳——金蟾丸。
調補——九味地黃丸。
稟賦不足——調元散。

六、疳瀉 清熱滲濕——清熱和
中湯。
瀉久不愈——參苓白
朮散。

七、疳腫脹 御苑勻氣散。

八、疳痢 香連導滯湯。

九、疳渴 清熱甘饑飲。

○、疳 實——驚甲青膏飲。
熱——驚甲散。

一、腦 腦熱生瘡——龍膽丸。
疳 煩熱羸瘦——龍腦丸。
疎解——瀉肝散。

二、眼 消翳——清熱退翳湯。
疳 調理——逍遙散。羊肝
散。

三、鼻 熱盛——清金散。蔣氏
疳 化毒丹。
蟲蝕——化蟲丸。

四、牙 瀉熱——消疳蕪荑散。
疳 清熱——蘆薈肥兒丸。

一五、脊疳 蘆薈丸。金蟾散。
一六、蛔疳 史君子散。下蟲丸。
一七、無辜疳 柴胡飲。蘆薈肥兒

丸。

一八、丁奚疳 五疳消積丸。人參
啟脾丸。

一九、露疳 消積——集聖丸。
疳 理脾——肥兒丸。
清補兼施——人參丸。

脾疳疳類

【病源】

病源有四 生脾疳之原因有四。

(1) 乳食不節。(2) 乳母恣食生冷肥膩。

(3) 飯後與乳。(4) 乳後即眠。凡此四因。

俱令小兒脾胃受傷。而成疳病。

【病狀】

肌肉消瘦 脾疳病初起。尿如米

泔。脾屬土。色黃。主肌肉。故脾疳日久。

則面色萎黃。肌肉消瘦。身體發熱。頭

大項小。喘促氣粗。多啼咳逆。目生白膜。唇赤髮焦。口鼻常乾。胸膈壅滿。喜暗。情志不悅。不思乳食。引飲無度。晝涼夜熱。腹脹腳弱。吐逆乏力。水穀不消。泄下酸臭。喜食泥土。合面覆臥。

【變症】

人中平滿。脾疳病失治。正氣益虛。疳積益劇。腹大如鼓。唇無血色。人中平滿。下痢無度。形體瘦削。大肉盡脫。僅存皮骨。毛髮憔悴。眼睛發眵。死不治。

【療法】

肌肉消瘦之療法。脾疳病初起。尿如米泔。脾屬土。色黃。主肌肉。故脾疳日久。則面色萎黃。肌肉消瘦。身體

發熱。頭大項小。喘促氣粗。多啼咳逆。目生白膜。唇赤髮焦。口鼻常乾。胸膈壅滿。喜暗。情志不悅。不思乳食。引飲無度。晝涼夜熱。腹脹腳弱。吐逆乏力。水穀不消。泄下酸臭。喜食泥土。合面覆臥。治法宜先攻其積。消疳理脾。湯主之。肥兒丸亦主之。積退然後調理其脾。參苓白朮散主之。

【調養】

一。乳食宜有節制。脾疳病乳食宜有節制。忌食生冷。水果。硬物。瓜子。香燥等物。飯後不可哺乳。乳後不可眠臥。

二。目生白膜之調養法。脾疳病愈後。目生白膜。久久不癒。調養之法。宜服消疳無價散。此方極效。雖疳積

眼瞎。可以復明。

三。常服參苓白朮散。脾疳病愈後。宜常服參苓白朮散。使脾氣健旺。病可除根。

肝疳類

【病源】

病源有三。生肝疳病之原因有三。①乳母寒溫不調。滋味不節。②外感風寒。內傷喜怒。氣未平復。遽以乳兒。③小兒肝臟受熱。凡此三因。俱令成肝疳病也。

【病狀】

瓜甲皆青。肝疳病初起。尿如米泔。肝屬木。色青。主筋。故肝疳日久。則見面目瓜甲皆青。眼生眵淚。隱澀難睜。搖頭揉目。合面睡臥。耳齋流膿。腹

部脹大。青筋暴露。身體羸瘦。燥渴煩急。養青如苔。

【變症】

眼角左右有黑氣。肝病病失治。目有青脈。左脇硬痛。多吐涎沫。眼角左右有黑氣。死不治。

【療法】

爪甲皆青之療法 肝病病初起。尿如米泔。肝屬木。色青。主筋。故肝病日久。則見面目爪甲皆青。眼生膠淚。懸澀難睜。搖頭揉目。合面睡臥。耳疔流膿。腹部脹大。青筋暴露。身體羸瘦。燥渴煩急。養青如苔。治當先清其熱。柴胡清肝散。蘆薈肥兒丸主之。若病勢稍退。當以逍遙散抑肝扶脾湯調理。

【調養】

一、法當和肝。肝病病愈後。法當和肝。使肝氣調達。病可除根。宜常服和肝湯。

二、忌食辛燥。肝病病忌食西瓜子。南瓜子。花生。生冷。水果。栗子。硬物。及一切辛辣香燥之品。

三、乳母須知。肝病病乳母宜調寒溫。節滋味。避風寒。慎喜怒。使氣機調達。乳汁清和。兒病自減。

心病疔類

【病源】

乳食不調。心有熱。生心疔病之原因有二。(1)乳食不調。(2)心臟鬱熱。凡此二因。俱令成心疔病也。

【病狀】

目脈絡赤。心疔病初起。尿如米泔。心屬火。色赤。主血脈。故心疔日久。則見面紅。目脈絡赤。壯熱有汗。時時

整煩。咬牙弄舌。口舌乾燥。渴飲生瘡。小便紅赤。胸膈滿悶。睡喜伏臥。懶食乾瘦。或吐或利。

【變症】

舌下有黑醫。心疔病失治。見驚啼口渴。嗜食辛味。耳邊有脈。舌下有黑醫者。死不治。

【療法】

目脈絡赤之療法 心疔病初起。尿如米泔。心屬火。色赤。主血脈。故心疔日久。則見面紅。目脈絡赤。壯熱有汗。時時驚煩。咬牙弄舌。口舌乾燥。渴飲生瘡。小便紅赤。胸膈滿悶。睡喜伏

臥。懶食乾瘦。或吐或利。熱盛者。瀉心導赤湯主之。熱盛兼驚者。珍珠散主之。病久心虛者。茯神湯調理之。

【調養】

一、乳食有節 心疳病乳食宜有節制。

二、忌食瓜子 心疳病忌食瓜子、花生、生冷、水果、硬物。及一切辛辣香燥之品。

三、宜補心氣 心疳病愈後。宜補心氣。使心臟安定。病可除根。當常服龍眼補心湯。

肺泄類

【病源】

乳食不調。壅熱傷肺 生肺疳病之原因有二。(1)乳食不調。(2)壅熱傷

肺。凡此二因。俱令成肺疳病也。

【病狀】

面色白 肺疳病初起。尿如米泔。肺屬金色。色白。主皮毛。故肺疳日久。則

見面色白。咳嗽氣逆。皮毛乾焦。多涕時啼。咽喉不利。壯熱憎寒。脣邊赤瘰。

腹內氣脹。乳食漸稀。口有腥氣。手足枯細。皮膚起粟。腸胃不和。頻頻泄痢。鼻下生瘡。

【變症】

頻瀉白沫 肺疳病失治。見頻瀉白沫。身有黑斑。如粟米大者。死不治。

【療法】

面色白之療法 肺疳病初起。尿如米泔。肺屬金色。色白。主皮毛。故肺疳日久。則見面色白。咳嗽氣逆。皮毛乾

焦。多涕時啼。咽喉不利。壯熱憎寒。脣邊赤瘰。腹內氣脹。乳食漸稀。口有腥氣。手足枯細。皮膚起粟。腸胃不和。頻頻泄痢。鼻下生瘡。先以生地清肺飲疎解之。繼用甘露飲清之。日久肺虛者。當以補肺散主之。

【調養】

一、諸藥不效之調養法 肺疳病諸藥不效。腹脹氣促。不能飲食。此內有疳蟲也。調養之法。宜以黃連一兩。(炒焦)白蘘蕪一兩。(炒焦)夜明砂一兩。(用水淘五次)共為末。積豬膽汁和丸。如菉豆大。以米飲下三九或五九。便下疳蟲。即瘥。
二、常服補肺散 肺疳病愈後。宜常服補肺散。使肺氣健旺。病可除根。

三、忌食辛辣。肺疳病乳食宜有節制。忌食瓜子、花生、生冷、水果、硬物。及一切辛辣香燥之品。

腎疳疳類

【病源】

乳哺不調，臟腑伏熱。生腎疳病之原因有二：(1)乳哺不調。(2)臟腑伏熱。凡此二因，俱合成腎疳病也。

【病狀】

面色黧黑。腎疳病初起。尿如米泔。解頰鶴膝。齒遲行遲。腎氣不足等症。腎屬水。色黑。主骨。故腎疳日久。見面色黧黑。齒齲出血。口中氣臭。足冷如冰。腹痛泄瀉。啼哭不已。寒熱時作。遍身瘡疥。喜臥冷地。乳食減少。肛門潰爛。或生濕瘡。

【發症】

一、傳為走馬疳。腎疳病失治。熱毒上薰。牙縫潰爛。隨變黑腐。臭穢難聞。傳為走馬牙疳。

二、肩聳骨枯。腎疳病失治。若見嗜食酸鹹。飲水無度。小便如乳。牙齒青黑。耳腦乾燥。肩聳骨枯者。死不治。

【療法】

一、面色黧黑之療法。腎疳病初起。尿如米泔。解頰鶴膝。齒遲行遲。腎氣不足等症。腎屬水。色黑。主骨。故腎疳日久。見面色黧黑。齒齲出血。口中氣臭。足冷如冰。腹痛泄瀉。啼哭不已。寒熱時作。遍身瘡疥。喜臥冷地。乳食減少。肛門潰爛。或生濕瘡。宜先用金蟾丸治其疳。繼以九味地黃丸調補。

之。若稟賦不足者。調元散主之。

二、傳為走馬疳之療法。腎疳病失治。熱毒上薰。牙縫潰爛。隨變黑腐。臭穢難聞。傳為走馬牙疳。初宜服蘆薈消疳飲。脾胃虛者。兼服人參茯苓粥。外勢輕者。以溺白散擦之。若堅硬青紫。漸腐穿腮。齒搖者。宜蘆薈散擦之。如牙縫黑腐不盡。及腐爛深坑。藥不能到。宜用勒馬聽徹絲塞之。再用手術。去其黑腐肉。見紅肉。流鮮血者。吉。若取時。頑肉難脫。堅硬腐爛。漸開。以致穿腮破唇。宜貼青蓮膏。若身熱不食者。逆。

【調養】

一、忌食厚味。腎疳病乳食宜有節制。忌食瓜子、花生、生冷、水果、硬物。

及一切辛辣香燥。膏粱厚味。若失治。變爲走馬牙疳。忌食山藥。栗子。鵝蟹。甜辣等物。稍有疎忽。必致復發。慎之慎之。

二、法宜補腎。腎疳病愈後。法宜補腎。使腎氣充足。病不復發。宜常服六味地黃丸。

疳疔類

【病源】

病源有三。生疳瀉病之原因有三。(1)飲食失節。(2)飲交合後之乳。(3)積熱傷脾。凡此三因。俱合成疳瀉病也。

【病狀】

類類作瀉。疳瀉病面色青黃。腹脹脚弱。不思飲食。晝涼夜熱。腹有癖

塊。水穀不分。類類作瀉。

【變症】

形體消削。疳瀉病失治。其瀉久久不瘥。形體消削。大肉盡脫。腹脹如鼓。青筋暴露。飯食不思。此時也。雖有仙丹。莫之能救。

【療法】

類類作瀉之療法。疳瀉病面色青黃。腹脹脚弱。不思飲食。晝涼夜熱。腹有癖塊。水穀不分。類類作瀉。法當清熱滲濕。以清熱和中湯主之。若瀉久不愈。當漸爲調理。參苓白朮散主之。

【調養】

一、忌食肥甘。疳瀉病忌食辛辣。香燥。肥甘厚味。栗子。芋芳。瓜子。花生。

生冷。水果硬物。及一切不易消化之品。

二、宜服白朮散。疳瀉病愈後。兒形容瘦削。精神疲憊。久不復元。調養之法。宜常服白朮散。

三、不救之救。疳瀉病失治。其瀉久久不瘥。形體消削。大肉盡脫。腹脹如鼓。青筋暴露。飯食不思。此時也。雖有仙丹。莫之能救。雖然。坐待其死。於心何忍。不救之救。姑以使君子一兩人參一兩。白朮一兩。甘草一兩。黃耆一兩。五倍子一兩。沒石子一兩。共爲細末。與之。或可有救。服時大兒每服一錢。小兒五分。陳米飲調下。久之瀉止。去五倍。沒石二味。餘照舊服之。久之腹脹消。再去使君子一味。餘照舊

常服。肌肉復生。精神充滿。無不得生。誠神方也。

疝腫脹類

【病源】

病源有三。生疝腫脹病之原因有三。(1)好食肥甘。(2)喜啖生冷。(3)乳食不調。凡此三因。多令傳化失宜。以致脾肺兩傷。而成疝腫脹病。

【病狀】

胸腹腫脹。疝腫脹病氣逆喘咳。胸膈痞悶。肚腹腫脹。面色浮光。

【變症】

青筋暴露。疝腫脹病失治。腹脹如鼓。青筋暴露。時時喘咳。

【療法】

一、肚腹腫脹之療法 疝腫脹病

氣逆喘咳。胸膈痞悶。肚腹腫脹。面色浮光。宜用御苑勻氣散治之。其腫脹自消矣。

二、青筋暴露之療法 疝腫脹病

失治。腹脹如鼓。青筋暴露。時時喘咳。此時也。正氣傷殘。病勢壅盛。法宜扶正祛邪。雙方並進。扶正通氣散主之。

【調養】

一、兼用外治法 疝腫脹病宜兼

用外治法。以助湯藥之不及。法以蘆蒼一分。夜明沙一分。(炒)蛇蛻一分。(焙灰)黃牛角屑一分。蟾酥三釐。共爲末。入麝香三釐。蜜丸如棗豆大。先以桃柳葉煎湯浴兒。浴後以青皂衣覆之。用上藥一九或二九。置兒臍中。以醋麪糊黏。青皂帛貼其上。俟

蟲出爲度。如無蟲出。但汗出亦佳。腫脹即消。神效。

二、忌食肥甘 疝腫脹病忌食肥

甘生冷水果。飲食宜有節制。

三、精神疲困之調養法 疝腫脹

病愈後。其人精神疲困。久不復元。調養之法。宜常服白朮散。

疝痢類

【病源】

熱結腸胃 疝病日久。頻頻下痢。是謂疝痢病。其原因因熱結腸胃。

【病狀】

腹中窘痛 疝痢病痢時或赤或白。腹中窘痛。

【變症】

形體瘦削 疝痢病失治。其痢久

久不愈。形體消削。胃納大減。精神疲憊。腹中空痛。痢下盡是脂膜。此乃腸中之脂膏。下盡即死。

【療法】

一、腹中塞痛之療法 疳痢病病時或赤或白。腹中塞痛。急以香連導滯湯治之。其痢自愈。

二、形體瘦削之療法 疳痢病失治。其病久久不愈。形體瘦削。胃納大減。精神疲憊。腹中空痛。痢下盡是脂膜。此乃腸中之脂膏。下盡即死。速與扶正治痢湯。此時熱隨病去。純宜補也。

【調養】

一、忌食肥甘 疳痢病忌食肥甘。辛辣香燥。煎炒炙爆。生冷水果。雞鶩

羊肉。蝦蟹海腥等物。

二、當和中氣 疳痢病愈後。兒精神疲乏。形體萎瘦。久不復元。此腸胃受傷也。調養之法。當和中氣。宜常服山藥和中丸。

三、不可過服苦燥藥 疳痢病失治。變為虛痢。不可再服苦燥藥。如木香。厚朴。川連之類。以其苦能敗胃。燥足傷陰。每使虛者益虛。痢下益劇。而無可救藥。

疳渴類

【病源】

肥甘積熱 渴之由於疳者。是謂疳渴病。因肥甘積熱。煎耗脾胃。以致津液虧損而成。

【病狀】

舌苔乾燥 疳渴病口中大渴。不時引飲。舌苔乾燥。心神煩熱。

【變症】

飲不解渴 疳渴病失治。陰液愈傷。口渴益甚。飲不解渴。舌燥無液。形體瘦削。殊為危殆。

【療法】

一、舌苔乾燥之療法 疳渴病口中大渴。不時引飲。舌苔乾燥。心神煩熱。速用清熱甘露飲。其渴自愈。

二、飲不解渴之療法 疳渴病失治。陰液愈傷。口渴益甚。飲不解渴。舌燥無液。形體瘦削。殊為危殆。速與救液甘露湯。或可有救。

【調養】

一、忌食辛辣 疳渴病忌食辛辣

香燥煎炒炙爆等物。

二、宜以洋參花粉煎湯代茶。疳病宜每日以西洋參一錢、天花粉四錢煎湯代茶。時時飲之。生津解渴。每有神效。

三、宜服補液湯。疳病病愈後。宜接服補液湯。使津液充足。病不復發。

疳熱類

【病源】

病源有三。生疳疾而病發熱。是謂疳熱病。其原因有三。(1)兒素稟熱體。(2)乳母過食肥甘。(3)兒好食肥甘。凡此三因。俱令熱積於內。而病疳熱。【病狀】發熱形瘦。疳熱病兒發熱形瘦。飲食不為肌膚。口渴引飲。

【變症】

形體消削。疳熱病失治。其熱久久不已。正氣益傷。熱勢益盛。骨蒸喘熱。形體消削。飯食不思。自汗盜汗。咳嗽頻頻。此肺脾俱損。生機絕望。

【療法】

一、發熱形瘦之療法。疳熱病兒發熱形瘦。飲食不為肌膚。口渴引飲。宜分別輕重虛實治之。病初起多實多輕。鰲甲青蒿飲主之。日久多虛多重。鰲甲散主之。二、形體消削之療法。疳熱病失治。其熱久久不已。正氣益傷。熱勢益盛。骨蒸喘熱。形體消削。飯食不思。自汗盜汗。咳嗽頻頻。此肺脾俱損。生機絕望。姑與退蒸除疳湯。或可有救。

【調養】

一、宜服肥兒丸。疳熱病愈後。兒久不復元。形容瘦小。精神委頓。調養之法。宜常服人參肥兒丸。

二、忌食肥甘。疳熱病忌食肥甘。辛辣香燥。煎炒炙爆。雞鵝羊肉。蝦蟹海腥等物。

三、腹內生蟲之治法。疳熱病百藥不效。由腹內生蟲者。其症腹部脹大。時時疼痛。身體尪羸。手足疲弱。當服烏犀丸。神效。

四、不可誤治。凡疳熱病切不可誤作傷寒治之。否則重虛其虛。每不可救。

腦疳類

【病源】

病源有二 生腦疳病之原因有二。①兒素受風熱。②乳哺失調。凡此二因。俱令頭皮光急。髮結如穗。而成腦疳病。

【病狀】

頭熱毛焦 腦疳病頭皮光急。滿頭生瘡。腦熱如火。毛髮枯焦。結如穗。鼻乾心煩。腮頰腫硬。困倦睛暗。自汗身熱。

【變症】

身體羸瘦 腦疳病失治。自汗變為盜汗。(即臥後汗出)形體羸瘦。兩目昏暗。午後身熱。毛髮愈枯。腦熱如火。鼻中如焚。病象至此。至為難治。

【療法】

一、頭熱毛焦之療法 腦疳病頭

皮光急。滿頭生瘡。腦熱如火。毛髮枯焦。結如穗。鼻乾心煩。腮頰腫硬。困倦睛暗。自汗身熱。龍膽丸主之。煩熱羸瘦者。龍膽丸主之。外用吹鼻龍腦散吹之。其病自愈。

二、身體羸瘦之療法 腦疳病失治。自汗變為盜汗。形體羸瘦。兩目昏暗。午後身熱。毛髮愈枯。腦熱如火。鼻中如焚。病象至此。至為難治。姑以龍腦丸主之。外用吹鼻龍腦散吹之。或可有救。

【調養】

一、又一吹鼻方 腦疳病又有一吹鼻方。頗為靈驗。可佐前數方之不及。附錄於此。以供參考。

黃葵花三錢。菊花三錢。釜下墨三

錢。硝石三錢。側柏葉三錢。共為細末。每用少許。吹入鼻中。良久鼻中當有惡物似泥者。泄下數條。此即病根。下後即愈。

二、乳母服方 腦疳病乳母亦當服藥。使乳汁中帶此藥汁。兒吮之。病自輕可。

柏葉二錢。松葉二錢。黃葵花二錢。鼓子花二錢。鱉甲二錢。虎骨二錢。檳榔二錢。大黃二錢。共為細末。醋二碗。緩火煎如膏。為丸。如綠豆大。每日乳母空腹時服三丸。立效。

三、忌食雞鴨 腦疳病乳食宜有節制。並忌食肥甘辛辣香燥。煎炒炙爆。雞鴨羊肉。蝦蟹海腥等物。

眼疳類

【病源】

病源有三。生眼疳病之原因有三。(1)風熱壅滯。不得宣通。(2)乳食過多。胸膈痰結。(3)邪熱上攻於目。凡此三因。令兒目癢赤爛。或生翳障。而成眼疳病。

【病狀】

白睛生翳。眼疳病發時。癢澀赤爛。胞腫疼。白睛生翳。漸漸遮滿。不時流淚。羞明閉目。

【變症】

完全失明。眼疳病失治。熱毒壅滯益盛。胞膜赤爛益劇。翳膜遮睛。完全失明。變為廢人。遺憾終身。至為困苦。

【療法】

疳 積 散

白睛生翳之療法。眼疳病發時。

癢澀赤爛。胞腫疼。白睛生翳。漸漸遮滿。不時流淚。羞明閉目。先用瀉肝散疎解之。再用清熱退翳湯消其翳。若日久不癒。法當調補。逍遙散或羊肝散主之。

【調養】

一、宜兼服消疳無價散。眼疳病宜兼服消疳無價散。可助前數方之不及。附錄於此。以供參考。

石決明一兩五錢。(煨) 煨甘石五錢。(童便泡一日夜。燒透以能浮水者為佳) 滑石五錢。海標蛸五錢。雄黃二錢。硃砂一錢。冰片五分。共為細末。量兒大小。或三四分。或五六分。用不落水雞肝一副。竹刀切破。上開

下連。搽藥在內。用線紮好。加淘米水。

入砂罐煮熟。連湯食盡。雖疳積眼瞤。可以復明。神效之至。

眼疳病失治。變為盲目。速服此方。可以復明。

二、諸藥不痊之效方。眼疳病諸藥不痊者。宜服此方。自有神效。

(1)方名 豬膽黃連丸。

(2)主治 治小兒疳瘦。及肝疳。

作眼疾白膜遮睛。完全失明。及諸

藥不痊者。

(3)藥品 豬膽五枚。胡黃連五

錢。雄黃五錢。(細研) 夜明砂五

錢。(細研) 麝香五分。(不入膽

煮)

(4)製法 右研為末。以豬膽汁

調藥稀稠得所。卻入原膽皮內。以線緊繫其口。米泔水煮五七沸。取

出放冷。先以麝香於乳鉢內研細。

卻入藥一處。同研。不用膽皮。只取

出藥。候細。碾飯爲丸。如大麻子大。

(5)服法 每服十九。大兒加至

十五丸。米飲送下。如疳氣盛。須用

陳米飲送下。

三、忌食煎炒 眼疳病乳食宜有

節制。並忌食肥甘辛辣香燥。煎炒炙

燥。雞鵝羊肉。蝦蟹海腥等物。

鼻疳類

【病源】

乳積。疳蟲。疳熱 生鼻疳病之原

因有三。(1)乳食不調。上焦壅滯。(2)疳

蟲上蝕。(3)疳熱攻肺。凡此三因。俱令

肺氣薰蒸。發於鼻而成鼻疳病。蓋鼻爲肺竅也。

【病狀】

鼻塞赤癢 鼻疳病發時。鼻塞赤

癢疼痛。浸淫潰爛。下連唇際成瘡。壯

熱多啼。皮毛乾焦。肌膚消瘦。咳嗽上

氣。下痢不已。

【變症】

肌膚枯槁 鼻疳病失治。鼻瘡久

久不愈。午後身熱。咳嗽頻頻。下痢不

已。形體消瘦。肌膚枯槁。病狀至此。至

爲危重。

【療法】

一、鼻塞赤癢之療法 鼻疳病發

時。鼻塞赤癢疼痛。浸淫潰爛。下連唇

際成瘡。壯熱多啼。皮毛乾焦。肌膚消

瘦。咳嗽上氣。下痢不已。熱盛者。宜清

金散。蔣氏化毒丹主之。蟲蝕者。用化

蟲丸主之。外用鼻疳散敷之。或以吹

鼻蟬殼散。吹入鼻內。

二、肌膚枯槁之療法 鼻疳病失

治。鼻瘡久久不愈。午後身熱。咳嗽頻

頻。下痢不已。形體消瘦。肌膚枯槁。病

狀至此。至爲危重。宜服扶正湯。兼服

清金丸。外以鼻疳散敷之。或以吹鼻

蟬殼散吹入鼻內。或可有救。

【調養】

一、以甘草白礬湯洗之 鼻疳病

浸淫潰爛。至爲困苦。宜以甘草白礬

湯洗之。卽覺舒適。法以生甘草三錢。

白礬三錢。水煮成湯。時時洗之。洗後

敷鼻疳散。或以蘆薈一錢。黃連一錢。

黃柏一錢。共研爲細末。敷之亦可。

二、宜服保金湯。鼻疳病愈後。宜服保金湯數劑。使肺氣清肅。病根盡拔。不復發也。

三、忌食蝦蟹。鼻疳病乳食宜有節制。並忌食肥甘辛辣香燥。煎炒炙爆。雞鵝羊肉。蝦蟹海腥等物。

牙疳類

【病源】

病源有四。生牙疳病之原因有四。(1)宿食停滯。積溼成熱。(2)素嗜肥甘。日久蘊熱上蒸。(3)癆疾積火。(4)痘疹餘毒。凡此四因。俱令毒熱攻胃。而成牙疳病。

【病狀】

齦肉赤爛。牙疳病齦肉赤爛。痛

疼。口臭血出。牙枯脫落。穿腮蝕唇。病勢危急。

【變症】

氣促痰鳴。牙疳病失治。毒熱壅盛。齒皆脫落。面色光浮。氣促痰鳴。頭漏見骨而死。

【療法】

一、齦肉赤爛之療法。牙疳病齦肉赤爛。疼痛。口臭血出。牙枯脫落。穿腮蝕唇。病勢危急。急用消疳蕪蕒湯瀉其毒熱。繼以蘆薈肥兒丸清其餘熱。外用牙疳散。時時敷之。自愈。總之此證。必胃強能食。棋勝峻藥。始有生機。否則難治也。

二、又一療法。牙疳病又有一種療法。亦頗靈驗。附錄於此。以供參考。

牙疳病初起。宜服蘆薈消疳飲。脾胃虛者。兼服人參茯苓粥。外勢輕者。以濁白散擦之。若堅硬青紫。漸腐穿

腮齒搖者。宜蘆薈散擦之。如牙縫黑腐不盡。及腐爛深坑。藥不能到。宜用勒馬聽徹絲塞之。再用手術。去其黑腐肉。見紅肉流鮮血者吉。若取時頑肉難脫。堅硬腐爛。漸開。以致穿腮破唇。宜貼青蓮膏。若身熱不食者逆。

【調養】

一、忌食山藥栗子。牙疳病愈後易發。因有積火。時時上攻也。惟在調理飲食得宜。如山藥。栗子。鷄蟹。雞羊甜辣等物。俱當禁忌。不可疎忽。

二、牙疳洗方。牙疳病齦肉赤爛。疼痛。口臭。宜用洗方洗之。即覺舒適。

毒熱亦輕。有益無害也。法以黑山梔五錢。連翹五錢。金銀花五錢。黃芩五錢。白芷五錢。黃柏五錢。玄參五錢。生石膏三錢。胡黃連一錢二分。桑白皮一錢二分。桔梗一錢二分。射干一錢二分。銀柴胡一錢二分。當歸尾一錢一分。牡丹皮一錢一分。茜草一錢一分。赤芍一錢一分。燈芯三十根。煎湯頻頻洗之。

三、宜和胃氣。牙疳病愈後。兒胃氣虛弱。精神疲憊。納穀減少。調養之法。宜和胃氣。當常服人參茯苓粥。

脊疳類

【病源】

積熱生蟲。積熱生蟲。上蝕脊脊。以手擊其背。必空若鼓鳴。是謂脊疳。

病。

【病狀】

空若鼓鳴。脊疳病以手擊其背。必空若鼓鳴。脊骨羸瘦。狀若鋸齒。外症身熱。下利煩渴。十指皆瘡。頻齧爪甲。其證最爲可畏。

【變症】

身背偃僵。脊疳病失治。脊脊間蟲生益多。脊骨愈空。形體羸弱。身背偃僵。不能仰。午後骨蒸潮熱。頻齧爪甲。飯食不思。至爲危殆。

【療法】

一空若鼓鳴之療法。脊疳病以手擊其背。必空若鼓鳴。脊骨羸瘦。狀若鋸齒。外症身熱。下利煩渴。十指皆瘡。頻齧爪甲。其症最爲可畏。須先以

蘆薈丸殺其蟲。繼用金礬散消其疳。隨時調治。或可愈也。

二、身背偃僵之療法。脊疳病失治。脊脊間蟲生益多。脊骨愈空。形體羸弱。身背偃僵。不能仰。午後骨蒸潮熱。頻齧爪甲。飯食不思。至爲危殆。姑以地骨皮飲常服。或可有救也。

【調養】

一、忌食肥甘。脊疳病忌食肥甘辛辣香燥。煎炒炙爆。瓜子花生等物。二、宜服補脊丸。脊疳病愈後。脊中空腹。時時作痛。調養之法。宜常服補脊丸。自能漸漸復元。三、宜兼服青黛丸。脊疳病宜兼服青黛丸。清熱解毒。消其疳積。可佐前數方之不及。附錄於此。以供參考。

青黛一分。(研細) 硃砂一分。(研細) 夜明砂一分。(微炒) 定粉一分。糖酥五釐。(研入) 熊膽五釐。(細研) 羚羊角屑五釐。犀角屑五釐。黃連五錢。(去鬚) 麝香一錢。(細研) 上搗羅爲末。櫻飯和丸。如棗豆大小。兒服二九。大兒服三九。粥飲送下。

蛔疝類

【病源】

病源有三。疝之由於蛔蟲者。是謂蛔疝病。生此病之原因有三。(1) 小兒食飯太早。(2) 過食生冷油膩肥甘之物。(3) 腸胃停蓄甜膩。凡此三因。俱令化生蛔蟲。而成蛔疝病。

【病狀】

口脣或紅或白。蛔疝病腹中擾

動。故有時煩躁多啼。有時肚腹攪痛。口脣或紅或白。口溢清涎。腹脹。青筋。肛門濕癢。

【變症】

面黃肌瘦。蛔疝病失治。蛔蟲益多。面黃肌瘦。腹中脹大。青筋暴露。肛門濕癢。納食減少。喜食瓜子花生泥土等物。殊爲難治。

【療法】

一、口脣或紅或白之療法。蛔疝病腹中擾動。故有時煩躁多啼。有時肚腹攪痛。口脣或紅或白。口溢清涎。腹脹。青筋。肛門濕癢。先用使君子散治之。不愈。下蟲丸主之。若蛔退。又當調補其脾。肥兒丸主之。

二、面黃肌瘦之療法。蛔疝病失

治。蛔蟲益多。面黃肌瘦。腹中脹大。青筋暴露。肛門濕癢。納食減少。喜食瓜子花生泥土等物。正虛邪實。殊爲難治。法宜和中殺蟲。雙方並進。當常服肥兒丸。自能緩緩收功。

【調養】

一、調節飲食。蛔疝病至要之調養法。在調節飲食。食飯不宜太早。大抵小兒滿半歲後。始可稍與粥食。太早則腸胃薄弱。不易消化。積結成患。忌食辛辣香燥。瓜子花生。生冷油膩肥甘等物。

二、宜服白朮散。蛔疝病愈後。兒形體虛弱。面色萎黃。久不復元。調養之法。宜補中氣。當常服白朮散。

三、宜食榧子。蛔疝病宜常食榧

子。每有神效。大抵每月之上半月蟲

頭向上。服之尤見功效。(櫃子味甘

平。善殺蟲。與使君子同功。俱去病而

不傷脾胃)

無辜疳類

【病源】

病源有四。生無辜疳之原因有

四。(1)浣衣夜露。被無辜鳥落羽所污。

兒著衣後。遂成此病。(2)乳母有病。傳

染小兒。(3)飲食不節。(4)寒暖不勻。凡

此四因。俱令小兒成無辜疳也。

【病狀】

項內有核。無辜疳病頸項生疔。

或項內有核如彈。按之轉動。軟而不

疼。其中有蟲如米粉。不速破之。使蟲

蝕臟腑。便痢膿血。身體羸瘦。面黃發

熱。

【變症】

手足細弱。無辜疳病失治。蟲蝕

臟腑。便痢膿血益甚。形體消削。午後

煩熱。面色萎黃。頭大髮豎。手足細弱。

病狀至此。至為危重。

【療法】

一、項內有核之療法。無辜疳病

頸項生疔。或項內有核如彈。按之轉

動。軟而不疼。其中有蟲如米粉。不速

破之。使蟲蝕臟腑。便痢膿血。身體羸

瘦。面黃發熱。治宜先清其熱。柴胡飲

主之。熱退再消其疔。蘆薈肥兒丸主

之。

二、手足細弱之療法。無辜疳病

失治。蟲蝕臟腑。便痢膿血益甚。形體

消削。午後煩熱。面色萎黃。頭大髮豎。

手足細弱。病狀至此。至為危重。姑以

肥兒消疳丸常服。或可有救。

【調養】

一、衣服不可夜露。無辜疳病預

防法。衣服不可夜露。乳食宜有節制。

寒暖宜慎。並忌食辛辣香燥。瓜子花

生生冷肥膩等物。

二、病勢已減之調養法。無辜疳

病服藥後。病勢已減。而正氣虛弱。不

堪再用重劑藥。調養之法。宜服肥兒

丸。服至斷根為度。

三、宜服白朮散。無辜疳病愈後。

中氣虛弱。精神委頓。調養之法。宜常

服白朮散。漸能復元也。

丁公矣疳類

【病源】

飲食過度 飲食過度。脾胃受傷。不能運化。無以生其氣血。遍身骨露。其狀似下。故曰丁奚疳病。

【病狀】

肌肉乾澀 丁奚疳病肌肉乾澀。啼哭不已。手足枯細。面色黧黑。項細腹大。肚臍突出。尻削身軟。精神倦怠。骨蒸潮熱。燥渴煩急。

【變症】

大肉盡脫 丁奚疳病失治。大肉盡脫。形體支離。每不可救。

【療法】

肌肉乾澀之療法 丁奚疳病肌肉乾澀。啼哭不已。手足枯細。面色黧黑。項細腹大。肚臍突出。尻削身軟。精

神倦怠。骨蒸潮熱。燥渴煩急。先用五疳消積丸化其滯。繼用人參啟脾丸理其脾。病可漸愈矣。

【調養】

一、鼠肉炙熟食 丁奚疳病宜以鼠肉炙熟食之。每有神效。可佐湯藥之不及。(考鼠肉味甘性熱。善治骨蒸勞極。四肢勞瘦。疳瘦疳熱疳疾。腹大貪食等症)

二、烏骨雞子 丁奚疳病宜以烏骨雞子一枚。破其殼少許。納蜘蛛一

枚於內。以濕紙糊竅。文武火煨熟。去蜘蛛食之。數枚即效。

三、飲食有節 丁奚疳病飲食宜有節制。忌食辛辣香燥肥甘。瓜子。花生。生冷。硬物等。

哺露疳類

【病源】

大傷脾胃 乳食不節。大傷脾胃。令兒羸瘦如柴。吐食吐蟲。是謂哺露疳病。

【病狀】

吐食吐蟲 哺露疳病羸瘦如柴。吐食吐蟲。心煩口渴。頭骨開張。日哺蒸熱。

【變症】

大肉盡脫 哺露疳病失治。大肉盡脫。形體支離。更兼泄瀉無度。囊中有蟲者。死不活。

【療法】

吐食吐蟲之療法 哺露疳病羸瘦如柴。吐食吐蟲。心煩口渴。頭骨開

張日晡蒸熱。先用集聖九消其積滯。

再用肥兒丸清理其脾。

若晡露日久。肚大筋青者。又宜消補兼施。以人參丸主之。

【調養】

一、乳食宜有節制。哺露疳病至要之調養法。乳食宜有節制。忌食生冷水果。辛辣香燥肥甘。瓜子、栗子、山藥、花生等物。

二、尅伐藥不可多服。哺露疳病尅伐藥不可多服。如五靈脂、夜明砂、蘆薈、莢朮等。均係敗胃尅脾之品。多服後令兒脾氣大敗。飲食不思。嘔吐益劇。每每無可救藥。慎之慎之。

三、大補中氣。哺露疳病愈後。宜大補中氣。俾速復元。當常服白朮散。

結論

疳之爲病。小兒惡候也。十五歲以前其病爲疳。十五歲以下其病爲癆。皆眞元怯弱。氣血虛衰之故也。究其病源。莫不由於脾胃。蓋胃者水穀之海也。水穀之精氣爲營。悍氣爲衛。營衛豐盈。灌溉諸臟。凡人身充皮毛肥腠理者氣也。潤皮膚美顏色血也。所以水穀素強無病。水穀減少者病。水穀亡則死矣。凡病疳而形不尅者。氣衰。色不華者血弱也。氣衰血弱。知其脾胃必傷。有因幼小乳食腸胃未堅。食物太早。耗傷眞氣而成者。有因甘肥肆進。飲食過殘。積滯日久。面黃肌削而成者。有因乳母寒熱不調。或喜怒房勞之後。乳哺而成。有二三歲

後。穀肉菓菜。恣其飲啖。因而停滯。焦食久成積。積久成疳。或因取積太過。耗損胃氣。或因大病之後。吐瀉癆痢。乳食減少。以致脾胃失養。二者雖所因不同。然皆總歸於虛也。

成疳病之至大原因。多因乳食不節。茲再伸言之。小兒未滿半歲。遽與粥食。或缺乳後夾食各種雜食。或因疼愛小兒過分。一哭卽與食物。不知此皆令兒釀成疳病之極大原因。不然。幼小之兒。不識情慾。不知哀樂。何來癆病。故天下爲父母者。切不可無限止的給兒食各種物品。縱使兒哭。亦要硬硬心腸。古語說得好。『餓不死的傷寒。哭不死的小兒。』夫傷寒非餓不死。一直餓下去。總管要死的。

哭不死的小兒。並非小兒哭不死。一直哭下去。也要死的。然則這兩句話。到底什麼意思呢。就是餓餓不妨。哭哭不礙的意思。故爲父母的總要使小兒哭哭。不要一啼就給他食物。若使缺乳的小孩。就要設法吃各種滋養補品。如牛乳、奶粉、白木耳、燕窩、蓮心、龍眼肉等等。如係貧困之家。可用離核菜肉於飯上蒸熟。與兒食之。常服亦能健康。

疳病多生於斷乳之後。其原因由多。因斷乳後兒復思乳。爲父母的當小兒斷乳之時。至要謹慎。如欲斷而不肯斷者。宜以晝屑膏塗之。至難斷者。塗二次莫不靈效。此方最佳。斷乳後永無疳癍之患。他兒乳哺時。不可使

見之。乳母宜隔三月。始可准其來往。凡此偶一不慎。俱令兒思乳不已。而成疳疾。

疳疾初起。每見揉鼻、擤眉、脊聳、體黃。兩眼昏爛。鬮牙咬甲。焦渴自汗。頭皮光急。毛髮焦稀。頸縮鼻乾。口噤唇白。小便如泔。大便酸臭。腹脹腸鳴。癍結潮熱。酷嗜瓜果。鹹酸炭米泥土等物。諸證。此時病根尙淺。速以本證各方按證治之。每得獲救。

疳病治寒以溫。治熱以涼。此用藥之常法。殊不知疳之爲病。皆虛所致。即熱者亦虛中之熱。寒者亦虛中之寒。積者亦虛中之積。故治積不可驟攻。治寒不宜峻溫。治熱不可過涼。雖積爲疳之母。而治疳必先於去積。然

遇極虛者而迅攻之。則積未去而疳危矣。如胃氣傷敗。不食嘔吐。此爲逆也。故壯者先去積而後扶胃氣。衰者先扶胃氣而後消之。書曰。壯人無積。虛則有之。可見虛爲積之本。積反爲虛之標也。

疳病失治。若見形容消削。大肉盡脫。大肉即腿臂之肉。一說即大指丫間突起之高肉及臀肉。惡食滑瀉。乳食直下。牙齦黑爛。頭項顛倒。四肢厥冷。下痢腫脹。面色如銀。肚硬如石。肌肉青黑。肛門如筒。口吐黑血。吐利蛔蟲。腳指觸物不疼。手足垂痺無力。身無暖氣等症。並死不治。

疳病證各方
【脾疳類各方】

(一) 消痞理脾湯 (金鑑方)

蕪荑一錢。三稜一錢。莪朮一錢。青皮一錢。(炒) 陳皮一錢。蘆薈一錢。板榔一錢。使君子肉一錢。生甘草一錢。川黃連一錢。胡黃連一錢。(炒) 麥芽一錢。(炒) 神精一錢。燈芯一錢。
右以水二碗煮取五分。去渣。時時服之。

〔淺解〕 本方蕪荑、使君、胡連、蘆薈、殺蟲消痞。三稜、莪朮、青皮、陳皮、板榔、利氣消痞。麥芽、神精、消食消痞。甘草和中理脾。脾痞病初起。病勢壅盛。正氣尚實。宜服此方。先攻其積。遲則脾氣虛弱。此方不可投也。

(二) 肥兒丸 (金鑑方)

人參二錢半。白朮五錢。(土炒) 白茯苓三錢。黃連二錢。胡黃連五錢。使君子肉四錢。神精三錢半。(炒) 炒麥芽三錢半。山查肉三錢半。炙甘草一錢半。蘆薈二錢半。(煨)

右爲末。黃米糊丸。如黍米大。每服二三十丸。米湯化下。

〔淺解〕 本方人參、白朮、茯苓、甘草、和中補脾。胡連、使君、蘆薈、殺蟲消痞。山查、麥芽、神精、消食消痞。川連清熱解毒。脾痞病脾氣虛弱者。宜服此方。一面消痞。一面補虛。自能收功。
(三) 參苓白朮散 (局方)

人參二錢。白茯苓五錢。白朮五錢。(土炒) 扁豆五錢。(炒) 薏米五錢。(炒)

山藥五錢。(炒) 陳皮三錢。縮砂二錢。桔梗二錢。甘草一錢。(炙) 建蓮子五錢。(去心)

右爲細末。每服一錢。老米湯調服。

〔淺解〕 本方人參、茯苓、白朮、扁豆、山藥、甘草、建蓮、薏米、和中補脾。陳皮、桔梗、縮砂、利氣行滯。脾痞病愈後。宜常服此方調理。漸可復元也。

(四) 消痞無價散 (驗方)

石決明一兩五錢。(煨) 爐甘石五錢。(重便泡一日夜。燒透。以能浮水者爲佳) 滑石

五錢。海蝶蛸五錢。(煨去壳)

雄黃二錢。硃砂一錢。冰

片五分。

右共爲細末。量兒大小。或三四分

或五六分。用不落水雞肝一副。竹刀

切破。上開下連。搽藥在內。用線紮好。

加淘米水入砂罐煮熟。連湯食盡。雖

疳積眼瞎。可以復明。神效之至。

〔淺解〕 本方決明、雄甘、滑石、礬

蛸。俱屬明目消翳之品。雄黃殺蟲。硃

砂解毒。冰片通經宣毒。脾疳病愈後。

目生白膜。久久不瘥。調養之法。宜服

此方。神效。雖疳積眼瞎。可以復明。

〔疳疔類各方〕

(一) 柴胡清肝散(證治準繩方)

銀柴胡一錢。梔子一錢。(微

炒) 連翹二錢。(去心)

生地黃一錢。胡黃連一錢。

赤芍一錢。龍膽草一錢。青

皮一錢。(炒) 生甘草一錢。

燈芯一錢。鮮竹葉一錢。

右以水二碗煮。取五分。去渣。時時

服之。

〔淺解〕 本方以柴胡、龍膽、清肝

泄肝。山梔、黃連、清解氣熱。生地黃、赤

芍、清解血熱。連翹清解營熱。青皮舒

肝利氣。生甘和中解毒。肝疳病初起。

肝中有熱毒。非服此方清解之。毒不

清而疳不愈也。

(二) 蘆薈肥兒丸(太醫局方)

五穀蟲二兩。(炒) 生蘆薈

一兩。胡黃連一兩。(炒)

川黃連一兩。(薑炒) 銀柴

胡一兩二錢。(炒) 扁豆二

兩。(炒) 山藥二兩。(炒)

南山查二兩半。蝦蟆四個。

(煨) 肉豆蔻七錢。(煨)

檳榔五錢。使君子二兩半。

(炒) 神糶二兩。(炒)

麥芽一兩六錢。(炒) 鶴虱

八錢。(炒) 燕蕒一兩。(炒)

硃砂二錢。(飛) 麝香二錢。

右共研細末。醋糊爲丸。如黍米大。

每服一錢。米飲下。

〔淺解〕 本方以蘆薈、蝦蟆、使君

、鶴虱、燕蕒、殺蟲消疳。五穀、山查、檳榔、

神糶、麥芽、消食化疳。二連清熱。柴胡

泄熱。肉蔻溫中。麝香行滯。硃砂解毒。

此一派去病藥中。苟無和中之品佐之。則中氣傷殘。必有變症。故用扁豆山藥二味也。肝疳病如但服上方。而不服此丸。則肝熱雖清。疳仍不愈。如但服此丸。不服上方。則疳雖愈。而肝仍不清。病必復發。必湯丸並進。始可除根。

(三)加味逍遙散(局方)

- 白茯苓一錢。白朮一錢。當歸一錢。白芍一錢。(炒)
- 柴胡一錢。薄荷五分。炙甘草一錢。丹皮一錢。(炒)
- 梔子一錢。生薑三片。紅棗三枚。

右以水三碗煮。取五分。去渣。時時服之。

〔淺解〕本方以甘草、蒼朮補氣。當歸、白芍、補血。柴胡、薄荷、泄熱。丹皮、山稔、清熱。肝疳病服前二方後。病勢已退。宜接服此方調養。去病而不傷正。至為平穩。

(四)抑肝扶脾湯(冰玉堂驗方)

- 人參一錢。白朮一錢。(土炒)
- 黃連五分。(薑炒)
- 柴胡五分。(酒炒)
- 白茯苓一錢。青皮一錢。(醋炒)
- 陳皮一錢。白芥子一錢。龍膽草一錢。山查一錢。神糲一錢。(炒)
- 炙甘草一錢。生薑三片。紅棗三枚。

右以水三碗煮。取五分。去渣。時時服之。

〔淺解〕本方柴胡、龍膽、清肝泄肝。人參、白朮、茯苓、甘草、扶脾補氣。山查、神糲消食消積。青皮、陳皮、利氣行滯。黃連清熱。白芥消痰。肝疳病病勢稍退。宜接服此方調理。扶脾去病。雙方並進。自能去病而不傷正。功效至神。

(五)和肝湯(冰玉堂驗方)

- 柴胡一錢。當歸一錢。白芍一錢。川芎一錢。生地一錢。人參五分。白朮一錢。白茯苓一錢。甘草一錢。生薑三片。紅棗三枚。

右以水三碗煮。取一碗。去渣。時時服之。
〔淺解〕本方以芍、歸、地、芎和血。

參、朮、茶、草、和氣。生薑、大棗、調和營衛。用柴胡者。所以調達肝氣。和養肝臟也。肝疳病愈後。法當和肝。使肝氣調達。病可除根。宜常服此方。

【心疳類各方】

(一) 瀉心導赤湯 (錢乙方)

見初生諸病證 (下) 各方淺解類。

(二) 珍珠散 (金鑑方)

珍珠三錢。麥冬五錢。(去心)

天竺黃三錢。金箔二十五

片。牛黃一錢。胡黃連三錢。

生甘草二錢。羚羊角二錢。

大黃三錢。當歸三錢。硃

砂二錢。雄黃一錢。茯神五

錢。犀角三錢。

右爲細末。每服五分。以茵陳三錢煎湯調服。

【淺解】 本方以羚羊、犀角、牛黃、

清熱鎮驚。珍珠、金箔、硃砂、茯神、安神

定驚。大黃、黃連、清解熱毒。雄黃殺蟲

消疳。竺黃清熱化痰。生甘、麥冬和胃

養液。當歸和血。心疳病心中熱盛。兼

有驚者。速服此方。清熱鎮驚治之。每

有神效。

(三) 茯神湯 (證治準繩方)

硃茯神二錢。當歸一錢。甘

草一錢。(炙) 人參一錢。龍

眼肉一錢。

右以水三碗煮。取五分。去渣。時時

服之。煩熱者。加麥冬一錢。

【淺解】 本方以當歸、龍眼補血。

甘草、人參補氣。以茯神爲君者。引諸

藥入心也。心疳病病久心虛。精神恍

惚。夜眠不安。宜服此方調理之。待心

氣健旺。其疳自瘥。切不可服瀉心導

正之品。如木通、黃連等。

(四) 龍眼補心湯 (冰玉堂驗方)

龍眼肉二錢。人參一錢。當

歸一錢。茯神一錢。遠志五

分。地黃二錢。甘草一錢。

柏子仁一錢。

右以水三碗煮。取五分。去渣。時時

服之。

【淺解】 本方人參、甘草補氣。地

黃、當歸補血。龍眼、茯神、遠志、柏子仁、

補心。心疳病愈後。宜補心氣。使心臟

安定。病可除根。當常服此方。

【肺疳類各方】

(一) 生地清肺飲 (金鑑方)

桑皮一錢 (炒) 生地黃三錢

天冬三錢 前胡一錢

桔梗五分 蘇葉五分 防風

一錢 黃芩一錢 生甘草一

錢 當歸一錢 連翹一錢

(去心) 赤苓一錢 生薑

二片 紅棗二枚

右以水三碗煮取五分去渣時時

服之

〔淺解〕 本方生地連翹桑皮黃

芩赤苓清解肺熱桔梗蘇葉防風前

胡泄風疏邪當歸和血甘草麥冬和

胃肺疳病見面白咳嗽氣逆皮毛乾

焦多涕時啼咽喉不利壯熱憎寒等

症此肺有鬱熱兼挾風邪也速服此方疎解之每得痊愈

若肺疳失治日久不愈正氣傷殘

此方不可用也

(二) 甘露飲 (局方)

生地黃三錢 熟地黃一錢

天冬二錢 麥冬二錢 (去心)

枳殼一錢 (麸炒) 桔梗

一錢 黃芩一錢 枇杷葉一

錢 (蜜炙) 茵陳蒿一錢

石斛二錢 紅棗二枚

右以水三碗煮取五分去渣時時

服之

〔淺解〕 本方生地熟地二冬石

斛養陰救肺有如甘露桔梗枇杷葉

宣肺泄風枳壳利氣黃芩清熱茵陳

利濕肺疳病服生地清肺飲後肺氣已宣當接服此方養陰泄肺使有病

去病無病補正殊為平穩

(三) 補肺散 (證治準繩方)

白茯苓三錢 阿膠三錢 (蛤

粉炒) 糯米三錢 馬兜鈴

一錢 炙甘草一錢 杏仁三

錢 (炒去皮尖)

右以水三碗煮取五分去渣時時

服之

〔淺解〕 本方茯苓糯米甘草補

肺氣阿膠補肺陰兜鈴清肺氣杏仁

順肺氣肺疳病日久肺虛者當補肺

為主使肺氣健旺疳自瘥也宜服本

方

(四) 黃連蕪蕪丸 (金鑑方)

黃連一兩。(炒焦) 白薤莖

一兩。(炒焦) 夜明砂一兩。

(用水淘五次)

右共爲末。豬膽汁和丸。如蒸豆大。

以米飲下三丸或五丸。便下疳蟲。卽瘥。

〔淺解〕 本方黃連、薤莖、夜明砂

俱係殺蟲消疳之品。肺疳病諸藥不效。腹脹氣促。不能飲食。此內有疳蟲也。宜服本方。

【腎疳類各方】

(一) 金蟾丸 (劉氏方)

乾蝦蟆五個。(煨) 胡黃連

三錢。黃連三錢。鶴蝮二錢。

肉豆蔻三錢。(煨) 苦棟

根三錢。白皮三錢。雷丸三

錢。生蘆薈三錢。薤莖三錢。

右爲末。麵糊爲丸。菘豆大。雄黃爲

衣。每服十五丸。米湯化下。

〔淺解〕 本方係一派殺蟲消疳

之品。腎疳病初起。腹痛泄瀉。啼哭不已。寒熱時作。遍身瘡疥。喜臥冷地。乳

食減少。肛門潰爛。或生濕瘡。此內有

蟲積也。速服此方。殺其蟲。除其根。自可痊愈。此方初起形體實者可服。若日久形體虛者不可服。

(二) 九味地黃丸 (六科準繩方)

熟地五錢。茱萸肉五錢。赤

茯苓三錢。澤瀉三錢。牡丹

皮三錢。山藥三錢。(炒)

當歸三錢。川棟子三錢。使

君子肉三錢。

右爲細末。煉白蜜爲丸。如芡實大。

用白滾水研化。食前服。

〔淺解〕 本方卽六味地黃丸加

當歸、川棟、使君也。以六味丸補腎氣。

加當歸以補血。川棟、使君以殺蟲。腎疳病服金蟾丸後。病勢已減。而正氣

虛衰。不堪再投峻藥者。宜接服本方。

自能緩緩收功。

(三) 調元散 (證治準繩方)

人參一錢。白茯苓一錢。白

朮一錢。(土炒) 山藥一錢。

(炒) 川芎一錢。當歸一

錢。熟地黃一錢。白茯苓一

錢。炙黃耆一錢。炙甘草一

錢。白芍一錢。(炒) 生薑

三片。紅棗三枚。

右以水三碗煮取五分去渣時時溫服。

〔淺解〕 本方以人參、茯苓、白朮、山藥、茯苓、黃耆、甘草和脾補氣。芎歸、地芍和血補血。腎疖病患者氣血俱虛。不堪重藥。宜服此方。補其虛弱。使正氣健旺。疖自瘥也。

〔四〕 蘆薈消疖飲（金鑑方）

生蘆薈五分。胡黃連五分。

生石膏五分。鎊羚羊角五分。

梔子五分（生研） 牛蒡

子五分（炒研） 銀柴胡五

分。桔梗五分。生大黃五分。

元參五分。薄荷葉四分。

甘草三分。

右以水二碗。淡竹葉一錢。煮六分。

時時服之。

〔淺解〕 本方以蘆薈、胡連、消疖殺蟲。大黃、元參、石膏、羚羊、梔子、清熱敗毒。薄荷、竹葉、牛蒡、柴胡、桔梗、清熱泄毒。甘草和中解毒。腎疖病失治。熱毒上薰。牙縫潰爛。隨變黑腐。臭穢難聞。傳為走馬牙疖。速服此方。清泄之。每得痊愈。惟脾胃虛者當補之。此方不可服也。

〔五〕 人參茯苓粥（金鑑方）

人參一錢。白茯苓六錢。

右共研末。同粳米一茶鍾熬成粥。

先以鹽湯將口漱淨後。再食粥。

〔淺解〕 本方人參、茯苓、粳米、均屬和胃助脾之品。腎疖病失治。傳為

走馬牙疖。而患者脾胃虛弱。形體瘦

削。精神困頓。不堪峻藥攻滌。速服此方。補之。自有神效。

〔六〕 溺白散（金鑑方）

溺垢五錢（火煨） 白霜梅二錢。

尿桶中白蠟 白霜梅二錢。

（燒存性） 枯白礬二錢。

右研細末。先用韭根、松蘿茶煎成濃汁。乘熱以雞翎蘸洗患處。去淨腐肉。見津鮮血。再敷此藥。日敷三次。若爛至咽喉。以蘆筒吹之。

〔淺解〕 本方溺垢降火熱以消

痰。白礬蝕惡肉而解毒。霜梅除風痰。以止血。腎疖病失治。傳為走馬牙疖。外勢輕者。宜以此方擦之。立見功效。

〔七〕 蘆薈散（金鑑方）

蘆薈一錢。黃柏末五錢。人

言五分。(用紅棗五枚。每棗去核。納人言一分。火燒存性)

右共研細末。先用米泔水漱淨疔毒。後敷此藥於堅硬及腐處。

〔淺解〕 本方以人言腐蝕惡肉。蘆薈。黃柏。清熱解毒。走馬牙疔。堅硬青紫。漸腐穿腮。齒搖。此非溺白散所能治也。當敷此方。

〔八〕勒馬聽微絲(金鑑方)

白砒一分。麝香末三分。青綿一兩。(撕碎) 青黛一兩。(飛末)

右用香油拌勻。用時先以清米泔水漱口。次用鑷尖將絲挑少許。塞於牙根縫內。日三易之。

〔淺解〕 本方白砒腐蝕惡肉。麝

香散腫除邪。青綿。青黛。清熱解毒。走馬牙疔。病牙縫黑腐不盡。及腐爛深坑。藥不能到。速用此絲塞之。神效。

〔九〕青蓮膏(金鑑方)

青黛二錢。乳香一錢。輕粉一錢。麝香五分。白砒一分。

(即人言)

右爲細末。用香油調稠。薄攤紙上。用錐。錐實。陰乾收之。每於臥時。以泔水漱淨口。拭乾。隨疔證大小。剪膏藥貼之。至曉揭去。再以泔水將口漱淨。吐之。至晚再貼。

〔淺解〕 本方以青黛清熱解毒。

白砒腐蝕惡肉。麝香散腫除邪。乳香行瘀止痛。輕粉燥濕提膿。走馬牙疔。若頑肉難脫。堅硬腐爛。漸開。以致穿

腮破唇。宜貼此膏。收效如神。

〔二〇〕六味地黃丸(錢乙方)

熟地黃八錢。(砂仁酒拌。九蒸九曬。杵膏) 山茱萸肉四錢。

〔酒潤炒〕 乾山藥四錢。(炒)

牡丹皮三錢。(酒洗微炒)

白茯苓三錢。(人乳汁製焙)

澤瀉三錢。(淡鹽酒拌炒)

右研爲細末。和地黃膏加煉蜜爲丸。如棗豆大。每服五分或一錢。空腹食前淡鹽湯或百沸湯送下。

〔淺解〕 本方地黃。山萸。補血益精。以壯水之主。山藥。茯苓。健脾滲濕。

以培水之源。(脾旺則運化食物而生精血) 丹皮。澤瀉。清血排毒。疏水道之滯。腎病愈後。法宜補腎。使腎

氣充足。病不復發。宜常服此丸。

【疳瀉類各方】

(一) 清熱和中湯 (冰玉堂驗方)

白朮一錢。(土炒) 陳皮一

錢。厚朴一錢。(薑炒) 赤

茯苓一錢。黃連一錢。神

一錢。穀芽一錢。(炒) 使

君子一錢。生甘草一錢。澤

瀉一錢。燈芯一錢。

右以水三碗煮。取五分。去渣。時時服之。

〔淺解〕 本方以黃連清熱。白朮、

甘草、和中。陳皮、厚朴、利氣。神糲、穀芽、

消食。使君殺蟲。澤瀉、赤苓、利水滲濕。

疳瀉病面色青黃。腹脹腳弱。不思飲

食。晝涼夜熱。腹有癍塊。水穀不分。頻

頻作瀉。法當清熱滲濕。宜服本方。

(二) 參苓白朮散 (局方)

見本證脾胃類各方淺解。

(三) 白朮散 (冰玉堂驗方)

見初生諸病證(下)各方淺

解類。

(四) 使君沒石散 (證治準繩方)

使君子一兩。人參一兩。白

朮一兩。甘草一兩。黃耆一

兩。五倍子一兩。沒石子一

兩。

右爲細末。大兒每服一錢。小兒五

分。陳米飲調下。

〔減法〕 瀉止去五倍沒石二味。

腹脹消去使君子一味。

〔淺解〕 本方以人參、白朮、甘草、

黃耆、和中補正。五倍、沒石、酸澀止瀉。

使君殺蟲消疳。

【疳腫脹類各方】

(一) 御苑勻氣散 (御苑方)

桑皮一錢。(蜜炒) 桔梗五

分。赤苓一錢。生甘草一錢。

藿香一錢。陳皮一錢。木

通八分。薑皮五分。燈芯一

錢。

右以水二碗煮。取五分。去渣。時時服之。

〔淺解〕 本方以桑皮肅肺氣。使

氣不上逆。桔梗泄肺風。藿香、陳皮、行

氣滯。除胸滿。赤苓、木通、利水道。消腫

脹。

(二) 扶正通氣散 (金鑑方)

人參一錢。炙甘草一錢。馬兜鈴一錢。桑皮五分。(蜜炙) 白朮一錢。白茯苓皮三錢。木通一錢。藿香一錢。砂仁五分。陳皮一錢。薑皮五分。

右以水三碗煮。取五分。去渣。時時服之。

〔淺解〕 本方以參、朮、甘草和中補正。兜鈴、桑皮、清肅肺氣。以止咳嗽。茯苓、木通、通利水道。以消腫脹。藿香、砂仁、陳皮、薑皮、通氣行滯。以開脹悶。疳腫脹病失治。腹脹如鼓。青筋暴露。時時喘咳。此時也。正氣傷殘。病勢壅盛。法宜扶正祛邪。雙方並進。當服此方。神效。

疳積

(三) 蘆薈糖酥丸(金鑑方)
蘆薈一分。夜明砂一分。(炒) 蛇蛻一分。(焙灰) 黃牛角屑一分。糖酥三釐。

右共爲末。入麝香三釐。蜜丸如菉豆大。

先以桃柳葉煎湯浴兒。浴後以青皁衣覆之。用右藥一九或二九。置兒臍中。以醋麪糊黏。青皁帛貼其上。候蟲出爲度。如無蟲出。但汗出亦佳。腫脹即消。神效。

〔淺解〕 本方蘆薈、黃牛角、清熱解毒。且能殺蟲。蛇蛻、糖酥、麝香、解毒拔毒。兼以消腫。夜明砂消疳除積。疳腫脹病用此外治。即能拔去病根。腫脹立消。可佐湯藥之不及。

(四) 白朮散(冰玉堂驗方)

見初生諸病證(下)各方淺解類。

〔疳積類各方〕

(一) 香連導滯湯(金鑑方)
青皮一錢。(炒) 陳皮一錢。

厚朴一錢。(薑炒) 川黃連一錢。(薑炒) 生甘草五分。山查一錢半。神糭一錢半。(炒) 木香八分。枳櫛一錢。大黃一錢。燈芯五分。

右以水二碗煮。取半碗。去渣。時時服之。

〔淺解〕 本方以大黃、黃連清熱解毒。青皮、陳皮、厚朴、木香、枳櫛、行氣導滯。山查、神糭、消食和胃。生甘緩中。

三二七

和中。疳痢病癉時或赤或白。腹中窘痛。此內有鬱熱。兼挾宿食。氣機窒滯也。速服本方。立見功效。

方) (一)扶正治痢湯(衷中參西錄)

生懷山藥五錢。人參三錢。

早三七一錢。(另吞) 生地

榆二錢。鴉膽子二十粒。(去

皮另吞) 甘草一錢。

右以水三碗煮。取五分。去渣。先送

服早三七鴉膽子一半。隔片時。再送

服其餘一半。自能痊愈。

〔淺解〕本方以山藥、人參、甘草、

滋其已耗之精液。固其已虛之氣化。

地榆清熱。三七、鴉膽子。以化腐生新。

治腸中腐爛。疳痢病失治。其痢久

不愈。形體消削。胃納大減。精神疲憊。腹中空痛。痢下盡是脂膜。此乃腸中之脂膏。下盡即死。速服此方。便可痊愈。

(三)山藥和中丸(冰玉堂驗方)

妙山藥三錢。人參三錢。甘

草二錢。白朮三錢。黃耆三

錢。

右研細末。軟飯為丸。如菉豆大。每

服五分或一錢。開水下。

〔淺解〕本方係一派和中補脾

之品。疳痢病愈後。兒精神疲乏。形體

羸瘦。久不復元。此腸胃受傷也。調養

之法。宜常服此丸。

【疳瀉類各方】

(一)清熱甘露飲(金鑑方)

生地黃三錢。麥冬二錢。(去

心) 石斛二錢。生知母三

錢。枇杷葉二錢。(蜜炙)

石膏二錢。生甘草一錢。茵

陳蒿一錢。黃芩一錢。燈芯

五分。

右以水三碗煮。取五分。去渣。時時

服之。

〔淺解〕本方以生地、麥冬、石斛、

檉陰救液。知母、石膏、黃芩。清解熱毒。

然一派靜品之中。苟無流動之藥佐

之。則病根仍不去也。故以枇杷葉之

疏上。茵陳蒿之利下者佐之。使氣機

流達。鬱熱盡拔。則瀉自止而疳自瘥。

(二)救液甘露湯(金鑑方)

生地五錢。麥冬五錢。西洋

參三錢。石斛三錢。天花粉五錢。

右以水五碗煮。取一碗。去渣。時時服之。

〔淺解〕 本方係一派救陰生液之品。疳渴病失治。陰液愈傷。口渴益甚。飲不解渴。舌燥無液。殊為危殆。速服此方。或可有救。

【疳熱類各方】

(一) 驚甲青蒿飲(證治準繩方)

銀柴胡一錢。驚甲三錢。青蒿五分。生甘草五分。生地黃二錢。赤芍一錢。胡黃連五分。知母二錢。(炒) 地骨皮二錢。燈芯五分。

右以水三碗煮。取五分。去渣。時時

服之。

〔淺解〕 本方柴胡、青蒿、透熱泄熱。知母、地骨、驚甲、清熱除熱。生地、赤芍、清血涼血。生甘、黃連、清氣涼氣。疳熱病兒發熱形瘦。飲食不為肌膚。口渴引飲。初起形體實者。宜服此方。

(二) 驚甲散(湯氏方)

人參一錢。黃耆一錢。(炙) 驚甲一錢。(炙) 生地一錢。熟地一錢。當歸一錢。白芍一錢。(炒) 地骨皮一錢。

右以水二碗煮。取五分。去渣。時時服之。

〔淺解〕 本方以人參、黃耆補氣。二地、歸、芍補血。地骨、驚甲、清熱除蒸。

疳熱病日久不愈。多虛。宜服此方。

(三) 退蒸除疳湯(冰玉堂驗方)

人參二錢。黃耆二錢。麥冬二錢。馬兜鈴二錢。炙五味一錢。生地二錢。熟地二錢。阿膠二錢。驚甲一錢。地骨皮二錢。

右以水三碗煮。取一碗。去渣。時時服之。

〔淺解〕 本方以地骨、驚甲、退熱除蒸。人參、黃耆、和中補脾。麥冬、二地、阿膠、補腎養肺。兜鈴、五味、欬肺止咳。疳熱病失治。其熱久久不已。正氣益傷。熱勢益盛。骨蒸晡熱。形體消削。飯食不思。自汗盜汗。咳嗽頻頻。此肺脾俱損。生機絕望。姑與此方。或可有救。

(四)人參肥兒丸(冰玉堂驗方)

人參五錢。甘草五錢。黃耆五錢。白茯苓五錢。

右爲末。黃米糊丸。如黍米大。每服二三十丸。米湯化下。

〔淺解〕 本方係一派和中補脾之品。使中氣健旺。兒自肥壯。

(五)烏犀丸(世醫得效方)

黑牽牛二兩。青皮二兩。使君子肉七錢五分。苦楝皮二錢五分。雷丸二錢五分。鶴

蟲五錢。

右同入鍋內炒焦。研爲末。水煮麩糊爲丸。如黍米大。三歲兒每服二十丸。食前米飲送下。

〔淺解〕 本方以健君、苦楝、雷丸、

鶴蟲、殺蟲消疳。牽牛利水。青皮利氣。

疳熱病由腹內生蟲者。當先去其蟲。蟲消熱自瘥也。宜服此方。

【腦疳類各方】

(一)龍膽丸(證治準繩方)

龍膽草二錢。升麻二錢。苦楝根皮二錢。(焙) 赤茯苓二錢。防風二錢。蘆薈二錢。

油髮灰二錢。青黛三錢。黃連三錢。

右爲細末。豬膽汁浸糕糊丸。如麻子大。薄荷湯下。量兒大小與之。

〔淺解〕 本方龍膽、黃連、青黛、清解熱毒。升麻、防風、疎泄風邪。苦楝、蘆薈、殺蟲消疳。髮灰、赤苓、清熱利水。腦疳病腦熱生瘡。速服此方。自有神效。

(二)龍腦丸(證治準繩方)

龍腦五分。麝香五分。雄黃二錢。胡黃連三錢。牛黃一錢。硃砂一錢五分。生蘆薈三錢。乾蟻灰四錢。

右爲細末。熊膽合丸。如麻子大。每服三丸。薄荷湯下。

〔淺解〕 本方龍腦、麝香、散毒除邪。雄黃、胡連、蘆薈、蝦蟇、殺蟲除疳。牛黃、硃砂、鎮心除煩。腦疳病煩熱羸瘦者。內有蟲。而心火上炎也。速服此方。收效如神。

(三)吹鼻龍腦散(證治準繩方)

龍腦五分。麝香五分。蝸牛殼二錢。(炒黃) 蝦蟇灰二錢。瓜蒂二錢。黃連二錢。

右同入鍋內炒焦。研爲末。水煮麩糊爲丸。如黍米大。三歲兒每服二十丸。食前米飲送下。

〔淺解〕 本方以健君、苦楝、雷丸、

細辛二錢。桔梗二錢。

右爲細末。入磁盒內貯之。每取少許。吹入鼻中。日吹二次。

〔淺解〕 本方龍腦、麝香、散毒除

邪。蝸牛、蝦蟇、殺蟲消疳。細辛、桔梗、散風疏寒。瓜蒂治頭內蘊留之水濕。黃連清解鬱熱。腦疳病用此吹之。使藥力直達腦戶。病自瘥也。

(四) 葵花吹方 (金鑑方)

黃葵花三錢。菊花三錢。釜

下墨三錢。硝石三錢。側柏

葉三錢。

右共爲細末。每用少許。吹入鼻中。良久鼻中當有惡物似泥者泄下數條。此即病根。下後即愈。

〔淺解〕 本方葵花散毒。菊花泄

風。釜下墨破積。硝石、側柏清熱。

(五) 柏葉丸 (金鑑方)

柏葉二錢。松葉二錢。黃葵

花三錢。鼓子花二錢。鱉甲

二錢。虎骨二錢。檳榔二錢。

大黃二錢。

右共爲細末。醋二碗。緩火煎如膏。爲丸如菉豆大。每日乳母空腹時服三丸。立效。

〔淺解〕 本方葵花、鼓子花、柏葉、

松葉、散風辟邪。虎骨搜風。大黃清熱解毒。檳榔利氣行滯。鱉甲退熱潛陽。乳母服此藥後。使乳汁中帶此藥汁。兒吮之。病自輕可。

【眼疳類各方】

(一) 瀉肝散 (玉訣方)

生地黄二錢。當歸二錢。赤

芍二錢。川芎一錢。連翹二

錢。生梔子一錢。龍膽草一

錢。大黃一錢。羌活一錢。

生甘草一錢。防風一錢。燈

芯五分。

右以水三碗煮。取一碗。去渣。時時服之。

〔淺解〕 本方芎、歸、地、芍、和血。生

甘和氣。大黃、龍膽、梔子、連翹、清熱瀉肝。羌活、防風、泄風疏邪。眼疳病發時。痰澀赤爛。眼胞腫疼。白睛生翳。漸漸遮滿。不時流淚。羞明閉目。此肝有鬱熱。兼挾風邪也。速服此方疏解之。

(二) 清熱退翳湯 (金鑑方)

梔子一錢。(微炒) 胡黃連

一錢。木賊草一錢。生地二錢。羚羊角一錢。龍膽草八分。銀柴胡一錢。蟬蛻一錢。

赤芍一錢。生甘草一錢。

菊花一錢。蒺藜一錢。燈心五分。

右以水三碗煮取一碗去渣時時服之。

〔淺解〕 本方梔子、黃連、生地、羚羊、龍膽、清熱退翳。木賊、柴胡、蟬蛻、菊花、蒺藜、泄風解熱。赤芍和血。生甘和氣。眼疳病服瀉肝散後病勢已減。宜接服此方。消其翳膜。自能緩緩收功。

(三) 逍遙散 (局方)

見本證肝疳類各方淺解。

(四) 羊肝散 (金鑑方)

青羊肝一具。(去筋膜。切韭葉厚片) 人參一錢。羌活一錢。白朮一錢。(土炒) 蛤粉一錢。

右為細末。令勻聽用。將藥置荷葉上。如錢厚一層。鋪肝一層。包固。外以新青布包裹。蒸熟。任兒食之。如不食者。及夏月恐腐壞。則曬乾為末。早晚白湯調服。服完再合。以好為度。若熱者減人參。

〔淺解〕 本方以人參、白朮、和中

補正。羌活泄風。蛤粉平肝。以羊肝為君者。以肝能入肝。同氣相求。故能清肝明目也。眼疳病日久不瘥。法當調補。宜服此方。自能收效。

(五) 消疳無價散 (驗方)

見本證脾疳類各方淺解。

(六) 豬膽黃連丸 (胡氏家傳方) 豬膽五枚。胡黃連五錢。雄黃五錢。(細研) 夜明砂五錢。(細研) 麝香五分。(不入膽煮)

右研為末。以豬膽汁調藥稀稠得所。卻入原膽皮內。以線繫繫其口。米泔水煮五七沸。取出放冷。先以麝香於乳鉢內研細。卻入藥一處。同研。不用膽皮。只取出藥。候細。輒飯為丸。如大麻子大。每服十九。大兒加至十五丸。米飲送下。如疳氣盛。須用陳米飲送下。

〔淺解〕 本方豬膽、胡連、清熱明目。雄黃、麝香、辟穢殺蟲。夜明砂化疳

癰積。濕醫消膜。眼疳病諸藥不痊者。內有蟲也。必當佐以殺蟲之品。始克有功。宜服本方。

【鼻疳類各方】

(一) 清金散 (金鑑方)

生梔子一錢。黃芩一錢。枇杷葉一錢。(蜜炙) 生地黃二錢。天花粉二錢。連翹二錢。(去心) 麥冬一錢。(去心) 薄荷一錢。元參二錢。生甘草五分。桔梗五分。燈芯五分。

右以水三碗煮。取一碗。去渣。時時服之。

〔淺解〕 本方山梔、黃芩、清氣分之熱。生地、元參、清血分之熱。連翹清

營分之熱。枇杷葉、薄荷、桔梗、宣肺以泄風。花粉、麥冬、生津以潤燥。鼻疳病初起。肺有鬱熱。兼挾風邪也。宜服此方清泄之神效。

(二) 蔣氏化毒丹 (蔣氏方)

見初生諸病證(下)各方淺解類。

(三) 化蟲丸 (局方)

蕪荑二錢。生蘆薈二錢。青黛二錢。川芎二錢。白芷梢二錢。胡黃連二錢。川黃連二錢。蝦蟆灰二錢。

右爲細末。豬膽汁浸糊爲丸。如麻子大。每服二十九。食後杏仁煎湯下。

〔淺解〕 本方蕪荑、蘆薈、二連、蝦蟆、豬膽、殺蟲消疳。川芎、白芷、泄風。青

黛清熱。鼻疳病由蟲蝕者。宜化其蟲。蟲消疳自瘥也。當服此方。

(四) 鼻疳散 (湯氏方)

青黛一錢。麝香五釐。熊膽五分。

右爲細末。乾者用豬骨髓調貼。濕者乾上。

〔淺解〕 本方青黛、熊膽、清熱解毒。兼能殺蟲。麝香辟穢搜邪。

(五) 吹鼻蟬殼散 (驗方)

蟬殼二錢。(微炒) 青黛二錢。(研) 蛇蛻皮灰二錢。

滑石二錢。麝香五分。(研細) 右共爲細末。每用如蠶豆大。吹入

鼻中。日三用之。疳蟲盡出。〔淺解〕 本方蟬殼、蛇蛻、滑石、青

黛、係一派清熱殺蟲之品。微用麝香者。藉其辛香走竄之力。使藥力深入。以收全功。

(六)扶正湯(冰玉堂驗方)

地骨皮二錢。炙鱉甲一錢。
百部二錢。馬兜鈴一錢。人
參二錢。阿膠二錢。甘草五
分。黃耆二錢。麥冬二錢。
訶子一錢。

右以水三碗煮。取一碗。去渣。時時服之。

(淺解) 本方以地骨、鱉甲、退熱

除蒸。百部、兜鈴、入肺止咳。人參、甘草、黃耆、和中健脾。麥冬、阿膠、和陰養液。訶子、堅腸止痢。鼻疳病失治。鼻瘡久入不愈。午後身熱咳嗽。頻頻下痢不

已。形體消削。肌膚枯槁。病狀至此。肺脾俱傷。正氣衰微。至為危殆。速服此方。止痢止咳。扶脾養肺。或可有救。

(七)清金丸(冰玉堂驗方)

天花粉三錢。乾蘆根。三錢。
(去節)

右研為細末。水泛為丸。如黍米大。每服二十九。扶正湯送下。

(淺解) 本方花粉生津潤燥。蘆

根清金肅肺。鼻疳病如但服右方。而不服此丸。恐有助火生熱之虞。但服此丸。不服右方。恐清肅太過。有下痢不止之憂。必湯丸並進。則肺氣清肅。下痢自止。餘恙俱痊也。

(八)甘草白礬湯(驗方)

生甘草三錢。白礬三錢。

右煮成湯。乘熱時時洗之。

(淺解) 本方生甘解毒。白礬燥濕。鼻疳病浸淫潰爛。至為困苦。宜以此方洗之。即覺舒適。

(九)蘆薈黃連散(金鑑方)

蘆薈一錢。黃連一錢。黃柏一錢。

右共為細末。敷之。

(淺解) 本方蘆薈、二連清熱殺

蟲。

(一〇)保金湯(驗方)

生地黃二錢。麥冬二錢。天
花粉一錢。鮮蘆根三錢。連
翹一錢。枇杷葉一錢。

右以水三碗煮。取一碗。去渣。時時服之。

【淺解】本方生地、麥冬、花粉、養陰而保肺。連翹、枇杷葉、蘆根、清肅肺氣。以除病根。鼻疳病愈後。宜服本方數劑。使肺氣清肅。病根盡拔。不復發也。

【牙疳類各方】

(一)消疳蕪荑湯(金鑑方)

大黃一錢。芒硝一錢。蕪荑

一錢。生蘆蒼一錢。川連一

錢。胡連一錢。黃芩一錢。

雄黃一錢。

右以水三碗煮。取一碗。去渣。時時

服之。

【加減法】服後便軟及不食者。

去大黃芒硝。加石膏一錢。羚羊角一

錢。

【淺解】本方大黃、芒硝、二連、黃芩、瀉其毒熱。蕪荑、蘆蒼、雄黃、殺蟲消疳。牙疳病齧肉赤爛。痛疹。口臭血出。牙枯脫落。穿腮蝕唇。病勢危急。速服此方。瀉其毒熱。

(二)蘆蒼肥兒丸(太醫局方)

見本證牙疳類各方淺解。

(三)牙疳散(金鑑方)

人中白二錢。(煨存性) 綠

礬二錢。(燒紅) 五倍子二

錢。(炒黑) 冰片二分。

右研為極細末。先用水拭淨牙齒。

再以此散敷之。有蟲者加檳榔二錢。

【淺解】本方人中白清解熱毒。

綠礬五倍收水斂濕。冰片行毒辟穢。

兼能消腫。

(四)蘆蒼消疳飲(金鑑方)

見本證牙疳類各方淺解。

(五)人參茯苓粥(金鑑方)

見本證牙疳類各方淺解。

(六)溺白散(金鑑方)

見本證牙疳類各方淺解。

(七)蘆蒼散(金鑑方)

見本證牙疳類各方淺解。

(八)勒馬聽微絲(金鑑方)

見本證牙疳類各方淺解。

(九)青蓮膏(金鑑方)

見本證牙疳類各方淺解。

(一〇)牙疳洗方(驗方)

黑山梔五錢。連翹五錢。金

銀花五錢。黃芩五錢。白芷

五錢。黃柏五錢。玄參五錢。

生石膏三錢。胡黃連一錢二分。桑白皮一錢二分。桔梗一錢二分。射干一錢二分。銀柴胡一錢二分。當歸尾一錢一分。牡丹皮一錢一分。茜草一錢一分。赤芍一錢一分。燈芯三十根。

右以水煎湯。時時洗之。

〔淺解〕 本方係一派清熱解毒之品。所以清解胃中火毒也。

【脊疔類各方】

(一) 蘆薈丸 (證治準繩方)

生蘆薈五錢。青黛五錢。硃砂五錢。熊膽五錢。胡黃連五錢。貫衆五錢。地龍五錢。(微炒) 川黃連五錢。蟬

蛻五錢。(去足) 雷丸五錢。麝香一錢。蝦蟆一個。(酥塗炙焦)
右爲細末。用蝸角肉研和丸。如麻子大。每服五丸。粥飲下。量兒大小與之。

〔淺解〕 本方蘆薈、青黛、熊膽、胡連、貫衆、川連、雷丸、蝦蟆、清熱殺蟲。地龍、蟬蛻、搜風殺蟲。麝香辟穢殺蟲。硃砂解毒殺蟲。脊疔病由蟲蝕其疔而成。速服此丸。殺其蟲。蟲滅疔自愈也。

(二) 金蟾散 (太平聖惠方)

蟾一枚。(酥塗炙焦) 夜明砂三錢。(炒) 桃白皮三錢。樗根白皮三錢。地榆三錢。黃柏三錢。訶黎勒皮三錢。

(煨) 百合三錢。人參三錢。大黃三錢。白蕪荑三錢。(炒) 胡粉三錢。板榔一錢。丁香三十七粒。
右爲細末。每服五分。粥飲調下。

〔淺解〕 本方蟾、夜明砂、桃白皮、白蕪荑、胡粉、殺蟲消疔。樗白皮、訶黎勒、堅腸止痢。大黃、黃柏、地榆、清解鬱熱。板榔、丁香、利氣行滯。人參補脾。百合補肺。脊疔病服蘆薈丸後。宜接服此方消其疔。自可漸漸痊愈。

(三) 地骨皮飲 (冰玉堂驗方)

地骨皮二錢。蝦蟆一錢。(酥塗炙焦) 雷丸一錢。人參一錢。炙鱉甲一錢。百合一錢。金狗脊二錢。厚杜仲二

錢。黃耆一錢。白蕪荑一錢。

(炒)

右以水三碗煮。取一碗。去渣。時時服之。

〔淺解〕 本方地骨、鱉甲、退熱除

蒸。蝦蟇、雷丸、蕪荑、殺蟲消疳。狗脊、杜仲、強腰補脊。人參、黃耆、和中補脾。百

合養肺和陰。脊疳病失治。脊脊間蟲

生益多。脊骨愈空。形體疴麻。身背偃

飯食不思。至爲危殆。姑以此方常服。或可有救。

(四) 補脊丸 (冰玉堂驗方)

金狗脊五錢。厚杜仲五錢。

炒川斷五錢。人參五錢。豬

脊髓五錢。

右研爲細末。蜜丸黍米大。每服二十九。米湯送下。

〔淺解〕 本方人參和中補氣。狗

脊、杜仲、川斷、堅筋強骨。兼補脊虛。豬

脊大補骨髓。脊疳病愈後。脊中空虛。時時作痛。調養之法。宜常服此丸。自能漸漸復元。

(五) 青黛丸 (證治準繩方)

青黛一分。(研細) 硃砂一

分。(研細) 夜明砂一分。(微

炒) 定粉一分。蟾酥五釐。

(研入) 熊膽五釐。(細研)

羚羊角屑五釐。犀角屑五

釐。黃連五錢。(去鬚) 麝

香一錢。(細研)

右搗羅爲末。粳飯爲丸。如菉豆大。

小兒服二九。大兒服三九。粥飲送下。

〔淺解〕 本方青黛、硃砂、夜明砂、

定粉、蟾酥、熊膽、黃連、殺蟲消疳。羚羊角、清熱解毒。麝香辟穢殺蟲。

〔類疳類各方〕

(一) 使君子散 (證治準繩方)

使君子十個。(瓦上炒爲末)

苦楝子五個。(泡去核)

白蕪荑一錢。甘草一錢。(臈

汁浸一宿)

右爲末。每服一錢。水調服。

〔淺解〕 本方使君子、苦楝、蕪荑、殺

蟲消疳。然恐有傷中氣。故以甘草和之。

(二) 下蟲丸 (六科準繩方)

苦楝根皮二錢。(新白者佳。酒

浸焙。木香二錢。桃仁二錢。

（浸去皮尖）綠包貫衆二錢。

蕪荑二錢（焙）雞心

檳榔二錢。輕粉五分。鶴虱

一錢（炒）乾蝦蟆三錢（炒

黑）使君子三錢（去肉煨）

右共研細末。麵糊成丸。如麻子大。

每服二十九。滾白水下。

〔淺解〕本方苦棟、貫衆、蕪荑、輕

粉、鶴虱、蝦蟆、使君子、殺蟲消疳。以檳榔、

木香、桃仁、行氣破血。乘其下行之性。

送蟲外出。故曰下蟲丸也。

（三）肥兒丸（金鑑方）

見本證疳類各方淺解。

（四）白朮散（冰玉堂驗方）

見初生諸病證（下）各方淺

解類。

【無辜疳類各方】

（一）柴胡飲（金鑑方）

赤芍一錢。柴胡一錢。黃連

五分。半夏一錢（薑製）

桔梗八分。夏枯草一錢。龍

膽草一錢。浙貝母二錢。黃

芩八分。生甘草八分。燈芯

五分。

右以水三碗煮。取一碗。去渣。頓服。

〔淺解〕本方柴胡、桔梗、泄熱。黃

連、黃芩、夏枯、龍膽、清熱。浙貝、半夏、化

痰。甘草和氣。赤芍和血。無辜疳病面

黃發熱。治宜先清其熱。當服此方。

（二）蘆薈肥兒丸（太醫局方）

見本證肝疳類各方淺解。

（三）肥兒消疳丸（金鑑方）

人參一兩。白朮一兩。炙綿

耆一兩。炙甘草一兩。白茯苓

一兩。五穀蟲一兩。蕪荑

一兩。使君子一兩。銀柴胡

一兩。蝦蟆四個（煨）鶴虱

八錢（炒）扁豆二兩（炒）

山藥二兩（炒）山查一

兩。麥芽一兩（炒）

右共研細末。醋糊爲丸。如黍米大。

每服一錢。米飲下。

〔淺解〕本方人參、白朮、綿耆、甘

草、茯苓、扁豆、山藥、和中健脾。五穀、蕪

荑、使君子、蝦蟆、鶴虱、殺蟲消疳。山查、麥

芽、消食化積。柴胡退熱除蒸。無辜疳

病失治。蟲蝕臟腑。便利膿血益甚。形

體消削。午後煩熱。面色萎黃。頭大髮
豎。手足細弱。此正氣衰微。病勢壅盛
也。姑以此方常服。或可有救。

【四】肥兒丸（金鑑方）

見本證脾胃類各方淺解。

【五】白朮散（冰玉堂驗方）

見初生諸病證（下）各方淺
解類。

【丁奚疳類各方】

【一】五疳消積丸（莊氏方）

使君子肉五錢。（炒） 麥芽

一兩。（炒） 陳皮一兩。神

精一兩。（炒） 山楂一兩。

白蘼蕪三錢。黃連三錢。龍

膽草三錢。

右爲細末。陳米飯爲丸。每服一錢。

米飲下。

〔淺解〕 本方使君、蕪蕪、黃連、龍

膽、殺蟲化疳。陳皮、山楂、麥芽、神精、消

食破積。丁奚疳病宜先服本方。化其

積滯。繼用人參啟脾丸理其脾。病可

漸愈。

【二】人參啟脾丸（醫學入門方）

人參五錢。白朮五錢。（土炒）

白茯苓五錢。陳皮四錢。

扁豆五錢。（炒） 山藥五錢。

（炒） 木香二錢。（煨）

穀芽三錢。（炒） 神精三錢。

（炒） 炙甘草二錢。

右爲細末。煉蜜爲丸。重一錢。用建

蓮湯化下。

〔淺解〕 本方參、朮、苓、草、扁豆、山

藥、和中補脾。木香、陳皮、利氣行滯。穀

芽、神精、運中消食。丁奚疳病服五疳

消積丸後。病勢已減。而正氣虛弱。不

堪再行消導。宜接服本方。自能緩緩

收功。

【三】鼠肉方（驗方）

以鼠肉炙熟食之。

〔淺解〕 鼠肉味甘性熱。善治骨

蒸勞極。四肢勞瘦。疳瘦。疳熱。疳疾。腹

大。食食等症。

【四】烏骨雞子方（驗方）

烏骨雞子一枚。破其殼少許。納

蜘蛛一枚於內。以濕紙糊竅。文

武火煨熟。去蜘蛛食之。數枚即

效。

〔淺解〕 本方蜘蛛性微寒。有小

毒。善治小兒大腹腹痛。佐以烏骨雞子。使補益脾胃。去病而不傷正。

【哺露疳類各方】

(一) 集聖丸 (證治準繩方)

蘆薈二錢。(微炒) 五靈脂

二錢。(炒) 夜明砂二錢。(淘

洗焙乾) 縮砂二錢。木香

二錢。陳皮二錢。莪朮二錢。

使君子肉二錢。黃連二錢。

川芎二錢。(酒洗炒) 乾

薑二錢。(炙) 當歸一錢五

分。青皮二錢。(製)

右爲細末。用雄豬膽二個。取汁和

麵糊爲丸。每服一錢。米飲送下。

〔淺解〕 本方豬膽、蘆薈、五靈、夜

明砂、使君、黃連、乾薑、殺蟲消疳。縮砂、

木香、陳皮、青皮、莪朮、利氣行滯。川芎、當歸、和血活血。哺露疳病宜先服此方。消其積滯。然後以肥兒丸清理其脾。庶可痊愈。

(二) 肥兒丸 (金鑑方)

見本證脾胃類各方淺解。

(三) 人參丸 (太平聖惠方)

人參二錢。麥冬二錢。(去心)

半夏二錢。(薑製) 大黃

二錢。(微炒) 黃耆二錢。(炙)

白茯苓二錢。柴胡二錢。

黃芩二錢。炙甘草二錢。川

芎二錢。訶黎勒二錢。(煨)

炙鱉甲二錢。

右爲細末。煉蜜爲丸。如麻子大。以粥飲下。量兒大小用之。(小兒服二

十九。大兒服三十九)

〔淺解〕 本方人參、甘草、黃耆、茯

苓、和中補脾。麥冬、養胃補液。半夏、利

氣。川芎活血。大黃、黃芩、清解鬱熱。柴

胡、鱉甲、退熱除蒸。用訶黎勒者。恐大

黃攻蕩太過。有傷腸胃。故以此堅腸

調中者監制之。使其但去鬱熱而不

傷正氣也。哺露疳病日久不愈。肚大

青筋。宜清補兼施。當服本方。

(四) 白朮散 (冰玉堂驗方)

見初生諸病證(下)各方淺

解類。

雜病證

總綱

一 雜病證其分幾類。

共三分類

- 一、二便秘結類。
- 二、氣虛脫肛類。
- 三、肛腫翻肛類。
- 四、龜胸類。
- 五、龜背類。
- 六、五軟類。
- 七、五遲類。
- 八、五遲類。
- 九、鶴膝風類。
- 一〇、解顛類。
- 一一、顛陷類。
- 一二、顛填類。
- 一三、中惡類。

雜病證

二 雜病證各病之主要治法如何。

- 一、二便小便秘瀉——八正散。
秘結大便秘結——神芎丸。
- 二、氣虛脫肛 補中益氣湯。真人養臟湯。
- 三、肛腫翻肛 皂刺大黃湯。
- 四、龜胸 寬氣散。百合丹。
- 五、龜背 松蘿丹。
- 六、五軟 補腎地黃丸。扶元散。
- 七、五鞭 小續命湯。烏藥順氣散。
- 八、五遲 加味地黃丸。補中益氣湯。
- 九、鶴膝風 大防風湯。補腎丸。
- 一〇、解顛 補腎地黃丸。扶元散。
- 一一、顛陷 補中益氣湯。

肝氣盛——瀉青丸。
裏熱盛——大連翹飲。
因表邪——防風升麻湯。
堅硬不熱——理中湯。

- 一三、中惡 蘇合香丸。皂角末方。
- 三 五軟、五遲、解顛、顛陷等病。何由而生。
- 五軟、五遲、解顛、顛陷等病。俱由先天不足。腎氣虛弱使然。
- 四 雜病證各病之主要調養法如何。
- 五軟、五遲、解顛、顛陷等病。全賴乳食充足。調養得宜。常服補腎補氣之藥。始得痊愈。
- 五 雜病證各病失治。有何變症。
- 龜背失治。每令偃僂曲折。背高如

龜成爲終身痼疾。中惡失治。每令氣閉而死。五軟五遲。解顛顛陷等病。失治。每令形體衰弱。而多不育。

一二便秘結類

【病源】

乳食停滯。乳食停滯生熱。結於腸胃。以致二便秘結。遂成二便秘結病。

【病狀】

舌乾口渴。二便秘結病其候舌乾口渴。面赤唇焦。熱積則小便秘滯。少腹滿急。食積則大便秘。腹脹痛。

【變症】

脹痛難忍。二便秘結病失治。二便不通。腹脹難忍。小便處起如粟狀。呻吟呼號。不可終日。

【療法】

舌乾口渴之療法。二便秘結病其候舌乾口渴。面赤唇焦。熱積則小便秘滯。少腹滿急。入正散主之。食積則大便秘。腹脹痛。神芩丸主之。

【調養】

一、乳食有度。二便秘結病預防法。乳食宜節制。忌食辛辣香燥。煎炒炙燒。膏粱厚味等物。

二、用皮硝法。二便秘結病宜兼用皮硝法。法以皮硝三錢（水化開）香油一小盞。皂角末五分。共入豬尿胞內。用竹管插入胞口。以線紮緊頭。

插入穀道內。用力擠藥。射入即通。

三、薄粥自養。二便秘結病愈後。不可驟與飯。宜食薄粥自養。待胃氣

調和。然後可與飯食。

氣虛脫肛類

【病源】

瀉痢日久。瀉痢日久。中氣下陷。腸胃薄弱。遂令肛門滑脫不收。而成氣虛脫肛病。

【病狀】

面色青黃。氣虛脫肛病面色青黃。指梢冷。脈沉細。唇淡白。

【變症】

瀉痢不禁。氣虛脫肛病失治。脫肛久久不瘥。瀉痢不禁。面黃肌瘦。精神萎靡。令兒虛脫也。

【療法】

面色青黃之療法。氣虛脫肛病面色青黃。指梢冷。脈沉細。唇淡白。宜

溫補爲主。先以補中益氣湯。升提其氣。再以真人養臟湯。溫補固滑。外以瀉腸散。摻之。則氣升肛澀。而腸自收矣。

【調養】

一、忌食生冷。氣虛脫肛病忌食生冷黏滑等物。

二、不可奔跑。氣虛脫肛病兒宜靜自休養。不可奔跑勞力。

三、服黃耆湯。氣虛脫肛病愈後。宜常服黃耆湯。培補脾胃。使正氣健旺。病不復發。

肛腫翻肛類

【病源】

積熱太盛。小兒積熱太盛。以致肛門作腫。大便艱難。努力翻出。肛脫

不還。遂成肛腫翻肛病。

【病狀】

肛門熱痛。肛腫翻肛病。肛門熱痛異常。大便艱難。努力翻出。肛脫不還。

【變症】

啼哭不已。肛腫翻肛病。失治。肛脫不還。熱痛如刺。大便不行。行走不便。坐立不安。啼哭不已。殊爲困苦。

【療法】

肛門熱痛之療法。肛腫翻肛病。肛門熱痛異常。大便艱難。努力翻出。肛脫不還。外用蟠龍散。消其腫。內服皂刺大黃湯。其腫一消。肛自收矣。

【調養】

一、忌食辛辣。肛腫翻肛病忌食

辛辣香燥。煎炒炙爆等物。

二、銀花泡飲代茶。肛腫翻肛病。宜以金銀花三錢。連翹三錢。泡飲代茶。清解熱毒。病自輕可。

三、切戒努脹。肛腫翻肛病初愈。大便時至要注意。切戒努脹。犯之。令病復發也。

龜胸類

【病源】

風邪所傷。小兒飲食不節。瘦勢熾盛。復爲風邪所傷。風熱相搏。以致肺經脹滿。攻於胸膈。高如覆杯。遂成龜胸病。

【病狀】

咳嗽喘急。龜胸病。肺經脹滿。攻於胸膈。高如覆杯。咳嗽喘急。身體羸

瘦。

【變症】

氣急鼻煽。龜胸病失治。風痰壅盛。肺經脹塞益劇。胸膈益高。咳嗽時作。氣急喘促。鼻煽。令肺氣閉塞而死。

【療法】

一、咳嗽喘急之療法。龜胸病肺經脹滿。攻於胸膈。高如覆杯。咳嗽喘急。身體羸瘦。治宜清肺化痰為主。先以寬氣飲開其氣道。再以百合丹除其壅滯。肺熱清而脹滿自除矣。

二、氣急鼻煽之療法。龜胸病失治。風痰壅盛。肺經脹塞益劇。胸膈益高。咳嗽時作。氣急喘促。鼻煽。令肺氣閉塞而死。雖然。未可棄而不治。姑與鼠腎葶藶湯。以希萬一。

【調養】

一、乳食有節。龜胸病乳食宜有節制。忌食一切生冷黏滑等物。

二、宜避風邪。龜胸病宜避風邪。

三、服參鬚湯。龜胸病愈後。宜服參鬚湯以補正氣。自易復元。

龜背背類

【病源】

髑骨未堅。小兒髑骨未堅。強令獨坐。被客風吹入脊脊。遂致背高如龜。是謂龜背病。

【病狀】

僵僕曲折。龜背病僵僕曲折。背高如龜。

【變症】

終身痼疾。龜背病生在兒生後。

百日內者。死不治。百日外者。宜速治。失治則久久不愈。成爲終身痼疾。

【療法】

僵僕曲折之療法。龜背病僵僕。曲折。背高如龜。內以松蕊丹調治之。外用聖惠灸穴法。灸肺俞、心俞、膈俞、三穴三五壯。或以龜尿點骨節上。亦可得效。

【調養】

一、不可早坐。龜背病預防法。小兒髑骨未堅。不可強令獨坐。

二、宜避風邪。龜背病宜避風邪。

五五軟類

【病源】

稟受不足。小兒稟受不足。氣血不充。故骨脈不強。筋肉痿弱。而成五

軟病。

【病狀】

頭手足軟 五軟病頭項軟。手軟。足軟。口軟。肌肉軟。頭軟者。項軟無力也。手足軟者。四肢無力也。肉軟者。皮寬不長肌肉也。口軟者。唇薄無力也。

【變症】

每多不育 五軟病失治。五軟久。久不瘥。形體衰憊。每多不育。

【療法】

頭手足軟之療法 五軟病頭項軟。手軟。足軟。口軟。肌肉軟。治宜補氣為主。先以補腎地黃丸。補其先天精氣。再以扶元散補其後天羸弱。漸次調理。而五軟自強矣。

【調養】

一、常服四君子湯 五軟病愈後。宜常服四君子湯。補其中氣。中氣健旺。兒體自強。病不復發也。

二、乳食充足 五軟病患者宜乳食充足。乳母當用強有力而乳汁充足者。

三、忌食滯氣物 五軟病患者脾胃薄弱。飲食最要謹慎。一切不易消化滯氣之品。俱勿食之。如糯米糕、糰子、黍飯、山芋、芋艿、栗子、落花生、西瓜子等。犯之。每令消化不良。而生疳積。

五鞭類

【病源】

陽氣不榮 兒陽氣虛衰。不榮於四末。每令成五鞭之證。

【病狀】

手足心冰涼 五鞭病仰頭取氣。難以動搖。氣壅疼痛。連胸膈間。手足心冰涼而靦。

【變症】

變為痲疾 五鞭病失治。病久不瘥。邪氣留連。雖無生命危險。然變為痲疾。每成廢人。

【療法】

手足心冰涼之療法 五鞭病仰頭取氣。難以動搖。氣壅疼痛。連胸膈間。手足心冰涼而靦。重者以小續命湯疏其風。輕者以烏藥散調其氣。若肝木乘脾。食少氣弱者。加味六君子湯治之。內外交治。而證自日瘥矣。

【調養】

一、忌食生冷 五鞭病忌食生冷水果、黏滑肉麵等物。

二、忌受風冷 五鞭病忌受風冷。

三、宜服六君子湯 五鞭病愈後。

宜服六君子湯和之。自易復元。病不復發。

五遲遲類

【病源】

先天有虧 小兒五遲之證。多因父母氣血虛弱。先天有虧所致。

【病狀】

節骨軟弱 五遲病兒生下筋骨軟弱。行步艱難。齒不速長。坐不能穩。頭髮稀少。

【變症】

令兒不育 五遲病失治。每令不育。

育。即長大後。亦多瘦弱無能。

【療法】

筋骨軟弱 五遲病兒生下筋骨軟弱。行步艱難。齒不速長。坐不能穩。

要皆腎氣不足之故。先用加味地黄丸滋養其血。再以補中益氣湯調養其氣。

又足少陰為腎之經。其華在髮。若少陰之血氣不足。即不能上榮於髮。令髮稀少。菖勝丹主之。

又有驚邪入心氣。至四五歲尚不能言者。菖蒲丸主之。

【調養】

一、乳食宜充足 五遲病宜乳食充足。乳母當用強有力而乳汁充足者。

二、常服六味地黃丸 五遲病雖已小愈。宜接服六味地黃丸。常服勿

輟。腎氣健旺。腳力充足。精神奮發。兒自活潑。

三、參鬚湯代茶 五遲病病中宜常以參鬚湯代茶。補其虛弱。養其脾胃。正氣健旺。自易痊可。

鶴膝風類

【病源】

稟賦不足 小兒稟賦不足。血氣不榮。肌肉削瘦。遂致骨節外露。而成鶴膝風。皆腎虛不能生精髓之故也。

【病狀】

膝蓋愈大 鶴膝風病肌肉削瘦。骨節外露。筋脈孳縮。股漸細小。而膝蓋愈大。

【變症】

潰流敗漿。鶴膝風病失治。日久則潰。時流敗漿。腥穢異常。肌肉消削。形容枯槁。午後骨蒸。飯食不思。每成損症。死不治。

【療法】

一、膝蓋愈大之療法。鶴膝風病肌肉削瘦。骨節外露。筋脈孳縮。股漸細小。而膝蓋愈大。須先服大防風湯。繼以補腎地黃丸治之。庶氣血充而證自愈矣。

二、潰流敗漿之療法。鶴膝風病

失治。日久則潰。時流敗漿。腥穢異常。肌肉消削。形容枯槁。午後骨蒸。飯食不思。每成損症。死不治。雖然。坐待其斃。於心何忍。姑以芙蓉葉五錢。菊花

葉五錢。大麥米飲拌勻貼之。或豆腐渣蒸熱。追餅貼之。內服參耆補腎地黃丸。或可有救。

【調養】

一、膝部忌受風邪。鶴膝風病膝部忌受風寒。

二、乳汁充足

鶴膝風病乳母宜擇強有力而乳汁充足者。使兒調養合宜。身體自健。虛弱可復。

三、服參耆六味地黃丸

鶴膝風病愈後。宜接服參耆六味地黃丸數月。使正氣健旺。病不復發。

解顛類

【病源】

腦髓不足。腎主髓。腦為髓海。腎氣有虧。腦髓不足。遂令顛大骨縫不

合。而成解顛之證。

【病狀】

面色皚白。解顛病顛大骨縫不合。面色皚白。形體瘦弱。目多白睛。悲愁少笑。

【變症】

每令不育。解顛病失治。骨縫久久不合。兒多病痛。每令不育。

【療法】

面色皚白之療法。解顛病顛大骨縫不合。面色皚白。形體瘦弱。目多白睛。悲愁少笑。治宜補養腎氣為主。先以補腎地黃丸滋補其陰。再以扶元散補養其氣。外用封顛散攤貼之。則精血稍充。或可轉危為安也。

【調養】

一、乳食充足 解顛病乳母宜擇強有力而乳汁充足者。使兒調養合宜。身體自健。虛弱可復。

二、時宜戴帽 解顛病天氣稍寒。即宜戴帽。以顛門開處。兒抵抗力薄弱。最易感受風冷也。

三、參耆六味地黃丸 解顛病愈後。宜接服參耆六味地黃丸。常服勿輟。兒體自健。

顛陷類

【病源】

瀉痢日久 小兒臟腑有熱。渴飲水漿。致成瀉痢。久則脾氣虛寒。不能上充腦髓。故顛陷成坑。是謂顛陷病。

【病狀】

面目青黃 顛陷病顛陷成坑。面

目青黃。四肢逆冷。六脈沉緩。神氣慘淡。

【變症】

顛陷不起 顛陷病失治。顛陷不起。兒多病痛。每多不育。

【療法】

面目青黃之療法 顛陷病顛陷成坑。面目青黃。四肢逆冷。六脈沉緩。神氣慘淡。先以補中益氣湯升提其氣。再以固真湯溫補其脾。外用烏附膏。攤貼於陷處。極效。

【調養】

一、忌食生冷 顛陷病忌食生冷。水果黏滑等伐脾之品。

二、宜服四君子湯

顛陷病愈後。宜接服四君子湯數月。和中健脾。使

不復發。

三、時宜戴帽 顛陷病天氣稍寒。即宜戴帽。以顛門開處。兒抵抗力薄弱。最易感受風冷也。

顛填類

【病源】

寒熱乘脾 乳哺無度。或寒或熱。乘於脾經。致使臟腑不調。其氣上衝。為之填脹腫突。遂成顛填病。

【病狀】

胸高氣促 顛填病顛門填脹腫突。現證毛髮憔悴。頻頻出汗。胸高氣促。口唇色紅。

【變症】

氣益壅滯 顛填病失治。由邪氣壅盛者。其邪益盛。氣益壅滯。顛門脹

突而腫。胸高益盛。氣促而喘。鼻煽。有生命危險也。

【療法】

胸高氣促之療法 顛填病頤門
填脹腫突。現證毛髮憔悴。頤頻出汗。
胸高氣促。口唇色紅。須分虛實治之。
肝氣盛者。瀉青丸主之。裏熱盛者。大
連翹飲主之。因表者。防風升麻湯主
之。堅硬不熱者。屬陰。理中湯主之。

【調養】

一、忌食辛辣 顛填病忌食辛辣
香燥。煎炒炙燥。雞鵝羊肉。蝦蟹海腥
等物。

二、不可啼叫 顛填病不可使兒
啼叫。否則顛脹益劇也。

三、宜避風邪 顛填病宜避風邪。

雜 病 證

中惡類類

【病源】

邪惡所觸 小兒神氣未充。一為
邪惡所觸。遂令中惡。

【病狀】

目閉面青 中惡病神魂離舍。目
閉面青。悶亂不省人事。

【變症】

氣閉而死 中惡病失治。穢惡壅
盛。每令氣閉而死。

【療法】

目閉面青之療法 中惡病神魂
離舍。目閉面青。悶亂不省人事。速以
蘇合香丸除其邪。外以皂角末吹鼻
中。開通其閉。嚏出則氣通而甦矣。

【調養】

一、忌開穢氣 中惡病忌開一切
穢惡之氣。

二、忌食生冷 中惡病忌食一切
生冷水果黏滑肉麵。

結論

雜病證各病中。氣虛脫肛。五軟。五
遲。鶴膝風。解顛。顛陷等病。俱屬虛弱。
宜填補為主。二便秘結。肛腫翻肛。龜
胸。龜背。五鞭。顛填。中惡等病。俱屬實
證。宜祛邪為要。虛實誤治。毫釐千里。
不可不察也。

雜病證各方淺解類

【二便秘結類各方】

(一)八正散(衛生寶鑑方)

見初生諸病證(上)各方淺

解類。

【二】神芎丸（劉河間方）

大黃一兩。滑石一兩（水飛）

薄荷四錢。川芎四錢。黃

芩五錢。黃連五錢。生牽牛

四錢。

右共爲細末。滴水爲丸。如黍米大。

每服五丸。蜜湯化下。

【淺解】本方大黃、黃芩、黃連、清

胃熱。通大便。滑石、牽牛、清膀胱。利小

便。薄荷、川芎、疏邪泄熱。

【氣虛脫肛類各方】

（一）補中益氣湯（李東垣方）

見瀉病證各方淺解類。

（二）真人養臟湯（太平惠民和

劑局方）

見痢疾證各方淺解類。

【三】溫腸散（證治準繩方）

訶子三錢。赤石脂三錢。龍

骨三錢。（煨）

右爲細末。用臘茶調敷和藥。摻腸

頭上。綿帛揉入。

【淺解】本方係一派斂澀之品。

調敷腸頭上。使藥性內行。則氣升肛

澀而腸自收矣。

（四）黃耆湯（冰玉堂驗方）

見水腫證各方淺解類。

【肛腫翻肛類各方】

（一）蟠龍散（曾氏方）

乾地蟠龍一兩。（略去土焙）

風化朴硝二錢。

右剉研爲細末。仍和勻。朴硝每以

二錢至三錢。肛門濕潤者乾塗。乾燥

者用清油調塗。先用荆芥生葱煎水

候溫洗浴。輕與拭乾。然後敷藥。

【淺解】本方以地龍泄風。朴硝

清熱消腫。

（二）皂刺大黃湯（醫宗金鑑方）

見失血證各方淺解類。

【龜胸類各方】

（一）寬氣飲（醫宗金鑑方）

杏仁三錢。（去皮尖炒） 桑

白皮三錢。（炒） 橘紅一錢。

蘇子二錢。（炒） 枳殼一

錢。（麸炒） 枇杷葉二錢。（蜜

炙） 麥門冬二錢。（去心）

生甘草五分。 苦葶藶八分。

右以水三碗煮。取一碗。去渣。頓服。

【淺解】本方以杏仁、桑皮、葶藶

蘇子、降氣肅肺。橘紅、枳壳、利氣化痰。枇杷葉宣肺泄風。麥冬、甘草、和中養胃。龜胸病宜先服本方。開其氣道。再以百合丹除其壅滯。肺熱清而脹滿自除矣。

(二)百合丹 (醫宗金鑑方)

百合五錢。天門冬五錢。杏

仁五錢。(炒去皮尖) 木通

五錢。桑白皮五錢。甜葶藶

五錢。石膏五錢。大黃三錢。

右爲細末。煉蜜爲丸。如菉豆大。量

兒大小服之。臨臥滾白水送下。

【淺解】 本方百合、天冬、補肺養

肺。杏仁、桑皮、葶藶、降氣肅肺。大黃、石

膏、清熱泄火。木通清利小便。

(三)鼠腎葶藶湯 (冰玉堂驗方)

雄鼠外腎一對 (即辜丸另煎)

葶藶子八分。桑白皮三錢。

杏仁三錢。(去皮尖) 人

參鬚一錢。(另煎)

右以水三碗煮。取一碗。去渣。和入

鼠腎、參鬚再煮。取大半碗。去渣。頓服。

【淺解】 本方以葶藶、桑皮、杏仁、

肅肺降氣。以治喘急鼻煽。鼠腎定驚。

參鬚和正。佐其不及。共收全功。

(四)參鬚湯 (冰玉堂驗方)

見初生諸病證 (上) 各方淺

解類。

【龜背類各方】

(一)松蕊丹 (張氏方)

松花一兩。枳壳一兩。(麩炒)

防風一兩。獨活一兩。麻

黃五錢。前胡五錢。生升太

黃五錢。桂心五錢。

右爲細末。煉蜜丸。如黍米大。每服

十九。粥飲送下。

【淺解】 本方松花、防風、獨活、麻

黃、桂心、散風祛邪。枳壳、前胡、利氣行

滯。大黃清熱攻積。龜背病由風襲脊

脊而成。散其風。行其滯。邪氣一解。病

自瘥也。惟此病宜初起卽治。乘其正

氣未衰。可一擊而散。若遷延日久。正

氣衰微。攻邪則傷正。補正則留邪。殊

難着手。故每每成爲終身痼疾。殊堪

(二)灸法 (聖惠法)

以艾炷如小麥。灸肺俞。(在背

部第三椎下兩旁。去脊各一寸

五分。或對乳引繩度之。心俞

(在背部第五椎下兩旁。相去

脊各一寸五分。正坐取之) 兩

俞(在背部第七椎下。去脊兩

旁各一寸半) 三穴。各三五壯。

〔淺解〕 用灸法者。使伏於背部

之風寒。藉火力以行散也。

【五軟類各方】

(一) 補腎地黄丸(醫宗金鑑方)

熟地黄一兩五錢。山萸肉一

兩。懷山藥八錢。(炒) 白

茯苓八錢。牡丹皮五錢。澤

瀉五錢。牛膝八錢。鹿茸五

錢。(酥炙)

右爲細末。煉蜜丸。如梧桐子大。每

服二錢。用鹽湯下。

〔淺解〕 本方以熟地、山萸、牛膝、

鹿茸、大補腎元。山藥、茯苓、和中補脾。

丹皮消毒挑痰。澤瀉利水行滯。

(二) 扶元散(醫宗金鑑方)

人參一錢。白朮一錢。(土炒)

白茯苓一錢。熟地黄二錢。

白茯苓二錢。黃耆一錢。

(蜜炙) 山藥一錢。(炒)

炙甘草五分。當歸一錢。

白芍藥一錢。川芎一錢。石

菖蒲一錢。

右加入生薑三片。紅棗三枚。以水

三碗煮。取一碗。去渣。頓服。

〔淺解〕 本方人參、白朮、茯苓、甘

草、黃耆、山藥、和中補脾。熟地、當歸、白

芍、川芎、補血和血。菖蒲、茯苓、安神定

志。

(三) 四君子湯(太平惠民和劑

局方)

見驚風證各方淺解類。

【五鞭類各方】

(一) 小續命湯(千金方)

人參一錢。麻黃一錢。川芎

一錢。黃芩一錢。芍藥一錢。

甘草一錢。(炙) 防風一

錢。官桂一錢。(去皮) 附

子一錢。(泡去皮臍) 杏仁

一錢。(炒去皮尖) 漢防己

一錢。

右加入生薑三片。紅棗三枚。以水

三碗煮。取一碗。去渣。頓服。

〔淺解〕 此爲治一切中風之要

方。凡六脈浮緊。風氣太盛。心火暴升。痰涎壅遏於經絡中者均宜之。方中麻黃、杏仁、麻黃湯也。仲景用治太陽證之傷寒。桂枝、芍藥、桂枝湯也。仲景治太陽證之中風。故中風而有頭痛身熱脊強者。皆在所必用也。人參、甘草、四君子之二也。局方用以補氣。芍藥、川芎、四物湯之二也。局方用以養血。故中風而有氣虛血虛者。在所必用也。風淫未疾。佐以防己。陰淫寒疾。佐以附子。陽淫熱疾。佐以黃芩。蓋病不單來。雜沓而至。故其用藥。亦兼該也。附子通行經絡。有斬關奪將之勢。能行人參輩。並行於十二經。以追散失之元陽。又引麻黃、防風、杏仁輩。散表開腠理。以驅在表之風寒。又引川

芎、芍藥輩。入血分行血養血。以滋養虧損之真陰。

(二) 烏藥順氣散 (太平惠民和劑局方)

麻黃一錢。白芷一錢。川芎一錢。桔梗一錢。枳殼一錢。

(炒) 礞石一錢。(炒)

烏藥一錢。炮薑一錢。生甘草一錢。橘紅一錢。

右引葱白三枚。以水三碗煮。取一

碗。去渣。頓服。

(淺解) 本方麻黃、白芷、川芎、桔

梗、礞石、泄風、疏邪。枳殼、烏藥、橘紅、利

氣行滯。炮薑溫寒。甘草和中。

(三) 加味六君子湯 (醫宗金鑑

方)

人參一錢。白朮一錢。炮薑

一錢。陳皮一錢。半夏一錢。

(製) 白茯苓一錢。炙甘

草一錢。升麻一錢。(蜜炙)

柴胡一錢。(醋炒) 肉桂

一錢。

右以水三碗煮。取一碗。去渣。頓服。

(淺解) 本方以參、朮、苓、草和中

補脾。半夏、陳皮、利氣行滯。升麻、柴胡、

升陽利氣。肉桂、乾薑、溫陽散寒。

(四) 六君子湯 (太平惠民和劑局方)

局方)

見癩病證各方淺解類。

【五遲類各方】

(一) 加味地黃丸 (醫宗金鑑方)

熟地黃一兩。山萸肉一兩。

懷山藥八錢。(炒) 白茯苓

八錢。澤瀉五錢。牡丹皮五

錢。鹿茸三錢。(炙) 五加

皮五錢。麝香五分。

右爲細末。煉蜜丸。如梧桐子大。大兒每服二錢。小兒一錢五分。鹽湯送下。

〔淺解〕 本方熟地、山萸、鹿茸、補

腎。山藥、茯苓和中補脾。丹皮行瘀消

毒。澤瀉利水行滯。五加、麝香、行氣舒

氣。

(二) 補中益氣湯 (李東垣方)

見瀉病證各方淺解類。

(三) 菖勝丹 (張漢方)

當歸一兩。(洗焙) 生地黃

一兩。白芍藥一兩。(炒)

菖勝子二兩。(碾) 胡粉三

錢。(碾)

右同研勻。煉蜜爲丸。如黍米大。每

服十粒。煎黑豆湯下。

〔淺解〕 本方係養血生髮之劑。

(四) 菖蒲丸 (錢乙方)

人參一錢。石菖蒲一錢。麥

門冬一錢。(去心) 遠志一

錢。(去心) 川芎一錢。當

歸一錢。(酒洗) 乳香一錢。

硃砂一錢。(水飛)

右爲細末。煉白蜜爲丸。如黍米大。

食遠用米湯送下。

〔淺解〕 本方人參、麥冬、補心氣。

川芎、當歸、補心血。菖蒲、遠志、行心氣

之滯。乳香行心血之滯。硃砂鎮心安

神。小兒至四五歲。尙不能言者。此心氣不足也。速服此方。自有神效。

(五) 六味地黃丸 (錢乙方)

見疳病證各方淺解類。

【鶴膝風類各方】

(一) 大防風湯 (太平惠民和劑

局方)

人參一錢。白朮一錢。(土炒)

白茯苓三錢。甘草一錢。

(炙) 熟地黃一錢。當歸

身一錢。白芍藥一錢。(炒)

川芎一錢。黃耆一錢。(蜜

炙) 羌活一錢。防風一錢。

附子一錢。(製) 杜仲一

錢。牛膝一錢。

右加入生薑三片。紅棗三枚。以水

三碗煮取一碗。去渣。頓服。

〔淺解〕 本方以參、朮、苓、草、著、補氣和中。芎、歸、地、芍、和血養血。羌活、防風、疏風泄邪。杜仲、牛膝、堅筋強骨。附子溫陽散寒。

(一) 補腎地黃丸(醫宗金鑑方)

見本證五軟類各方淺解。

(二) 參耆補腎地黃丸(冰玉堂

驗方)

即於補腎地黃丸原方內加入

人參一兩。黃耆一兩。爲丸服法。

概依原方。

〔淺解〕 本方加入人參、黃耆者。兼補其氣也。

(四) 參耆六味地黃丸(冰玉堂

驗方)

即於六味地黃丸原方內加入

人參一兩。黃耆一兩。其餘爲丸服法。概依原方。(方見疴病證各方淺解類)

【解類類各方】

(一) 補腎地黃丸(醫宗金鑑方)

見本證五軟類各方淺解。

(二) 扶元散(醫宗金鑑方)

見本證五軟類各方淺解。

(三) 封類散(王氏方)

柏子仁四兩。防風四兩。天

南星四兩。

右爲細末。每用一錢。以豬膽汁調勻。攤在緋絹帛上。看顯大小。剪貼。一日一換。不得令乾。時時以湯潤動。

〔淺解〕 本方有封類之效。故曰

封類散。

(四) 參耆六味地黃丸(冰玉堂

驗方)

見本證鶴膝風類各方淺解。

【類類類各方】

(一) 補中益氣湯(李東垣方)

見瀉病證各方淺解類。

(二) 固真湯(證治準繩方)

見驚風證各方淺解類。

(三) 烏附膏(證治準繩方)

雄黃二錢。川烏五錢。附子

五錢。(生)

右爲細末。用生葱和根葉細切杵爛。入前藥末同煎作成膏。每早空心貼陷處。

〔淺解〕 本方以雄黃辟穢。川烏

附子温陽散寒。

(四)四君子湯(太平惠民和劑

局方)

見驚風證各方淺解類。

【顛填類各方】

(一)瀉青丸(錢乙方)

見驚風證各方淺解類。

(二)大連翹飲(醫宗金鑑方)

柴胡一錢。荆芥一錢。連翹

三錢。(去心) 木通一錢。

滑石三錢。(水飛) 梔子三

錢。蟬退一錢。(去足翅)

瞿麥三錢。當歸一錢。(酒洗)

赤芍藥一錢。黃芩一錢。

生甘草一錢。防風一錢。

右以水三碗煮取一碗去渣頓服。

【淺解】本方柴胡、荆芥、蟬退、防

風、疏風泄邪。連翹、黃芩、梔子、清火泄

熱。滑石、瞿麥、清利小便。當歸、赤芍、活

血養血。甘草和氣。

(三)防風升麻湯(證治準繩方)

麥冬二錢。(去心) 木通一

錢。甘草節一錢。山梔一錢。

升麻一錢。防風一錢。

右加入淡竹葉三錢。以水三碗煮

取一碗去渣頓服。

【淺解】本方升麻、防風、疏風泄

邪。山梔清熱。木通利水。甘草和中。麥

冬和陰。

(四)理中湯(傷寒論方)

見初生諸病證(上)各方淺

解類。

【中惡類各方】

(一)蘇合香丸(太平惠民和劑

局方)

見初生諸病證(上)各方淺

解類。



沈 香 春 著

衛生學

本書內容分二編：首編爲純粹衛生科學，專以討論衛生科學原理原則爲目的。先述空氣、土地、水三者，繼述人類生活必須的衣食住行四大端與人生的密切的關係。次編爲應用衛生學，目的是欲將生物學、醫學、衛生學上所發明的原理原則，盡量吸收，以期生活之改善，爲研究衛生學者必不可少之導師。

書中將家庭、學校、市政，以及工廠衛生之設施，又復詳加計畫，更足以引起讀者的興味。

精裝一冊定 價大洋六角
平裝一冊定 價大洋五角

中華民國廿四年五月廿七日收到

世界書局出版


中華民國二十四年四月初版

醫藥顧問大全
第五冊

小兒科 (全一冊)

定價大洋七角

(外埠酌加運費)



版權所有
不准翻印

編輯者

陸清潔

校訂者

陸士諤

發行者

陸士諤
世界書局有限公司代表人

出版者

上海大連路
世界書局

發行所

上海及各省

世界書局

本書負責校對者何衡孫



醫藥顧問大全 第五册 價洋七角